

বিষ্ণুগলো ১২ বকরর আলাম


সাম্মু

ঐশ্ব
কল্প

তিবুরা চাঙমা ছাত্র জধা
ধর্মনগর খেলা
বিষ্ণু-২০১১

সার্বিক উন্নয়নে উপজাতি স্বশাসিত জেলা পরিষদ উত্তর জোনাল

উপজাতি অধ্যুষিত অঞ্চলে পরিশ্রুত পানীয়জল সরবরাহের জন্য মিনি ডিপ টিউব ওয়েল সাফল্যের সহিত ১৩ টি স্থানে খনন করা হয়েছে ২০০৯-১০ আর্থিক বৎসরে। এতে উপকৃত হয়েছে ২০টি পাড়ায় ১২০০ পরিবার। মোট খরচ হয়েছে ৫১.৪৮ লক্ষ টাকা।




দরিদ্র উপজাতি পরিবারদের আর্থিক উন্নয়ন একটি বড় চেলেশ্ব। রাবার চাষ আর্থিক উন্নয়নে বর্তমানে ত্রিপুরায় একটি উল্লেখযোগ্য প্রকল্প। তাই দরিদ্র ২৭৯টি উপজাতি পরিবারকে আর্থিকভাবে সচ্ছলতা আনার জন্য প্রতি পরিবারকে ১ (এক) একর করে জেলা পরিষদের উদ্যোগে আর্থিক ভাবে সহায়তা করা হয়েছে ২০১০-১১ আর্থিক বৎসরে। এতে মোট ব্যয় হয়েছে ৩৪ লক্ষ টাকা।

উপজাতি স্বশাসিত জেলা পরিষদ, উত্তর জোনাল।

বিবুগুলো ১২ বৰাৰ আলাম

সামু



তিবুৰা চাঙমা ছাত্ৰ জথা

ধৰ্মনগৰ খেলা

বিবু-২০১১

বিবুগুলো ১২ বঝরর আলাম

সাম্মু

বিবু-২০১১

কাবিদ্যাঙ

বিপ্লব জ্যোতি চাকমা

শুভম চাকমা

এজাল কাবিদ্যাঙ

বিক্রম জিৎ চাকমা

সঞ্জিতা চাকমা

কপিল চাকমা

শল্লাদারী জধা

দেবল চাকমা

কুসুম কান্তি চাকমা

মতিলাল চাকমা

বুদ্ধিমান চাকমা

তদবির ঃ মাদি ফগদাঙ, ধর্মনগর ।

কম্পোজ ঃ মতিলাল চাকমা ।

ধাল ঃ কুসুম কান্তি চাকমা ।

বলাবল ঃ ৫০ তেঙা ।

ছাবানিত ঃ দত্ত প্রিন্টিং ওয়ার্কস, ধর্মনগর ।

নিহ্গিলেনিত

তিবুরা চাঙমা ছাত্র জধা, ধর্মনগর খেলা, ধর্মনগর ।

E-mail : chakmatcsa@ymail.com/chakmamaadi11@ymail.com.

E-edition : chakmamaadi.wordpress.com.

নাঙ পাদা

বিবুগুলোর তলবিচ

বিবু গুলোর বধু	পংকজ চাকমা	৪
বিবুগুলোর পইদ্যানে	মতিলাল চাঙমা	৬
বিবুগুলোর ১২ বঝর	কুসুম কান্তি চাকমা	১০

কবিতা

চাকমা অসীম রায়	চিগোন্ এক-কতথা কথা	২৪
জনেশ আয়ন চাকমা	সলঙ বদলে নিলকবি	২৫
নিরঞ্জন চাকমা	তুই এবে-হামাকায় এবে	২৬
অনিল বরন চাকমা	চাঙমা মা-বোন	২৭
পংকজ চাঙমা	ধুননো হেই যা দাপু	২৭
কুসুম কান্তি চাকমা	সাজন্যাত নানুনেই গুরো	২৯
অরুণ কান্তি চাকমা	তুই হন দেজর গাবুরী	৩০
গল্পো রাজবংশী	আদারা	৩১
অরুণ চাকমা (সানী)	বিবু	৩১
সুচরিতা চাকমা	মা' জাত	৩২
চিত্রা মল্লিকা চাকমা	চাবুগী	৩৩
ধুজি রায় (চাকমা)	পুরোনী ইরুক মুজুঙে	৩৩
গজকুমার চাকমা	মনবদল	৩৪
বিজয় বাহন চাকমা	মা-ধোকেয়ন	৩৫
মালবিকা চাকমা	হধু তুই	৩৫
নাক্ক চাকমা	মুই	৩৬
কৌশিক চাঙমা	মর জনম থান	৩৬
পরিমল চাকমা	গাঙ'পাড়ে পাড়ে	৩৭
সম্বুলাল চাকমা	চিদে!	৩৭
মায়াল চাঙমা	দেজগাঙর কলগত	৩৮
ভূবন চাকমা	ভুলোর নাঙ কিনানা	৩৮
নিপম চাঙমা	আহুজি যার	৩৮
সমর কান্তি চাকমা	জুম্ম জিধু	৩৯
হিমালী দেবর্মা	গীত পাগালা	৩৯
সুনিল কান্তি চাকমা	চাঙতুন পড়ি যাদনোই মরি	৪০
গঙ্গা চাকমা	আলসি মিলে	৪০
এ. কে. চাঙমা	বিবুত তোন তোগা	৪১
সঞ্জীতা চাকমা	বিবুগুলো	৪১

গীত

অরুণ চাঙমা / পূর্ণিমা চাকমা / ভূবন চাকমা ৪২

প্রবন্ধ

মঙ্গল সূত্র আহ্ তার ব্যবহারিক চেতনা	ভবন্ত বিকাশ চাকমা	৪৪
কন্যা চাঙমার এই আদি কবি শিবচরন ?	প্রদীর তালুকদার	৫০
রুধুক মরা জাদর লেমপচ্যা রাজনীতি	ফুল সদক চাকমা	৫২
ভাষার মরণ জাদর মরণ	মতিলাল চাঙমা	৫৫
ভারদত বুক অঝার চাঙমা জাত	দেবপ্রিয় চাঙমা	৫৮
ক'ধক ভিলোম খেব গুন্তি হুমো	শোভা রঞ্জন চাকমা	৬০
চাকমা রাজবংশ	কুসুম চাঙমা	৬২
যার যে স্বভাব ধর্ম	গঙ্গাজয় চাকমা	৬৫
চালাক ন অইনে পন্ডিত অনা	প্রিয়ানন্দ স্থবির	৬৬
আমা জাদর এগন্ডর হিঙিরি ?	অজিত কান্তি চাকমা	৬৭
এবিবুত অরুনাচলর বড় পরঙা		
চাঙমাউনতেই কিজু ভাবিই	রেগা	৭২
ধর্ম প্রচারত রানী কালিন্দীর অবদান	ধীমা চাকমা	৭৪
চাঙমা শর্ট ফিল্ম উন্দুচ্যা বৈদ্য-১ আ		
দুলো হুমোরী পইদ্যানো	পঙ্কজ চাকমা	৭৬

গল্প

সেদিনে মিলেবো	অজিত কান্তি চাকমা	৮২
স্ববনর সমারী	বিজয়া চাকমা	৮৯
একদিন এব পারাপাঙ	কুসুমিং চাকমা	৯১
সোনারেগা	ঝানুদেবী চাকমা	৯৫
মিস বিবু	মন্দিরা চাকমা	৯৮
ধর্মেশ আ ইক্ক অহ্গলক	যুধিষ্টির চাকমা	১০০
শেরমুণ টিলাত হাঙ্কন	উদয় জ্যোতি চাকমা	১০৩

নাটক

উন্দুচ্যা বৈদ্য-২	কুসুম কান্তি চাকমা	১০৬
-------------------	--------------------	-----

ধর্মনগর কলেজত ভর্তি ওহ্য়ে চাঙমা পড়বোলগর নাঙ (১৯৯৯-২০১০)

ধর্মনগর কলেজতুন পাশ গোচ্ছে চাঙমা পড়বোলগর নাঙ (১৯৯৩-১৯৯৮, ২০০০-২০১০)

ধর্মনগর কলেজত ইক্কুমর পড়বোলগর নাঙ

ধর্মনগরত নানা ডিপার্টমেন্টত চাঙরীবলা গুনর নাঙ

গজানিহ

বিষ্ণুগুলো ১৯৯৯ সনখুন ধরি ধর্মনগরখুন জিরেন নেই গরি পত্তি বিবুত নিহ্গিলি এঝের । এ বঝর তার ইয়েত ১২ বঝর পুরেল' । এই ১২ বঝর পুচ্ছেনাঘান মাজারা রাগেবাতেই আগরির বে'ক নাদাগুনোত ছাবেয়ে দোল দোল লেঘানি থুবেনেই এগত্তরে ছাবেবার আরকানি নেজা অহুয় ।

বেঘে খবর পা'ন আরকানি নেজানা আ গরানার ভিদিরে হোত্তোমান ফারক । তেঙা-পঝে আ সময়র অনতিতোত একেক সময় আমার মনে ওহুয়ে আমি হয়ত ইভে বিবুর আক্কে ছাবেই পারিদোঙ নয় । তুও যে ইয়েন পারা জেয়ে তার একমাত্র কারন আমার বড়ভেই কুসুম কান্তিদা আ মতিলালদার দিন-রেইত হাম গরানা । তারারে আমি আহুজার বার পাত্তুরুতুরু জানের । সে বাদে পাত্তুরুতুরু জানের ধর্মনগরর চাঙমা চাঙরীবলাগুনোরে জিগুনে বিষ্ণুগুলোর জনমত্তন ধরি ছিনে নেই গরি বলাবল দি এচন । পাত্তুরুতুরু জানের আমা কলেজত পছেছ সেই ভেই বোনুনোরে যারার বলাবলে আমার এই বোইভো বেলর সদক দেল' ।

গেল্লে ১২ বঝরে বিষ্ণুগুলোত সয়সাগর লেঘা ছাবানি ওয়ে । বে'ক লেঘানির আমি ইয়োত জাগা গরি দি বুঝেই ন' এজিই । আর' সয়-সাগর গম গম লেগিয়ের দোল দোল লেঘা বাত পরি জেয়ে । আরকন হধা, ১৯৯৯ সালর আগে ধর্মনগর কলেজত্তন পাশগরি জেয়ে পড়বোলগর নাঙর তালিগোত হয়ত' চিগোন-চাগোন তেনা-পগরা থেই পারে । সে পইদ্যোনে আমার আগরির পাশগরি জেয়ে বড়ভেইয়ুনো সিধু হোজোলি থেব' তারা ভুলানি দেগেই দিলে পরেদি আমি সিয়েনি সোর গরিভার আরি বানেবঙ ।

বেঘ' জেরে, আমা এ বোইভো চাঙমা সাহিত্যরে যদি এক খুচ অহুলেখো উজোনি নি পারে সালে আমার এ রন'দুঘ বেনামা ন' যায় মনে গরিভোঙ ।

ভেকুনোরে সিজি বিষ্ণু পাত্তুরুতুরু ।

GOVERNMENT OF TRIPURA
OFFICE OF THE SUB-DIVISIONAL MAGISTRATE
DHARMANAGAR : : NORTH TRIPURA

SUCCESS STORY

Forest Right Act.2006 under Dharmanagar Sub-Division

1. Name of Sub-Division/Dist :- Dharmanagar, North Tripura
2. No. of Patta issued to ST Forest Dwellers :- 1470 Nos.
3. No. of ST beneficiary benefited :- 1470 Nos.
4. Area involved (in Hector) :- 2730.612 Hector
5. No. of ADC/GP covered :- 07 Nos ADC villages & 04 Nos GPs

The 1470 Nos ST families are given Forest Right (Patta) under Sch. Tribes and Other Traditional Forest Dwellers (Recognition of Forest Right) Act. 2006. The various line department have been engaged and implemented different schemes in the land of patta holders and ST beneficiaries are benefited by departmental schemes.



Photograph for distribution of Patta Pass Book to ST forest dwellers.

ଓଝ
ଠଝ
ବିଭାଘ୍ନୋର
ତଳବିଚ

ପଂକଜ ଚାକମା
ମତିଳାଳ ଚାକମା
କୁସୁମ କାନ୍ତି ଚାକମା

বিবু গুলোর বধু

পংকজ চাকমা

ধর্মনগর গভট ডিগ্রি কলেজর চাকমা ছাত্র জধার নিয়াল্‌সী লোভিয়োদী চেরেষ্ঠায় এক লাঙেল ১২ বজর পুচ্ছেল 'বিবুগুলো'। বিবুগুলো চাকমা সাহিত্য চর্চার মাধ্যম সরূপ এক বজচ্ছে ম্যাগাজিন। একমাত্র ২০০৮ সালর নাদাবো বাদে বাগীগুন জিরেননেই গরি ১২ বঝর পুচ্ছেনা ইয়েন নিভাগে চাকমা সাহিত্য লোভীয়দী মাইনজ' নাঙে সু-হবর আ ভালেদী মোখ্যে। চাকমা সাহিত্য চর্চা দিনোদ্দিন উজোন বা-র, এই চর্চার পোইদ্যানে বিবুগুলোর উমোর যেদক বাড়ীবো' সেধক শিঙোর হুবিবো, দঢ় অব', সেনে গম গম চাকমা কবি সাহিত্যিক-অর জন্ম ওই পারে এই 'বিবুগুলো'-ত, ইয়েন আব্বাগরি খেই পাৱা যায়।

আগেদি উগুর'- হাবর চাঙমা কবি সাহিত্যিক-উনর আমলত সাহিত্য চর্চা একসলা টনক গরি চললে - 'তুদুং', 'তামঝাং', 'কাভোল পাগোক' আ তের'-চোদ্ধ নাদা 'তলবিচ' পেইনে সিয়ান মেহ্ধ অয়। কিন্তু আর' একসলা এই সাহিত্য চর্চা ঝেল দে-এ (পাৱাপাং নব্বই দশকর পরে)। সে লক্ষে চাকমা সাহিত্য চর্চার প্রকাশনা এল কলে বানা ছ-মাচ্ছে ম্যাগাজিন 'সদরক' আ মাসিক পত্রিকা 'ত্রিপুরা সদক'। এমেন সময় গাবুচে কবি কুসুম কান্তি চাকমার নো দমগে এগেম চেরেষ্ঠায় 'নুও সদক' (চাকমা ককবরক এগন্তরে) আ 'তুমঝাচ' নাঙে দ্বিবে ম্যাগাজিন বা-র অন। একহিঙে তলবিচ, তুদুং, তামঝাং, কাভোল পাগোক, সদরক, ত্রিপুরা সদক পড়িনে মর মনানত চাকমা সাহিত্য চর্চা পইদ্যানে একখান ধারাজ আবুছে আরকহিঙে তরন কবি কুসুম কান্তি চাকমার 'নুও সদক', 'তুমঝাচ' ফগদাং গরানার মধ্যেদি তার চাকমা সাহিত্য চর্চার পইদ্যানে নো গঙ দেইনে মর ধারাচেন সে পইদ্যানে পোতপোঙে ওই উঠে। আ মুয়ো জাদর সাহিত্য চর্চা-ত্ লদক-ধদক গরি হ্চ বাড়েয়োং। দশ বজর আগে তলবিচ তুদুং-অর সময়ত বা উগুর' হাবর লেঘিয়ে উন' আমলত চাকমা সাহিত্য চর্চা পইদ্যানে যে যে চাকমা ম্যাগাজিনুন বাড় ওয়োন বানা আগরতলাতুন পাৱাপাং (মর এক্কান আন্দাজে)। আগরতলায়ান রেজ্যর রাজধানী অলেয়ো নানান চাকমা বামতুন একথা ছড়েয়ে। সেনে দুরো বামত পড়ি থেয়ে জাদর সাহিত্য লোভিয়োদী মানচ্যন আ আমন' সান্যে লদক-ধদক অলেয়ো সাহিত্য চর্চা গরিবের মনে কয়ে মানচ্যন সে চাকমা ম্যাগাজিনুনই ভারী লাগত পা-পি নেই। আদামর শিক্ষিত মান্যগন্য মুরব্বী বা চিনপচ কিজু বন্ধু বান্ধব ছাড়া সে বয়ন আর কন'জনে ন-য়ো দেঘন। এক হধায় সেক্কে চাকমা বাময়ালর সাধারন সাহিত্য লোভিয়োদী মাইঞ্জর সাহিত্য চর্চা ফগদাং গরিবের কন' মেলাক জু ন এল'। সেনে সাহিত্য চর্চা-ত্ হ্চ বাড়ানার লগে লগে মর একখান ইনজিব ভাবনা এল - এ বামত আমি ইক্কো চাকমা সাহিত্য ম্যাগাজিন নিঘিলেবং, যোয়ত উগুর' হাবর লেঘিয়েসুমুত গাবুচে তম্বার নো নো ভাবনা - মিঝেল্যে লেঘা এক থুবোত ফগদাং গরিবের ভ' থেব'। আর ম্যাগাজিন-নর নাঙান অব' 'বিবুগুল'। 'তলবিচ'ত্ সি.আর. চাকমার ইক্কো বিগিদি বাবতেয় গল্পর নাঙ বিবুগুল'। এই বিবুগুল' গল্পবো পড়িনেই মর মনানত জন্ম অয়ে সাহিত্যর অনুভূতি। ম ধগে এ বিবুগুল নাঙান' লগে লিবি আগে চাকমা সাহিত্যর অফুরন্দি মেমা। সেনে মর এগেম

ধারাজে এ ম্যাগাজিনের নামকরণ গোচোং ‘বিঝুঙল’।

‘বিঝুঙল’ ভাবনাত বিঝুঙল ছাবানাত নিত্য যারে সমার পেয়োং তে মতুন জেঠ কবি সুনানু অরুন কান্তি চাকমা। সাহিত্য চর্চার একমন্যে সমার তারে লাগত পানার জেরে নিত্যগে মর জীবনত সংস্কৃতি চর্চার অধ্যায় যোগ অয়ে। যার ফলে মর নবীনছড়া কালচারেল টিম’ লগে বঙ্গোপসাগরর আন্দামান দ্বীপ-ত ভঙি এই পানার সুভাগ্য অয়। তার মর সং সং এগেম চেরেষ্টায় ১৯৯৯ সনত বিঝু তাগি “বিঝুঙল”-র পত্তম নাদা ফগদাং অয়।

ফগদাং অহ্বার আগে বিঝুঙলর পিবেদি যে বিজক আঘে সে একা ঈধোত তুলোং। বিঝুঙল পলিম ফগদাং গরিবের তেমাং এল’ নবীনছড়া আদামতুন। এ পইদ্যানে আদামর চাকমা সাহিত্য মনোভাবাপন্ন গাবুচে তম্বা সুমুত সাহিত্য লোভীয়দী কিজু মুরুকী শ্রেণীর শোল্লাধারীলৈ এক তেমাং বজা অয়ে। আ তেমাং শেবে বিঝুঙল’ ম্যাগাজিন ফগদাং গরিবের নাঙে বেগে ই-পুচেয়োন। শোল্লাবল টেঙা-পজের বল ভেগ দ্যোন। কিন্তু পুরোর অলদে এই বিঝুঙল চাকমা ম্যাগাজিন নবীনছড়া তুন ফগদাং ন ওইনে হিঙেই ধর্মনগরতুন ফগদাং অল’? ইয়েনর জ্যাব বাবতে আলোচনা অলদে এধক্যে - আমি সুনানু অরুন বাবুলৈ সেক্কে ধর্মনগর গভুট ডিগ্রি কলেজর এস. টি. বয়েজ হোস্টেলত থেইনে লেঘা শিঘিদং। আমালগে আর’ বার-তের জন সমাচে এলাক। একদিন আলোচনাক্রমে আমি সমাচেগুন’ মুজুঙে বিঝুঙল’র কথা তুলি ধচেই। বিঝুঙল ফগদাং পইদ্যানে টেঙা প’জের টান-পুরনর কথায়ো হোয়েই। এ কথান হোইনেই সমাচেগুন বেকুন যেন সমর্থন জানেলাক, পাততুরংতুরু দিলাক আমারে। সিতুন ধরি বিঝুঙল ফগদাং গতে বা ফগদাঙর হামত প্রতিমুহর্তে প্রতিক্ষেত্রে আমারে বলাবল দ্যন। বলাবল দ্যন হলে ভুল অয়। নিজ’ কামই গচন্দে পাৱা। পাৱা পেলং বিঝুঙলর উদ্ধোজা আমি অরুন বাবুলৈ বানা দ্বিজন নয়, হোস্টেলর বেগ সমাচেগুন। সেনে আমি আর মনে গতে বাধ্য অলঙ, ইয়েন আবলে চাকমারই হাম এবং উচ্চ শিক্ষিত চাকমার। কারন ইয়েন সাহিত্য চর্চা, উচ্চশিক্ষিত মানুজর দ্বারাই সে জাদর সাহিত্য চর্চা সম্ভব। সাহিত্য চর্চা জাদর পহর দেগাইদে, আন্ধার নয়। যেনে উচ্চ শিক্ষা প্রতিষ্ঠানতুন এই আমার চাকমা সাহিত্য চর্চার নো গঙ বিঝুঙলর ফগদাং চল ওহক, ইয়েন চেয়েই। সেনে নবীনছড়া ছল্লেতুন মাপ হোজলী চেইনে আমি ধর্মনগর কলেজতুন এই “বিঝুঙল” ফগদাং গতে সুনজুক পেয়েই।

দেঘাদেগি ধর্ম, পুরোণী এ কথাগান’-ধগে ধর্মনগর চাকমা ছাত্র জধার তপ্পেতুন বিঝুঙল ফগদাং ওনার জেরে জেরে শিলচরতুন ‘সজাগ’, কৈলাশহরতুন ‘বড়গাঙ’, শান্তিপুরোতুন ‘দেৱগাঙ’, আগরতলাতুন ‘বিঝুফুল’, মনুগাঙতুন ‘মনুগাঙ’, দশদাতুন ‘ফুল বারেঙ’ এধক্যে নানান জাগাতুন বিভিন্ন নাঙে বেশ কয়েক্কা চাকমা ম্যাগাজিন তপ্পে তপ্পে গরি ফগদাং ওয়োন। যার ফলে দেঘা যায় চাকমা সাহিত্য চর্চা দিন দিন বাড়ি উঠতে। এই সাহিত্য চর্চা ইক্ষিনে ছাত্র সমাজত যদে পদে আভর খেয়ে। রেজ্যর বিভিন্ন শহরাঞ্চলত বিশেষ গরি আগন্তলা, ধর্মনগর আ কৈলাশহরত চাকমা সাহিত্য চর্চা তাগিনে চাকমা ছাত্রগুনে তজিমগঙে জধা বন্তোন। এই ছাত্র জধার রঙচঙে একখান স্ববন-ত্রিপুরাত চাকমা অরগে চাকমা কথা শিঘিবের সরকারী অনুমোদন লাভ গরানা। অর্থাৎ ভাষা আন্দোলন। উচ্চ শিক্ষিত ছাত্র জধার তপ্পেতুন অখেল্যেচেলামী গরা অর এই আন্দোলনত। এই আন্দোলন মুঢ়ে মুঢ়ে এমেন দম জুগেয়ে নিত্যগে চাকমা অরগে চাকমা কথা শিঘিবের সরকারী অনুমোদন ন পাই সং এই আন্দোলনর গঙ ন থামেব’।

বিষ্ণুগুলোর পইদ্যানে

মতিলাল চাণ্ডমা

হ' ন' জাদর সাহিত্য অহল' সে জাদর আনা। আনা রিনি চেলে যেন গরি আমা ধক্কানি পরাক পরাক গরি দেখি, ঠিক সেধক্কোন, হন' জাদর সাহিত্য হুল্লিবো রিনি চেলে সে জাদর আর্থ-সামাজিক অবস্থা হন' জাগাত বা হন' জাগাত এল বেক্কানি পরাক-পরাক গরি উধিজ পা যায়। মান্ডর সাহিত্য হুল্লিবো যদি নরম অহলে, হন' ইক্ক জাত আগেদি হিঙিরি দিন হাদি যেয়ে, তার ভাল-মন্দ দোলে দোলে উধিজ পা ন যায়। হাজেই যে জাদর সাহিত্য হুল্লিবো দরমর, সে জাদর গঙে যেয়ে দিনুনর ইজেব দোলে দোলে পা যায়। আমা জাদর হুল্লিবো সেত্তমান দরমর' ন অহ্নায় আমা গেদি-গুথিয়ে হিঙিরি হিঙিরি এলাক, সিয়ানি আমি দোলে দোলে হবর ন পেইর।

গদা পিথিমিত আমন' চাণ্ডমায় যিদু যিদু চিগোন-ডাঙর সাহিত্য চর্জা গত্তন, তার ইক্ক অহল' ধর্মনগরর চাণ্ডমা ছাত্র জধার 'বিষ্ণুগুলো'। এই বিষ্ণুগুলোবোত তিবুরা রেজ্য বাদে অন্যান্য জাগার চাণ্ডমাগুনে সাহিত্য চর্চাত হন' আবালত আঘন সিয়ান এক্কা-উক্ক অহলেও হবর পা যায়। সাহিত্য যদি হন' জাদর আনা ওহই থায়দে অহয়, সালেন বিষ্ণুগুলোবোয়ো গদা চাণ্ডমাউনোর এক্কান চিগোন-চাগোন আনা-ছ' ধরিলে পারাপাং ভুল ন অহব। হিঙেই ভিলি, বিষ্ণুগুলোবোত পিথিমির গদা চাণ্ডমাউনর সুখ-দুগোর হধা এক্কা-উক্ক গরি অলেয়ো নানা জনর নানা ধগে তুলি ধরিবার চেষ্ঠা গচ্ছে লেঘা ছাবা আঘে।

মুই দিবে-তিন্য নাদা লগে হামত এগত্তর এলুং। বিষ্ণুগুলো ছাবাদে হেজান সুখ-দুগ লাগত পায় সিয়ান মুই বুঝি পাচোং। বিষ্ণুগুলোবো ছাবাদে যেদক্কানি অনতিতে এল', সিয়েনিত্তুন দিয়েন বেজ গরি এল'। এক্কান অহল' টেঙাপজে, আরক্কান লেঘা তগানা। পত্তি বজর টেঙাপজেত্তে বেগ চাণ্ডমা পড়বো লক্কোনে এগত্তর ওহই ধর্মনগর কলেজ হোস্টেলত তেম্মাং গরা অহয়। বেক্কনর মনজুক গরি পত্তিজনে ১০০ টেঙা গরি দিবাভেই হাম হা অহয়। মান্ডর কয়েকজনর বিষ্ণুগুলো নিগিলেবার হন' মন ন থানায়, তারা তেম্মাঙদো ন খেদাক আ টেঙায়ো ন দিদাক। আর' জু পেলৈ পিজেন্দি যিগুনে বিষ্ণুগুলোতে রত-দিন হাদিদাক তারারে হুল্লরি মাধি মাধি বেড়েদাক। তার পরেওদ' বিষ্ণুগুলো ছাবা ওহয়ে বজরর পর বজর। বেক্কনে মিলি টেঙা দিবার হাম হেলেও বেক্কনে টেঙা দি ন পারিদাক। হিয়ে টেঙার অনতিতেত্তে আর' একদাগি এমন অক্তত বিষ্ণু হুরে হুরে পরীক্ষে শেজ অহলে ঘরত খেদাক। ইঙিরিনেই বিষ্ণুগুলো নিগিলিলেয়ো ছাবেয়ে নানু ইদু টেঙা বাগি খেদাক। হিঙেই বিলি হন' রগম ছাবে-ছোবায় টেঙাগুন বিষ্ণুগুলো বেজি বুজায় দিবার হধা হো' অহয়। একদাগি ছাত্র বোই বেজি ন পারন, একদাগি বেজি পারিলেও অক্ত বেঅক্তত টেঙা ভাঙি পেলৈ আর সিঘুন দি ন পারিদাক। সেরে সেরে এমনো ওহইয়ে হন' রগম হিজু টেঙা থুবেই পরর বজরতে জমা থো' অহয় একজন' আহ্দত। সিবৈই পড়াগুনো শেজ বজরর ছাত্র অহলে সে জমেয়ে টেঙাগুনোই চেরেত ঘরত, আর তার পাত্তা পা

ন যায়। তে ইঞ্জিরি আমাতুন টেঙা পজে হলেবাক হিঞ্জিরি ? টেঙাপজে বেপারে আগেতুন ধরি ধর্মনগরর চাঙমা চাগরীবলাগুনর গুন'গুন পুরি ফেলেবার নয়। আমা আমলতও যেক্কে তারাতুন বলাবল মাক্কেই সেক্কে যে যেধক পারে না ন গরন। মন হলি আমারে বলাবল দোওন। হাজে তারা ন অহ্দাক পারাপাং আমনর আর' বেজ অনতিন্ত্যেত পড়াপরি অহ্লুন। সেবাদে ধর্মনগরর আ অন্য জাগার নানা অফিসতুন পেইয়ে বলাবলর হধায়ো হামাক্কাই হাম হেভার লাহক।

হন' হন' বজরত লেঘা লেঘির অভাব ন অহ্দ'। হন' ছাত্র-ছাত্রীয়ে জীবনর পথম লেক্খে লেঘাগান ছাবেই ন দিলে ভজমান মনদুগ পেদাক। সেনতেই বেফুনর লেঘাগানি ছাবেই দিবার চেরেত্তা গরা অহ্দ'। আর হন' হন' বজরত দেঘা যেদ' লেঘায় ন হ্লার। ভেই বোনুরে যে হন' হিবু লেঘ'না হলে হধাক- “মুই উজু হিচ্ছু ন জানঙ হি লিঘিদুং আয়।”

বিঝুঙলো ছাবানাত অনতিন্ত্যে যেমেন এল, সেমেন আনন্দও এল। দিবুচ্যে রোদোত ভঙি ভঙি ছাত্র আ চাগরীবলাউন' ইদু টেঙা তুলো গেলে হিজু-হাজু পেলেগোই, এবারত হনমতে বিঝুঙলোবো নিগিলেই পারিবং হোনেই মনত ভজমান শান্তি লাগিদ। রের ১১-১২ টা সং ঝুরি ঝুরি কম্পিউটারর মুজুঙে বজি ঠিক বেঠিক চেই পেলেও যঘন বিঝুঙলোবো আমন ধগে ছাবেয়ে বোই আহ্দত বাজিদো সেক্কেনে আগ' গছে হষ্টগানি বেগ পুরি ফেলেই মনে গরা যেদ' - বোইবো ম আহ্দত মাগানা এচ্ছে। বিঝুঙলো নিগিলাদে যা যা লাগে মুই ঘনাতে গরি বলাবল দোঙ বা তারা মরে বলাবল দোন, তারাতুন জ্ঞানসুদা, অনিন্দদা, কুসুম কান্তিদা আ কুসুম- তারা নাঙানি হামাক্কাই ইদোত গরা পরে। হধা উন্ত্যে হধা উধে, একদিন আমি কুসুম কান্তিদা সমেত পুষ্প গ্রাফিক্স প্রেসত হাম গরিবাত্যে যেনেই হোস্টেলত ফিরদে রের ১২ বো বাচ্ছে। যঘন রের ১১ টা উত্তরে বাজের কুসুম কান্তি দারে হঙ্গে, “দা য়েবংগোইদে এমল, আর' হেল্লে এবং।” কুসুম কান্তিদা মাত্তর য়েয়ে মানুজ নয়। তার হাম হাম। চেলায় শেজ ন অহলে ন উধে। যাই ওহুক বিঝুঙলো হাম গরি ফুরেই হোস্টেলত ফিরিলঙ আরামে, আহদি আহদি, হধা হোই হোই। এধক্যন গরি হধক বার হদ' দিন বিদি য়েয়ে আমার বিঝুঙলো নিগিলাদে। আর একান আনন্দ পেইয়ে দিনর হধা ন হলে ন অহর। বিঝুমেলাত হন' একজন নাঙি বিঝু গরবায় বিঝুঙলোবো হ্লিনেই মান্যরে দেঘেল', হল- ‘ইবে ভিলে ধর্মনগরর চাঙমা ছাত্র জধার নিগিলেয়ে বিঝুঙলো, সাহিত্য মেগাজিন', আ হাক্কন পরে মাইক'দি হোই দিলাক, ‘ভিলে উমুক হিত্যেদি উমুক নম্বর দোগানত বিঝুঙলো মেগাজিনো পা য়ার, মনে হলে সিত্তুন তগেই লোই পারিবা।’ সেক্কে মনে মনে ভাবা য়ায়, ভা ! জাদন্ত্যে ভজমান হাম গছেঙ পারাপাং। নিজরে সেক্কে মনে গরা য়ায়, মুয়ো একজন জাদর ভালেদর সৈনিক। স্যেনে ভাবি চাং মারেমা, দাদা দাগি আমারে ইয়েন হি সম্বন্তি বানেই দি গেলাক !

বিঝুঙলোবোর ভিদিরে গম-ভাল্লেই হি আঘে হি নেই সে আলোচনা গরিবার মতন সাহিত্য জ্ঞান মত্তন নেই। তার পরেও ম আন্দাজে যিদ্দুর বুঝি পাচ্ছেঙ সিত্তুন হিবু তেকহাবা গরি তুলি ধুরিবার চেরেত্তা গরঙর। বিঝুঙলোবো আজলে ছাত্র ছাত্রীগুন হধা চিদে গরিনেই পারাপাং জনম দোওন আমা বর ভেইয়োনে। সেনন্ত্যেই ইস্কুল-কলেজত পড়বো লগর লেঘাগানি বেজ জাগা পায়। সিয়েন বাদে যিগনে বিঝুঙলো হাম-হরজ গরন সিগুন দ' বেক্কন ছাত্র ছাত্রী। সেনন্ত্যেই এক হিন্ত্যেদি বিঝুঙলোবো পড়বো লগর সাহিত্য হিত্যে দর মর গরি ঠিয়েই উধিবার ইক্কো লুও' থম

হো' যায়। পড়বো লক্কনর লেঘা বাদেও বিঝাগুলোবোত চাঙমার পয়নাঙী কবি সাহিত্যিক্কনর লেঘায়ো ছাবা ওহুয়ে। যেহেতু বেজভাগ কলেজত পড়বো লগর সাহিত্য বই, সেনতেযে বিঝাগুলোবোত দিয়েন বেপারে বেজ গরি লেঘা দেঘা যায়। এক্কান দেজ-জাদর ভালদ' নাঙে আ এক্কান হোজপানা উঙরে। হন' জনে 'আমা দেজশান হুধু', হন' জনে 'উজেই এজ', হন' জনে 'ঘুমতুন জাগি উধো' আ হন' জনে 'আমার ইক্কনু জাঙোতে হি গরানা গরজ'- এধক্ক্যান দেজ জাদর হধা লিঘি এচ্ছোন। হোজ পানার মধ্যেয়ো হন' জনে মন হধা, হন' জনে ভাঙি হোয় ন পাচ্ছে মন দুগ' হধা, হন' জনে হোজপানা গম ন লাগানার হধা বাদেয়ো ছয় সাগর হোজপানার লেঘা লেক্খ্যান। হন' জনে আমা জাদর রীদি সুদোম, ধর্ম, টেঙা পজে আ নানানথান' উঙরে লেঘা লেঘি গচ্ছোন।

পড়বোলগ দাগি বাদেয়ো বিঝাগুলোবোত তপ্পে তপ্পে গরি আমার পয়নাঙী কবি সাহিত্যিক্কন কবিতা, গল্প, ডাগ হধা, বানাহ, নাটক আ নানা বাবতেযে প্রবন্ধ লেঘালেগি গচ্ছোন। সেনন্তে বিঝাগুলোবো ভজমান গো'র-গো'র ওহুই উন্তে। এই বিঝাগুলোবোত পয়নাঙী কবি অনিলবরন চাঙমা, নিরঞ্জন চাঙমা, জনেশ আয়ন চাঙমা, ভবন্ত বিকাশ চাঙমা, চাঙমা অসীম রায়, পঙ্কজ চাঙমা আ কুসুম কান্তিদা দাঘির লেঘা থানায় আর বেজ রবে-রঙে সাজেই তুল্যে। এবাদে দেজহুলর পয়নাঙী সাহিত্যিক দেবপ্রিয় চাঙমার আ আমামায় এহুল উহুলোর, ইন্দি উন্দি রেগা বানিয়ে রেগাদার (প্রধীর তালুকদার) লেঘা থানায় বিঝাগুলোবো আর বেজ দোলে দোলে সাজেই তুলা যেয়ে।

বিঝাগুলোবো পথম ১৯৯৯ সনত জনম লয়। পঙ্কজ চাঙমা, অরুণ কান্তি চাঙমা, চন্দন কুসুম চাঙমা আ সে আমলর কয়েকজন বড় ভেইয়ে মাধাত হাধেই, তেম্মাঙ গরি বিঝাগুলোবো নিগিলান। বিঝাগুলোবোর কয়েক্কো নাদা টেঙা-পজের অনতনে আ অফসেট মেসিন ধর্মনগরত ছয় সাগছে ন থানায়, সিজেলোই বানেয়ে অহরক্কোই নিগিলেই পেয়োন। সে আমল ২০০১ সনত জ্ঞানন্তদা দাঘির সমারে মুইয়ো লাঘত পেয়োংগি। যেনন্তেই সিজে গুলিলোই বানেয়ে অহরক্কোই ছাবেয়ে হিনেই লেঘাগানি চিনদে এক্কা হস্ট অহুয়। সে পরর বজরতুন ধরি ইক্কনু সং বেগ নাদাঙন অফসেট মেসিনত ছাবা ওহুয়ে। পত্তি নাদার মুজুঙো ডালানত ফধো নলেন হন' চিহু দিনেই বিঝাগুলোবো উজেই যার, আমা জাঙো উজেই যার আহ জাদর রীদি সুদোমানি যা পারে তুলি ধরা ওহুইয়ে। পত্তি বজর বিঝাগুলোবোর হন এক্কান জাগাত আমন' জাদর অহরক্কন ছাবা ওহুইয়ে, যাতে পড়বো লগর আ ছয় সাগছে মানজে সিয়তুন চেই চেই অহরক্কন শিগি, লেঘি পড়ি পারন, যাতে জাদ অহরক্কনত হোজপানা জন্মায় সে হিতেযে চোগ রাধেই ছাবা ওহুয়ে।

আগেদি বিঝাগুলোবো নাঙান এল' বিঝাঙল'। ২০০৩ সনত ভেক্কনে তেম্মাং গরিনেই বিঝাঙল'-তুন বিঝাঙলো গরা ওহুয়ে আ বিঝাঙলোর লোগোবোয়ো সেববার বানেয়ে কুসুম কান্তি দা। আগেদি বিঝাগুলোবোত চাঙমা অহরগে ঔঔঔ লোগোবো ন এল'। সে বজরতুন ধরি এই লোগোবো দি এঝা অহর।

বিঝাগুলোবোত কবিতা, গল্প, ডাগহধা, নাটক, বানা, কুইজ আ প্রবন্ধ বাদেয়ো বজর পত্তি হুদুক্কো চাঙমা ছাত্র-ছাত্রী হন ইয়ারত পড়ধন, ধর্মনগরর টাগোনত হয়জন চাঙরীবলা হন ডিপার্টমেন্টত, হন পোস্টত আঘন ইয়েনি ছাবেই এঝোর। চাঙমা ছাত্র-ছাত্রী গুনর লিস্টান

মাদেই চলে ধর্মনগর কলেজতুন হয়জন বিএ, বিএসসি, বিকম পাশ গচ্ছেন আ হয়জন টুয়েল্ভ পাশ গরিনেই কলেজত ভর্তি ওহুয়োননি সিয়োনো হবর পা যায়। উজু উজু গরি দেঘা যায়, হন সাহিত্য মেগাজিনর কাবিদ্যাঙ হম বদলন। মাত্তর বিঝুগুলোবোর বেলায় সিয়ান নয়। পত্তি বজর একজন গরিনেই কাবিদ্যাঙ বদলায়। যেনত্তেই বজর পত্তি এক-দি জন গরি ইক্ক মেগাজিনর কাবিদ্যাঙ ওহুই পেভার সুওত্তান পেই এচ্ছেন বা পাধন।

যে বড় ভেইয়োনো বিঝুগুলোবো জনম দোন, তারা হয়ত ভাবিয়ো ন পারন যে, বিঝুগুলোবো বাজি খেনেই একা উক্কো ধক বদলিবো, ১২ বজর নাদা ডাঙর গরিনেই নিগিলিবো। বিঝুগুলোবোত্তেই হয়েকজন গুড়-ভেইয়ে রেত দিন নিআলসি গরি হাম গরিবাক এ হধাগানো হয়ত দাদা দাগি ভাবিয়ো ন পারন। মাত্তর ইয়েন ইক্কনু এক্কেরে গিচ্ছেক। হয়তবা এমনো ওহুই পারে পড়েদি পত্তি বজর এধক্কেন ডাঙর গরি ছাবা যার।

১৯৯৯ সনতুন ধরি বিঝুগুলোবো নিগিলানায় আমা মনত সাহিত্য চর্জা হোনোই এক্কান হধা জন্মেয়ে। যিগুনে ধর্মনগরর কলেজত পড়াশুনো গরিদাক, তারা এক সময় নিজ জাগাত বা অন্য জাগাত খেনেইয়ো ইক্ক আত্তো চাঙমা সাহিত্য মেগাজিন নিগিলেবার চেরেত্তা গচ্ছেন। যেমেন- বিঝুফুল, বড়গাঙ, মনুগাঙ, ফুরবারেঙ, তুগুন-ইগুন নিগিলানার পিবোন্দি হিবুনা হিজু অলেয়ো বিঝুগুলোবোর অবদান আঘেভিলি মুই মনে গরঙ। সেবাদে ইক্কনু একমাত্র চলন্দি চাঙমা সাহিত্য মাজুরো পত্রিকা 'মাদি'। এই মাদিয়ান ইক্কনু গদা পিখিমির চাঙমাগুন ইধু বেজ কম লুঙিনেই বাগেনি পেই এজের, সেই মাদিয়ান জনম দিবার উচ্যানিত বিঝুগুলোবোর অবদান হম নয়। হিত্যেই ভিলি আমি কুসুম কান্তিদার বুদ্ধিয়ে যে 'মাদি' পত্রিকাগান জনম দে'ই বেক্কনে বিঝুগুলোর লগে ঘনাত্যে গরি লেবেদেই এলঙ।

বিষ্ণুগুলোর ১২ বঝর

কুসুম কান্তি চাঙমা

দেঘদে দেঘদে ধর্মনগর চাঙমা ছাত্রগুলোর পত্তি বিষ্ণু তাগিনেই ফগদাঙ গোচ্ছে হধা আলাম 'বিষ্ণুগুলো'র ১২ বঝর পুরেই গেল'। ডাঙর জাদর সাহিত্য অক্কে ১২ বঝর হিচ্ছু নয়। মাত্তর চাঙমাগুলোর বেলায়, বিশেষ গরি তিবুরার চাঙমাগুলোর হধা ঙ্গদোত রাগেলে ইভে আামার বেঘথুন বেচ দিন ধরি এঘামারে চলি এচ্ছে হধা আলাম। আগেদি তিবুরাত যিধুক্কো হধা আলাম জনম লোয়োন ভেক্কুন নানান তুচ্ছেত ভচ যেয়োন। আজলে তোগেই চেলে, একমাত্র সরকারী 'ত্রিপুরা সদক', 'মাদি' আ আগরতলার 'বিষ্ণু ফুল'রে ফারক গরিলে হন' ইক্কো হধা আলাম পাচ বঝরো পুরেই পাচ্ছেনগরি আামার ঙ্গদোত ন'উধে। এক মাত্র 'বিষ্ণুগুলো'য় পুরেই পাচ্ছে ১২ বঝর। এ পইদ্যানে পুরোনী ছাত্রগুলে বিষ্ণুগুলোর জনমথান ধর্মনগর কলেজথুন পাশগরি (নিজাগে ধর্মনগর কলেজ হোস্টেলথুন) নিহ্গিলি যানার পরেয়ো বিষ্ণুগুলোরে পুরি ফেলেই ন'পারানামান বেঘথুন ডাঙর কারন ঙ্গজেবে হাম গোচ্ছে। সেবাদে, ১৯৯৯ সালত 'বিষ্ণুগুলো' জনম লোনার পরে যিঘুনে ধর্মনগর কলেজত বঝরে বঝরে পড়িবাতোই এচ্ছেন তারায়ো হন' দিন 'বিষ্ণুগুলো'রে পর ন'ভাবন। 'বিষ্ণুগুলো' ১২ বঝর পুরেই পারিতার বেঘ' জেরর আ বেঘথুন ডাঙর কারনান অহলদে ধর্মনগরর চাঙমা চাঙরীবলাগুলোর অজিরেন বলাবল।

১৯৯৯ সনত যেক্কে পংকজ চাকমা আ মর বরভেই অরন কান্তি চাকমা বিষ্ণুগুলো নিহ্গিলেবার তেম্মাঙ গরধন সেক্কে মুই রাবারর ডিপ্লোমা গরিবেতোই কেরালার ত্রিচুরোত। মরে অরন কান্তিদা আ পংকজর গুরো ভেই প্রনবে হধাগান চিধিদি জানেয়োন। শুনিনেই মর ভারি গম লাঙ্কে। কারন মর নিজোর আগরতলাথুন ফগদাঙ গোচ্ছে ১৯৯৬ সনর 'নুও সদক' আ ১৯৯৭ সনর 'তুমবাচ' এক বঝরথুন বারা ন' নিহ্গিলে। ভাবিদুঙ কেরালাথুন ফিরিনে চাঙরী পেলে হিচ্ছু একখান গরা পরিবো। সেক্কে মর চাঙমা হধা হোভার সমার বানা হয়েকখান ত্রিপুরা সদক পত্রিকা আ ঘরথুন লেকখে চিধিগানি। সে সময়ত বিষ্ণুগুলো ফগদাঙর হধা গম লাগিবারোই হধা। মাত্তর, গাল ন' মাদিলে ইয়েন খাম খায়ই পরে যে, সেক্কে মুই স্ববনেয়ো ভাবি ন' পারঙ সে বিষ্ণুগুলোবো এক দিন ১২ বঝর পুরেই পারিবো আ মুই সুওত এসান একখান লেঘা লিগিবার জু পে'ম।

১৯৯৯ সনর অদ্ধা-অদ্ধিত কেরালাথুন ফিরিনে যেক্কে ২০০০ সনর বিষ্ণুগুলো ছাবেবার অজ্ঞ এল' মরে অরন কান্তিদা পাদেল' বিষ্ণুগুলো ছাবেবার বলাবল দিবাল্লিঙে। সেক্কে কলেজ হোস্টেলত অনিন্দ্যদা, চন্দন কুসুমদা, গজ কুমারদা আর' হন্না হন্না থেদাক। সেক্কে আজলে নাঙে ধর্মনগর কলেজর চাঙমা ছাত্রগুলে বিষ্ণুগুলোবো নিহ্গিলেলেয়ো বানা পংকজ আ অরন কান্তিদা এলাক তার সঙভাক নানু (পরর বঝর গজ কুমারদা দাঘি আমলথুন ধরি তে' বিষ্ণুগুলোবো জাত গরি ধর্মনগর কলেজ ছাত্রগুলোর নানুগিরিত এচ্ছে)। তারার হধায় বিষ্ণুগুলোবোর শেষ হধা। তারারই হধা মজিম সেক্কে ধর্মনগর কলেজর ছাত্র ন' অনা সন্তেয়ো ২০০০ সনর বিষ্ণুগুলোবোর অনিন্দ্যদা লঘে মর জুর কাবিদ্যেঙ ওহ্বার হবাল ওয়ে। লেঘা থুবোনা, বোইবোর


ধক বানানা, কাবিদ্যাঙ' র' লেঘানা - ইয়েনিয়ো মুয়োই গরি পেয়োঙ। মর এভ' মনত আঘে, হার একখান লেঘা লোনেই এক দিন রেদোত চন্দন কুসুমদা আ মর বিরেত হধার ঘেই হা-হি চলে। যা ওহুক, সে নাদাভো আমি বর বেচ দোল গরি ন' পারিই মাত্তর খুব হম হরজে ছাবেয়েই। সে বঝর আমা তেঙা উত্তোন ২৫০০ উত্তরে মাত্তর আমার খরচ ওয়েদে বানা ২৪২০ তেঙা না হধক। আ বেঘথুন ডাঙর হধা, তেঙাঘুন সিঘুন ভেক্কুন এছেোন এডভাটিজমেন্টভুন।

সিথুন ধরি এভ' সঙ মর বিঝুগুলো লগে ঘুনজি-মুনজি ন' হমে। আগরির ১১ নাদাথুন ৬ বুয়ো নাদার (২০০০, ২০০৩, ২০০৪, ২০০৫, ২০০৬, ২০০৭) মুই ধাল জুঙলেবার আ কাবিদ্যাঙ' র' লিঘিবার জু পেয়োঙ। ২০০৩ সনত পলিম বিঝুগুলোভো অফসেটে ছাবা ওয়ে। গেলে ১১ নাদার ভিদিরে মর মনে অয় বেঘথুন সানে আ সাজে গম ওয়ে আট্ট্য বারর নাদাভো (২০০৬)।

এই ১২ বঝরে বিঝুগুলো হি পাছে আ হি ন'পারে আমি যদি তোলেই চে'ই সালে দেভঙ বিঝুগুলো ফগদাঙ গরিভার যে মনঝুক, 'বিঝুগুলোর বিজিথুন একদুবো অসীম রায়-জনেশ আয়ন-নিরঞ্জন পালেই তুলোনা' (দি-পল্লার নাদার কাবিদ্যাঙ' র')-সিয়েন হিঝু অলেয়ো ধুজি পাছে। এ বিঝুগুলোদই হলম ঘজি নিজরে বলপেয়ে বানেয়োন পংকজ, কুসুম কান্তি, অরুন কান্তি, বিজয়া, কুসুসিং, কুসুম, মতিলাল আ অনেগে। তবে বিঝুগুলোর চাঙমা সাহিত্যরে বেঘথুন ডাঙর বলাবল পারাপাঙ চিগোন গল্প লেগিয়ে চাঙমা অজিত কান্তি ধামেই-য়রে আবিষ্কার। বিঝুগুলো একমাত্র তারেই জাত গরি নানু হোলেই পারে। বাগিঙনে বিঝুগুলো ছাড়ায়ো তিবুরার জুদো জুদো হধা আলামত নিজেরে মেলি ধরিবার চেয়োন। মাত্তর অজিতর এছে সঙ বে'ক নাঙ হিনি পারে পারা লেঘানি বিঝুগুলোয়ই ছাবেই দ্যে। সেবাদে তিবুরার কলেজে কলেজে হধা আলাম ফগদাঙরো পথ ফুরেয়ে বিঝুগুলো। এর ফলে সয়সাগর হজমা গাবুচে-গাবুরীয়ে নিজোর লদক-ধদক হলম্মোয় লাজেই লাজেই লেকেখে লেঘাগানি ছাবেয়ে ওক্কোরলোই চেবার জু পেয়োন। যিঙনোর হয়েকজন ইক্কুনু গদা চাঙমা জাদর বার গরিবার পঝা ওহ্‌বাত্তেই বাছেই আঘন।

তে বিঝুগুলোর বেঘথুন লদক-ধদক খুদোভো হুভো? আমি হভঙ, এভ' সঙ দর'মর' ফগদাঙি জধা বানেই ন' পারানাঘান বিঝুগুলোর বেঘথুন তল পাছে হথা। যার প্রমান আমি পেয়েই ২০০৮-অর বিঝুত বিঝুগুলো ফগদাঙ গরি ন পারানার মধ্যদি। তবে ইয়েন বেক কলেজ ভিত্তিক হধা আলামরই একখান উনো হথা। কারন বঝরে বঝরে কাবিদ্যেঙ বদলি পায়, হাম্মো বদলি পায়। বে'ক বঝর সঙ সঙ কাবিল কাবিদ্যেঙ কলেজত ন' এবান। যার ফলে বিঝুগুলো বা অন্য কলেজ ম্যাগাজিন অনসুর আহুদি পায় এক নালায়া সুদো উত্তরেধি। বিঝুগুলো আ একখান হাম ন' পারে, সিয়েন অলদে তিবুরার বে'ক পয়নাঙী লেগিয়েঙনোরে তা বুঘোত তানি ন পারে। একমাত্র ভবন্ত বিকাশ চাঙমা আ অনিল বরন চাঙমা বাদে হন' জন ফয়নাঙী লেগিয়ের লেঘা বিঝুগুলো অনসুর ছাবেবার জু ন' পায়। চাকমা অসীম রায়. জনেশ আয়ন চাকমা আ নিরঞ্জন চাকমা দি-একখান লেঘা মাত্র বিঝুগুলোরে দ্যন। সেবাদে কাকলী, যোগমায়া, বহিংশিখা - ইঙনোর হন' লেঘা বিঝুগুলোত নেই।

এবার জেরর পাদানিত তেহহাবা গরি বিঝুগুলোর বেক নাদাঙনোর চিন-পছেো তুলি ধরা অহল' -



পংকজ চাকমা আ অরুণ কাণ্টি চাকমা

নাদা-১, ১৯৯৯

জুর কাবিদ্যাঙ

কবিতা


পংকজ চাকমা, গৌতম চাকমা, সুপর্ণা খীসা, ঝানুদেবী চাকমা (দিভ্যে),
অরুণ চাকমা, পরিমল চাকমা, পূর্নিমা চাকমা (দিভ্যে), সুচিত্রা চাকমা,
বিমলেশ্বর চাকমা, বজ্র বাহন চাকমা (দিভ্যে), অরুণ কাণ্টি চাকমা,
চিত্রা মল্লিকা চাকমা, হিমালী চাকমা, সুপর্ণা চাকমা ।

গল্প

প্রণব চাকমা, ঝানুদেবী চাকমা ।

প্রবন্ধ

পংকজ চাকমা ।



কুসুম কান্তি চাকমা আ অনিন্দ্য চাকমা

নাদা-২, ২০০০

জুর কাবিদ্যাঙ

কবিতা

চাকমা অসীম রায়, অনিল বরন চাকমা, ঝানুদেবী চাকমা, অরুণ চাকমা, পংকজ চাকমা, অরুণ কান্তি চাকমা, বিজয়া চাকমা, সঞ্জীব চাকমা, জ্ঞানন্ত চাকমা, শ্রীতি কিশোর তালুকদার, উজ্জ্বল চাকমা ছোট্ট, শাক্য মনি চাকমা, ঋষি জনেশ আয়ন চাকমা, পুলিন বয়ন চাকমা (শেজর তিন জনর কবিতা আরেক বার ছাবানি ওয়ে)।

গল্প

ভবস্তু বিকাশ চাকমা, প্রদীপ চাকমা।

প্রবন্ধ

তেজবন্ত ভিক্ষু, অনিন্দ্য চাকমা, চন্দন কুসুম চাকমা, হর প্রসাদ শাস্ত্রী (ভাচ বদল ঃ প্রণব চাকমা), গঙ্গাজয় চাকমা, নির্মল চাকমা।

নানানথান

চিত্রা মল্লিকা চাকমা, ক্ষীরোদ চাকমা, পুর্নিমা চাকমা, গজ কুমার চাকমা, ভুবন চাকমা, উৎপল চাকমা।



গজ কুমার চাকমা আ উৎপল চাকমা

নাদা-৩, ২০০১

জুর কাবিদ্যাঙ

কবিতা


নিরঞ্জন চাকমা, অনিল বরন চাকমা, হিমালী দেববর্মা, গজ কুমার চাকমা, অরুণ চাকমা, ভুবন চাকমা, সি. আর. শান্তি, সুনিল কান্তি চাকমা, সুচরিতা চাকমা, সুব্রত চাকমা, অরুণ বিকাশ চাকমা, তনুয় চাকমা, রঞ্জিত চাকমা, উৎপল চাকমা, অরুণ কান্তি চাকমা, জ্ঞানন্ত চাকমা।

গল্প

বিজয়া চাকমা, অনিন্দ্য চাকমা, ঝানুদেবী চাকমা, যুধিষ্ঠির চাকমা, জ্ঞানন্ত চাকমা, প্রদীপ চাকমা।

প্রবন্ধ

ধীমা চাকমা, পংকজ চাকমা, ভবন্ত বিকাশ চাকমা, প্রবাল বর্মণ।



নাদা-৪, ২০০২



জ্ঞানন্ত চাকমা
কাবিদ্যাঙ

কবিতা

অনিল বরন চাকমা, পংকজ চাকমা, চিত্রা মল্লিকা চাকমা, অনিন্দ্য চাকমা,
বিজয় বাহন চাকমা, চিত্রা মল্লিকা চাকমা, সমর কান্তি চাকমা, রঞ্জিত চাকমা,
সুব্রত চাকমা, কুসুমিং চাকমা, জ্ঞানন্ত চাকমা, রিপন চাকমা (চিচ্ছুং), বি. পি. অরুণ
বিকাশ চাকমা, বাবু মতিলাল চাকমা, অনিল বরন চাকমা (বাদল), সুশান্ত
চাকমা (আবু), ম্যাগলিন সিং চাকমা, চন্দক চাকমা, ঝানুদেবী চাকমা।

গল্প

ধনঞ্জয় চাকমা, রাজীব চাকমা, প্রদীপ চাকমা।

প্রবন্ধ

শোভা রঞ্জন চাকমা, অজিত কান্তি চাকমা, সমর কান্তি চাকমা (তালুক),
উদয় জ্যোতি চাকমা, আশীষ চাকমা, ফুল সদক চাকমা।

নানানথান

শুক্র কুমার চাকমা।



ନାଦା-୧, ୨୦୦୭

କୁସୁମ କାନ୍ତି ଚାକମା
କାବିଦ୍ୟାଞ୍ଜ

କବିତା

ଅନିଲ ବରନ ଚାକମା, ପଙ୍କଜ ଚାକମା, ଗଜ କୁମାର ଚାକମା, ସୁଚରିତା ଚାକମା,
ପ୍ରିୟ ଶାନ୍ତି ଚାକମା, ନୟନ ଦେଓୟାନ, ମଞ୍ଜୁଳ ଧନ ଚାକମା,
ମ୍ୟାଗଲିନ ସିଂ ଚାକମା, ଗମ୍ପୋ ରାଜ ବଂଶୀ ।

ଗଳ୍ପ

ପିଞ୍ଜି କୁସୁସିଂ ଚାକମା, ବିଜୟା ଚାକମା ।

ପ୍ରବନ୍ଧ

ସ୍ତ୍ରୀମା ଚାକମା, ଆଶିଷ ଚାକମା, ବିଶାଳ ଚାକମା ।

ନାନାନିଧାନ

ଟୁଲୁ ଚାକମା ।



নাদা-৬, ২০০৪



মতিলাল চাকমা
কাবিদ্যাঙ

কবিতা

অনিল বরন চাঙম, অরণ কান্তি চাকমা, ঝানুদেবী চাকমা, ভাস্তে সাধনানন্দ,
চাঙমা সমর কান্তি হাঙ্ডেই, অনিল বরন চাকমা, চাঙমা সুশীল জীবন,
জুয়েল চাঙমা, রাহুল কান্তি চাকমা, কৃষিরাম নক্খাম,
মঙ্গল ধন চাকমা, মনিশংকর চাকমা।

গল্প


বিজয়া চাকমা, পিজি কুসুসিং চাকমা, চাঙমা অজিত কান্তি ধামেই,
প্রীতিময় চাকমা, বুদ্ধিমান চাকমা।

প্রবন্ধ

বি. বি. চাকমা, ফুল সদক চাকমা, উচ্ছে হিটলার দেওয়ান,
প্রিয়ানন্দ স্থবির, অজিত বরন চাঙমা।

নানানথান

কে. এন. অনিমেষ চাকমা, উদয় জ্যোতি চাকমা,
বচন চাকমা, ফুল সদক চাকমা।



নাদা-৭, ২০০৫



কুসুম চাকমা
কাবিদ্যাঙ

কবিতা

যুধিষ্ঠির চাকমা, কুসুম চাকম, অরুণ চাকমা (সানী), সজীব চাকমা,
জগৎ জ্যোতি চাকমা, কুসুম কান্তি চাকমা, উদয় জ্যোতি চাকমা,
অভিজিৎ চাকমা, সাক্সেস (নিলা), নারু চাকমা, তর্জিম দেওয়ান,
রাজ কমল চাকমা, সাধন মিত্র চাকমা, পিজি কুসুসিং চাকমা,
গঙ্গা চাকমা, নবজ্যোতি চাকমা, রমেশ চাকমা।

গল্প


হরি কিশোর চাকমা, কুসুম চাকমা, প্রদীপ চাকমা।

প্রবন্ধ

ভবন্ত বিকাশ চাকমা, ফুল সদক চাকমা, পংকজ চাকমা, সুবোধ চাকমা,
বলভদ্র চাকমা, জে.এস. সুরজিৎ চাকমা।

নানানথান

হাঙ্লেই অনিমেষ চাকমা, পি.জি. কুসুসিং চাকমা,
দেবংশী চাকমা, নিরঞ্জন চাকমা।



নাদা-৮, ২০০৬



বুদ্ধিমান চাকমা
কাবিদ্যাঙ

কবিতা

চাকমা অসীম রায়, পংকজ চাকমা, জনেশ আয়ন চাকমা, অনিল বরন চাকমা, বাদালী চাকমা, পিংকি চাকমা, পংকজ চাকমা, বিবু চাকমা, স্তিতি চাকমা, মিনতী চাকমা, পরিমল চাকমা, কুসুম কান্তি চাকমা, অরুণ কান্তি চাকমা, মোহন্ত চাকমা, মায়াল চাকমা, পঞ্চু চাকমা, ওঙ্গো বি. কাম্বা, সজীব চাকমা, ললিতা চাকমা, প্রশান্ত চাকমা, জগৎ জ্যোতি চাকমা, স্রোতি বিকাশ চাকমা, মনি শঙ্কর চাকমা, সুজাতা চাকমা।

গল্প


মন্দিরা চাকমা, হিটলার দেওয়ান, অজিত বরন চাকমা, সুকরমি চাকমা, দীপান্বিতা চাকমা।

প্রবন্ধ

ভবন্ত বিকাশ চাকমা, হাশ্বেই, কুসুম চাকমা, উপম বিকাশ চাকমা, প্রধীর তালুকদার, রেগা।

নানানথান

অনিমেষ চাকমা, ধনীরাম চাকমা, বিন্দু বাসিনী দেওয়ান, অজিত বরন চাকমা, বিমল চাকমা।



নাদা-৯, ২০০৭

রমেশ চাঙমা
কাবিদ্যাঙ

কবিতা

কুসুম চাঙমা, মন্দিরা চাঙমা, ধজর চাঙমা, নবজিৎ (নরোত্তম) চাঙমা, ফুল
সদক চাকমা, সাধন চাকমা, জ্ঞানন্ত চাকমা, মায়াল চাকমা

গল্প


উদয় জ্যোতি চাকমা, সোনাই চাকমা।

প্রবন্ধ

ভবন্ত বিকাশ চাকমা, অনিরুদ্ধ চাকমা, ওঙ্গো বি. কাম্বা।

নানানথান

চাকমা অসীম রায়, উমেশ কান্তি চাকমা, সুভাষ চাকমা, পংকজ চাকমা।



নাদা-১০, ২০০৯



সুভাষ চাঙমা
কাবিদ্যাঙ

কবিতা

মালবিকা চাঙমা, মন্দিরা চাঙমা, নীলা চাঙমা, চিত্রা মল্লিকা চাঙমা,
নিপম চাকমা, সঞ্জীতা চাকমা, ধনঞ্জয় চাকমা, মিঃ এ. কে. চাঙমা,
ধুজি রায় (চাকমা), রনটু জীবন দেওয়ান, রূপম চাঙমা, সম্বুলাল চাঙমা,
অরুণ বিকাশ চাঙমা, তমসা চাঙমা, ধ্বজর চাঙমা ।

গল্প

সুচিত্রা চাকমা, উদয় জ্যোতি চাঙমা ।

প্রবন্ধ

প্রাঞ্জল চাকমা, ভবন্ত বিকাশ চাকমা, প্রদীপ সাঙমা, পংকজ চাকমা,
অমর শান্তি চাকমা

নানানথান

ধ্বজর চাকমা, সুভাষ চাকমা, অরুণ বিকাশ চাকমা ।



নাদা-১১, ২০১০



ধৰ্মশোক চাঙমা
কাবিদ্যাঙ

কবিতা

সঞ্জীতা চাঙমা, রেমি চাঙমা, চিত্ৰা মল্লিকা চাঙমা, সুমিত চাঙমা,
কৌশিক চাকমা, সেবিকা চাকমা, পংকজ চাকমা, চাঙমা ধৰনী রঞ্জন,
অৰ্থদৰ্শী শ্ৰমণ, বিজয় চাঙমা, লক্ষী রানী চাঙমা, তমসা চাঙমা, শুভম চাঙমা।

গল্প

চাঙমা অজিত কান্তি ধামেই, নিপম চাকমা, উদয় জ্যোতি চাঙমা।

প্ৰবন্ধ

কুসুম কান্তি চাকমা, মতিলাল চাকমা, ভবন্ত্ৰ বিকাশ চাকমা,
দেবপ্ৰিয় চাকমা, প্ৰদীপ চাঙমা।

নানানথান

উজ্জয়ন চাঙমা, ধৰ্মশোক চাকমা, জীবন চাকমা,
ৰমেশ চাকমা, মন্দিরা চাঙমা।

ଠିକ୍
ଠୁଁ

କବିତା

ଚାକମା ଅସୀମ ରାୟ, ଜନେଶ ଆୟନ ଚାକମା, ନିରଞ୍ଜନ ଚାକମା, ଅନିଲ ବରନ ଚାକ୍ମା, ପଂକଜ ଚାଓମା, କୁସୁମ କାନ୍ତି ଚାକମା, ଅରୁଣ କାନ୍ତି ଚାକମା, ଗଞ୍ଜୋ ରାଜବଂଶୀ, ଅରୁଣ ଚାକମା (ସାନୀ), ସୁଚରିତା ଚାକମା, ଚିତ୍ରା ମଲ୍ଲିକା ଚାକମା, ଖୁଞ୍ଜି ରାୟ (ଚାକମା), ଗଞ୍ଜକୁମାର ଚାକମା, ବିଜୟ ବାହନ ଚାକମା, ମାଲବିକା ଚାକମା, ନାକ୍ସ ଚାକମା, କୌଶିକ ଚାଓମା, ପରିମଳ ଚାକମା, ସଞ୍ଜୁଳାଳ ଚାକମା, ମାୟାଳ ଚାଓମା, ଭୂବନ ଚାକମା, ନିପମ ଚାଓମା, ସମର କାନ୍ତି ଚାକମା, ହିମାନୀ ଦେବର୍ବମା, ସୁନିଲ କାନ୍ତି ଚାକମା, ଗଞ୍ଜା ଚାକମା, ଏ. କେ. ଚାଓମା, ସଞ୍ଜୀତା ଚାକମା, ଅରୁଣ କାନ୍ତି ଚାଓମା, ପୂର୍ଣ୍ଣିମା ଚାକମା, ଭୂବନ ଚାକମା ।

চিগোন্ এক-কথা কথা

চাকমা অসীম রায়

শলা-বিজিত্ আগুণ্ তুলিলুং ।
সিগারেদর্ লুলঙ ধুমো
বুগর্ গভীন্ ঘুদি
লুগেল' বইয়্যরত্ ।
ভরঙ রোত্‌ত্যান্ মুজুঙে রাঘেই
'নক্কুরক' ইজিৰ্য্যয় সর্দ্য্যা অ্ই
দাগিল' যককে ম'-রে
বাজারত্ সোমেলঙ আমি ।
পুড়দে পুড়দে সিগারেদ ছেই-
বাজারর্ কন' জনর্ দু'খ
রেনি চে'লে দেঘা ন' যায়,
গুনো যায় খালিক্ খালিক্,
আদামে আদামে
পালে-পাল্ কুগুড়োর্ ঘাংঘাঙি !
অটালিয়া ক্ষমবিখ তিনকুড়ি বজরত্
যু'ল বজরর্ জিৎগানি বিদি যেইয়্যা দু'ঘে ।
(বিষ্ণুগুণ্ডো-২, ২০০০)

সলঙ বদলে নিলকবি

জনেশ আয়ন চাকমা

দেবাজুরি আগুনরঙা শিমেই ফুল
গাৰো-বাৰো বায়্যাবাড়ি মান্দাল-ফুল
দিন মাদানে ঋত বদলে
দিক কাভুল দিক কাভুল

এযান দিনত নিলকবি
মর পরানর সত্যবি
চোঘর ইজিৰেয় হাদর ইজিৰেয়
বিলিক মারে ফুল সাবুগী
মনকাভুল মনকাভুল

উধুদো উধে আহ্ভা বায়
দঘিনর আহ্ভা চাম্বা চায়
এযান দিনত মন-পরাণ-চিৎ
উবোলপাল উবোলপাল

কুজি কুজি আগুনরঙা-কোচপানা
যাত্যা সদর নয় সাদাঙা
বুগত জ্বলে চিদৎ জ্বলে
-ছেই আগুড়া

কোন কাল ? কোন কাল ? বিদি যেইয়ে
পূরোণকাল পূরণী কাল

ঋত বদলে নিলকবি
মন বদলে নিলকবি
জ-ন-ম বদলে নিলকবি
সলঙ বদলে- নিলকবি
জীবন, সত্য জানঙ ও নিলকবি
কালর ক্ষেণ, পত্য মানঙ ও নিলকবি
স্বরণ ডাগে স্ববনে মর নিলকবি
পত্তমে ডাগে পত্তমে মর নিলকবি
আহ্ভা আবাধা
বিলিক মারে

নিলকবি নিলকবি
স-ল-ঙ-ব-দ-লে নি-ল-ক-বি
স-ল-ঙ-ব-দ-লে
স-ল-ঙ

(বিবুঙলো-৮, ২০০৬)

তুই এবে-হামাক্কায় এবে নিরঞ্জন চাকমা

তুই এবে হেংরঙর তালে তালে -
শিঙা র'ত ভাঝি ভাঝি,
রান্দালর নিগুচ-নিমোন এঘামার ডগরানিত
আহ্ তামঝাঙর নিরাল - ভিন্দেয়্যা ঝাভাৎ ঝাভাৎ শব্দত ভরগরি
ফুরোমোনর চুগোভুন তুই ডাগিবেগি-
কাজলঙর তারম ঝারৎ ছত্রাপেঘোর ভৎ-পরনি অজৎ
রংরাঙখুলো মোনর অঝার চাদারাৎ আভর-খেইয়্যা ডাগনিত,
রাধামনর মগলো যুদ্ধ-জিদেনীর হিয়েংশিক কারি
তুই ডাগিবেগি-,
তর ডাগনিত -
বড়গাঙ-চেঙেই-কাজলৎ-সাজেক্-থেগা-তৈজঙত তুবোল খেলিব-
গুমেত-মনু-দেড়গাঙ-লাংফির-ডিহিং-সুবনসিরিত উঙুদো উদিব,
ভুজোল বেব' পত্তি খুয়োঙে খুয়োঙে কলগে কলগে-
সদক ফুদিব পত্তি জাগার আন্ধার-নিবিলি আদামে-আদামে;
তর ডাগনিত
গেংখুলি নানুদাঘি দীঘোল ঘুমভুন জাগি উদিবাক,
তারার গীদে গীদে ভরন্দি মোনচাবর তুগনে তুগনে
ফুদি উদিবাক দোকদোক্যা সদরক-ছুলছুল্যা তারম ঝারত
জুরো জুরো বৈয়ের খেলিব, পাগি উদিবাক নলাম-রগোচকুয়ো,
মুরকুরো-সনাতালিয়ে ডুয়ো ঝাগেই উদিবাক,
কিজিঙৎ দিক-কাবুলো হ্‌বাক ফেলাং হেংধাগা ঝাক,
তুই কধাদ্যচ - হামাক্কায় এবে ভিলি
তর ভোনেইয়্যা 'গোজেন লামা'র নুয়ো কেহুলা
তুই ভোনেবেগি নুয়ো যুগৎ - নুয়ো হ্‌বালৎ,
সিয়েনে আমি নিআলসি ঝারচেই আঘি
তুই এবে - হামাক্কায় এবে ।

(বিঝাঙলো-৩, ২০০১)

চাঙমা মা-বোন

অনিল বরন চাক্‌মা

রাঙা-কাল পিনোন খাদি
রাঙা-চাঙা-মা-বোন,
চাদে লাগে দোল আমার
আমা উড়োন পিনোন ।

ফুল চাবোগী আলাম ভোরি ।
যুগে যুগে অনসুর গোরি
ধন্য তারা, গন্য তারা
আমা জাদর মা-বোন ।

সুধ কাদি সংগোরি
বুনি এত্তন রং গোরি
কারমা পাদা ভার বুড়ি
রং গাঝ রঙে রঙ দ্যন ।

মহা কঠিন চীবরে
পূজি এত্তন সংঘরে
ধর্ম কাম, আগা গরাত
রানিয় দ্যন ভাত্‌ ত্যেন ।

ঝোন ঝোন্যা রুব রাদি
রোঙ চোঙ্যা পিনোন খাদি,
যুগে যুগে সুগে দুগে
বাগ' কামত লাম্যন ।

(বিষ্ণুগুণ্ডা-৬, ২০০৪)

ধুননো হেই যা দাঙ্গু

পংকজ চাঙমা

এক চিলুম

হুত্তন এযর ?

-অরুনাচলত্তন,

হুধু য়েবে ?

-দেজহুলে ।

সিদু হি ইত্ত হুদুম ?

-অয়দে,

হুধু আগন ?

-বড়গাঙহুলে ।

বেজার ন ওচ্‌, হি নাঙ তর ?

-শশধর,

হা গুত্তি ?

-হাংসুরি, বোরবো গোঝা ।

হি গরচ্‌ ?

- জুম গচ্‌ছো,

পারিবে বঝর ?

- পারিবেব আঝা ।

মুই অলুঙো উদাসমুনি,

ব্যাঙ গুত্তি বোরবো গোঝা ।

হাম-হরচ্‌ নেই, দিন-মাদান ফিরিলে

এ-নে চাঙরী পেবার আঝা ।

দ্বি চিলুম

ভেইধন,

তোমাসিদু চাঙমা সাহিত্য পইদ্যানে হি ভাবন ?

-সিয়েন দ' হবর ন পেলুঙ ।

চাঙমা কবিতা, গল্প, পশ্চনর বই বাড় অন্

তোমাসিদু ন লেঘন, ন' পড়ন ?

- হোই, সে-য়ো-দ' হবর ন' পেলুঙ ।

আচ্চা, (কবিতা বই ইক্কো বাড় গরিনে) এয়ে ইন্ধি চা,

“মর দেশ ছল মর চিৎহত্তা”-কবিতাবো দেধে মাদে চা

-উঃ, ইয়ে বাংলা লেঘা নয়নে ? মুই দে ন' পারঙে দা ।

ইস, হিন্দী, ইংলিস, চাঙমা লেঘা পারচ ?

-পারঙ দ' হালিক চাঙমা লেঘা যদি হ-চ্

থেবরক হেইপাঙ আবাধা ।

ওকনা, সালেন দ' মুই ন' পারঙ হিন্দী ইংলিস

তুই ন পারচ বাংলা ।

লেঘা পড়ায় রেগা বানিলে

তে দ' চাঙমা লেঘা ভাল ।

তিন চিলুম

দেশ ছলর হবর হেঞ্জান প-র্

উইদে মাইন্যে ন' মান্যে দাঘির,

-হোই, দেবেদা তারার হধা

শুনিলেয়ো রাগ উধে এক দাঘির ।

সিয়েন নয় দ' ভেই এক্কেনা ভাবি চেই

হি দুঘে ফারগ ওয়োন তারা,

এক গরনী তালিক পেদং এক্কেনা হাবেই চেদং

আর' এগত্তর ওই পারন পারা ।

সে হধা নয় আর ভেই মুই পেম যেই

দেৱী অলুং ভালক্ষন ।

ভাত হেই যেচ্ আ নলে থেচ্

হধা হোই আর' হাক্খন ।

দা, পরিবদে যা,

সালেন ভাত হেই যা,

-ন হেমে ।

সারা ওয়েদেয়ো

-ন হেমে মে,

হেদেয়ো

-ন হেমে মে ।

(বিষ্ণুগলো-১১, ২০১০)

সাজন্যাত নানুনেই গুরো

কুসুম কান্তি চাকমা

(কবি জীবনানন্দ দাশভূন ক্ষমা চেনেই)

তুওদ' ভুল জানঙ- রাণী কালিন্দীর নিবোনী ভাঙে অদঙ হরল'
তুওদ' বরগাঙর দোলান দোল ভজমান, ভজমান গভীন
আরবেজ গঙ তার, আরবেজ পানি, আরবেজ জয়র বাবতা
পিথিমী জাঙালতঃ জাত বেজাতর লঘে তর অনসুর জু খারা
রাঙাবীর নয় বানা ঃ মমতাজ-মীনাক্ষীরো চাজ পোজপানা !
এমন সাবাক মন ঃ এমন তর নিধুজি পোচপেভার ক্ষমতা !
ইধু মাত্তে কানোজ গুজি গুজি বরদন আর এক বার
আন্ধারত জুমত অনসুর এভ' উনদুরর এযানা যানা -
সাজন্যার তদেক ঘরত ফিরিল' ভাঙা ক্যাঙান গায় গায় ঠিয়েই
আন্ধারত পথত গুরো ইক্কো হানের পিনোন খাদি পিন্যা
তার মা-রে ভাবি ভাবি- হুধু তে মিলেই যেয়ে হমলে হিজেনি
'হা পো তুই ? হুধু তর ঘর ?' বানা একতাল অলর পুবোরর উত্তর
অলর নিরাল চেরোকিত্যা-মোন মুরো দিগবন খুয়োর আন্দলত
তরেই পুবোর গরঙ কবি - হিচ্ছু হি হবর পাজ তুই এ গুরোবোর ?

(বিষ্ণুগুলা-৭, ২০০৫)

তুই হন দেজর গাবুরী

অরুণ কান্তি চাকমা

গাবুচ্ছে :- বোয়ের' হরত লাঙেল দীঘলী
গুলি সদরগর তুম বাচ্ছানী
হিরবের আহজি মুওত গুলি
পুল্যেং ইক্ক পিধিত্ বুগি
তুই হন দেজর গাবুরী ?
তুই হন দেজর গাবুরী ?

গাবুরী :- অজল নিজো মুরো সেরে
বর গাঙর পারে পারে
নাগর নাগর হধা হদে
নিঙো যিদু নোনেই ঝরে
ম দেশশান সিধু

গাবুচ্ছে :- মোনো ঘর' পেজাঙত বোজি,
আহজং আহজং মু-গোরী,
হেংগরঙান মুওত্ দি
নিবির নিবির বিগিধী
তুই হন দেজর গাবুরী ?

গাবুরী :- নানান জাদর নানান হধা
গুনজে মুনজে মিলনী হলা,
হো-হি গরন মনঅ হধা
থেবদৎ অহ্ন যিদু এক জধা
মঅ দেশ্যান সিধু

গাবুচ্ছে :- নাক্ক ফুল সিরেত গুজেই
দীঘল সুরে হ্ন হ্নেই
তাজ্জুর বাছ ঝাণ ঝানেই
গেলে মর অলর চিৎ লারেই
হন দেজর গাবুরী তুই ?
হন দেজর গাবুরী তুই ?

গাবুরী :- লামা ধরি হয় যিদু গেংছলি,
চলাবাপ ধনপুদীর
অহ্ন যিদু বিগিধী
নলাম রেগেজ যান যিধু পাঘি
রজে রজে যায় যিধু অনসুর ভরি,
মঅ দেশ্যান সিদ্দি ।

গাবুচ্ছে :- রাঙা হাদি বুগত বাণি
বুগত এক্কান আহজলী
টেঙা সরা পিন্যে গোরী
তুই হন দেজর গাবুরী ?

গাবুরী :- তোমার আজু পিজু লোংটেই হুজু
আওজে জুম হেয়ন যিধু
এগো রেদে বেইজ মুগুজত্
হাবা হেয়ন জিধু,
ম' দেশ্যান সিধু ।

(বিষ্ণুগলো-৩, ২০০১)

আদারা

গল্পো রাজবংশী

প্রেম ন' গরিমার এই জিহ্বানীত
পরান গেলেয়ো,
প্রীতি জিন্টা ধক্কেন মিলেই
'প্রপোজ' গল্পেয়ো।
প্রেম গরিনেই আদারা হেলুং
অম' কদ' মুই,
নাধা অহল দোল জীবন মর
অবার আগাব ভুই
মিধে কধায় মন ভুলেই দোন
গাভুর মিলেগুনে।
ফাগত বাবেই জ্বালেই সারণ
প্রেমর আগুনে।
নোনেয়ে-নাগরে চিৎ-জুরেই দোন
কামর বেলাই নেই,
ভূলনি ধরেই দিলেই উধোন
দাত-মু ভেগেদেই।
বেক কধানি ইঁ পুরেই যান
বেক্কানি খান হাম,
কন্ এক্কান গরন আক্কান
নেই কধার দাম।
স্ববন দেঘান রঙ-বেরঙর
মনত জাগান আবা,
ধগে ন' অহলে ফেলেই যান্দোই
আবাখ্ মারি পাবা।
কভার চেলেহ্ কোই ন' পারং
মন' দুঃখোর কধা,
কন' জনেই বাবেই নদেয়ান
দুচেচ্যন মর গদা।
পেত পুরানি ধেই য়েয়েঘোই
চোগত নেই ঘুম,
কোই ন' পারং কমলে অহব'
দুঃখোর জীবন থুম।
থক ন' পেয়ে জ্বালা-পড়া
পেলুং জীবনত,
ন'গরিমার প্রেম কন'দিন
পথমে আ স্ববনত।
(বিষ্ণুগলো-৫, ২০০৩)

বিষ্ণু

অরুণ চাকমা (সানী)

ও বিষ্ণু ! তুই চলন্দি গঙে কধক গেলে এলে
চিদজুরনীত আবা বানং কধক শদে শদে
চাকমা জাদর অবার ভালেদী মুজং গঙে
ভরি উধোক, গাবুচ্যা-গাবুরীর গীদে-রেঙে।
বিষ্ণু মেলার মিলনী গোলাত ধুধুগ' তালে
জাদর সাহিত্য-সংস্কৃতির গাবুর গঙে;
পোত্যারাকির কেধার তলে ঘুমোন মেলি-
জাগি উধোক নুঅ আহ্বালে নুঅ রঙ।
কোকিলাবো সময়ে ডগরের কুছ কুছ
বিষ্ণু পেক্কো ডাগি কয় এচ্যা বিষ্ণু।
বিষ্ণুর তালে নিত্য ধগে এবোক সুদিন
বেগর মনত তুবোল তুলি তাক্ ধি না ধিন্।

(বিষ্ণুগলো-৭, ২০০৫)

মা জাত

সুচরিতা চাকমা

আমি অলং মিলে জাত্
আমার জাগা আঘে জাগা নেই ।
হুধু আগি, হুধু যেবং, হুধু থেবং
আমার হ'ন থিদেব নেই ।
আমি ঘর ভাঙি হলে শুনুগে
পাবর ফলে মিলে জনম, বেগে ভাবলে ।
রিব রিব চোগেন্নি রেনিলে, দয়েহীন সংসারত,
সাজি আগন, জ্বল জ্বল্যে, তেল সাগরত ।
মনত্ শেল্ পুদি, চোগ' পানি লুগেইনে,
হেয়ের রং ফুদেইনে, স্বর্গর মেনকা সাজিনে ।
পরি আঘন আদামত, শহরত, বেঙাহঙা পদত,
নিজর ভালেদর, জিংহানির তক্কিদে ।
হধক বাড়, হধক বয়ের বেই যায়,
সুগে-দুগে মনর রিবেঙত ।
নিত্য নোও ধং, নোও রং,
মা জাত হিনেই, থরি থেই সংসারত ।
লোভ, দ্বেষ, মোহ, তৃষ্ণতে,
ফুলর দোল সাজনী দোল হেয়েতে
সংসার আলামত, আকারত পরিবাত্যে
ভঙরা রূপ ধরি থান সাজি, মধু হেবাত্যে
যুগে যুগে এন্তন যাদন আর এন্তন
নোও দমগে, নোও সদগে, নোও ছলঙে ।
লোভ, দ্বেষ, মোহ, তৃষ্ণ, ক্ষয়ন্তে
সজাগ অইনে উজেই যেই মা জাত্যর দোল নাঙন্তে ।

(বিষ্ণুগলো-৩, ২০০১)

চাবুগী

চিত্রা মল্লিকা চাকমা

পুতুমঅ জু তুলি আমি
চাবুগী আড়েই পিনোন্নর
তিনজুর তুলি তিনজুর ফেলেই
আঙুল পাগেই ব'-গানর ।
সুচ্যেঙ সুচ্যেঙ সামুলেজ
পুতুমঅ হুলিভুন
মনত রাঘেই জন্ম আমার
বুদ্ধ কুলতুন ।
মা জাত্যতুন বেক পরিচয়
পিণোন খাদিয়ে
ফুল চাবুগী শিগি লবঙ
এগেম ধারাজে ।
রাজা প্রজা নাদৎসারা
আগে জাদর মান
এ চাবুগীর গুন বুঝিনেই
ন ইরিবঙ পিনোনান ।

(বিষ্ণুগলো-৪, ২০০২)

পুরোনী-ইরুক মুজুঙে ধুজি রায় (চাকমা)

স্ববনর দিঘোল তেগে পথমর নিরেল বামে
পুরোনী বেগিদো বিজেগ রীদি-সুদোম্
ইরুক ক্ষেনর তোল বোল্যে জাঙালত
আহ্মিজ্যা লেবেদেই থায় স্ববনে-পথমে ।
সোত বোত লেম্পচ্যা জনম্-নিজেন
উজেই যার উনোনেই দোক্ দোক্যা ইজিরেত
দুয়েয়ে মনত কাবিল চোক্
দনায় দনায় ঘচেয়-সুদো, লাঙেলে লাঙেল্
পহন তাগলগর্ মেইয়্যা
রিব্রিব্ উভো-গীদ' র'-এয়াইল ভুইয়ে-বামে ভরণভতি
আহ্মিজ্যা লেবেদেই থায় তুগুনো আহ্ভায় ।
আলামর চিৎকত্তা সাজেয়ে
সচ্পদর বেনতানায়
নাক্রফুল সদরগ' সান্ তুম্বাচ্
কুদুম-অইয়ে মাজারা-চিন্ আমনর্ অহরক্
সদক-সাজনী রাঙা-বেলর্ সদক্ ।
মেহত গরি সমার-সমারী একঘোরবো
অজিরেন্দি সুদোম-বেয়ে বাত্যানী
হেলা-ফেলা দ' নয়, নয় চুগলী ।
পুরোনী-ইরুক তালিক্ মুজুঙে-
দর্য্যার বুগত সাজুরী
গভীনভুন-গভীনত
ওহ্লিপ নয়, খেবরক নয়
আহ্মিজ্যা লেবেদেই থায় চিৎমো'ডুঙত ।

(বিষ্ণুগলো-১০, ২০০৯)

মনবদল

গজ কুমার চাকমা

একখান জিনিষ বেঘর আঘে মানুজর মনত
আবল গরি হয় সিয়েন নহলে হয় স্ববনত ।
ভগবান্নোয় বেঘরে দে সিয়েন পিখীমিত জন্নোলে
কন জন সুখী ন' হন সে জিনিষ্যেন ন' পেলে ।
গুড়োবুড়ো বেকখুনর থায় সে জিনিষ্যেন অন্তরত
বেগন্তুন বেজ ভাজি উধে গাবুরর জীবনত ।
বাঙালে কল্পে প্রেম সিয়েনরে, লাভ কন ইংরেজীত,
চাকমায় কল্পে 'মনবদল' আর কিয়ই কল্পে পিরীত ।
মনবদল হয় যদি দিজনর মন মিলিলে
মিলে মরদ মিলিনেই হোচপাহপি গরিলে ।
পুরনি দিনো গাবুচ্যা গাবুরী সিয়েনরে গমে দালে লারিদাক
মনবদল হলে মাহলে গম ভিলিনেই ভাবিদাক ।
ইক্কুনু দিনো মানুষ্যনে সিয়েনরে বেজ গরি লারন
গমেদালে সে জিনিষ্যান যন্তন ন' গরন ।
এদাল্লোয় গরন ওদাল্লোয় গরন গরন যাল্লোয়পায়
সেদোক্কেন গরি তারা মনদ সিয়েন ফুরেয় যায় ।
নিজর দোল মনানিরে দাম আর ন' দেদন
সিঙিরিনেয় মনানি মিলেয় আর ন' পান্তন ।
ইক্কে দিনত এক্কান চলের নাঙান 'লাভম্যারিজ'
যিয়েনে নাকি হবর ন' পায় সমাজ কি জিনিষ ।
ইচ্ছেমত বো উদোন্দোয় বো চা আর ন' পরের,
মা-বাপ ন' মানদন চোঘোত লাজে ন' ধরের ।
সমাজর রীদি সুদোম ন' মানদন তারা
সিঙিরিনেয় জাদর সমাজ এগরে গন্তন ছারা ।
মন বদল নাঙ দিনেই মনানি গন্তন নাজ,
মান সন্মান ন' চিনোদন, ন' চিনোদন লাজ ।
মন বদল গরিলে যদি বানাহ্ এক জন্নোই
গমে ডালেই ভাবি চেয়নেই নিজ মনাল্লোয় ।
সে মনানি সুগী হয় গোদা জিংহানিত
কন' দুখ এই ন' পারে সেই মনানিত ।

(বিষ্ণুগলো-৩, ২০০১)

মা-ধোঙ্কেন

বিজয় বাহন চাকমা

বড় গাঙর অব্ধার চাদারাত
নোন্‌শিলো পানি কু'
পন পানিয়ে নিন্ত্য ভোথি
চেরোকিন্ত্যে ধুঅ ।
রিনি চেলে মু দেঘা যায়
হেলে পরান জুড়ায়
যে যায় তে আনেগৈ
তুঅ ন ফুরায় ।
তে কাররে ন গরে কোলি
ন দে কাররে কম
যেত্তমান চায় সেত্তমান পায়
বেক্কুনোত্তেই গম ।
ছড়া পারত ওহক না তে
নোন্‌শিলো পানি কুঅ
যে তে অহলদে 'মা'
আমি তা পুঅ ।
তাল্লোই আমার সুঘে আঘে
কদক দুঘোর জিংহানি!
যেক্কেনে চেই সেক্কেনে পেয়
তা বুগর পণ পানি ।
তা মেয়্যা দোয়্যা
আমি ন ভুলিবোং কন'দিন
বর মাগিবোং যিঙিরি আঘে সিঙিরি
খেদ চিরদিন ।

(বিষ্ণুগলো-৪, ২০০২)

হধু তুই

মালবিকা চাকমা

বিষ্ণু বিষ্ণু হধু তুই ?
এভে নেনা-আয়না ।
আগি তরে বাচ্ছেই
হধু আগচ আয়না ।
রিনি তরে আগি চেই
হি ধগে এভে চেই ।
হন রঙে এভে তুই
হন সাজে সাজিনেই?
হন্ পধে আদিনেই
না হি এভে উড়িনেই ।
এভে নাহি বয়েরে
না হি এভে ঝড়ে ?
আগি তরে বাচ্ছেই
মিধে দিনেই পিধে হেবার ।
গুরো-বুড়ো বেঘে আগি
রীদি সুদোম পালেবার ।

(বিষ্ণুগলো-১০, ২০০৯)

মুই

নাক্ক চাকমা

বাপ-মা, ভেই-বোন, আর সদাচেয়,
আদাম্মে-পারালেয়, ইত্তে-হুদুম, আর সমাচেয় ।
তোমা ধারাজ, তোমা আহুজ, তোমার স্ববন,
তোমা পোচ্পানা, তোমা কিরব্য্য' নভুলিম আমরণ ।
তোমার মেয়েই এ জিংহানি ফুলসান সাজিবো,
পোচ্পানার সাঙু বে-ই সুঘো বেল উধিবো ।
মেয়ের সুরে 'সাধুবাদ' কানত ফুধে এব সঙ,
তোমা হধা মনত রাঘেই, সাধুবাদ্তান মাধাত লঙ ।
এজীংকানীর সাঙুদোর নয় কায়-কুরোত,
তোমা সমারে ইক্কু নেই, আঘং ভালুদুরত ।
তোমা হধাত তালমারি অক্তে অক্তে আহুজং,
চোস্কুন মেলি রেনিলে, হাক্কন বজি ভাবং ।
দূরত ভাবি ন-গরিবা এহুলা-ফেলা মরে,
মনত বানি থবা বেগে 'নাক্ক' নাঙে মরে ।
আদাম ছাড়ি, রেজ্য ছাড়ি পরবাচেয় জীংহানীত,
দূরত বিলি দূরত নয়, কায় আঘং এভ সঙ
স্ববনত, মনানিত, কোচপেয়ে মেয়েনিত ।

(বিষ্ণুগলো-৭, ২০০৫)

মর জনমথান

কৌশিক চাঙমা

ভারদ দেবাত জনম মর
হুবি মুই সেনতেয়;
ত ধক্কেন দেব মুই
মাক্যং মুই পেবাতেয় ।
হুধু তোগে পেম মুই
ত' সান মেয়ে দোয়েয়;
ত বুগত আঘে মাদো
অ-থুম মেয়ে-দোয়েয় ।
তরে বাজেবাতেয় যেইনে
যিগুনে দেদন লো'
তারা ধোক্ষেন মুইয়ো মাদো
তর এক জন পোঅ ।
তারা ধোক্ষেন পোঅ অইনে
তর গমতেয় চালি দিম মর পরান ।
জনম জনম মাদো মুই
ফিরি পাং য়েয়ন্ তর হরান ।

(বিষ্ণুগলো-১১, ২০১০)

গাঙ' পাড়ে পাড়ে

পরিমল চাকমা

কধক কথা জমি আগে
দেরগাঙ মনুগাঙ গোমেদর পারে পারে,
পূরণি মানুজোর বেড়েয়ে জাগা
বিদি যেয়ে দিনর সমারে ।
বলপেয়ে কলক, গাঙ' পাড়ানী,
জুমর ধানত ব' খেলানী,
বেড়েয়ে, মাছ-হাঙারা ধচ্ছে,
সে নান্নফুল পাচ্ছে জাগানি ।
খবর শুনিলে পশচন হয়
সে আমলর কথানি ।
মোনের কায়-কি আলকদিয়ে ঘর,
বেইল্লে অলে ফুদে জুন পহর
নিত্য জমে কোলোরোবো গাবুচ্ছে গাবুরীর
জিদেজিতে চলিদ' ধুক বানাহ, হেঙরং বানাহ,
পরান কোজোলি তুর-র-র' বানাহ ।
আহজি যেয়ে দিনোর কথা
ভাজি উখে মর দ্বি-চোগোত,
গাঙ-ছড়া দেলে মনে কয়
মুই এবা, আগঙ সে দিনত ।

(বিবুঙলো-১, ১৯৯৯)

চিদে!

সম্ভুলাল চাকমা

দিনকাল রিনঙ য়নী
অনসুর ডর বুগৎ সমে
সে-হেনৎ আর' ফেবো ডগরন.....,
আদাম সঙমধ্যে ।
হিজেনি.....
ভাদ' রাদ পরিব' নাহি,
না গেদী বিনেব্ ওই পেবঙ,
না হন' আদাম ভাঙিবো ।
ওহঅহলে
হন' গেঙহলী অবদে
'চাদিগাঙ ছারা পালা' গাঙে ।
মান্ডর,
ইরগত দ' গেঙহলীও নেই,
আ, খেলেও কি,
এ বিজ্ঞানর যুগৎ !
রাণেবেড়া যেয়েগুনে হেনে আগন হিজেনি ?
ফোন গরি চেম নাহি,
ওহ.....মান্ডর,
রাণেৎ টাওয়ারও ন ফেভ',
হুতুন!!
লোরিচারি পাতুঙ,
বামে বামে, যেই যেই নুঅ-পুরোন রাণেৎত,
'তোনপাত' তোগেগেগুনরে তালাজ গোঙুগোই,
লো'-হুদুম ভাবিনেই,
হিঙিরি চেই.....!
আদাম্যেই নুঅ জুম' ভাত হাদে
আমনর লুদুপুদু থা পড়ে রাণেলোই,
টাওয়ার খেধ' হোঙুঙ, জুম আরেদাক
অক্ত এলে, আমিও পেরঙ
নুওভাদ' সুওস্তান,
হেয়ান্নে.....??

(বিবুঙলো-১০, ২০০৯)

জুম্ম জিধু

সমর কান্তি চাকমা

সতুর ববার জিধুর বয়স, চুল দারি পাগানা ।
গুজং জিধু হামেইনে হায়, ন হায় হারতুন মাগানা ।।
পো আগন, ছা আগন, গিরিভি গরন মোগ পোলোয় ।
মালা ছড়া ধোন্ধেন গরি মিলিছিলি থায় বেঙ্কুনোয় ।।
জুম্ম জিধু বোই ন থায়, নিত্য গরে হাম ।
যদে পদে জুম গরে, আর মান্যে গরন তারে সন্মান ।।
পৌঝে-মাঘে জুম হাবে, ধান হজেদে বৈজেক মাস ।
বয়স সতুর অহ্লেওতো গরে তে জুম চাষ ।।
ভাত মজাবো পুনত বানে, দাবাবো লয় আদত ।
জুম্ম গীতুন গেই গেই বাগত যায়তে রাদা দাগত ।।
ধান পাগিলে জুম্ম জিধু গরে পূণ্য দান ।
তার দানানি একাউক্কো নয়, দানবীর বিশ্বাস্তরর সান ।।
জুম্ম জিধু বিহারত যায় পালায় পঞ্চশীল ।
ধর্ম হধা শুনেই শুনেই মানুষ্যনুরে গরে মিল ।।
ভাগ্য আমার গম নয়, জুম্ম জিধু আর সংসারত নেই ।
নিত্য মুই ভগবান বুদ্ধ ইধু তবনা গরং তারে পেবাঙেই ।।

(বিষ্ণুগলো-৪, ২০০২)

গীত

পাগালা

হিমালী দেবর্মা

গীত পাগালা গীত গায়
আ-আ-আ-আ গরিন্যায়
মানুজে থেই ন পারন
তা গীতুন শুনিন্যায়
গীদঅ শেজে বেড়া যায়
গুদু খারা জঘা চায়,
ফুদুঙ ফাদুঙ আবার খায়
কানি কানি ঘরত্ যায় ।

(বিষ্ণুগলো-৩, ২০০১)

চাঙতুন পড়ি-যাদনোই মরি

সুনিল কান্তি চাকমা

আমি একজাত মানুষ
আমাতুন নেই উজ,
সংসারত এচ্ছেই কিন্তু
নেই আমাতুন বুঝ।
মদ খেই জগরা খেই,
গরি মারামারি,
সংসারত গরিবার নেই আর
জানিই বানা ইয়ানি।
জাত্তো হিয়র, সংসারান হিয়র,
আমার খবর নেই,
মুজঙত পেলে খেই
আর হিচ্ছু ভাবনা নেই।
হুধু আঘে চম্পকনগর, হুধু আঘে চট্টগ্রাম
হুধু আঘে সাহিত্য, হুধু আঘে চাঙমা জাত
কলি যুগত ন খেল' আর
তার হন নাঙ-বাজ।
আমি এক জাত চাঙমা
যার ফলে চা'না-
ভেক্কুনে চাঙতুন পড়ি
যাদনোই মরি।
গেলাক যারা অরুনাচল
তারা ওহ্লাক অচল।
খেলাক যারা তিবুরা
তারা অহ্লাক মরা মরা।
মিজোরামত এক অংশ
তারাতুন নেই বংশ
বাংলাদেজত যিগুন আঘন
মুজুরমানো মারেই ফেলাদন।

(বিষ্ণুগলো-৩, ২০০১)

আলসি মিলে

গঙ্গা চাকমা

হাম্য মানুষ হামদ যাদে
আলসি য়েব' ঘুম।
এক দুরতুন দেলে চিনে
আলসি মিলের জুম।।
ধাক চিদিরে পেট চিদিরে
আলসি মিলে পোঅ।
বেন্নে বেল্পে সেজেরেবো
ভাত পিলেবো।
চিদিরে চিদিরে গালচাবাদাগ
আলসি মিলের ঝি।
গাঙত গেলে গাদেই ন দে
পানি নেই নাহি ?
তালি উগুরে তালি
আলসি মিলের পুন।
আহদি যাদে বাজ নিঘিলে
আলসি মিলেতুন।

(বিষ্ণুগলো-৭, ২০০৫)

বিব্লুত তোন তোগা

এ. কে. চাঙমা

বিব্লুত তোন তোগা যেইনেই
এক্কা তুই আহ্জিনেই হোয়োচ্ছে
তরে হোচ্ পাংঙে
তরে হোচ্ পাংঙে ।
বাচ্চোরি তোগা যেইনেই
পাগানা পত্তিঙুলো পেইনেই
আহ্জিনেই হোয়চ্ছে
তরে হোচ্ পাংঙে ।
লোম্ফুল, ওজোন শাক, তারা আর শিগোনশাক
ভরন পুল্যেং বুগেই দিনে হোয়চ্ছে
তরে হোচ্ পাংঙে
তরে হোচ্ পাংঙে ।
নাম্ব ফুলুন দেইনেই
পরান হোজলি গোরিনেই
এক গজর পারি দিনেই হোয়চ্ছে
তরে হোচ্ পাংঙে
তরে হোচ্ পাংঙে ।
হলাত্তুর, চিঙিশাক, বেগোল বিজি, আম্মোচ্ শাক
সেঙেই গুলো, শিনেয়ে শাক
তজিমপুরো তোন তগা ওহ্নেই
পুল্যেঙ বুগি ঘরত এত্তে
পিবে ফিরি আঝিনেই
চোগো ঠারেদি হোয়চ্ছে
তরে হোচ্ পাংঙে
তরে হোচ্ পাংঙে ।

(বিব্লুগুলো-১০, ২০০৯)

বিব্লুগুলো

সঞ্জীতা চাকমা

বব্বর ঘুরি ফিরি এয়ে
আওজর বিব্লুবী,
নোও ধারাজে নোও তুম্বাজে
হ্জির ইনজেব তাগি ।
'বিব্লুগুলো' নাঙ দিনেই
পত্তি বব্বর খার দিনেই
নোও হোচপানায়,
ম্যাগাজিন ফগদাঙ গরে
চাঙমা ছাত্র জধায় ।
বেগর মনত হ্জির ঝালগা
নিত্য ব' হেলে
বিব্লু দিনত মন তিরোচ্ অহ্য়
বিব্লুগুলো পেলে ।
দেজত, জাদত নাঙ থেব'
চাঙমা ছাত্র জধা,
পত্তি বব্বর বিব্লুগুলো-র
অহ্য় ফাং নামা ।
এজ এজ বেঘে এজ
চাঙমা ছাত্র জধা
দেবে গাঙে নাঙ হামেয়
ওই নাঙ জাদা ।
আমার বেগর হ্জির স্ববন
বিব্লুগুলো নাদা,
আক্মলিম আহ্দিবং আমি ।
ন থেব' হনঅ মানা ।

(বিব্লুগুলো-১১, ২০১০)

চাঙমা-১

জরানা-অরুণ চাঙমা

ঘজা-পূর্ণিমা চাঙমা

একা একা বাপ-ভেইলক আমা ঘরানত
আয়োজ গরি ডাগঙর পোতপোত্যে জুন পহরত ।
ঘরত আঘং গায় গায় মুই চিক্চিক্যে মনানত ।
আহ্জিবং নাজিবং গীত গেবং জুনপচ্যে উধোনত ।
একা' একা' মা বোনলক আগং বাচ্ছেই জুন পহরত
খেবং-দেবং গীতগেবং বেড়েবং আদামত ।
মুই ডাগঙর ম ঘরত তুই দাগিবে ত' ঘরত
ইবে আমার বিঝু দিন ভাঙা বজরত
ইয়েন আমার খুঝির পাজন্তোন আর আগে তিদে
কলা আগন মুড়ি আগন সয়সাগচ্যে পিধে
মদ খেবা জগরা খেবা লক্ষী গরি বজিবং
পান-চুবরী দাবা খেই সংসমারে নাজিবং ।

(বিঝুগুলো-১, ১৯৯৯)

গীত-২

জরানা আ ঘজা-পূর্ণিমা চাকমা

মিদে মিদে বোয়ের বায়
হালা হালা মেঘ বেই বেই যায়
আবাদা ডেবা গুজুরে (২)
সমাচ্যেগুন মনত উধে (২) । ।
হাবাহাব গরি ধান পাদা নাজে
সুযোগ বুঝি গাবুরী সাজে
হুম্মো লইনে গাঙত যায়
গুণ গুণ (২) সুরতুলি গায় (২)
মুয়োন ফিরেইনে গায় গায় আজি । ।
মুই ধনপুদি তুই রাধামন
সিয়েন ভাবিলে হুজি অয় মন
চেরোপালা বানা পোগো রঅ
বুঝাং সময়েন ভারি দোল (২)
মনর আঝা তে এবার পুরেব (২) । ।

(বিঝুগুলো-২, ২০০০)

চাঙমা গীত-৩

জরানা-ভূবন চাকমা

ঘজা-অরুণা চাকমা

মরদ-

যেই যেই নাগর আমা ইধু যেই
মামাদাঘি হয়োন তরে আমাইধু যেবাতে
তর নাঙান গুনিলে আওজ গরন তরে সেবাতে
যেই যেই.....যেই ।

মিলে-

হিঙিরি যেদুংআয় ত লগে মুই
মান্যে দেলে হি হবাক বাপ্পোসনি তুই

মরদ-

বেড়াল্লী হোম আয়, হিচ্চু ন হবাক
তুই যেবার আঝায় তারা বাচ্ছেই খেবাক
যেই যেই.....যেই ।

মিলে-

বুঝেই হবে ঘরত তুই এভ একদিন
যদি তারা এখন হবা, এম সে দিন

মরদ-

হিঙিরি বুঝেই আয় ঘরত যেইনে মুই
ভেঙ্কনে বাচ্ছেই খেবাক যেবার আঝায় তুই
যেইযেইযেই ।

(বিঝুগুলো-২, ২০০০)

ଓଁ
ଠୁ

ପ୍ରବନ୍ଧ

ଭବନ୍ତ ବିକାଶ ଚାକମା, ପ୍ରଧୀର ତାଲୁକଦାର, ଫୁଲ ସଦକ ଚାକମା,
ମତିଲାଲ ଚାଓମା, ଦେବପ୍ରିୟ ଚାଓମା, ଶୋଭା ରଞ୍ଜନ ଚାକମା,
କୁସୁମ ଚାକମା, ଗଞ୍ଜାଜୟ ଚାକମା, ପ୍ରିୟାନନ୍ଦ ସ୍ତବିର, ଅଜିତ
କାନ୍ତି ଚାକମା, ରେଗା, ସ୍ତୀମା ଚାକମା, ପଞ୍ଚଜ ଚାକମା ।

মঙ্গল সূত্র আহ্ তার ব্যাবহারিক চেতনা

ভবঙ্ক বিকাশ চাকমা

এক সলা বানা পিথিমীত নয়, পিথিমীর বাড়া দেবকুলতয়্য কুবোনে মঙ্গল, কুবোনে বেচ মঙ্গল থায়ঠিক গরি ন পারন ক'ন দাগিয়ে'য়্য। ক'ন দাগিয়ে কন, কাম গরিলে মঙ্গল, কিয়'য়্য ক'ন, উপদেশ দি পারিলে মঙ্গল, কিয়'য়্য কন, যার বুদ্ধিয়ে যে চলে সিয়ান মঙ্গল। এযান গথে গথে গৌতমবুদ্ধর আমল পছোগি। আর সিয়ানর থায়-ঠিকান জানিবাতেয়্য রেত সম্ভাগত এক দেব পুত্র স্বয়ং বুদ্ধ ইধু এ'ই বুদ্ধভুগন পুঝোর গরেথে, “ভগবন, মনুষ্য কুলত দ চলেরই, এমেন কি দেবকুল উর্ধ্ব কুলত'য়্য মঙ্গল মঙ্গল গরি নানা ধরনর কথা চলের। কুবোনে-কুবোনে মঙ্গল, মাত্তর কিয়্যইই কারর কথা মানামানি ন গরদন, তুই দ সব জাস্তা। দেবকুল, মনুষ্য কুলর হিততেয়্য একা দোয়ে গরি এ সমাধানান বাদেলেই দে ভগবান”।

সক্কে ভগবনে কথে, তর এ পুঝোরান কল্প কল্প ধরি চলি এযের আর বুদ্ধ বাদে কন দাগিয়ে এ পুঝোরানর উত্তর দি ন পারন। দেব পুত্র সালেন শুনি থাক মুই তরে ভাঙি দ্যঙর কারে মঙ্গল কয়। সক্কে ভগবানে কথে, “বগাচদররে ন পুজোনা, পন্ডিত জনরে পুজোনা সিয়ান উত্তম মঙ্গল।” ভগবানে আর কথে, ‘যে বাম বা জাগাত থেই আমনর ধর্ম লালন পালন গরি পারে সে বামত থানা, গম গম কাময়ানি বারে বারে মনত তুলোনা, নিজরে গম পধে চালেই নেযানা, সয়সাগর শাস্ত্র, শিল্প, বিনয় শিঘিবা, অজবা ভাষ দ ন ক'বা আর মনতই ন তুলিবা, বাপ-মা দুখ ন পান পারা সে কিত্যে চোগ দিবা, মোখ পুয়া দোলেই পালেবা, অপূণ্য কাম ন গরিবা, সময়ে দান, ধর্ম অচরন গরিবা, জ্ঞাতিকুল চোখ দেনা, দুয্যা কাময়ানি ন গরানা, মদ খানাত চিত্ত কন সময়ে কু চিন্তা সমেবার ভ' ন গরিবা, মানী জনরে মান দিবা, আহ্ তারারে বাইনি গরিবা, পেয়ছে জিনিষ্যই খুঝি থেবা, মনত দুখ ন তুলিবা, কারর উপকার মনত তুলিবা, সময় মাখ্যা ধর্মকথা শুনিবা, ক্ষমার যোগ্যরে ক্ষমা গরি যেবা, গম গম কথা তুলোপারা গরিবা, ধর্ম আলাপ গরিবা, পাপ কাম বা দুঃচিন্তা মনত ন সমেবাতেয়্য ভাবনা গরিবা, শীলাধারী হুবা, সংসারত দুখ আঘে, সে দুঃঘর কারনই আগে জানিবা, আর সে দুখ বন্ধ গরি পারে পারা পথয়্য আঘে গরি জানিবা। সংসারত লাভ-লুকসান, যশ-অযশ, সুনাত-কুনাত, সুখ-দুখ - এই আট্টোয়ান জিনিষ আঘে গরি জানিবা আর সিয়ানি মানি চলানা মঙ্গল। দুখ পেলে ভাঙি ন পড়ানা আর মুঝোঙ ভবিষ্যতর কথা ভাবি নিব্বান কেতে চোখ দি চলিলে বেক কিত্যেন্দি মঙ্গল হয়”। মুটমাট মর আন্দাজে ইয়ান ভগবানে কইয়ে মহামঙ্গল।

একা চেতন চেরেষ্ঠা গরিলে বুদ্ধর ভাষন বা এই সূত্রবো নিজ যানযামত আনি পারে। মাত্তর ইয়ানি জানিয়া আমি ভাস্তে দাগিরে ডাগি আনি তারা মুওত্তন এই সূত্রবো শুনিবাতেই বা আমারে তারা এই কথায়ানি মনত তুলি দিবাতেই তারা মওত্তন শুনিদং মাগি। তার কারন হুদে, ভাস্তে দাগি একা নয় একা ব্রহ্মচর্য পালন গরন বা আমারে চেলে তারা আগাজত আর

আমি মাদিত। সে বাড়ি আমি মনে গরি সাক্ষাৎ বুদ্ধর প্রতিনিধি। তারা আমাৰে সে কথায়ানি মনত তুলি দিলেগি আমনর মন ঘোর ঘোর হয়, মনত খেলে সু-বাতাস। আর সেই কারণে অনুমান গরা যায় বঝর ঘুরদে ন ঘুরদে মানুষ্যনর মঙ্গর সূত্র শুনোনার তাগিদ দিনে দিন বাড়ি যার। আর ইয়ানঅ ঠিক, অনেগেই মনে গরন বঝর পইলেদি মঙ্গল সূত্র শুনিলে গদা বঝরবো আর অ'মঙ্গল বাবতে - জিনিষ্যানি আমনরে আবেরেই ধরি ন পারে। স্যানে আগেবাগে মঙ্গল সূত্র অনেগেই শুনোন বা শনিবার জু পেলে শুনো যান। এ যাবত এই সূত্রবো নি বিতর্ক ন উধে বা মঙ্গলর ব্যাখ্যা এতুন পাৰা আ'র কন দাগিয়ে গমে দি ন পারন ইয়ান বৌদ্ধ ধর্মর এক্কান পোতপোত্যা দিক বা অহংকার গরিবার এক্কান নিশানা।

এচ্যার আলাপ্পান হলে তার ব্যবহারিক দিক নিয়ে। মুটমাট যে ধগে চাঙমাউনে মঙ্গল সূত্র এ যাবত শুনোদন বা শনি এযির সিয়ানির ভিধিরে সোমেই আমি ইয়ান পেই যে আমাৰ মধ্যে সেত্তমান কারল্পই উৰুঙপুঙ বেমিল নেই না বাংলা না ত্রিপুরা না অরুনাচল বা উজু গরি আমাৰ মধ্যে পিয়ুমাপিযুমি নেই। মান্তর এক্কান কথা আঘে, তুই শুনোত্তে মঙ্গল সূত্র আর মানুষজন বা ভাস্তে দাগিরে খাবেবাতোই গরখে জীব বধ। কুড় কাবর, নয় ছাগল বা শগর কাবর বা ফোরতুন বা গাঙতুন ধরি আনর মাছ - এই জিনিষ্যান তোলেই চেলে আর বৌদ্ধ সূত্রউন পড়ি চেলে ভজমান ভারি বেসাজন বেসাজন লাগে। মঙ্গল সূত্র শুনোনার অর্থ, “পূণ্য কাম গরানা” পূণ্য কামত জীব বধ ! নলেন স্যা ইক্ষে দিনোত জীব বধ ন গরিয়্য ভাস্তে দাগিরে এড়ালৈ মাছেয় ভাত খাবেই পারে। সয়সাগর বুদ্ধি এ ব্যাপারে ধার উদোর গরি পাৰা যায়। ইয়ান বানা ইক্ষে দিনোত নয় আ'গ দিনোতয়্য এল। মান্তর আমা চাঙমা মুঙনি যে দা'দ সিয়ান ন মানিবং বা হেঙেরি ? মেলা-মেচবানত তারার এটা কুদোদে মদ লাগে, নলেন স্যা চিন্দে বাচ্ লাগে। মেলাত তোন রানদে ভৈদেয়ে মা পিলে (এটা পিলে) লাগে বানা মরতুনর এই চিন্তা ধারার মানুষ্যনর ঘরত জীব বধ ন গরিলে এক্কা মু উজুলো হব ইয়ান কিতোই ন মানিবঙ ? মার বুদ্ধ আমলতই এল, আর তে ইক্ষে লুগেই যেইয়ে ইয়ান ভাবিবার কারণই নেই।

আমি যারা মন্দির পালেই, পরিচালনা গরন, পারন্দে জনুনে বঝরা একপল্লাদরে মঙ্গল সূত্র শনি ইয়ান বিশ্বেজ গরি ওক বা বড় জনর চাবে ওক মঙ্গল সূত্র শনি। আমামায় অনেগেই দেঘাদেঘিয়ে আন্দাজ গরন, মঙ্গল সূত্র শুনোদে ভালুক্কন টেঙা লাগন। কারন তারা মনে গরন্দে, মঙ্গল সূত্র শুনিলে এই দান গরা পড়ে, উই দান গরা পড়ে, এদে কয় ইয়ান দান দিলে উত্তম মঙ্গল হয়, উদে কয় উবোন দান গরিলে মহা মঙ্গল। আরক দাগির দেঘাদেঘি মঙ্গল সূত্র শনদে পাড়ালোয়া-পোড়ালোয়া ডাগা পরে, বড়জন বলা পরে, আরক দাগিতুন তারা দেঘন এক সজ্জলৈ সূত্র শুনিলে আ'র মঙ্গল। ইয়ানি ইঃজেব গরিলে যারার বঝরবো টেঙা ন কুলয় বা যারা দিন আনি দিন চালান তারা মন সে নাঙে চি মরা, উজোঙ উজোঙ মনান পিছেয়া যায়।

নলেন স্যা তারা ইয়ান মনতই ন তুলোদন, মঙ্গল সূত্র শুনোদে কন এক্কান জিনিষ দান ন গরিলেও মঙ্গল সূত্র শনি পারে, যেমেন তুই কারর ঘরত মঙ্গল সূত্র শুনিলে টেঙা বা পইজে ন দিলে কারে কন্দা কি ক'ধ, গিরিবো যুদি মোম বাস্তি দান ন গরে, চোল দান' পইয়্যত ন দে, চা পাদা দান ন গরে, পানি ছাগনি দান ন গরে, টেঙায়্য যুদি দান ন গরে ভাস্তে দাগি পানি ঘট ফেলেই যেই পারিবেক নি ? জানদন বেঙ্কনে, ন পারিবােক। আর মঙ্গল সূত্র শনি কাররে ভাত খাবেই পায় এযান দায়মারা কথা বৌদ্ধ শাস্ত্রত নেই ইয়ান আমি কিন্তু বেগে জানি। সালেন লাগেত্তে কুবোত টেঙা ? ন পারিবেক যগন সি'এ হলে ইয়ান আমি মানি পেইর “ইয়ানি আমি গরির

বানা লোকাচার” এই লোকাচারে তে উবোন দান গচো, মুই ইয়ান দান গরিষে, উ’তে উবোন দান গচ্ছে মুই সিয়ান দান গরি ন পারিম, মর সেদক্কানি দান গরানা সম্ভব নয় সেনে মুই পাত্তুং নয় মঙ্গল সূত্র শনি, যে শনিয়ে শন এই মানসিকতা অনেগরই কাম গরে এই লোকাচারে। স্যানে লোকচার জিনিষ্যান অবহেলা গরিবার। তারার তাক চাদে চাদে বঝর যায়, জনম যায় তুও মঙ্গল সূত্র শনোনা ন হয়, নলেন স্যা তার বা তারার ধারণা মঙ্গল সূত্র শনিলে আমনরই লাভ।

এই কথা ঈদোত রাখেই ইরুক কালে আমি ত্রিপুরাত দেঘির একদাগি ঘরত মঙ্গল সূত্র শনোদে পাড়াল্যা পোড়াল্যা, বুড়োবুড়ি, স্ব কুদুম্ব বলান ইয়ান কন মতে অমঙ্গল জিনিষ হই ন পারে। মঙ্গল সূত্র শনোদে পাড়াল্যা-পোড়াল্যা ডাগিপায়, বুড়োবুড়ি খাবেই পায় ইয়ানঅ বান্ধা কথা নয়, ইয়ানি দেঘাদেঘি মাত্র। আরক দাগি মনে গরি পাদন বুঝি ওক ন বুঝি ওক, ওহ্ মঙ্গলসূত্র সালেন এধক্যেন এধক্যেন গরি পায়। অভাবী জনে এয়ানি ডরান, সাদাঙা সাদাঙাউনে ইয়ানি আ’র পাজারা ফারি যেবার জু পান। সেনে ঘরত যারা মঙ্গল সূত্র শনিবার নাঙে এক্কা উজুলো উজুলো তারা আর ভোট ন পান, মন খ’দা থায়।

নিভাগে মর মতে মঙ্গল সূত্র শনি পারে বিনে পইয়েয়। আদাম্যে পাড়াল্যা ডাগানা ইয়ানি লোকাচার মাত্র। মাত্তর এক্কান কথা আমি ফেলেই ন পারিবং বা পারা ন যায় মানুষ একদাগি চান অন্ততঃ বঝরা কায়কুড়র পাড়াল্যা, আমনর বামত বুড়োবুড়ি বঝরা এক স্বাচ্ ভাত খাবেবার, ঠিক ঠিক ডাগি আনিয় খাবা ন যায় এয’দে ম ঘরত ভাতর ব্যবস্থা গচ্ছাংগে। স্যানে একদাগি মঙ্গল সূত্র নাঙে বা মঙ্গল সূত্রে উপলক্ষ্য গরি আদাম্যা পাড়াল্যা বলান কায়কুড়র মানুষজন বলান এই উধিজে জিনিষ্যান খারাপ দ নয়ই বরং শাস্ত্র সম্মত। আর সিয়ান যুদি কনজনে মনে গরে মঙ্গল সূত্র শনদে আদাম্যা-পাড়াল্যা ডাগি পায় বা বলা পরে সিয়ান তার এক্কান অবুঝ ধারণা। মাত্তর এয়ান অনেগেই মনে গরন ইয়ান বালা ধারাধারি গরানা। যেমন-একজনে মঙ্গল সূত্র শনিলে কাররে ন ডাগিলে সে মানুষ্য এগেক সময় মনে গরের ‘ত্যা যগন ন ডাগে মুই কিত্যেই তারে ডাগিদুং’ এই মানষিকতা কাম ন গরে গরি আমি কই ন পারি। আর এই মানষিকতাত্তন জন্ম লয় সামর্থ্য-অসামর্থ্য নাঙে এক্কান জিনিষ। ধরা যোক পেচারতল মন্দিরর দায়ক অরবিন্দর কথা। আদামত কায়কুড়র জনুনে মঙ্গল সূত্র শনিলেই তা ঘরত ডাক পড়ে, তাত্তন কাম বল মাঘন আর তে ন যেইয় ন পারে। মাত্তর তার বা তার পরিবারত দ্বি জনর মধ্যে একজনর অক্কে অক্কে চেতনা জাগে মানুষজনে যগন মঙ্গল সূত্র শনোন আমনর ঘরত’য় মঙ্গল সূত্র শনিবার দরকার আঘে, মাত্তর মঙ্গল সূত্রর কথা উধিলেই তার মনত উদে আদাম্যে-পাড়াণ্যে কথা যারা তারা কন সময়ই ফেলেই ন খান, বা একবারয়্য তারে বাদ দিনেয় মঙ্গল সূত্র ন শনোন। এন্দি সে নাঙে ইঃজেবত বলেই তার টেঙা ন কুলায়। তার সকে মনত উদের মঙ্গল সূত্রত এ’ই এ’ই দান গরা পরে, মানুষজন এবাক তারারে চা পান খাবা পরে, অমুগে-সমুগেদ এ-ই এ-ই তোল্লোই খাবেইয়ে, আমনে কি তারারে বানা ভাত খাবেই পারে’ আর নানায়ান মনত উদিলে সি-মরা ওই ভস্ যায় তার বা তারার গঙ।

আমি জানি ইয়ত বানা অরবিন্দর নাঙান তুলিলুং আর ক’ত অরবিন্দ আগন তারা বঝরবো বানা নয় গদা জনমান ঘরত মঙ্গল সূত্র শনি ন পারন। এদেরার সংখ্যা কিন্তু কম নয়। এদেরারে ক’ন জনে’য় যেই যেই টেঙা যাযি ন দেদন “ধর, এউন্দোয় মঙ্গল সূত্র শনিচ।” গদা বঝরবো বুদ্ধর নাঙে সিয়ং দিল, বুদ্ধর নাঙে সিয়ঙ দি ভাস্তরে পুজিল। ইয়োত বুদ্ধরে দেনার অর্থ ভাস্তরেয়্য দশজনর সমারে সিয়ং খাবেল। দান প্রতিদান সংসারত আঘে, এই অর্থে ভাস্তে দাগি মিলি বুলি এক্কান তেম্মাং গরি পারন, সিয়ান হ্ল, যারা

বঝরবো সিয়ং খাবেলাক তারারে একা প্রতিদান দেনা। তারার ঘরত, যারা মন গরন মাত্তর রাতে ন পারদন তারারে মঙ্গল সূত্র হেঙেরি শুনো যায় সে তেমাগান গরানা বা যারা মঙ্গল সূত্র শূনি ন পারদন মন্দির কমিটির বলে জানি লনা আর মঙ্গল সূত্র শুনোনার ব্যবস্থা গরানা। তারা অলেভ নলেন মনে গরদন “আমি যাযি যাযি যেই ন পারি” সিয়ান হয়ত ঠিক মাত্তর তারা যে মাগি মাগি লই-কই ন পারন, ইয়ান স্মুয়াত ইয়ান স্মুয়াত নয় এই কথায়ানিয়্য দ তারা কই বলি ন পারন সে বেলায় ! প্রতিদান বা উপকার স্বয়ং ভগবান বুদ্ধয়্য বারে বারে গোচ্ছে আমি ইয়ান একা উক্কো জানি। শ্রদ্ধাবান দায়ক-দায়িকার ঘরত কতবার যে ভগবান বুদ্ধ যে যেইয়ে, তারে পরামর্শ দেয় তার ইঃজেব অটালেয়্য উদাহরন পা যায়। সে বাড়া কাময়ান অপূণ্যর নয়, পূণ্যরই। নলেন স্যা গদা বঝরবো বুদ্ধরে মনত গরি ভাস্তরে পুজিল বা পুজের। মন্দিরর চান্দা ভিক্ষে যা পারে দিল সেদাম মাখ্যা, পালা বা’ড়া আর এই উৎসব সেই উৎসবত দান ধর্ম গরিল। উন্দি একা উক্কু বিশ্বেজ গরে, ঘরত মঙ্গল সূত্র শুনোনা গম, আপদ-বলা ফি বলা কাদা যায়।

মাত্তর ইয়ানঅ ঠিক, যে মানুষ্য গদা বঝরবো মন্দিরত পালা সিয়ং দি পারে, যে পরিবারবো মন্দিরর চান্দা ভিক্ষে দি পারে, বিশ্বেজ ন এয়ে বঝরা অন্ততঃ একবার মঙ্গল সূত্র শূনিবার তার বুদ্ধি ন হব। শীল পালেলে বুদ্ধিয়ে কুলয় বুদ্ধর এমনই মহিমা। মাত্তর সামাজিক বাধায়ানে ডরেই উধে। পাড়াল্য-পোড়োল্যার চিগোন মনান তে ডোরেই উধে। এদক দিন যার সূত্রত তে মিলি পারিদ তে সকে মনে গরের যারা তারে বারে বারে নিমন্ত্রণ গরন তারা অলেভ মনে গরদন তে দ মঙ্গল সূত্রত মে ন মাদায় মুই কিয়া তারে মাদেদুং ! নিমন্ত্রণ ন পেলে একা বেজার থা যায় ইয়ান চাঙমা হাচ্ছেক। আমনর থোক আর ন থোক, মাত্তর এ সামাজিক বাধায়ানে আমার মঙ্গল সূত্র নাঙে জিনিষ্যান মঙ্গল নাঙতুন সামাজিক লোকাচারে রূপ দে। আর উরান সিয়দই। ইয়োটুন আমার রূপ বদলেই ন পারিলে মঙ্গল সূত্র শুনোনা স্বার্থকতায়ান বরবাদই হই যেব। এই সামাজিক বাধায়ান আমার মনতুন ন কাজেলে আমনর ঘরত শুদ্ধ-সাজ মনে মঙ্গল সূত্র শুনোনা বরবাদ হই যাল্লোই জানি কয়জনে ? আমার পুরনী ধগে থেলে ন হব, আমার একা বাস্ত বমুখী ন অলে আর ন চলের। সে কারনে ক’নজনে মঙ্গল সূত্র শূনের শূনিলেই নিমন্ত্রণ পেই আর ন পেই যেদক্কন মনে-মুওদি সাধুবাদ দি ন পারির সেধক্কন সং আমি যে ঘরত মঙ্গল সূত্র শূনি এযির সিয়ানি সাধুবাদ যোগ্য নয় এই ধগে ন ভাবিলে আমি আ’র লেম পড়ি পেবং ইয়ান ধরা বাস্কা কথা। আর ইয়ান মঙ্গল সূত্রর একুয়া দিক। একজনর ইচ্ছে আঘে মঙ্গল সূত্র শূনিবার, মাত্তর টেঙায় বা মনে ন কুলর সকে গম মানুষ্যনে জানিলে বল দ্যন, আর বল দি ন পারিলে’অ বল দেনা ভাপপৈ থেলে দ্য জনরই গম। দেওন নেওন ভাব থেল। কারর ভালা কামত সাধুবাদ থেলেই আমনর মঙ্গল তার মূল কারনান হ্লদে, ‘গম কামতুন’ই মঙ্গল জিনিষ বাহর হয়, বজঙ কামতুন ভালা জিনিষ ক’ন সময়’ই বাহর ন হয়।

মঙ্গল সূত্র বারে বারে শূনি পারে, যেমন গম কাম বারে বারে গরিবার বুদ্ধই নিজেই বারে বারে কই যেইয়ে। স্বয়ং পৌতমে বুদ্ধ হবার আক্কে কয়জন যে গুর ঠাঙুর বদলেইয়ে ইয়ান আমি জানি তার বেলায় রাগ নেই আর চাঙমার বেলায় কিয়া রাগ রাগ এই জিনিষ্যান দেশ বিদেশর, হিলো ভিদিরের, বা লেঘাপড়া গোচ্ছে চাঙমাউনর জানিবার দরকার আগে। সূত্রর নানান বই, পালিতুন বাংলা ভাষদি নিখিলানায় এগেক সময় আ’র ধর্মর সু ব্যাখ্যাকার লাগত পা যানায় এদ উদু বা খবরে জানি কেধক্কন ভাস্তরে বা কারে কারে দান দিলে বা কন্দা কন্দা বুদ্ধ ধর্মর ব্যাখা দোলেই দি জানদন, কন কাময়ান গরিলে আ’র পূণ্যবান হই পারে এযান সান ব্যাখা কাগজে পত্রে জানিবার পথান ইক্ষে আ’র উজু হইয়ে। সেই কারনে’য় আমি ইয়ান বিশ্বাস গরি পারি বানা আমনর ভাস্তে নয়, আমি যাতুন মনে

গরি তাত্ত্বন ধর্ম দেশনা শুনি পারি যদি তা দেশনায়ান মনত পড়ে, বা যারে আমার মন টানে তারেয়্য আমি পুজি পারি। যেমেনঃ দলাই লামা আমা এদু এলে ন যেবংনে চা তারে ? বনভান্তে ত্রিপুরাত যেদুই এযোক না কেন' কদেকদাগি চা ন যেবং ন্যে তারে ? এই ব্যাখ্যাকার সেই ব্যাখ্যাকার, এই বই সেই সূত্র বই পড়ি আমি জানি পারির কি বাবত্যা ভান্তেরে দান দিলে আ'র উত্তম মঙ্গল হয়, আর কি বাবত্যা ভান্তেরে বা মানুষ জনরে দান বা উপকার গরিলে ফল ন দে আমি কম বেজ জানি। আর সেই কারনে ইয়োট ধর্মীয় বাধা এক্কান হুই'য় ন পারে। মান্তর চাঙমা ভান্তের বেলায় ত্রিপুরার ভান্তে দাগি কি সবাই উৎসাহ ন দেঘাদন সিয়ান আম্মক হবার লাক। ইক্ষে না নন্দপাল ভান্তে এক্কা জাগা জুড়েল্লি মান্তর সে আক্কে বিমল তিম্য ভান্তে যে ভারতর চাঙমা গরীপ পুয়াউন পড়েই দে'র তার বেলায় ! এক্কা সাধুবাদ তারে কন্না দ্যে দে ? বরং যে অরণ্ণাচল্লেউন শতকড়া হেট ভাগ পড়েই দে'র তারাই তা পিদি'ত কুড়োল বোজেই দ্যান ইয়ান মানুষ্যর কথা নয় ইয়ান তারই কথা। এক্কান জিনিষ আমার জানা দরকার আগে যার অহঙ্কারে তে থায়, হুগিউনে থান তারার অহঙ্কারে, বাঙালুনে থান তারার অহঙ্কারে, চাঙমার অহঙ্কারান কুবোন ? মর মতে চাঙমার অহঙ্কার ভালক্কানি, তার মধ্যে নিজ জাত পিয়ুম গরানা, বেজাদর পুন লিয়েনা সে বাড়়া আরক্কান জিনিষ আমি দেঘির সিয়ান হুল মিলেমিচ্ গরি ন চলিলে আ'র পিচ্ছো পড়ি যেই পেব আর নুও কথা নয়। যেমেনঃ আগে ত্রিপুরাত বানা এক দল'র শাসন চলি'দ, পরে এল বামফ্রন্ট, সেযেরে এল কোয়ালিশন সরকার। বেক্কনই এগেলা, দল দল, তুও কিচ্ছ এক। যে কংগ্রেস আর কমুনিষ্ট দেলে মালে কামারা কামারি গরিদাক জনম্মুয়া দেই এলং ইক্কে তারা থান মুজোঙ'-মুজোঙি, আর ইক্কে ইয়েনই পিখিমির নিয়ম। স্যানে বানা আমা ভান্তেরে পুজোনা উচিৎ, অন্য ভান্তেরে পুজোনা উচিৎ নয় বা হনজনে দু'রোর কন ভান্তে পুজিলে বেজার থেম ইয়েন আর চল নেই এই সংসারত, বা তারা খবর ন পাদন তারা মরি মু'রুই ভূত হুই যেইয়ন। ইয়োট আর এক্কান কথা মনত রাগানা উচিৎ, বিদেশত্বন এস্যেদে ভান্তে বেক্কন গম ইয়েন যেমেন সত্য নয়, ঠিক সেমেনই সত্য নয় এদুগোর ভান্তেদাগি বেক্কন হম শীলবান। আর চাঙমাউন মরদন্দে এই সিয়ান্দই। দ্বি জার্মানী এক ওই পারে, দ্বি কোরিয়া এক হবার চে'রেষ্টা গ'রের, ডেন বাম সরকার এক লগে চলি পারে, বিদেশত্বন ব্যবসা গরিবার পত্তি সরকারে জাগা বা সুবিধা দি পারে সিএ হলে কি'বু চাঙমা দায়ক কয়েকজন ভান্তে, দ্ব পক্ষত্বন বেচবেচ্ নদরকান কথাবার্তা তুলোপারা গরানায় আমন'র বৌদ্ধ ধর্ময়ান মনত জাগা জুরি লই ন পারের বুগোত হাত দি না স্বী'গের গরি ন পারিবেক।

এই কাময়ান কিয়া জুলি খেব চাঙমা এদু ? শিরিলক্কাত্বন ভান্তে এলে তা লগে লগে থেই পারি, কলকাতাত্বন ভান্তে এলে তারে আমি পুজি পারি, বা'র্মান্ত্বন এদু এলে নাজি পারি, আর চাঙমা হুই চাঙমা বামত্বন নাঙি ভান্তে এলে কিয়া তার যোগ্য সন্মান ন দি বরং তারে নিন্দে গরি পারি ইয়ান আমার এক্কা বারি উনো জিনিষ ? এযানসান চেতনাতে দিন দিন সুযোগ সুবিধে আরের ইয়ান বেক্কনে বুজদন মান্তর চেলা গঙ আ'বর খানায় মাদাত ঘু তুলি থইয়েই নেনা কন্দা কই পারে ? নাকি চাঙমা হাচ্যেক পারির, না আমি বানা কোজ্যে জগ'রা গরি জানি আমাল্লই আহ্ সে লগে জানি বানা খানা পু'ঝো ব্যবস্থা গরানা ? কুবোন সত্য ? আমা মুও'নি যদি বানা কুতোরিয়ে ভ'রা হুই থায় গম কাম গরিবং বা হেঙেরি। কারন গম কাম গত্ত গেলে গম মন লাগে, উজেবার কাম গথ গেলে গম ন লাগে অথচ মঙ্গল সূত্র শু'নিসানাই ঈদো'ত তুলিলে জানিত্যে : ভগবানে মঙ্গল সূত্রত কই দ্যে দে, "আমন'র জাত চে'বা, ইৎসে পিয়ুম মনতই ন তুলি'বা, অ'জবা ভাস্ ন ক'বা", মঙ্গল সূত্র শু'নোনার স্বার্থকতা কই ? অথচ নিত্য আমার মনত আমনে বাদে বেক্কন যে

আন্দাজর.....নলেন আমি জানিত্যে সে ভগবান বুদ্ধর শ্লোক :

মনোপুব্বং ধম্মা মনোসেট্ঠা মনোময়া
মনসা চে পদুট্ঠৈন ভাসতি বা করোতি বা,
ততো নং দুক্খম্বেতি চক্কং বহতো পদং ।

“মন ধর্মভূন আগে যায় মন তারাত্তুন ডাঙর আর তারা মনর দ্বারাই বানেইয়ে । স্যানে ক’ন জনে যদি দুখ্যা মনে ক’ন কথা কয় বা কাম গরে বলদর পিজে পিজে যেমেন চাক্কা যায় দুখ্যান’য় তা লগে লগে যায়” । যেমেন আরক্কান ধরি পারি :-

মনোপুব্বং ধম্মা মনোসেট্ঠা মনোময়া
মনসা চে পসনেন ভাসতি বা করোতি বা,
ততো নং সুখম্বেতি ছায়া’ব অনপায়িনী ।

“মন ধর্মভূন আগে যায়, মন তারাত্তুন ডাঙর আর তারা মনর দ্বারাই বানেয়ে । স্যানে ক’ন জনে যদি খুঝি মনে ক’ন কথা কয় বা খুঝি মনে কাম গরে স্যা হলে ছাবা সান ফারক ন হইয়ে গরি সুখ্যান তা পিজে পিজে সমার হয়” যেমেন আরক্কান ধরি পারি:-

অককোচ্ছি মং, অবধি মং, অজিনি মং, অহাসি মে’
যে চ তং উপনয় হস্তি বেরং তেসং ন সম্মতি ।

“মরে গুদেল, মরে মারিল, মরে হারেল, নলেন মর সম্মতি কারি নিল - যারা এই চিন্দে গরন তারার শক্র নাশ ন হয়” ।

অককোচ্ছি মং, অবধি মং, অজিনি মং, অহাসি মে’
যে চ তং উপনয় হস্তি বেরং তেসুপসম্মতি ।

“মরে গুদেল, মরে মারিল, মরে হারেল, নলেন মর সম্মতি কারি নিল -যারা এই চিন্দে ন গরন তারার শক্র ন থান” ।

অনেগেই বুঝদন কথায়ানি করে উদিচ্ গরি । বাংলাদেশতুন নন্দপাল ভাস্তে এইন্যায় মানুষ্যনর মনত শান্তি নেই । মাছমারাত ভাবনা কেন্দ্র গরিন্যায় মানুষ্যনর মনত শান্তি নেই । একদাগির পিয়ুমে পিয়ুমে ভরা হই যেইয়ে মন, নলেন স্যা সিয়ানি চিন্দে ন গরিলে ক্ষতিই নেই । “চোখ খাত্যে, চোখ মেল্যে” এই কথায়ানির অর্থ কি ? ইয়ানি ভাঙনি না জড়ানি ? কুবোন ! ভাঙিলে বল বাড়ে, না জড়ানি হলে বল বাড়ে । পাদি পাদি পুন আক্যেঙর সান সপ্পানত আমি কই ফেলেলঙ “চোখ খাত্যে দল, নিরামিছ্যে দল, এ কুল্যে উ কুল্যে” । কই বাঙালুনে দ সে বাবত্যা কথা ক’ধে আমি জনমত ন শুনিলাঙ । ইয়ানি সালেন মঙ্গল সূত্রর উগুদোয়ান নয় ? আর ইয়ানি ভাস্তেদাগি বাদে ক’ন দাগিয়ে সমাধান গরি ন পারিবেক ইয়ান নিশ্চিত কথা ইয়ান মুই দোলেই জানং । মাস্তর, একদাগি যে আক্কে দোজেই তাঙচ্যান সে কারনে তারা ইয়ানর সমাধান ন গরিবাক ইয়ানঅ নিশ্চিত । কুতোরি মনত আর কুতোরি ভরেই দেনা ইয়ান মঙ্গল সূত্ররই বিপরীত কাম গরি কিন্তু বেগেই জানদন । বনবিহারত তুই ন যা, তার আশ্রম সম্মক্ষে তুই আপত্তিজনক যুক্তি থেলে আপত্তি জানা, জা’ন তুমি বা কি গরর জনসাধারনরে, সরকার ইদু, জা’ন ভারত সরকাররে । আজলে আমার আ’র গমে-দোলে ধর্মীয় সূত্রউন পড়ানার দরকার আঘে, লেঘাপড়া গরিবার দরকার আঘে, মানুষজন্দেয় আ’র সহজ গরি মিজিবার দরকার আঘে, বাস্তব জিনিষ্যান উপলক্কির দরকার আঘে, ইক্কে দুনিয়া সংসার হেঙেরি চলের সিয়ান আ’র গমে জানিবার দরকার আঘে, মানুষ যে পাদি আপাদি গরদন সিয়ানি সহর দরকার আঘে আর ইয়ানি ন পারিলে আমনরই ক্ষতি ইয়ান নিশ্চিত সত্য । মাস্তর তর অধিকার নেই মানুষোর ভুল পধে পরিচালনা গরিবার, “যেই’ই পিয়ুম গরোক তে পিয়ুমর ফল ভুগি পেবই পেব, মনত তে শান্তি ন পেবই” । ধর্মপদর এ শ্লোক্ক্য মিঝে হই ন পারে ।

(বিব্লুগলো-৮, ২০০৬)

কন্যা চাঙমার এই আদি কবি

শিবচরন ?

প্রধীর তালুকদার

শি

বচরণ চাঙমাউনের ইক্কুয়া নাঙগরা আদিকবি। কবি শিবচরণর জন্ম রাঙামাত্যা জেলার কাঙেইর কায়কুরে নাড়েই নাঙে এক মোনতলা আদামত। হিয়াজ গরা অয় কবি শিবচরণর জন্ম সতর' শতাব্দীর পইল্যাদি। তা বাব' নাঙ ধংগিরি আ মাঝুয়া নাঙ ধম্মবী। শিগোনভুনধরি শিবচরণে নমাত্যা গরি বানা ভাবি ভাবি খেদ'। গাঙ' পারত, গাজত তলে, ঝারত যেই আহ্মক গরি ভাবনা গত্ত। ভাবিদ তে - তার জীংহানি, সংসার' কথা, সুগ দুগ'র গদা পিখিমিয়ান। সিদ্ধার্থ গৌতমে যিঙিরি ভাবিদ' কবি শিবচরণেও সেধক ভাবিদ' বিলি শুনা যায়। অক্তত অক্তত এমন গরি ভাবনা গত্ত যে, তারে মাদেলেও মাদ পা ন য়েদ'। মনে অহুদ' তা কিয়ান দেগা গেলেও তা মনান কনকিত্যাৎ উড়ি যেইয়ে। শিবচরণ দাগি আদামর কিজু দূরত গঙে যিয়ে তৈনমুড়ি নাঙর একান চিগোন নাঙ। একদিন তা মা-বাবে পরং অলাক্কোই এই তৈনমুড়ি গাঙ' পারর একান মোনতলা আদামত। কবি শিবচরণর চিগোন কাল বিদি যিয়ে এ তৈনমুড়ী গাঙর পারত। হিয়াজ গরা অয় সেক্কে চাঙমাউনের পাগালা রাজার আমল। পাগালা রাজারে সাতুয়া রাজাও হোঅ' অহুয়। ১৬৩৮ সাল ওই পারে।

শিবচরণে হারকুজ্যা গাবুরভুন যেক্কে আর গাবুর ওই উখিল' সেক্কে আগেভুন বেজ এগমন্যা ওই উখিল'। সেক্কে আমলদও তা মা বাব আ আদামর বুড়াবুড়িভুন তে একা-উক্কো লেঘা শিগিদ'। গায় গায় লিগিদ'। লেগা মাদেদ'। তার চাঙমা লেঘায় রজেইয়া এই 'গোজেন লামা' নাঙর কবিতার বইবোত সাতুয়া (সাত) লামা বা অধ্যায় আগে বিলি শুনা যায়। গোজেন লামার ছ-বুয়া ছাবা অক্ষরে পথম ছাবা ওইয়ে ১৯৭৫ সালত। ১৯০৯ সালত এক ইন্দু বিজোগ লেগিয়েই এই ছ-বো লামা থুবেইয়ে। গোজেন লামার মূল রচনাবুঅ বাংলা অনুবাদ গরি ছাবেয়ে সেক্কে দিনর পয়নাঙী পন্ডিত ডক্টর বেনী মাধব বড়ুয়া। বাংলান্দি ছাবানার যেরেদি গোজেন লামাবো বাঙাল' সমাজত ভজমান বায়িনী পিয়ে বিলি শুনা যায়। গোজেন লামার মূল রচনাবো কমলে যে রজা ওইয়ে মেট পা ন যায়। মাতুর গোজেন লামার এক জাগাত লেঘা আগে ১১৮৪ সনর কথা। সে ইজেবে গোজেন লামা রজা ওইয়ে, কিয়ে কিয়ে মনে গরন ১৭৭৭ মগী বা ১৮২২ ইংরেজী।

চাঙমা কবি শিবচরণ যেক্কে গাবুয়া সেক্কে তে নাহি অক্তত অক্তত থিয়াত্ আহ্জি য়েদ' আ আদিক্যা গরি আর' এক হিঙেদি ভেদা দিদ'গোই। ইদিক্যা গত্তে গত্তে একদিন গেইচ্যা গেইচ্যা জেদাবাদে মিলেই যিয়ে। জেদাবাদে সেবারই তে পিখিমিভুন শেষ বারঙেই লুগ দিয়ে। শুনা যায় তা শিষ্য চীদং-এ একান আন্ধার পদদি বিজিরাদে বিজিরাদে শিবচরণরে লোড়েই

লোড়েই চিয়েগৈ। কুদ্দুর লোড়েই লোড়েই যাদে যাদে চীদং-এ বুঝি পাল্ল য়ে, শিবচরণে আর
পিখিমিত ফিরি ন এব'। তে সংসারর মেইয়া ছিনি পিখিমির বাড়া আরকান রেজ্যত যাল্লোই।
চীদং-অ মনত আধিক্যা গরি তা সং সমস্যা, মা বাপ, ভেই বোন' কথা ইদোত উধি ভাবিল তে
এ মেইয়া ছাড়া ন পারিব। তে চ্যেনে তা গুরু শিবচরনতুন পিখিমিত ফিরিবার উগুম মাগি আর'
ফিরি এইচ্যা বিলি বুড়োবুড়ি মুওত এব' সং শুনা যায়।

কবি শিবচরণে পিখিমিতুন লুগ দিলেও তা হধা পুরি ফেলেই ন পারন তা সং
সমাচ্যেগুনে, আদাম্যাউনে, তা কুদুম্মউনে। পুরি ফেলেই ন পারে চাঙমা জাদে। তার পিখিমিতুন
আহুজি যানার যেরেদিয়ো তা লেগা কবিতাউন নানা বাবত্যা গরি তালপাদা, কলাপাদাত লিগি
লিগি শিবচরণে এজ' বাজেই রাগেয়োন। শিবচরণর রজেইয়ে পথম লামার গুলকদক লেন -

উজানি ছড়া লামনী ধার-
ন উদে সৃতি জলতকার।
জল উবরে বচ্যে থল,
বানেল গোজেনে জীব সকল।
আরেয়ে মানেয়ে যার জনম,
আগে সালাম দ্যং তার চরন।
চানে সূর্য্যে সদর ভেই
সালাম দ্যং মুই ভুমিত থেই।
তদাত বেরেই কাবরে-
আরাধনা গরঙর হাত জোরে।
মাতাপিতার ভোকতি লং,
সাতভেই সাত বোন বর মাগং।
এগার হাজার চুরাশি সন
ফলানা বারে সাধঙর এগামন।
হাদে ধালি পানিয়ে-
দিব মা স্বরস্বতী সাকখীয়ে।
চরনে সালামে ভজঙর-
যেবার সেলামী মেলঙর-
গীদ ছ-লামা ফুরেইয়ে।
বুঝিলে বুঝিব মানেইয়ে।
দেবর কুলে দেব মানায়
মানেই কুলে লোক মানায়।।

(বিষ্ণুগলো-৮, ২০০৬)

ৰুধুক মৰা জাদৰ লেমপচ্যা ৰাজনীতি

ফুল সদক চাকমা

১৯

৪৭ সনৰ ১৫ আগষ্ট ভাৰদ স্বাধীন অহুয়। তার ঠিক দি ববর দি মাঝ পরে তিবুরা রেজ্যঘান ভাৰদর লঘে মিঝি যায় ১৯৪৯ সনর ১৫ ই অক্টোবরত। সারা ভাৰদর লঘে ১৯৫২ সনত তিবুরাদো ভোট অহুয়। লোকসভা আ ইলেকটোরাল কলেজর ভোট। সেকেনর চাঙমাঘুনোর ৰাজনৈতিক ভাবে হন চেতনা এল ভিলি মনে ন অহুয়। যদিও সেকেনে মাছমারার লেদ্রাই দেওয়ান তিবুরার ৰাজা বীর বিক্রম কিশোর মানিক্যর সভাত 'সর্দার' উপাধি লোনেই তিবুরা ৰাজসভাত বজিভের জু পেয়ে আ কাঞ্চনপুরর ফরা কিংকর চাকমার দশরথ দেবর গণমুক্তি পরিষদর লঘে যোগাযোগ এল ভিলি শুনো যেয়ে। সেবাদে ত্রিশর দশকর ত্রিপুরা ৰাজ্য গণ পরিষদ বা ত্রিপুরা ৰাজ্য জনমঞ্জল সমিতি, চল্লিশর দশকর জনশিক্ষা সমিতি, গণমুক্তি পরিষদ বা কংগ্রেস-কমিউনিস্ট-ফরোয়ার্ড ব্লক হন দলদ্রাই চাঙমাঘুন গমেদালে ঘুনজি-মুনজি এলাক ভিলি খবর পা ন যায়। যদিও উপজাতির মধ্যে তারা লোক সংখ্যাদি এলাক দ্বিতীয় আ শিক্ষাদীক্ষাধিয়ো এলাক ত্রিপুরী সম্প্রাদায়র ঠিক পরে। তিবুরার চাঙমাঘুনোর এ ৰাজনীতি অনীহার হয়েকখন কারণ আঘে। সিয়েনি অহলদে- ১) রেজ্যর ৰাজধানীভূন দুৰোত থানা, ২) জুম হাহনার কারণে বরবেজ ডাঙর আ ঠায়ঠিক আদাম বানি ন থানা আ ৩) সেকেনর ৰাজনৈতিকভাবে নবজাগরিত ত্রিপুরী সম্প্রাদায়র লঘে হধার অমিল। এ অমিলর কারণেই জনশিক্ষা সমিতি বা গণমুক্তি পরিষদ চাঙমাগুনোয় বরবেজ হুদুম বানেই তুলিবার চেষ্ठा ন গরে। সুযোগ পেধ' মনুগাঙর মাধব চন্দ্র চাকমা জনশিক্ষা সমিতির নেতাগুনোয় আহদ মিলেলুন ভিলিনেই আমার বিশ্বেজ। যেহেতু তে একই সময়ত একই চেষ্ठा গরিভার চেয়ে চাঙমা বামানিত। এমনকি মহারাজা বীরবিক্রম তার যে 'পঞ্চ ত্রিপুরা প্রজা তালিকা' নিহগিলেয়ে সুয়োদ চাঙমাগুনোর নাঙ ন এল।

দেবাভাগর লক্কে দঘিন কুলভূন এছে নেতাগুনোয় ইধু ৰাজনৈতিকভাবে তেমন প্রভাব বিস্তার গরি ন পারকি। একমাত্র স্নেহকুমার চাকমা তার ট্রাইবেল ইউনিয়ন নিনেই হিবু চেস্টা গছে। হিবু মূলতঃ দশরথ দেবর লঘে তার মতাদর্শগত ফারগ থানার ফলে তে ইধু বরবেজ প্রভাব বিস্তার গরি ন পারে। তার মতাদর্শ এল জাতীয়তাবাদী হিবু দশরথ দেব কমিউনিস্ট। আর ত্রিপুরী সম্প্রাদায়ত দশরথ দেবর প্রভাব সেকেনে হোবার নয়। ত্রিপুরী সম্প্রাদায়র জাতীয়তাবাদ তার অনেক পরে গাবুচ্যাঘুনোর আহত ধরিনেই ১৯৬৭ সনত উপজাতি যুব সমিতি জনম দেনার মধ্যেদি পথম প্রকাশ পেয়ে।

তিবুরার চাঙমাঘুন আধুনিক গণতান্ত্রিক ৰাজনীতির লঘে পথম মুণ্ডমি ওহুয়োন যেক্কে ১৯৬৭ সনত বিধান সভার ভোট ওহুইয়ে। সে পরেদি ১৯৭২ সনত তিবুরা তজিম রেজ্য অহলে গদা তিবুরাত পুরোদমে ৰাজনীতি আৰাস্ত্র অহুয়। ছড়াছড়ি থুমোর চাঙমাগুনোর মোনো ঘরে-ঘরেয়ো ভোটর ৰাজনীতির আহ্বা লুঙো ধছেগেই সেক্কেভূন ধরি।

সিদ্ধান্ত ধরি ইক্কনু সঙ চাঙমাঘুনোর রাজনীতির নাললো গমেদালে রিনি চেলে একখান হধা পরাগ পরাগ অহুয়ে যে, তিবুরার চাঙমাঘুনে আবলে নিজে হন রাজনীতি ন গরন, তারারে অন্য মানুষে বা দলে রাজনীতি গরান্নে। চাঙমাঘুন হয়ত এভ রাজনীতির র-বাদাজ ন পেয়ে গরি একঘাচ্ছে গরি খেলাক্কুন-যদিনা তারার ভোটতুনো লুভে হন দল আক্কোয় ন এধ'। ইলেকসনত জিদিদ' গেলে ভোটর দরকার আ সে ভোটর হন জাত নেই। সেনভেই চাঙমাঘুনো ইধু যা পছে বলে অহলে। হিষ্ট্র চাঙমাঘুনতুন এ চেতনাঘান ন এলধে যে, ভারদ স্বাধীন ওহুইয়ে, তিবুরা পূর্ণ রেজ্য ওহুইয়ে, এবার আমাতুন আমি একজন পাধেবং দেবা শাসনত আমার সুঘ দুঘর হধা হোভান্তেই। যিয়ানরে হলঙুন আমি রাজনৈতিক চেতনা। যেককে মানুষে রাজার আহ্নজামে দায়িত্বশীল সরকার দাবী গন্তন, তজিম রেজ্যেভেই দাবী গন্তন - সেক্ষেনে চাঙমাঘুন এলাক অঘুর ঘুমত। এভ সঙ সে ঘুম ন ভাঙে।

চাঙমা নেতাঘুন রাজনীতি একা উক্কো গন্তন ধরিনেই মূলতঃ কংগ্রেস আ সিপিআই(এম)-এ দিব্যা সর্বভারতীয় দলত খেনেই রাজনীতি গচ্ছেন। হিষ্ট্র হন দলদেই তারা নিজর জাদর রাজনৈতিক গুরত্ব বাড়েই ন পারন। সেনভেই তারা নিজর জাদর হন' দাবীয়ো আদায় গরি ন পারন। উপজাদিঘুনো ভিদিরে জন সংখ্যাধি দিনম্বর অহ্না সত্বেয়ো এভ' সঙ তারারে হন' দলেই একখানতুন বেজ কেন্দ্রত নমিনেশন ন দে। তারার ভাষা সুমুত্তো হন' ইসুই হন' পাধির নির্বাচনী ইস্তেহারত জাগা জুরি লোই ন পারে। ইয়েনি ভেক্কানি চাঙমাঘুনোর রাজনৈতিকভাবে গুরত্ব ন থানার কারনে - রাজনৈতিক অসচেতনতার কারনে। ইয়োত আমি তেকহাবা গরি সর্বভারতীয় আ আঞ্চলিক দলত আবুজি চাঙমাঘুনোর রাজনীতি গরিভার বৈশিষ্ট্যঘানি তলবিচ গরি পারিই -

১) সর্বভারতীয় দলত খেনেই রাজনীতি গরানা :- তিবুরার হন' রাজনৈতিক দলই উপজাতি ভোটতুন এলাফেলা গরি ন পারন। কারন তারার ইক্কো ডাঙর চিল্যার সমর্থন ছাড়া তিবুরাত হন দলই ক্ষমতাত তিগি খেই পান্ত নয়। হিষ্ট্র চাঙমাঘুনে হন সর্বভারতীয় রাজনৈতিক দলদই থক ন পান। কংগ্রেস বা কমিউনিস্ট বা তারার ছাত্র সংগঠনুনের রেজ্য কমিটির মেম্বারর তালিকাঘানি চেলে সিয়ান পতপত্যা গরি বুঝি পারা যায়। সেবাদে এ দলুনের 'ত্রিপুরী তোষণ নীতি' চাঙমা, মগ আ অন্য চিগোন-চাগোন উপজাতিঘুনোর রাজনীতিত ডাঙর ওহবার পধত গর ওহুই থায়।

২) উপজাতি ভিত্তিক আঞ্চলিক দলত খেনেই রাজনীতি গরানা :- নাঙ উপজাতি ভিত্তিক রাজনৈতিক দল অহলেয়ো হিষ্ট্র ইঘুন মূলতঃ 'বরক জাতীয়তাবাদী' রাজনৈতিক দল। ইঘুনোর উগ্র বরক জাতীয়তাবাদর ঠেলা চাঙমাঘুনোর আর বেজ গায় ন সুওয়।

হিষ্ট্র উগুরোর দো জাদর রাজনৈতিক দলই চাঙমাঘুনোর লারবার গরন - তারার ভোটব্যাক্ক বারেবাভেই। চাঙমাঘুনোর রাজনৈতিকভাবে গুরত্ব ন খেবার আর হয়েকখান কারন আঘে। সিয়েনি অহলে -

১) ধারাবাহিক রাজনৈতিক তস্তার অভাব :- নেতার বেঘতুন ডাঙর হাম ভিলে নেতা বানানা। হিনতু চাঙমা নেতাঘুনে তারা বানেয়ে জাগাগানি আর গমেদালে ধরি রাঘেবাভেই হন' নুও গাবুচ্যা নেতা তস্তা তুলি ন পারন বেজভাগে।

২) নেতাগুণের ঘন ঘন দল বদলনা :- চাঙমা নেতাঘুন, বিশেষ গরি মাছেঙ আ চিগোন সাইজর নেতাঘুন হাক্কে হাক্কে দল বদলাদে দেঘা যায় । ফলে তারা লঘে সয়সাগর কর্মীরো হন' রাজনৈতিক খিদাবি ন থায় । ফলে সামগ্রিকভাবে চাঙমা সমাজ এছে 'ফ্লোটিং ভোট'ত পরিণত ওহুয়োন ।

৩) নেতাগুণের মধ্যে গম রাজনীতিবিদর অভাব :- চাঙমা রাজনৈতিক নেতাঘুন হুব সহজভাবে নেতা ওহুদাক চান । তারার অনেকর শিক্ষাগত যোগ্যতায়ো হম । ফলে তারার চিন্তা আ নেতৃত্বত গভীরতা ন থায় । তাছাড়া বেজভাগ নেতায় বিশেষ গরি মাঝারি আ চিগোন নেতাগুনে হন মতাদর্শগত বা ইস্যুভিত্তিক রাজনীতি ন গরন । তারার রাজনীতির লক্ষ্য হন দাবী আদায় বা হন মতাদর্শর খিদাবি ন ওহুনেই সাধারণ চিগোন-চাগোন ব্যক্তি স্বার্থ - যেমন, চাগরী পানা, লোন পানা বা অন্যান্য সুযোগ-সুবিধে পানা- এধক্কে উদ্দেশ্য লোনেই রাজনীতি গরানার ফলে তারার হন স্থায়িত্ব ন থায় । যেধকদিন পর্যন্ত চাঙমাগুনর এ সুবিধাবাদী রাজনীতি থেব সেধকদিন পর্যন্ত চাঙমাগুনে আঝল রাজনীতির উদো ন পেভাক আ রাজনৈতিক পরিপক্বতা আ দূরদর্শিতায়ো ন জন্নিবো । এবা সঙ নেতাঘুন সুমুত্তো তিবুরার গদা চাঙমা সমাজচোর হার' জন ইধু হন' স্থায়ী গুরুত্ব নেই ।

বেগ' জেরে চাঙমা রাজনীতির দিয়োন নুও পথ তলবিচ গরিবোঙ-

১) নুও বাবদর উপজাতি ভিত্তিক রাজনৈতিক সংগঠন :- ইক্কনর উপজাতি ভিত্তিক রাজনৈতিক সংগঠনুনের এই উগ্র বরক জাতীয়তাবাদ হিন্ত একদিন এ বরক জাদিগুনোরই ক্ষতি গরিব । তারার তারার মধ্যে অমিল বাদ দিলেও তিবুরার ১৯ চো উপজাতিভূন অর্ধেকর মত লোকসংখ্যা এ বরক জাদর বারে । অর্ধেক উপজাতির রানৈতিক উচ্ছাকাঙ্খা পূরণ অবার হন আরি ন থেলে বেসুনজুক দেঘা দেদে বাধ্য । সেনতোই বরক জাতীয়তাবাদর বিপরিতে বেক উপজাতিঘুনর লোকসংখ্যা অনুপাতে সুযোগ থায় পারা (অনেকটা হিল চাদিগাঙর আঞ্চলিক পরিষদর মডেল) এমন হন রাজনৈতিক প্লাটফর্ম খাড়া গরলে বেঘর ইধু এহনযোগ্য অহুভিলি আমার মনে অহুয় ।

২) চাঙমা ভিত্তিক নুও রাজনৈতিক দল বানানা :- এত হম লোকসংখ্যালোই ছিনে-ছিনে চাঙমা বাম্মোই বানা চাঙমাগুয়েই হন রাজনৈতিক জখা বানেবার হখা হলে বেজভাগে অসম্ভব মনে গরিভাক । হিনতু কোয়ালিশন পলিটিকস্-র যুগোত হন হিচ্ছুই অসম্ভব নয় । সিয়োন এক্কান সহজ উদাহরন দিলেই বুঝো যেব' মনে গরি হন এক্কান বামত ১০০ জন ভোটর আঘন আ সুওত দিবে ডাঙর দল আঘন । তারার সমর্থকর সংখ্যা মনে গরি, গেল্লে বারত জিনেদে ইভের ৬০ আ ন জিনেদে ইভের ৪০ । এবাম্মোত মনে গরঙ ১০০ জনর ভিদিরে ৭০ জন চাঙমা । এই ৭০ জন চাঙমাভূন মুই যদি ১৫ জন ভোটরো টানি পারঙ্গে অহুয় সালে মুই যে পাদিরে মনে অহুয় সে পাধিরে জিদেই দি পারিম । আর মুই বিরোধিতা গরিম্মে পাধিবো জিবনে জিদি ন পারিবো । এস্যান পজিশনত এলে যেকোন ডাঙর দলই ত লঘে কোয়ালিশন গত্তে বাধ্য । 'রাজনৈতিক অধিকার' নিজে হন দাবী নয় । রাজনৈতিক অধিকার অহুদে পধ । পধ ন থেলে যেমন হন জাগাভূন হন জিনিষ আনি ন পারেগোই সেধক্কে রাজনৈতিক অধিকার ন থেলে হন দাবী পূরণ অহুবার নয় । সুনানু এম এন লারমা হোয়ে "রাজনৈতিক অধিকার ন থেলে হন অধিকার তিগি থেই ন পারে ।" আমার চেষ্টা থেব' সেনতোই চাঙমাঘুনোর রাজনৈতিক চোগ ফুদেই তুলিনেই রাজনৈতিক অধিকারর পথান আগে বানানা দবদবা গরি, সালেই ইঙ্কলত আমার চাঙমা অহুর্গে চাঙমা লেঘা চালু সুমুত্তো অন্যান্য হন দাবিই অপূরণ ন থেব' ।

(বিঝুগুলা-৭, ২০০৫)

ভাষার মরণ জাদর মরন

মতিলাল চাণ্ডমা

পিথিমিত মানব সমাজ সভ্যতার হিত্যে আগ্যেই এতে এতে মানুষের মাদি-বলি জানানার ধক বদলি যায়। এস্যান গরিনেই দিনতদিন বেজ উন্নতি অহ্দে অহ্দে গারেগাই নানা জনগুথি ইদু নানান ভাষার জনম লয়। সে সমারে দিনদিন উজোলো অহ্য় জাদি-গুথিগুনর সমাজ ব্যবস্থা, রীদি-সুদোম, উরোন-পিনোন, খানা-খাদ্য আ মানুষের গম গম চিদে গরি পারানার ক্ষমতা। এধক্ষেন গরি নানা জাদর নানা ধক, নানা রঙ ধরি ফারগ-ফারগ গরিনেই গরি উধি পিথিমিয়ান ভজমান ধনি অহ্য়। মান্তর মানব সমাজ' ইধু এমন একান সময় এল', যে সময়ভুন ধরি পুরনি গরিউথে দোল রঙ-বেরঙর ভাষা, সংস্কৃতি, রীদিসুদোম, উরোন-পিনোন বেক্ষানির বদলানা শুরু অহ্য়। বদলদে বদলদে নিজর আয়োজর আরাং হাস্যেক্কানি বা নিজস্বতাগানি পছন ওহ্ই আহ্রেই যাদে থায়। ঠিক সেধক্ষেন গরি বদলানার মুওত পরি রীদি-সুদোম আ উরোন পিনোনর সমারে হবালত বাজপল' ভাষাগানত। একজাদর হেরাবত পড়ি আর' একজাদর ভাষা দিন দিন আহ্জি যার। ইক্কনু সময়দ পিথিমিত্তন পত্তি ১২ দিনে একান ভাষা আহ্জি যাল্লোই। এধক্ষেন গরিনেই এজেত্তে ১০০ বজরর ভিদিরে পিথিমিত্তন চিরদিনত্তেই মাজারা লুগেই য়েবগেই ৩০০০-য়ান ভাষা। যদিও পিথিমিত এবসং মোট ভাষা বাজি আঘে প্রায় ৭০০০-য়ান।

হন জনগুথি ইদু যদি নিজর ভাষা ন থায় সালেন সে জনগোথিবোয় নিজরে ইক্ক আলাদা 'জাদ' ইজেবে পরিচয় দি ন পারে। আলাদা ইক্ক জাদ অহ্দ' গেলে তারাত্তন ভাষা সংস্কৃতি, উরোন-পিনোন, রীদি সুদোম, ধর্ম - ইয়েনি হামাক্কায় দরকার। ইয়েনিত্তন একান উনো অহ্লে 'জাদ' হলাদে অপূরণ থেই যায়। হাজেই, যে জাদর ভাষাগানই নেই তারা হিঙরি ইক্ক জাদ হলেবাক? ভাষা ন থেলে হন জাদর অস্তিত্ত্বই ভাবা ন যায়। ভাষা অহ্লে হন জাদর রিবেঙ। ভাষা মানে বানা হিজু শব্দর এগত্তর নয়, ভাষা মানে একান জিংহানি, ভাষা মানে একান বাজি থেবার ইঞ্জিত, ভাষা মানে জাদর, দেজর আ গদা পিথিমির ধনসম্বত। ভাষা মানুষের চিন্তা-ভাবনা গানিরে গিচ্ছেক গরি ফুদেই তুলিবার মাধ্যম। অস্তিিয়ান দার্শনিক উইটজেনস্টাইন-র হধায়, "হনজনর, হনজাদির ভাষা সীমাবদ্ধতা মানে তারার চিন্তাজগদর সীমাবদ্ধতাগানরেই বুঝায়।" হন জাদির ভাষা যদি লেমপচ্যে অহ্য়, সে জাদর চিন্তা-ভাবনাযো উত্তরো হাবর অহ্দ নয়। আর হন জাদর চিন্তা-ভাবনা যদি উত্তরো হাবর ন অহ্য় সালেন সে জাত্তো পিথিমিত বাজি থেবার দাবি হিঙরি গরিব?

আহ্জি য়েবার মুওত পড়ি পিথিমিত্তন আহ্জি গেল ৬৫-৭০ হাজার বজস্যে একান পুরনি ভাষা। আমি হবর পেই আন্দামান দ্বীপপুঞ্জ ভারদর একান নানান বাবতে্যে গাছ-গাজারা আ নানান পরান বলায় বাজি থেয়ের জাগার মধ্যে পিথিমির নাঙগচ্ছে জাগা। এই আন্দামানত পুরোনী-পুরোনী উপজাদি গুথি জিংহানি গঙাদন। সিয়েনির বেগডাঙর ১০-ছো উপজাদির মধ্যে ইক্ক অহ্লে বোয়া (Boa) উপজাদি। সেই বোয়া উপজাদিবো এচ্যে আর পিথিমিত

জেদা নেই। বোয়া জাদির শেজ বোয়া ভাষালোই হধাহোয়ে একমাত্র জেদা বিজোর বিগুন এল' 'বোয়া সিনিয়র' মানে 'দাঙ্গুবী বোয়া' নাঙে একজন বোয়া বুড়োমিলে। ৮৫ বজর সুগে-দুগে জিংহানি গঙেই শেজ-মেজ বোয়া সিনিয়রর মরন ঘধিল। তার মরনর সমারে মরন ঘধিল ভারদর, পিখিমির এক্কান পুরোনী উপজাদি ভাষা আ মরন ঘধিল, ভিদে উধিল পিখিমিত্তন ইক্ক পুরোনী উপজাদির।

বোয়া সিনিয়র নানান আঘাত্যে হালদও নিজরে যত্তন গরি লাড়েই গরিনেই বাজি এল এধক বজর পিখিমিত। ৮৫ বজর ওমোর অহলে হি অহুব, ২০০৮ ইং সনত জিংহানি হারিনেযেয়ে দবা সুনামি লক্ষেনও গাজমাধাত উধি অহলেয়ো বাজি রোয়ে বোয়া সিনিয়রে। জাপানী আক্রমণ আ ব্রিটিশ আমলর আঘাত্যে রোগ-ব্যাদির সময়দও জিংহানির লাড়েই গরি বাজি এল বোয়া সিনিয়র। মাত্তর গারেগাই বুড়োপীড়ে ধরি যিঙিরি মানুজর শেজ নিজেস্ থুম অহুয়, সিঙিরি তারও একদিন বুড়পীরে লগে ন' জিনি মরন ঘধিল।

বোয়া সিনিয়রর মরন আ অন্য হন জাদর বুড় মিলের মরনর মধ্যে ফারগ দিন-রেত। অন্য হন জাদর বুড় মিলেয় মরিলে বেজ অহলে তার নিজর হধকানি গুনার (Quality) মরন ঘধে, মাত্তর সে জাদর মরন ন ঘধে। হিষ্ট্র বোয়া সিনিয়রর মরন ঘধি যানায় গদা বোয়া জাত্তো পিখিমিত্তন ভিদে উধিল। তার মরনর সমারে ভারদর আ গদা পিখিমিত্তন ইক্ক জাদ লুগেই গেল। আহ্জি গেলগোই পিখিমির এক্কান সংস্কৃতি, বৈচিত্র্য। যাতেই পিখিমির বিভিন্নতার সভ্যতাত্তন এক্কেনা অহলেয়ো গরীব ওহুই উধিল। সেনতোই এচ্ছে গদা পিখিমি জুরি এত্তমান আবিলেজ। পিখিমিত হধক হোজপেয়ে, সমাজতাত্ত্বিক, হন জনে নৃতত্ত্ববিদ, হনজনে মানুজ নিনেই গভেষনা গরিয়ে আ হধক জ্ঞানী-পত্তিত মানুজ আঘন। তারা হনদিন বোয়া সিনিয়ররে ন দেঘন বা তাল্লোই হধায়ো হোই ন পান। মাত্তর তার মরনতেই তারারো এধক আবিলেজ। হিতোই ভিলে, তার মরনর সমারে পিখিমিত্তন ইক্ক জাদ, এক্কান ভাষা, এক্কান সংস্কৃতি আ এক্কান বৈচিত্র আহ্জি গেল। সেনতোই পিখিমি জুরি এচ্ছে তার মরানায় এত্তমান আবিলেজ।

পিখিমিত ইরুগ সময়দ আর' হধকানি ভাষা আহ্জি যেবার পধত উধি আঘে। যেমন - 'জারোয়া' উপজাদিগুনার সংখ্যা ২৫০ জন' সান, 'অপি'গুনোর সংখ্যা ১০০ জন সান। এধেক্ষেন গরি পিখিমিত আর হধকানি ভাষা হিঙিরি আঘে, তার এক্কান পরিসংখ্যান তুলি ধরা অহল-

হধকত্তন ধরি হধকজনে হন	ভাষার সংখ্যা	কয়জনে হন	আহ্জি যেবার ডর %
১০০,০০০,০০০ ত্তন ৯৯৯,৯৯৯,৯৯৯	৮	২,৩০৮,৫৪৮,৮৪৮	০.১%
১০,০০০,০০০ ত্তন ৯৯,৯৯৯,৯৯৯	৭৭	২,৩৪৬,৯০০,৭৫৭	১.২%
১,০০০,০০০ ত্তন ৯,৯৯৯,৯৯৯	৩০৪	৯৫১,৯১৬,৪৫৮	৫.৬%
১০০,০০০ ত্তন ৯৯৯,৯৯৯	৮৯৫	২৮৩,১১৬,৭১৬	১৮.৬%
১০,০০০ ত্তন ৯৯,৯৯৯	১,৮২৪	৬০,৭৮০,৭৯৭	৪৫.০%
১,০০০ ত্তন ৯,৯৯৯	২,০১৪	৭,৭৭৩,৮১০	৭৮.১%
১০০ ত্তন ৯৯৯	১,০৩৮	৪৬১,২৫০	৮৯.২%
১০ ত্তন ৯৯	৩৩৯	১২,৫৬০	৯৮.১%
১ ত্তন ৯	১৩৩	৫২১	৯৬.০%
অগন্যে	২৭৭		১০০.০%
গত্তলে	৬,৯০৯	৫,৯৫৯,৫১১,৭১৭	

উত্তরোর হন' হন' ভাষা এগরে আহ্জি যেবার সাগর পারত। আর' হিজু ভাষা দেঘা যায় যিয়ানি যন্তন গল্পে, দোলে দোলে লারজার গরিলে আর বেগিদো সময় ঠিগি খেব পিখিমিত। আগেদি হো' অহ্য়ে এজেতে ১০০ বজরর ভিদিরে ৩০০০-য়ান ভাষা, পত্তি ১২ দিনে এক্কান গরিনেই ইজেব গরি আহ্জি যেবগোই ভাষা সমীক্ষা অনুযায়ী। সালেন ইক্কনু আমা মুজুঙোত এক্কান ডাঙর পুজোর, ভগবানে সিদ্দুর ন দেঘোক, ঈশ্বর' হানে ন শুনোক, আমা চাঙমা ভাষাগানো হি সেই ইজেবর মধ্যে পড়িব' নাহি? আমা ভাষাগান যদি আহ্জি যায় সালেন আমা চাঙমা জাঙো হি ঠিগি খেব'? এই উত্তরান যিবে মাধি-বলি ন পারে-বোব্ সিবোয়ো জোব দি পারিব' যে, ভাষা ন খেলে হন জাদ ঠিগি ন থায়। হাজেই আমা ভাষাগান যদি আহ্জি যায় সালেন আমা জাঙোয়ো 'চাঙমা' নাঙে বাজি খেদ' নয়।

আমার দরকার আমা চাঙমা ভাষাগান উন্নতি গরানা। পো-ছাবা ধক্ষেন গরি যন্তন গরিনেই উন্নতি গরানা। আমা গিদিগুখি লগে হনদিন মেয়ত্ গরি পারাপাঙ ন পারন যে, আমার সিঙোর-পাঙোরনোর হধাত-হধাত বাংলা, ইংরেজি আ অন্য জাদ ভাষা নলেন হধা শিরেই ন পারিবাক, ধেগত্ বাজিবাক। মান্তর ইরুকহালে চলেতে সিয়েনই। আমি বাংলা ইংরেজি শব্দ নলেন এক হলম ন চলে, বুবো সান হধা শিরেই ন পারি। আমি নাক্কো অজল গরি ইংরেজি, বাংলা শব্দ আমা হধাত-হধাত হামত লাগেই, আ ইন্দি আমা চাঙমা শব্দগুনে ওমাদু-হধা সামালাদনদে হন হবর ন রাঘেই। হধগেলে ইয়েন হাম হেবার গরজ যে, জিংহানি গঙেবার পধত নানা ভাষা শিঘা পরে, জানাও পড়ে। তাই বিলে হি আমি আমন মা ভাষাগান পুরিফেলেবৎ? আমন জাদর ভাষা-অহরক দাম ন দিবৎ? না সিয়েনদ' ওহ্য়োই ন পারে।

এবার যদি পুজোর উধে, সালেন আমাত্তন ইক্কনু হি গরানা দরকার? জোওবত গায় গায় এই যায় যে, ইক্কনু আমা জাদর ভাষা ঠিগেই রাগেধ' গেলে, আমা জাদর ঘনাতে বাড়েবার চেলে, আমা জাদর অস্তিত্ত্ব রাগেবার চেলে এক্কানই হধা - আমাত্তন এসময়দ চাঙমা অহরক্কন শিঘে পড়িবো, লারজার গরা পড়িবো। চাঙমা অহরক্কন যাতে তিবুরা রেজ্যত সরকারীভাবে চালু গরি পারা যায় সে হামত যোগ দিয়ে পড়িবো, বলাবল দিয়ে পড়িবো। হিঙেই বিলে, চাঙমা অহরক্কন নলেন আমার-আমার যোগাযোগ বাড়িদ' নয়, আমার-আমার মধ্যে যোগাযোগ ন অলে আমা ভাষাগান তিগি খেদ' নয়। আমা ভাষাগান ঠিগি ন খেলে আমা চাঙমা জাঙো খেদ' নয়। হাজেই এক হধায় হদগেলে জাঙো বাজেবাঙেই আমন অহরক্কন আমনে শিগানা হামাক্কায় দরকার। আমাত্তন এ সময়দ 'মাদি'র এই শ্লোগানান ('মাদি'র জুর কাবিদ্যেঙ দেবল চাঙমা জরেয়ে) পত্তিজনে মনরিবেঙত ধুজহাবানা দরকার -

'জাদ ভালদির আহ্ওজ লোনেই ধর' বেঘে আহ্দে-আহ্দ,
বানেবঙ বেঘে জধা ওহ্নেই তজিমপুরো চাঙমা জাত।'

(বিষ্ণুগলো-১১, ২০১০)

ভারদত বুক অব্‌ার চাঙমা জাত

দেবপ্রিয় চাঙমা

দা

ঘকধাত আঘে, “পরা কবাল্যা যিন্দি যায়, মরা ছামুক্কা উধি যায়”। আমা চাঙমা জাদভেই এ কধাগান ভজমান সত্য মনে গরা অদ’। বিজগত দেঘা যায়, চাঙমাউন যেক্কেনে বার্মাত ধেই-ধেই পলে-পলে রইয়ন; সেক্কেনে চাঙমাউনে আমন’ পরান বাজেবাঙেই ভারি আওচ গত্রক। সেভেই দাঘকধাত আঘে, “বারত গেলে বাঘে খায় ঘরত খেলে মগে পায়”। আরাকানতুন এইনেই চাঙমাউনে আলিকদম, সুকবিলাস আ রাঙ্গুনিয়াত বসতি গুচন। এজ’ সং আলিকদমত চাঙমা রাজঘরর মাজারা আঘে, সুকবিলাসত আঘে আ রাঙ্গুনিয়াতয় আঘে। কয়েক মাস আগে রাঙ্গুনিয়ার রানিআদত যেইয়ং চাঙমা রাজঘরান চেবাঙেই। এজ’ সং রানি কালিন্দির রাজঘরান, এ্যাদোশাল, ঘরাশাল, বুদ্ধ মন্দির, পোহর আ রাজ ঘাত্তান মাধাউজু গরিনে থিয়েই আঘে। সময়র সমারে সমারে চাঙমাউনে রজেয়ন চাদিগাঙ ছাড়া পালা। গমানি নয় বজঙানি বেচ আমাত্তন মনত থায়। ভালেদর কধা নয়, চিদত ডর ফুদে দেনা আমাত্তন বেজ গম লাগে। সেভেই চাদিগাঙ ছাড়া পালা আদামত শুনি ন’ পারে গরি এজ’ সং ডর দেঘা অয় মানযোরে।

ভারত পাকিস্তান যেক্কেনে ভাগ অর, আমি যুদ’ গরিনে পাকিস্তানত সোমেলং। যারা যারা ইয়ান মানি নেযে ন পারন, তারা ভারদত ধেই পেইয়ন। চাঙমা জাদর মাজারা লুগেই দিবাঙেই পাকিস্তানে বানেল’ কাঙেই গধা। এই কাঙেই গধাত পানি ন’ ভাজের, ভাজের বানা লো। এই লো গধাত দুবি গেল ভরন্দি আদাম, আবি গেল ধান ভুই, পায়ন্দি ভুই; লুগেই গেল তান্যাবির ফিত্তি। এই বরগাঙর বরগধার কারনে ভালুক্কা চাঙমায় বরপরং যেইয়ন। বরপরঙর কধা মনত এলে মত্তনয়্য মানযো সান কানানি এজে। এল’ বাংলাদেচ। কমলপতি, পানছরি, লোগাং, নান্যাচরর কধা এজ’ চোগোত ভাজে।

ভারদত গেলে জানুয়ারি ৭-৯ (২০০৯) তারিখ চাঙমা ভাচ আ সাহিত্য উগুরে এক্কা সেমিনার ওই গেল’। ভারদর তিবিরে সরকারর ফাং পেইনে সেমিনারবোত মিলিবাঙেই মুই আগরতলাত গেলুং। সিদ্ দেজভাগর সময়ত পার অইয়ে, বরপরং যেইয়ে আ ইরক দিনর মিজোরাম, অরনাচল, আসাম আ তিবিরে রেজ্যর চাঙমা জাত ভেইভোন’ সমারে এগত্তর অব্‌ার জু পেলে। নানান জাগার চাঙমার সমারে কধা কোই পারিনে ম’ পরানান ভজমান দাঙর অইয়ে। ইজেবত দেঘা যায়, ইক্কে চাঙমাউনে বাংলাদেজর হিল চাদিগাঙর তিন জেলাত, চাদিগাঙর রাঙ্গুনিয়া, ফটিকছড়ি থানা, কক্কাবাজারর টেকনাফ, উখিয়া থানা; ভারদর মিজোরাম, অরনাচল, তিবিরে, আসামত; আ বার্মার ভুসিদং, মামরা, ম্রুউ, মংদো আ রেঙ্গুনত থান। ইয়ানি বাদেয়ে পিথিমির বর বর সহরানিত ভালুক্কা চাঙমা থান।

ভারত যেবার ভিসা পানার পর ব্যাংকতট্রাবেল ট্যাকস্ দিলুং। ঢাকার কমলাপুর স্টেসনতুন টিকেত কাবিনে আগরতলা বাজত উদিলুং। ঢাকাত্তন ব্রাফ্মনবারিয়া সং কুম্বনি পথান গম অঘে। কালিক ব্রাফ্মনবারিয়া সহর ফেলে যানার পর আখাউরা সং পথান ভারি বজং। ভাঙা পদেন্দি বাগারা হেই যাদে যাদে আখাউরাত লুমিলুং। আখাউরাত বাংলাদেচ ইমিগ্রেসনত’ ঝঙেই নাসআন থামেল। বাংলাদেচ ইমিগ্রেসনত ম’ পঝাপিরে চেক ন’ গরিলাক। মত্তন বাজত্তন লামা ন পল’। ইমিগ্রেসন’ কাম শেজ অলে বাজত গরিনে বাংলাদেচ-ভারত সিমানা পার অলুং। সিমানাত্তন ধরি আগরতলা সহর আরাষ্ট অইয়ে। সিমানা কুরে ভারদর ইমিগ্রেসনত বাসআন আর’ থামেল। সিয়ত ম’ পঝাপিরে চেক গরিলাক। ইমিগ্রেসন’ কাম ফুরেনে বাজত গরিনে ১৫ মিনিদ’ ভিদিরে আগরতলাস্টেসনত লুমিলুং। কবি নিরঞ্জনা হোজা এল’। সিত্তন ২০ মিনিদ’ ভিদিরে তিবিরে সরকারর হোটেলত লুমিলুং।

সেমিনারবো ৩ দিন ধরি চলিল। সেই সেমিনারত এচ্যা ধর্মনগর চাঙমা ছাত্র জধার সমারে 'চাঙমা সাহিত্য বাহ'র ভালক বজরর কুদুম্ম এল। সেভেই মরে লাগত পানায় তারা যেন খুজি, সিত্তন মুই বেচ খুজি। তারাল্লোই এধক দিন বানা চিদিলোই দেঘা অলেয়্য সেদিনত গিচ্ছেক গরি লাগত পা-পি অলং, ভজমান গম লাক্কে। সেমিনারত এচ্যা আর' মিজোরাম, অরুনাচল, আসাম আ তিবিরের চাঙমা জাত ভেই-ভোন' সমারে সাহিত্য আন্দা দিলুং, সুক-দুগ কধা হুঅবলা গলুং। ৩ দিন সেমিনারত চাঙমা ভাচ আ সাহিত্য উগুরে লেঘা মাদানা আ তেমাং গল্লাক কবি নিরঞ্জন চাঙমা, কবি চাঙমা অসীম রায়, চাঙমা লেঘার কাবিদ্যাঙ মিজোরামর জয়ন চাঙমা আ নাটক বানেয়্যে প্রদীপ কুমার চাঙমা সমুত্ত সাগচ্ছে। মুই বাংলাদেশর চাঙমা, লেঘা ভাচ আ সাহিত্য উগুরে কধা কলুং। ভারদর মিজোরামর চাঙমাউনরে দেঘিলে গম লাগে, গম লাগে তারার বুক অবার কধানি, কানত সুক লাগে জাদ' ভালেদি তারা কধানি শুনিলে। আমি ইদু সেদাম ছারা অলেয়্য কি অব', সেদামবলা চাঙমা দ' খামাঙ্কাই পিখিমিত আঘন। তারার বুক অবার আ ভালেদি চিদেয়ানি দেঘিলে মনে অয়, আমা চাঙমা জাত্তো ভজমান তজিমপুরো। আমি ইদু কি গরি পারিলং চাঙমা জাদভেই? বানা নিজর অদুম-দুম' কধানি আ বজং সিদ্দান্তয়ানি বুগে দিই জাদ' মাধাত। মিজোরামর চাঙমা অটোনমাস ডিস্ট্রিক্টস কাউন্সিল (সিএডিসি)-র চাঙমা লেঘার কাবিদ্যাঙ জয়ন চাঙমা কল' "চিগোন চিগোন বজং খেলেয়্য আমাত্তন উজেই যা পড়িব'। মুওদি ভদভদ ন গরিনে কমরগুচ দিনে কাম গরিলে জাদর তে মঙ্গল অব'। আমি দ' কয়েক বজর আগে সিএডিসি-ত্তন বাংলা লেঘা তুলি দেই। আমা ইদু চাঙমা পুঅবিউনে কমপুলসারি সাবজেঙ্ক ইজেবে সাত কেলাস সং খামাঙ্কাই চাঙমা লেঘা পড়ি পান সে সমারে অন্য জাদ' মানযেয়্য চাঙমা লেঘার সাবজেঙ্ক লন। আমি এজেত্তে বজরত আট্টা কেলাস সং চাঙমা লেঘা চালু গরিবং আ কয়েক বজর পর দশ-বার' কেলাজতয়্য লেঘা চালু গরিবং।"

সিএডিসির বেক ইসকুলানি ইংলিচ মিডিয়াম ইসকুল। ইন্দিয়ান মাদর ল্যাংগুয়েজ (IML) ইজেবে চাঙমা নাঙে এক্কো সাবজেঙ্ক আষে, যিবে চাঙমা লেঘান্দি লেখ্যা। বোর্ড পরিক্খত চাঙমা লেঘাদি উত্তর দি পান চাঙমা সাবজেঙ্কত। খামাখ্যাই পাচ গরি পান চাঙমা সাবজেঙ্কত। ফেল গলেয়্য উগুরে কেলাজত উদি ন'পান। সেভেই বেক চাঙমা পুঅবিউনে সুগে চাঙমা লেঘা পরন, জানন আ বুবান। কুদু সিএডিসির চাঙমা আ কুদু বাংলাদেশর চাঙমা। কধগি আ বেড়েয়ে মানজে মাঝেমাঝে মিজোরাম, তিবিরে, আসাম আ অরুনাচল ঘুরি এজন্দোই। তারাত্তন শুনিদং বানা বজঙানি।

কালিক বজং নয়, মত্তন ভারি গম লাক্কে তারার লাড়েয়র কধা শুনিনে, তারার জিংহানির ভালেদির কধা শুনিনে। সিএডিসি বারেয়্য লাঘ' উগুরে চাঙমা আঘন। তারা দিজন এম.এল.এ অই পারন। অরুনাচলত ভালুক্কো মানজে সিটিজেনশিপ পেইয়ন। আসামত কিজু চাঙমা থান। তিবিরে রেজ্যর দগিন, উত্তর আ পুগ' তিবিরেত চাঙমা থান। তিবিরে রেজ্যর চাঙমাউন্দোই কধা কোইনে মনে অল, চাঙমাউনে যিন্দি সিন্দি চেইয়ত বাবান।

তিবিরেত আগেদি বানা ধর্মনগর সং ট্রেন লাইন এল'। ইক্কে আগরতলা সং ট্রেন লাইন লুম্মেগি। সেভেই চাঙমা বামত ঘুরদে ইক্কে ভজমান উজু অয়ে। আগরতলা চাঙমাউনে মন দুগ' সমারে কলাক, আমি দ' তমা ইদু যেই ন পারি গমেদালে। আমারে ভিসা দিলেয়্য হিল চাদিগাঙত যাদে ভজমান দুগ অয়। হিল চাদিগাঙত গেলেয়্য বানা রাঙামাত্যা শঅর' বারে যেবার ন' দোন আমারে। মাত্তর আমাত্তন মনে কয়দে বরগাঙ কুল চেবার, মিঙনি কুল বেড়েবার, চেঙে-কাজলং কুল গুরিবার। কালিক সিয়ানি বানা সবনত থেই যায়গোই।

আমি এক্কো জাত - চাঙমা, আমি থেই ৩ দেজত। ছিত্রিং-পাত্রাং গরি খেলেয়্য বার্মার চাঙমালোই কধা কোইনে, মিজোরাম, অরুনাচল, আসাম আ তিবিরের চাঙমাউন্দোই কধা কোইনে মত্তন মনে অল' সিমানা আজল নয়, সিমানায়ানিয়ে আমারে ভাক গরি দিলেয়্য আমা চাঙমা জাদ' মানুচ্চনে এজ' এক জাদ' কধা কন, এক ভাজ' কধা কন, এক লো কধা কন, এক সবনর কধা কন আর এক নুঅ দিন' কধা কন।

(বিষ্ণুগলো-১১, ২০১০)

ক'ধক ভিলোম খেব গুত্তি হুমো

শোভা রঞ্জন চাকমা

১লা বৈশ্বিক ১৪০৮ সাল, বেন্ৰে সান্তো-আন্তোবো লক্কে শেজ বিবু মেলা চা খেবাত্যেই গাড়ীত উদিলুং। ১২-১৪ জন গাড়িত চড়িয়া। গাড়ীয়ান যাদে যাদে মুজুগেদি আদেক্কে গরি ইক্কো ঘোরবো বিলেই পধ' ডেনেদিভুন বাঙেদি পথান হত্তাদি পাড় ঐ য়েয়েগৈ। হিজ়েহিছে গরি ড্রাইভাছে তা গাড়ীয়ান থামেই এক্কানা পিজ়েদি নিল তা পরে চালা খোল্লেয়া। গরমে মত্তন পরানে হত্তে হক্কেনে বিবুমেলাত লুঙিদুংগৈ। ড্রাইভাছে হিত্তেই আধা পধত উজনী-লামনী গত্তে ১০/১৫ মিনিট হাদেল। মুই ড্রাইভাছেত্তুন বিজ়ের গলুৎগে, আচ্ছা ড্রাইভার ভেই, অত্তেই দেরী হ়োয়েই আর তুই পধত সেধক্ক্যে গরি দেরী গরর আ হক্কেনে বিবু মেলাত লুঙিদোংগৈ ? ড্রাইভাছে হ়য়দে, 'মুজুগেদি এত্তমো ইক্কো বিলেই পধ পাড় অল' তুই ন' দেলে ?' মুই তারে হংগে, তেএ হি অ়দে ? বিলেই বো পাড় অল তেদ আর দলা ন খেব ? ড্রাইভাছে হ়য়দে, তুই হবর ন পাব, মুজুগেদি সিঙিরি বিলেই পধ পাড় অ'লে গম নয় দিয়া ? মুই বিবোর গল্লুং, হি গম নয়, হি গাড়ীয়ান এক্কিডেট অব, না পথান দুৰোত অব ? না আর অন্য হিচ্ছু ? কুবোন ? ড্রাইভাছে এক্কা এক্কা রাগ উত্তে উত্তে র'-লোই হ়য়ধে, সেধক্কানি হবর ন' পাং। গম নয়, এ গম নয়ান তে হবর পাংগে। মুই মনে মনে ভাবি চেলুং, মুই চিগোন থাগদে মরে হি পুঙলোক পাদাত পিলে বোঝ়েয়ে ভাত-তোন, পিলে উত্তরে কাধিভার গোছে ভাত-তোন খেবাত্যেই ন' দিদাক। হি ভিলে গম নয়, মান্তর হি গম নয়, হিয়োজনে হবর ন' পান। একদিন মুই পুগোলোক পাদাত পিলে বঝ়েই ভাত হ়য়োঙ। হিচ্ছু হবর ন' পেলুং। আরেকদিন পিলে উত্তরে কাধিভার গরি থোই ভাত খ়েয়োং, হৈ হিচ্ছু ন অ়য়। জ়েরেদি অক্ত অক্ত পিড়ে থিরে পলে মনে মনে হংগে, না হন সিঙিরি ভাত হ়েইনেই পিড়ে থিরে পড়ত্তর ? সেরে সেরেধ' ন হ়েলেয়ো পিড়ে থিরে পড়ুং, আ সক্কে ?

বাবা জ়েদা থাগদে হ'ধ, আমি ভিলে নাদক্কতুগদাঘি। আমা গুত্তিত গুত্তরি বিজ়ী চারেই ন পারি, গম নয়। বাবাত্তন বিজ়ের গরগ্গে, বা হি গম নয় ? বাবা হ়য়দে, গুত্তরি বিজ়ী চারেলে বাঘে হ়য়োই, হ়লো বুনিলেও বাঘে হ়য়োই, এমন হি হ়লো বাঁশ আনিলেও বাঘে হ়য়। তে আর হ়য়দে, আমি পুগেধি দোর গরি ঘর তুলি ন বারি। মুই বাবাত্তন বিজ়ের গরগ্গে আচ্ছা বা, বানা আমা নাদক্কতুগ গুত্তিত নেনা হি, আর' হ়র' গুত্তিত নেই ? বাবা হ়য়ধে য়ার যে গুত্তিত গুত্তি হুমো আঘে। মুই চিগোন থাগদে ভারি বাঘ দোরেদুং, সেনত্তেই অনসুর চিদে; সেনি ন' মানা য়য় ভিলিনেই। ডাঙর দিগোল ঐ ঘর গিরিতি টাঙেয়োং, পো, বি ডাঙর-দিঘোল হ়য়োয়ন। মুইয়ো তারারে সে নীতি হ়ধানি অনসুর সিগেদুং। কলি কাল্যে দিন হক্কৈ হি গরগ হ়োও ন' য়য়। এগদিন আমা ঘরত বেক্কনে বচ্ছই। গম গম নানা হ়ধা নিনেই হ়ধা হ়োর, তদা তাঙরি ম চিগোন বিবো হ়য়ধে, আচ্ছা বা আমি হ়লো বুনিলে, গুত্তরি বিজ়ী চারেলে বাঘকোই হিঙিরি হবর পেব ? তে অলদে পোবু, আর ইক্কৈ ঝাড়ত বাঘ নেই তে হিঙিরি হ়েব গৈ ? তা হ়ধায় মুই হ়ক্কন ভাবি চেলুং। আ অ়দ ইক্কৈ দ' ঝ়ারত বাঘ নেই, বাঘ কুমরে চিড়িয়ে খানাত আর টেঙেরা বেড়ি বেড়ি মান্য ডরে থোই পান, আ হ়ত্তন মানুজ জন হ়েদাগ ?

একদিন আহ়রবো উত্তে গুত্তরি শাক উত্তরেই আমি আমা ঘর' হ়য় গাত গরি গরি

দরেই দরেই লাগেই চেলুং, হামাকায় বাক্কো গুজুরিলে উগুরেই ফেলেম্মাই। বদনাম গরিয়েগুনে হন্দে, বানা বাগে হেলে তে নাহি, অন্যগানদো ওহুই পারে, যেমেন অসুগ-বিসুখ, টেঙা পজে আহরানা, ঘর দোর পুরি যানা, মাত্তর হিচ্ছু ন অহয়। বাক্কোয়ো ন গুজুরিল, নয়ো হেলগোয়, মাত্তর আমা বারত বাঘ নেই হুতুন। যেরে মুই গুগুরি বিজি হুজং, শাক হাঙ, গুলো হাঙ, হুলো ভাঙিলে তুনাং, এক্কান পুগেদি দোর গরি ঘরো তুলি চেয়োঙ, হোয় সিয়ান তুলিনেইয়ো হন' ভাল মন্দ হবর ন পেলুং। মাত্তর বদনাম গরিয়েগুনে হন, মুই ভিলে জারবো। মুই নাদুকতুক গুথি নয়। মর সিয়ান্নোই হি এল আর গেল'।

আজলে আমি ভারতবাসীগুনে বেজ ভূত দেবেদা বিশ্বেজ গরি। আমা ভূত দেবেদাগুন যে ধক্কান আলাদা আলাদা ঠিক সে ধক্যা আমা হুমোগানিও। আমি বাঙাল' হুমোগানিলোই আবা আঝি গরি গরি মনে গরিদে আমি তারাত্তন বেজ বুঝি। মাত্তর আমার যে যার যে গুথিত হুমো আগেধে সিয়েনি একবার ভাবি ন চেই। পিথিমিত য়েদক জীব আগন তারাত্তন বেগত্তুন বেজ বুদ্ধিমান মানুজ অথচ আমা মানুঘর মধ্যে অন্য দেজ হধা বাদ দিলেও বাঙাল, রেঙএ, তিবিরে চাকমা, সে ভিদিরেও আর যার যে গোজা গুথি, গুথি হুমো আগে। কিইয়্যা ? হিভেই গদে গদে খেব' ? আমি মানুঘ বেক্কুনত্তুন পেত পুড়ে, খেই পেই, বল পড়ে জিরেই পেই, ঘর গিরিত্তি তাঙেই - ইয়েনি বেক্কুনর বেলায় এক ইয়েন সত্য। তে হিভে গদে গদে হুমো খেব' ?

ড্রাইভাচ্ছে হধা মনদ উধিলে সাইকেললোই যাদে যাদে সিঙিরি ভিলে পথ পার অহদে দেলে সাইকেলান জুরে চালাঙঙ্গে ভিলে বিলেইবো সাইকেলত তলে ফেলেই চাগা গরিবাত্যেই, হি গম নয় এক্কা সিয়ান পরিক্ষে চেই পাল্লুত্তুন। সেরে সেরে পো-বি অসুখ বিসুগ অহলে বদনাম গরিয়েগুনে মরে হন- সিয়েন ন মানজ হিনেই সিয়ে এধক্কে অসুক বিসুগ অন্তে। তারারে হুঙ্গে মুই ২০০১ ইং বজরত ২৬ শে জানুয়ারী গুজরাদত ভুজোল বেইনেই ইধুক্কুন মানুজ মচ্ছেন, ২০০১ ইং সনত ১১ই সেপ্তেম্বর আমেরিকাত ইধুক্কুন মানুজ মচ্ছেন, সিঘুন হি বেক্কুন সে গম নয় হাম গচ্ছেন্দে ? পশ্চিমবঙ্গ রেজ্যত মাঝে মধ্যে বাঘে বাঙাল হাদন্বোইদে সিঘুন হি গুগুরি বিজি হুচ্ছন, না হুলো বানেয়োন ? সাব' হুদ' হেই মানুজ মলে সিয়েনদ' হি হন' হুমো আঘে নাহি ? সিয়েনি আজলে আকারত ধান হুজোনা। ইয়েনির হন' সত্য ভিত্তি নেই। যার নাঙ কুসংস্কার। সিয়েনি ন ভাঙিলে আমি হন'দিন উন্নতি ন অহবং, আর উন্নতি ন অহলে হিঙিরি বাজিবোং ? হাজেই বাপ ভেই মা বোন এজ সেই কুসংস্কারানি বেক্কুনে মিলি ভাঙি ফেলেই, গরেই তুলি উন্নত চাঙমা সমাজর নাঙ-বাজ।

(বিষ্ণুগলো-৪, ২০০২)

চাকমা রাজবংশ

কুসুম চাকমা

গ্রী

ক শব্দ 'হিস্টোরিয়া'-ত্বন হিস্টোরি বা ইতিহাস (বিজক) শব্দবো এস্যে - যার অর্থয়ান অহল' - তোগেই বাহর গরানা। বিজক আগরীর ঘদি যেইয়ে সাগছে ঘটনা য্যোনি বেগিদো আগরীত্বন ধরি ইরুককাল সং মানেই সভ্যতার আগ্যেই য়েবার ধারাবো বজায় রাঘায়। কিন্তু বিজগর অব্ধার খলাত কন' কিচ্ছুর থায়ঠিক হেন তোগেই বাহর গরা অমগত্য আঘাত্যে। পিখিমীর বেক আগ্যেয়ে জাত্বনর পুরনী বিজক মাত্রই বেকানি প্রমানবলা তথ্যর উগুরে খিদাবত ন হয়। কিন্তু পুরোনী কথা, নিধুকতুক প্রত্ন উপাদান উগুরে ভিত্তি গরি কন' জাদর বিজক রচনা হয়। সেনতে্যে কন' জাদিগুথির বেগিদো পুরোন কালর থায়ঠিক বিজক নেই। দ্বাদশ শতগত কলহন রচনা গছে্যে 'রাজতরঙ্গীনি' বাদে এই ভারত উপমহাদেব্বত তার আগেশি কারো কন' বিজক বই নেই। সিঙিরি চিগোন জাত্বনর বিজক রেনিবার আ প্রমান গরিবার চেরেষ্টা খেবরক হায়। কন' কন' ক্ষেত্রে তথ্য আগে কিচ্ছ ভৌগোলিক শ্রেক্ষাপট আ হেনধুজি জানা ন থানায় বিজক তোলবিচ গরা বেগিদো কষ্ট হয়। সেনতে্যে চাকমাউনর পুরনী বিজক রচনা গরাও বেশ কষ্ট।

চাকমাউনর উৎপত্তি, আদিথান, জাগা বদলানা ইয়ানির থায়ঠিগ খবর পাধে গেলে ভজমান কষ্ট স্বীকার গরা পরিব'। কয়েকজন বিজক লেঘিয়ে বিজক লেখ্যন তারা চাকমাউনর উৎপত্তি, আদিথান, জাগা বদল ইয়ানি সম্পর্কে এক প্রকার ধারণা দিবার চেরেষ্টা গচ্ছ্যন। তবুও বিজগত কিছু ফাঁক থেই যায়, অসংগতি আগে, সময়র ফারক আগে, প্রমান গরিবার' অভাব আগে। সেনতে্যে চাকমা বিজক এব' অর্পূণ আগে। এদক্কানি অসম্ভচ্য থেইনেও তারা যে চাকমা বিজক রচনা গরিবার বা তার মূল ভিত যুগলেই দিবার বাঘেনীয়ান তারারই পেভারলাক। চাকমাউনর অগ্রগতি, উৎপত্তি, আদি জাগা ইয়ানি সম্পর্কে ইয়োত আলোচনা ন গরি বানা চাকমা রাজ বংশউনর উৎপত্তি আহ্ বংশধারা পুরোণীত্বন ধরি ইরুক সং আলোচনা গরিবার আড়ি নেযা অহল। যদিও এই বংশ তালিকার মধ্যেও সাগচে হেরফের লক্ষ্য গরা যায়। নিত্তাগে এই নিবন্ধবোত চাকমা রাজবংশউনর ধারাবো তেককাবি তুলি ধরা অহল। চাকমা রাজ বংশ ধারাবো বেগিদো পুরোনীত্বন ধরি আরাম্ব অহলেয়ু মূলতঃ চাকমারাজা বিজয়গিরি আমলত্বন ধরি চাকমাউনর মূল ধারাবো সম্পর্কে কিছু প্রমান পা যায়। চাকমাউনে নিজরে শাক্য বংশত্বন উৎপত্তি ওইয়োন গরি দাবী গরন। এই শাক্য বংশ সূর্য্য বংশত্বন নিহ্গিল্যে এক্য ঢেলা, যিয়োত বুদ্ধ জন্ম গ্রহন গছে। যদিও বংশপঞ্জিত সাগচে হেরফের আগে স্যেনদ' আগেই কোও ওয়ে, তোও তেক্কাবা গরি চাকমা রাজ বিজগর ধারাবো তোগানা গরজ আগে।

সূর্যর পোও বৈবস্বত মনু-তা পোও ইক্ষাকু তারারও বেগিদো জেরর বংশধর সগর-জেরে ভগীরথ, -রঘু, যযাতি, দশরথ, রামচন্দ্র প্রভৃতি রাজাউন সূর্য বংশ ধারাত্বন সৃষ্টি ওয়োন। এই ধারাত্বন নিহ্গিল্যে আরও ইক্কো ঢেলা শাক্য বংশত বুদ্ধ জন্ম গ্রহন গছে। এই শাক্য বংশর আরেক্কা ঢেলাত্বন একজন (নাঙান জানা ন যায়) রাজা হিমালয় পর্বদত কলাপ নগর নাঙে এক্কান নগর সৃষ্টি গছে। তা জেরেদি চম্পক কলি কলাপ নগরত্বন দূরোত চম্পকনগর নাঙে রাজধানী স্থাপন গোছেগোই। চম্পককলির জেরে সাধেংগিরি এ চম্পক নগরর রাজা হয়। সাধেংগিরির বেগিদো জেরে সাংবুদ্ধা -

তা পোও বিজয়গিরি আ সমরগিরি (আরেক মতে উদয় গিরি)। এই বিজয়গিরি সময়ভূন ধরিলে চাকমাউনর বিজগর ধারাবো নিহ্গিল্যে। বিজগী সতীশ চন্দ্র ঘোষ বিজয়গিরির সময়ান চতুর্থ কি পঞ্চম শতগত আ বিরাজ মোহন দেওয়ান ষষ্ঠ শতক, রাজা ভূবন মোহন রায় চতুর্দশ শতক গরি হিয়েজ গচ্ছন। সেনতে্য নির্ভর গরিবার মত ঐতিহাসিক তথ্য হাদত ন এযানা সং বিজয়গিরির গেচ্ছেক সময়কাল হুবোন ঠিক হিচ্ছু হোঅ ন য়েব'। বিজয়গিরি চাকমা হধায় বিজকগ্রি। এই বিজগ্রিয়ই চাকমাগুনর আদি জাগা চম্পক নগরর যুবরাজ।

যুবরাজ থাগদেই বিজকগ্রি রাজ্য জয়র উদিজে তার সেনাপতি রাধামনরে লগে নিনে দঘিন মোক্যে যাত্রা গচ্ছে। তে পথম দগিনেন্দি 'মগ-লো' রাজ্য জয় গচ্ছে আর সে জাগানত একান চাকমা রাজ্য স্থাপন গচ্ছে, আর সে জাগানর নাঙই দ্যে সাঃপ্রাইকুল। সিঙিরি খ্যাংদেশ, অক্রাদেশ, কাঞ্চন নগর, কালঞ্জর -এধক্ষে বেগিদো দেবা জয় গরিলনার জেরে কালাবাঘা রেজ্যত এইনে সুনিলগিদে তা বাব সাংবুদ্ধা পরাণ সাচ্ছে আর রাজার অভাবে রেজ্যত বিশৃঙ্খলা অহবার ডরে প্রজাউনে সমরগিরি (উদয়গিরি) রে রাজা বানেই সিংহাসনত বোজেয়োন। বিজকগ্রি সেবেদেন আর চম্পকনগরত ফিরি ন য়েই জয় গচ্ছে রেজ্য সাঃপ্রাই কুলত নুঅ চাকমা রেজ্য বানেই রই য়েইয়ে। তা লগে রেজ্য জয়ত লাম্মে সৈন্য সেনাপতিউনেও বিজকগ্রির লগে থেই গেলাক। কিত্তে সৈন্য সেনাপতিউনে বিজকগ্রিরে অমগত্য পোচ পেদাক, সেনতে্য তারা আর চম্পকনগরত ফিরি ন য়েই বিজকগ্রি রাজার লগে রই গেলাক। জের' সময় রাজা মুইসাংগিরি রাজধানীয়ান উত্তর ব্রহ্মত সরেই নিনে নিজর নাংধগে মুইসাংগিরি স্থাপন গচ্ছে। এই মুইসাংগিরি আমলসং চাকমাগুন চম্পক নগরত এযান যান গভাক। জেরে এক সময় উজোন-লামোন বন্ধ ওই গেল। তার বেগিদো জেরে চাকমা রাজা অরুণয়ুগ' আমলদ আরাকান রাজ মেঙ্গাদি বা মেংদি ১৩৩৩ খ্রীস্টাব্দত চাকমা রাজা ইয়াংজেরে (অরুণয়ুগরে মককুনে ইয়াংজ' হধাক) কৌশলে যুদ্ধত হারেই দিনে তিনরানী সহ তিন্নোপোঅ-দ্বিবেবি সমেত প্রায় দশ হাজার প্রজারে বন্দী গরি সাগচ্ছে এ্যত, ঘোড়া, মনি-মানিক্য, সোনা-ইয়ানি সমেত তারারে নেযেয়োন ষিগুনে জেরেদি দৈত্নাক আ টংচঙ্গ্যা বা তঞ্চঙ্গ্যা নাঙে চিনেপয্য হন।

ইঙিরি আগেরে ব্রহ্মর চাকমা রেজ্য নাশ অহলে অরুণয়ুগর ডাঙর পোঅবু চজুং মংজফ্র নাঙে একান জাগাত চাকমাউনর রাজধানী যুগলেই রয়েগোই। চজুং (সূর্যজিৎ)-অর ভেইপুত মুইসাং বা মংসাং বা মুংছুই-অর আমলত আহ্ আরাকান রাজ মংজফ্র আক্রমন গরিলে মুইসাং আরাকানর তলেদি কালাদান নাঙে গাঙ পারত 'চক্কাই ধাও' জাগাত ধেই এচ্ছে। জেরেদি মইসাঙর পোঅ মরেক্যজ বা মারিক্যর নেতৃত্বত ১৪১৮ খ্রীস্টাব্দত ধেই যায় আ তা গুরোভেই থৈন/তৈন সুরেশ্বরীরে চট্টগ্রাম শাসন কতাইধু দি-পাধেয়ে। নবাব চিৎপুরীনে সীমেনে কায় বার'গান আদামর অধিকার দ্যেএ-(১৪১৮-১৯ খ্রীস্টাব্দ) আ সেলগে বজন্তি স্থাপন গরিবার অধিকারও দ্যে। সিধু থাদে থাদে চাকমাউন বলিবন্ধ ওই উত্ত্যন। কুগি আ মগকুনরে দমন গরিবাত্যে সৈন্য থুবেই ল'ন। রন পাগালার নেতৃত্বত মগ রাজার লগে চাকমাউনর ঘোরত্তর যুদ্ধ হয়। জেরে মগ রাজা পরাজয় বরণ গচ্ছে। তৈন সুরেশ্বরীর আমলদ চট্টগ্রামর অধিকার স্থাপন গরিবাত্যে মোঘল শাসন কতীর সমারে ত্রিপুরার মহারাজার আঘাত্যে জাঙলুক চলের। তা জেরে তা পোঅবু জুনুর (মগে হধাক চনুই) আমলদ আরাকান রাজর লগে যুদ্ধত ন জিনি মগ রাজার অধীনত্তল থেই বিজামেই বুড়া বড়ুয়া লগে ১৫৯৯ খ্রীস্টাব্দত পেঙ রাজ্য এক সময় ব্যাংকক সং অধিকার স্থাপন

গচ্চন। জেরে সাত্তিয়া রাজা হয় (যারে পাগালা রাজা কুঅ হয়)। পাগালা রাজার দ্বিবে পোঅ - চন্দন খাঁ ও রতন খাঁ-তারারও কন' পোঅ ছাবা ন থানায় প্রজাউনে বেক্কুনে মিলিনে ধাবানা রে রাজা বানেয়োন। ধাবানার জেরে ধরম্যা জেরে গুডো ভেই-তা জেরে মঙ্গল্যা -তা জেরে সুবল খাঁ, আরও জেরে তা গুরো ভেই ফতে খাঁ সিংহাসনত বচ্ছে। ফতে খাঁর সময়ত চাকমা রাজার বল বাড়িলে চট্টগ্রামর মোঘল শাসন কর্তার লগে চাকমা রাজা ফতে খাঁ দি পক্ষর যুদ্ধত ন জিনিলে মোঘল সম্রাট ফারুখশিয়রর লগে ১৭১৫ খ্রীস্টাব্দত কাপাস (তুলো) করর বশ্যতা স্বীকার গচ্ছে।

ফতে খাঁর মরানার জেরে তা পুঅ সেরমুস্ত খাঁ রেজ্য লাভ গচ্ছে। সেজেরে শুকদেব রায়, তা জেরে সের দৌলত খাঁ রাজ্য লাভ গচ্ছে। ইন্দি পলাশীর যুদ্ধত জিদানার জেরে ইস্ট ইন্ডিয়া কোম্পানী বাংলার নবাব মীরকাশিমতুন ১৭৬০ খ্রীস্টাব্দর ২৭ শে সেপ্তেম্বর তারিগত চাদিগাঙর জমিদারীনামা আদেয় গরি লয়। সিত্তুন ধরি নিত্তাগে চাকমাউনর সমারে ব্রিটিশর কোজ্যের আরকানি হয়। কিত্তে সেক্কেনে চট্টগ্রাম ইংরেজর অধিকারত এচ্ছে। কিত্ত কর আ অন্যান্য ব্যাপারে ইংরেজর লগে বিরোধ অহলে রাজা শের দৌলত খাঁ সেনাপতি রনু খাঁলোয় তেমাং গরি ইংরেজর অধীনত্তল ন খেইনে যুদ্ধ গরানান ঠিক গচ্চন। সের দৌলত খাঁর বিরুদ্ধে ব্রিটিশউনে দ্বি-বার অভিযান গরিলেও দোঅ বারদই ইংরেজর সৈন্যউন পরাজয় স্বীকার গচ্চন। জেরে তা পোঅ জানবক্স খাঁ বাব' রেজ্য লাভ গল্পে আ বাবর বদলায় তে ব্রিটিশর সং-মুওমি হয়। চাকমা রাজা জানবক্স খাঁ ১৭৮৩, ১৭৮৪, ১৭৮৫ খ্রীস্টাব্দত পর পর তিনবার যুদ্ধ চালেয়ে। পথম দ্বিয়ান যুদ্ধত জিদিলেয়ে, তৃতীয় যুদ্ধত জানবক্স খাঁ অহদি যেয়ে। জেরেদি ব্রিটিশর কূটনৈতিক চালত পরি জানবক্স খাঁ শেজেন্দি ১৭৮৭ খ্রীস্টাব্দত ইংরেজর বশ্যতা স্বীকার গচ্ছে আ বঝরা ৫০০ মন তুলো দিবার খাম খেইয়ে।

সে জেরে টব্বর খাঁ, জব্বর খাঁ জেরত জের সিংহাসনত বচ্চন। তারার জেরে ধরমবক্স খাঁ ১৮১৪ খ্রীস্টাব্দত সিংহাসনত বজে। ধরমবক্স খাঁ পথমে কালাবীরে লোইয়ে আহ লনার জেরে 'কালিন্দী রাণী' নাঙ খোয়দে। কালিন্দীর পোঅ-ছাবা ন থানায় আটকবীরে আর জেরে কুরাকুত্য়ার সর্দার দৌলত খাঁর বি হারিবীরে লোয়ে। ১৮৩২ খ্রীঃ ধরমবক্স খাঁ লুক দি (মরি) গেলে রেজ্যর অধিকার লোইনে জাঙলুক দেঘা দিলে ১৮৪৪ খ্রীঃ কালিন্দীরানী নেক ধরমবক্স খাঁর যাবতীয় সম্পত্তির উত্তরাধিকারীগরি গভর্নমেন্ট সাব্যস্ত গচ্ছে। হারিবীর বি চিকনবীর পুঅ হরিশ চন্দরে কালিন্দীরানীর মরন হলে ১৮৪৩ খ্রীঃ ব্রিটিশ গভর্নমেন্ট 'রাজা' উপাধি দিনে রেজ্য দান গচ্ছে। কালিন্দীরানী জেদা থাগদে ১৮৭২ খ্রীঃ লুসাই অভিযানত রানীর আদেজে হরিশচন্দ্র ইংরেজরে যুদ্ধত বলাবল দেনায় গভর্নমেন্ট হুবি ওইনে হরিশচন্দ্রে 'রায়বাহাদুর' উপাধি আ ১৫০০ টেঙা আ সোনার ঘরি আ চেন বকসিশ দে। রাজা হরিশচন্দ্র রায়বাহাদুর ১৮৪৫ খ্রীঃ মরন হলে ডাঙর পোঅ ভূবন মোহন রায়রে ১৮৯৭ খ্রীঃ ৭ই মে রাজ পদত বজানা হয়। দীঘোল ৩৭ (১৮৯৭-১৯৩৩) বঝর রাজত্বর জেরে সংসারত্তন বিদেই লইয়ে। রাজা ভূবন মোহন রায়'র জেরে তা ডাঙর পোঅ নলিনাক্ষ রায় ১৯৩৯ ইংরেজিত ৮ ই জুন রাজা উপাধি লাভ গচ্ছে। দীঘোল ১৭ বঝর রাজত্বর জেরে পিখিমীর নিয়মে বিদেয় লইয়ে। সেজেরে ত্রিদিব রায়র রাজত্ব কাল এল ১৯ বঝর (১৯৫৩-৭১খ্রীঃ)। কিত্ত ত্রিদিব রায়র আবত্তমানে(পাকিস্তান থানায়েই) তা পোঅ দেবশীষ রায় বর্তমান চাকমা রাজ সিংহাসনত বসে আগে। তে ১৯৭৭ সালত্তন ধরি চাকমাউনর রাজা ওই আঘে।

নিত্তাগে দেবশীষ রায়র ডাঙর কন' সাম্রাজ্য বা রেজ্য নেই। তারে রেজ্য ছাড়া রাজা কুও যায়। তার রেজ্য নেই; কিত্ত পিখিমীর কনা-কুনিত যিদুক্কন চাকমা আঘন সিগুনর বেক্কনর রাজা তে। মূলতঃ তে গেচ্ছেক রেজ্যর রাজা ন অহলেয়ে তে গদা পিখিমীর চাকমাউনর রাজা।

(বিবুগলো-৮, ২০০৬)

যাৰ যে স্বভাব ধৰ্ম

গঙ্গাজয় চাকমা

যা

ৰ যে নিজৰ স্বভাব ধৰ্ম লোইনে এ সংসারত জন্ম। সিয়ানৰ মध्ये, এক জনৰ ধৰ্মলোই আৰ একজনৰ স্বভাব ধৰ্ম, বিৰাত শৰ্ফ আৰ মিত্ৰয়ো দেঘা যায়। যেমন, বিনিভাত, পাগানা হলা আ দুধ - এই তিনিান মিলেলে হি যে অয়, বেগৰ জানা আঘে। আৰ মধু লঘে তিদ্দ্যা মিলেলে যেকুনো এক্কাৰ গুন নষ্ট ওই যায়। বাঘৰ ধৰ্ম যেকুনো পেলে বলে জিনিলে তাৰে মাৰি হানা। আৰ চিলোৰ স্বভাব ধৰ্ময়ো সেদেক্যা। কদ' অমিল আঘে হবার নয়। এক হধায় সিয়ান ভাল হধা। সিত্তুন বেজ দরগরে পাৰা হধা অলদে মানুজৰ দোল স্বভাব ধৰ্ম গোৰাচ যুকেয় হেই দিনেই মানুজ জেদা মৰা গৰি থয় - সেধক্যা জিনিষ আঘেদে মানুজৰ ভিদিৰে। আৰ' বার' জগন্তানত। যেমন মদ, জু-হাৰা ইয়ানি মানুজৰ গুনৰ লগে এক গৰিলে বা নিত্য এক গৰি রাঘেবার চেত্তা গৰিলে, মধু লগে তিদ্দ্যা এক গৰে পাৰা অয়। মানুজৰ দোল স্বভাব গুন হমদে হমদে সবাই ন থেয়ো পাৰে, সে ছাৰা নানা দোল নেই হামত মিৰোই দিলেয়ো সে দবা অয়। সেনত্যা় নানা দোল নেই হাম আৰ' মদ, জু-হাৰা তাৰাৰ স্বভাব ধৰ্ম অলদে, মানুজৰ দোল স্বভাব ধৰ্ম হেই দেনা। সেনত্যা় পবিত্ৰ মানুজৰ স্বভাব ধৰ্মগানৰে, হন পবিত্ৰ ধৰ্ম লগে মিৰোই দিলে আৰ দোল অব, ভাবি চানা দরকাৰ নয় হি ?

মানুজতুন আঘে মেয়ে-দয়ে, ইত্তো-হুদুম, সঙ্গি-সমাচ্ছে, আদাম্মে-পাৰাল্লে, দেজ-গাঙ আৰ আঘে ধৰ্ম-পূণ্য, নানা গুন দোষ সাজেয়া এক্কাৰ মানুজৰ জীবন। যেমন নানা দোল ফুললৈ সাজেয়া ফুলদানি। সেত্যা় ভগবান বুদ্ধ হোয়েদে-“দুল্লভঞ্জ মনুসসত্তং” তাৰ অৰ্থ মানুজৰ জীবন বহু দামী। এধক্কানি গুন মানুজৰ জীংহানিত নলে ন পায়। সেত্যা় মান্য জীংহানি দেবেদা আৰ' ব্ৰহ্মাত্তুন উত্তরে। যে মান্য জীংহানিত্তুন বেগ দুগ হাদেইনেই নিৰ্বান পায় ! ইয়েন হয়েদে ভগবান বুদ্ধ। মানুজ মৰি যান গুন অমৰ গৰি থায়। বুদ্ধ নেই, তাৰ গুন অমৰ গৰি আঘে। তাৰ গুন লবাত্যা়, পেবাত্যা় হুধি হুধি মানুজে তাৰে দাগদন, পুজো গত্তন। হিণ্ডেই-সেধক্কে গুন' লগে মানুজৰ গুন'ন এক গৰি পাৰিলে বিনিভাত, দুধ আ পাগানা হলা এক গৰিলে যেধক্যা অয়, সেধক্যা ন অব' হি ? সিয়ানত্তুন অব' নিজৰ আৰ দেজৰ-দজৰ মঙ্গল। সেনত্যা় এত্তমান দোল মান্য জীবনান নানা দোল নেই হামত লাগেনেই নষ্ট গৰি ফেলেলে উল্ল ফিৰি পেবার নয়, পাদেয়ো কঠিন। উয়ান হয়েদে ভগবান বুদ্ধ, যে গুনানিলৈ মান্য জীংহানি পায় সে গুনানি নষ্ট ওই গেলে পেবার হধা আঘে ? যেমন, যে ছন' বিজি যদি তা সাচ্ছান নষ্ট ওই যায়, উধি পাৰিবনি? ঠিক সেধক্যা। সেনত্যা় সজাগ গৰি থানাই অল আজল হাম। যেমন নিজৰ গুনন নষ্ট ন গৰিনেই হিঙিৰি ডাঙৰ ওই উধিব' সে চেষ্টাগান রাগেলে নয় গম অবদে ? সালেন নানা দোল ফুললৈ সাজেয়া ফুলদানি ধক্যা দেগেব'নে ন দেগেব' ? সালেন সাৰ্থক অব মান্য জীংহানি। সুখ বাড়িব ইয়ো হালৰ, পর কালৰ।

(বিষ্ণুগলো-২, ২০০০)

চালাক ন অইনে পন্ডিত অনা

প্রিয়ানন্দ স্থবির

ভা

লোক বজর আগ হধা। বুজ্জ্যা ফগিরে নাঙে এক্কো চালাক চাঙমা এল' রাঙামাত্যা জেলাত। একদিন্যে শ্রদ্ধেয় বনভাস্তে দেশনা ঘরত তা বর আসনানত পহ্ন মনদোই বোই আঘে। আহ্ সয়সাগচ্ছে পূণ্য গরিয়ে মিলে-মরদোও দেশনা ঘরত বোই এলাক বনভাস্তের হুজি আহ্ দোল মুওয়ান' হিন্তে চেই। সেক্কে আবাধা গরি বুজ্জ্যা ফগিরেয়ো লুঙিল'গি। আদতুন তা পোঝানি খোয়তায় বনভাস্তে লোই তর্ক গরিবাস্তেই আহ্ ফাজিল্ গরিবাস্তেই পাজি মনে মানজো ঝাগ' সেরে লামাগরি বেঙচাগা ওই পড়ি, বনভাস্তেরে সালাম গরের। তা ধক্কান দেগি আহ্ মন হবর পেই বনভাস্তে তারে হয়েক্কান হধা হল'। বুজ্জ্যা ফগিরেয়ো বনভাস্তেলোই উল্লো-ফুল্লো গরি হয়েক্কান হধা হল'। তারা দ্বি জনর হধা বদলা বদলি অলদে-

বনভাস্তে ঃ - ইয়ো বুজ্জ্যা ফগিরে, তুই মানজো সেরে সিঙিরি হিন্তেই সালাম গরচ ? মানজে হিঙিরি গরদন ন দেগচ।

বুজ্জ্যা ফগিরে ঃ - আ ভাস্তে বজিনেয় সালাম গল্লেদ' সিয়ান এক্কান বিরেট হারাপ হাম।

বনভাস্তে ঃ - হারাপ নয়। বুদ্ধ ধর্ম নিয়মে বজিনেয় পিজ্জেদি ঠেং গরি সালাম গরা পরে।

বুজ্জ্যা ফগিরে ঃ - ভাস্তে তরে না ভালা সালাম গরিষে, ম' পিজ্জিন্দি বেক মানুয়ুনরেন্দ'পুন'ফক চিরি দেগানা অহ'ব'। তরে সালাম গরি পূণ্য ওই হি অব', পুন'ফক চিরি দেগেলে সিয়ানদ' বেজ পাপ অহ'ব'।

বনভাস্তে ঃ - ইয়ো বুজ্জ্যা ফগিরে, তুই ধর্মলোই হারা ন হোচ। তুই বনভাস্তেরে হি চিন্যোস। তালি-মালি গল্লে পুনভেদা পজি পজি মরি পেবে সিয়ে।

বুজ্জ্যা ফগিরে তা অদ'তান পুরেয় পারায় আজের ওইনেই ঘরত গেল। বুজ্জ্যা ফগিরে পাগল চলিনে আহ্ বনভাস্তেলোই উগুধো হধা হোনেই যে পাপ গরিলো বনভাস্তে সে পাপ' ফলান্দোই হি অহ'ব' সিয়ান বুজ্জ্যা ফগিরে হোই দিল'। হয়েক বজর বাদে বুজ্জ্যা ফগিরের বিরেত অসুখ অহল'। মরঙ মরঙ অবস্থা। যেরে শেজ-মেচ বিছোনত আশ্রয় লল', যে বিছোনানতুন আর হনদিন জাগি ন উধিবো। তা রোগকান বেচ অইনেয় তা পুন'ভেদাত শণ'দাদি পারা পারাহ্ এরের্যা পুক অলাক। সিগুন মানজে ফুয়োইদি পৈদাক ভালোকদিন সং হিজেক হারি-হারি দুগ পেই পেই মরি গেল'।

বুজ্জ্যা ফগিরে চালাক হোলেনেয় দুগ পেই পেই মরি পেল' আহ্ নরকগামী অহল'। চালাক মানুজ'র যে হন' এক সময় এদক্ক্যান গরি বিবদ ঘোনেয় এবে। এক্কান হধা আগেদে - 'অতি চালাকে গলায় দড়ি'। বেচ চালাক হোললে বিবদত পড়ি পায়। বুদ্ধ হোয়েদে চালাক ন অইনে পন্ডিত অবাঙেই। কারন, চালাক মানুজ ফাগারা। চালাক মানুজের পাপ অহয়, মানুজেরে দুগত ফেলান। চালাক মানুজের মুজুঙত সুগ আহ্ লাভ অলেয়ো, পরেদি ভারী গুনহার আহ্ দুগ অহয়। চালাক মানুজের শত্রু বেজ থান। ইক্কনু দিনত পরেয়েরে ঠোগেই পাণ্ডে, ফাগারা-নাগারা বেজ গরি পাণ্ডে, হারাব্ কাম'দি জিত্যা গরি থেই পাণ্ডে মানুজে সিবেরে বেজ চালাক হ'ন। বুদ্ধ সে বাবত্যা মানুজের হোয়েদে দুষ্ট, হল, অসৎ, প্রতারক, অসাধু আহ্ মূর্থ। পন্ডিত মানুজ কধায়-বাভায়, কামে-আচার-ব্যবহারে ভদ্র, নম্র। পন্ডিত মানুজতুন ইংসা-পিবুমা ন থায়, ফাগারা-নাগারা ন গরন। পররে ন ঠোগান, দুগত ন ফেলান, শীলবান অহন। মারামারি, হোছে-ঝগরা নগরন। পন্ডিত মানুজতুন দয়া, মৈত্রী, ক্ষমা করণা আহ্ মুদিতা এ গুন'নি থায়। পর উপকারি অহন। সৎ হামত উছে তুলি দোওন। অসৎ হামত মানা গরন। পর'হালে স্বর্গত যেই পারন। নিব্বান লাভত্তেই পারমী পুন্ন গরি পারন। সেনত্তেই পন্ডিত মানুজের চের' হিন্তেদি লাভ মঙ্গল অহয় হিনেই ভগবান বুদ্ধ চালাক ন ওইনে পন্ডিত অবাঙেই হোয়ে। গম হামত ন দোরান, হারাক্কায় মন'দুগ ন পান।

সাধু - সাধু - সাধু

(বিব্বাণ্ডলো-৬, ২০০৪)

আমা জাদর এগত্তর হিঙিরি ?

অজিত কান্তি চাকমা

আ

মি অলংগে চাকমা জাদ। আমা জাদর মানুজ হম। সেনত্তেই মনে গরন আমা জাত্তুঅ চিগোন। হিঙ্ত আমি ইয়ানি মনে ন গরিবং। কারণ জাদর মানুজ হম অলে উক্ক জাদ চিগোন ন অয়। জাত্তুঅ চিগোন অয়দে, যদি সে জাদর এগত্তর ন থায় অর্থাৎ জাদ ডাঙর অয়দে এগত্তরর মাধ্যমে। জাদর যদি এগত্তর থায় সালেন সেই জাত্তুরে দাঙর মনে গরা পরিব। জাদর এগত্তর ন থেলে সে জাত্তুঅ হন দিন দাঙর ওয় ন পারিব। কারণ আমি ইয়ান হবর পেই যে, এগত্তরই বল আহু ছিঙি বংশই মরা মরা।

আমিয়ো আমা জাত্তুঅরে মরা মরা মনে গরি। কারণ আমা জাত্তুর এগত্তর নেই। সেনত্তেই আমি আহু অন্য মানুজে আমা জাত্তুরে মরা মরা মনে গরি বা গরন। আমা জাদর এগত্তর নেই হিনেই আমি আমা জাত্তুরে হোয়, 'পাল্লাত তুল্লে বেঙ,' উক্করে তুলিলে আর উক্ক ফাল্লে যায়েই। আজলে ইয়ান ঠিক হখা। আমি এক জনে রোন হলে আর এক জনে হোয় পিয়াজ। সনত্তে আমি হনদিন এগত্তর ওয় ন পারি।

হন' জনে হন, 'ইস মুই হিঙ্তে আমা জাত্তত জন্নোয়ং, যদি গম জাদত জন্নোদুং হদক গম লাগিদ'। আজলে ইয়ান মনে গরানা ঠিক নয়। কারণ নিজতেই নিজ জাদর দোষ অয়দে। নিজে গম অলে জাদ' গম। তাছাড়া আমা জাদর হি নেই? না নেই শিক্ষা? না নেই সংস্কৃতি? না নেই ধর্ম? অন্য জাদ' ধক্কেন আমা জাদর বেক্কানি আগে। তবে বেক্কানি আগে হলে ভুল অব,' কারণ আমা জাদর এক্কান নেইদে সিয়ান অলদে 'এগত্তর'। হিঙ্ত এই এগত্তর আমি যে আমি জাত্তুরে হোজ ন পেবং সিয়ান হন দিন ওয় ন পারে। কারণ তুমি চ' এগত্তর হন ভগবানে বানেই ন দে, পেদ' ভিদিরে-য় ন জন্নায়; এগত্তরান আমার বানা লাগেদে। নিজ জাত্তুরে হোজ নপে যে জাত্তুরে আমি হোজ পেবং সে জাত্তুরে তুমি চ তারা যে এগত্তর আগন, সেই এগত্তর হন্না বানেয়ে? আমি নিশ্চয় হবঙ্গে সেই জাদর মানুয়নে বানেয়ন। তারা যদি এগত্তর বানে পারন্দে অয় সালেন আমি হিঙ্তে এগত্তর বানে ন পারিবং। আমি যদি সিয়ানি পারিদে অয় সালেন আমি আমা জাত্তুরে হিঙ্তেই চিগোন মনে গরিবং।

ইয়ানি ছাড়া-য় মাঞ্চো আমা জাত্তুরে হিচছু নয় মনে গরন। তে মুই হদুং চাং উক্ক জাদ হন মাদির জাদ নয়, উক্ক চিগোন জাদ-য় সোনার জাদ ওই পারে। এই সেয়ান্নেং আমা জাত্ত-ও সোনার জাদ ওয় পারিব। এই পিখিমিত মাদি য়েদক আগে সেই মাদির নগন্য পরিমান আগেদে সোনা, ঠিক সেয়ান্নেং আমিয় অন্য জাদর তুলনায় নগন্য অর্থাৎ আমিয় সোনা লগে তুলনীয় অর্থাৎ আমি অলংগে আমা জাদর এক উক্ক সনার হত্তা। এক ফুদ' এক ফুদ' পানি জমেনেই যিঙিরি পানির সাগর অয়, এই সেয়ান্নে গড়ি আমিয়ো এক উক্ক সনার হত্তা মিলিনেই সোনার সাগর ওয় পারিবং। সেক্কেনে হন' শক্তি ন থেব সেই সাগরানরে শুগেবার। অন্য জনে আমারে চিগোন হিনে হিচছু মনে ন গরন। কিন্তু তারা পুরিফেল্লোয়, 'চিগোন মরিচ বেজ ঝাল'। কিন্তু মন' দুখ লাগে আমা জাত্তুঅ চিগোন অলেয়ো ঝাল নেই, ঝালর বাজও নেই। তার প্রধান কারণঅলদে, আমি এগত্তর নেই। যার ফলে আমি কষ্ট পেলেয় পজা হলো গাজ' ধক্কেন ঠিয়েই থেই। এচ্ছে আমি আমা ঘর হুরে জাদরে চেই, তারা এক লগে উদন, এক লগে বজন। কিন্তু

আমা মানুষ্যন আমি একজন ভালেদ একজনে দেগি ন পারি । আর' এক্কাণ আগেদে হি, যদি হন' জনে এক্কা গমে দালেই খান তে আর জাদ' মানুষ ন চিনে । তে ইঙিরি আমি হিঙিরি সং অবং বা আমি হিঙিরি এগত্তর অবং ।

তাছাড়া আমা মানুষ্যনে এই এগত্তরানত্তেই এক জনে এক জনরে দোষ দেদি গরি । এক জনে হোয় তুই সং নেই, আর এক জনে হয় তুই সং নেই । আজলে সং নেই হুনা ? এই উত্তরান তগেবার সময় আমার নেই । ইক্কনু সময়ান অলদে আমি হনহনি বেগ সনার হত্তাণ্ডন এগত্তর অবার ।

তবে এগত্তর অদেয়ো হয়েক্কান পধর প্রয়োজন । মর মতে সেই হয়েক্কান পধর মধ্যে প্রধান তিনান অলদে -শিক্ষা, সংস্কৃতি আর' ধর্ম । এই তিনান পধর মাধ্যমে আমি হিঙিরি এগত্তর ওই পারিবং মর জ্ঞানে এক্কা আলোচনা গরত্তর ।

মুই পল্লে শিক্ষার মাধ্যমে হিঙিরি এগত্তর ওই পারিবং সিয়ান দেগেবার চেষ্ঠা গরত্তর । শিক্ষার আলোচনা গরদে মুই পল্লে যেমমে আমার বর্তমান শিক্ষা ব্যবস্থার ইদু । বর্তমানে আমার শিক্ষার হার লোভ গরে পারা । কিন্তু তা সত্তেয়ো আমা জাদর শিক্ষা ব্যবস্থায়ান গম নয় । সিয়ান হিঙে ? সিয়ানর পিজ্জেদি আগেদে আমা জাদর পাজিয়ান । যেই পাজিয়ানর ফলে আমা গম শিক্ষিত মানুষ্যনে অপদে যাদনোয় । সেই পাজিয়ান অলদে মদ হানা পাজি । বর্তমান দিনত আমা গম শিক্ষিত মানুষ্যনুত্তন গম শিক্ষা ন পায় আর । তারাত্তন ইক্কনু পা যায়দে পাজির শিক্ষানি । যে শিক্ষিত মানুষ্যন এচ্ছে শিক্ষিত আহ্ অশিক্ষিত মানুষজর হুল অনেই আমারে এগত্তর গরেবাক সেই হুলনোয় এচ্ছে দিন দিন ভাঙি যাদনোয় । যার ফলে দিন দিন আমি আরবেজ ফারগ ওর । সনত্তে আমার ইক্কু এগত্তর অবার অদে লাগিবদে এই কুশিক্ষা অর্থাৎ পাজি শিক্ষায়ান বাদদি গম শিক্ষায় শিক্ষিত অনা ।

তবে শিক্ষা হধে বানা উচ্চশিক্ষা নয়, এই শিক্ষায়ান অবদে সাধারণ জ্ঞানর শিক্ষা । এচ্ছে আমা চাকমা অনেকেই উচ্চ শিক্ষা গরদন, কলেজত, বিশ্ববিদ্যালয়ত পড়ি বড় বড় ডিগ্রি লদন, হিঙে তারাত্তন হয়েক জনর বাদে বাগিণ্ডনুত্তন সাধারণ জ্ঞানর শিক্ষা ন পায় । সেই সাধারণ জ্ঞানর শিক্ষায়ান হি ? সেই সাধারণ জ্ঞানর শিক্ষায়ান অলদে - আমি যেহেতু আমা জাদর একজন বা আমা সমাজর একজন অংশীদার, সেইহেতু আমার কর্তব্য অলদে আমা জাদর সমাজর হি প্রয়োজন সিয়ানি উদিজ পানা আহ্ সেই প্রয়োজনানী পূরন গরানা । হিঙে আমা জাদত্ হি শিক্ষিত হি অশিক্ষিত হার' ইদু এই সাধারণ শিক্ষায়ান নেই । বিশেষ গরি গাবুচ্ছে-গাবুরী গুনর । যিঙনে স্কুল-কলেজত, বিশ্ববিদ্যালয়ত পড়দন । তারা বানা বড় বড় ডিগ্রী লদন হিঙে আমা সমাজর ইক্কু যে এগত্তর অনায়ান প্রয়োজন অয়ে তারার সেই সাধারণ জ্ঞানান নেই । যার ফলে আমার এগত্তর অবার এই শিক্ষার পথান বন্ধ আগে । কিন্তু আমি যদি এচ্ছে উচ্চশিক্ষার লগে লগে সাধারণ শিক্ষানো অর্জন গরিদে অয়, সালেন আমি অবশ্যই এগত্তর ওই পারিবং ।

এই সাধারণ শিক্ষা অর্জন গরিগুরায় যে আমা জাদর এগত্তরত্তে হাত দে তা লগে দশ জন এবাক, সেই দশ জন' লগে সমাজর বেগ্ মানুষ্যন এবাক । যার ফলে আমি অবং এগত্তর । ইঙিরি শিক্ষার মাধ্যমে আমি এগত্তর ওয় পারিবঙ ।

ইক্কনু মুই আমা জাদর এগত্তর অবার দ্বিতীয় মাধ্যম বা পথ সংস্কৃতিয়ানত এজত্তর । এই সংস্কৃতিয়ান-অ উক্ক জাদর এগত্তরতে ভারি দরকার । সংস্কৃতি বা রীদি-সুদোমর মাধ্যমে আমি হিঙিরি এগত্তর ওয় পারিবং সে আলোচনাত ন যাদে মুই পল্লে সংস্কৃতি হধে হি বুঝায় ম জ্ঞানর মাধ্যমে সিয়ান এক্কা উল্লেখ গরত্তর । প্রত্যেক জাদর নানা ধক্কেন পুরোনি আমলত্তন ধরি মানি এচ্ছে বা গরি এচ্ছেনিয়ম-নীতি বা রীদি-সুদোম আগে । আমা জাদর-অ পূরণী আমলত্তন ধরি মানি এচ্ছে রীদি-সুদোম

আগে, সিয়ানি অলদে আমার সংস্কৃতি। যেমন আমা সংস্কৃতিত পল্লে এজেদে ভাষা, তারপর লেঘা, জাদর পোশাক আর' আঘে সামাজিক আচার অনুষ্ঠান।

সংস্কৃতির মাধ্যমে আমি হিঙিরি এগত্তর অবং এ সম্বন্ধে মুই পল্লে এজত্তর ভাষা বা হধায়ান' ইধু। এক ইক্ক জাদর একান ভাষা আগে। সে ভাষাগান অলদে জাদর সংস্কৃতির প্রধান ধারক ও বাহক, যিয়ান ছাড়া জাদর পরিচয় দি ন পারে। হিঙি আমা এই ভাষাগান এছে সংকটর মুজুঙে। কারন আমা জাদর মানুয়নের বিশেষ গরি শিক্ষিত মানুয়নের এছে এমন অবস্থা যে তারা নিজ বড় বোন্নে হলে 'দিদি', মবোঙা পিবোঙা গুনরে হলে 'মাসি-পিসি', নিজ বাপ্পরে 'বা' দাগিবার জাগানত দাগলে 'বাপু', আর' সাগছে। তে ইঙিরি আমা জাদর হধায়ানি লুগেব'। যার ফলে আমা ভাষাগান অদূর ভবিষ্যতে সংকটর মুজুঙে। তে ইঙিরি আমা সমাজত ভাষাগান দ্বি-ভাগ। একভাগ অব শিক্ষিতগুন ইদু, আর' একভাগ অব' যিঙনে হম শিক্ষিত সিগুন ইদু। যার ফলে আমার ভাষাগত সংস্কৃতি ন মিলিব। একদাগি অবাক্কে নাঙান চাকমা হিঙি ন মিলিব চাকমা ভাষানিলোই।

আমা চাকমা গুনর এয়ান্নে ঘটনা আগেয় যদি যেয়ে, সিয়ানি আগেদে 'ডাগ বিজগত'-(কিংবদন্তী)। ডাগ বিজগত আগে, আমা রাজা এলাক্কে নাহি দ্বিভেই, বিজয়গিরি আহ্ চম্পকগিরি। পরে তারা যেক্কে ভাগ অয়োন তারা আর' লাগত পা-পি ন অন আর। তে এজ' তারার দ্বি বংশধর মিলামিলি ওই ন পারদন। এর পিবোদি একান কারন আগে সেই কারনান অলদে সংস্কৃতির অমিল। বিশেষ গরি ন মিলে ভাষাগান। ঠিক এয়ান্নে ঘটনা ঘদিবার সময় এযের বর্তমান সমাজত। আমা চাকমা জাত্ত-অ আর' ভাগ অবং এয়ান্নে কারনর ফলে। তে ইক্ক আমি যদি আমা জাদর এগত্তর চেইদে অয়, আমা ভাষাগান বেক্কনর ধরি রাগা পরিব'। তে ইক্ক মুই আমা লেঘায়ান একা গরি উল্লেখ গরং, যে লেঘায়ান আমার এগত্তর পিজেন্দি হত্তমান ভূমিকা আগে। লেঘায়ান ন থেলে হন উক্ক জাদ পরিপূর্ণ জাদ ওয় ন পারে। তবে বানা লেঘা থেলে ন অব, লেঘায়ানর বিস্তৃতি বা প্রচলন থা লাগিব। হিঙি মনদুগ্গে লাগে, আমার যদিও লেঘায়ান আগে হিঙি সেই লেঘায়ান আমি প্রচলন গরি ন পারির। যার ফলে আমার লেঘার মাধ্যমে ভাষা প্রকাশ গরদে গেলে বাংলা লেঘায়ানর উত্তরে নির্ভর গরা পরে। যার ফলে আমার ইংরেজী, বাংলা ধক্কে হন' সাহিত্য ন নিঘিলদন। যার ফলে আমার আমার এগত্তর অবার এক্খান বড় পথ বন্ধ ওয় আঘে। এছে আমার যদি গম গম সাহিত্য নিগিলিদাক, সেই সাহিত্য সম্পর্কে যদি আলোচনা অদ' সেই আলোচনাত আমি ভালকজনে এগত্তর ওয় পারিদং। তবে বর্তমানে আমা চাকমা সাহিত্য নিঘেলেবার চেষ্ঠা চলের। সেই উদ্দেশ্যে পেচারতলত এক্খ সাহিত্য সভা বজে। হিঙি সেই সাহিত্য সভার যে প্রচেষ্ঠা সিয়ান ধূল্যা চরর এক হোলোয় হরলি ধক্কেন। তবে মুই আবা গরং এই সাহিত্য সভার মাধ্যমে একতা এব এবংকি একতা এজের। কারন সেই সাহিত্য সভাত চাকমা জাদর অনেক ভাবনা-চিন্তা উপের এবং সাহিত্যর মাধ্যমে যার যার ভাবনা প্রকাশ গরি পারদন এবং সেই সাহিত্য সভাত ভেক্কনে মিল অদন। যার ফলে পেচারথল বামত অনেক একতা আগে। হিঙি আমি যদি চাকমা লেঘার মাধ্যমে সাহিত্য বানে পারিদং সালেন আমার এ পথান আর' উজু অলুন। কারন নিজ লেঘার মাধ্যমে আহ্ পর' লেঘার মাধ্যমে বজমান ফারগ আগে।

ইক্কনু মুই এজত্তর আমা সংস্কৃতি বা রীধি সুদোমর আর' একান অন্যতম ধারক ও বাহক আমা চাকমা মিলেগুনর পিনোন-হাদিয়ানীত। এই পিনোন-হধায়ানিঅ হিঙি আমা জাদর এগত্তর পিজেন্দি বড় ভূমিকা আগে। এই পিনোন হাদিয়ানী আমা জাদর সংস্কৃতিয়ানর পরিচয় দে। এছে উক্ক চাকমা মিলে যদি পিনোন হাদি বুগত বানে তে সেক্কে মাঙে হবাক্কে, অয় চাকমা জাদর এয়ান্নে সংস্কৃতি আগেদে। এয়ান্নে পিনোন হাদি পিঙে মিলে হন জাগাত দেলে তাল্লোয় এগত্তর অবার ইছে গরে। হিঙি যে মিলেবো পিনোন-হাদি পিঙে ন খেব তারে অনেক সময় বাংলা হধাদি মাদা লাগে। পরেদি যখন হবর পা যায় যে তে চাকমা সেক্কে অনেক মন' দুখ লাগে। সনত্তে বার

বার মুই মিলে গুন' ইধু হোজলী গরং, তুমি যাদে নিজ' পোশাক্কানি পিন'। তবে মুই তমা ইদু ইয়ানন্তে কৃতজ্ঞতা স্বীকার গরঙর যে, এচ্ছে তুমি একা অলে হাদি পিনোন বুনর আহ্ পিনোর। এই সিঙিরি আমা সংস্কৃতির চিহ্ন একা অলে রাগর। তাছাড়া আমার এই ট্রেডিশনেল ড্রেস আহ্ সুতা হাদানা, বেইন বানানা, বেইন বুননা ইয়েনি শিগে দে-দি অয় যার ফলে তোমার মধ্যে এগত্তরর একখান দোল পথ হুল' থায়, যদিও মনে গরা যায় এই এগত্তরর পথান একরে চিগোন; হিষ্ট সিয়ানই আমার এগত্তর অবার একখান বড় পথ মুই মনে গরং। কারণ এগত্তর অবার আমার সেই পথান যতই চিগোন ওক্, আমি এগত্তর ওয় পারিলে অবদে। তবে এই এগত্তর পথান হিষ্ট আদামত বাদে শহরত নেই। যার ফলে শহরত থাননে মিলেগুন হনদিন এগত্তর ওয় ন পারন। সেনন্তে আমার এগত্তর অবার অদে আমার এই পোশাক্কানি অমহদ গরি তিগেই রাগা পরিব বা মিলেগুনর ইয়ানি বুনি জানা লাগিব, আহ্ মরত্তনেঅ এ সম্পর্কে সচেতন ওয় পেভাক। তে ইক্কনু যা আদত আমা সংস্কৃতি তারা যদি গমে দালেন ইয়ানি ধরি ন রাঘান্নে-অয়, তে হিঙিরি দিবং আমা জাদর সংস্কৃতির পরিচয়। ইক্কনু যদি আমি আমা সংস্কৃতিয়ানি ধরি ন রাঘেদে অয়, আমা সংস্কৃতি একদিন আরেই ফেলেবং। পরেন্দি এমন উক্ক দিন এব' সেক্কে আমা রীদি-সুদোম সম্পর্কে হিচ্ছু মনত ন' উদিব, আমা সংস্কৃতি পর' সংস্কৃতিলোয় মিজেল অব' আহ্ সে লগে আমা জাত্তুঅ-র পর জাদত মিজেরর একান সম্ভাবনা আগে। সেক্কে ন থেবগোয় আর আমার এগত্তরর যু (সুযোগ)। সনন্তে মুই হঙন্তে আমি এজ' সিদ্দরত ন লুঙিয়োয় - এয' বেক্কনে মিলি আমা রীদি সুদোম ধরি রাগেনে জাদর এগত্তর অবার পথান মুক্ত রাগেই।

ইক্কনু এযত্তর আমা জাদর আচার অনুষ্ঠান 'বিবু' সম্বন্ধে আলোচনাত। 'বিবু একান অলদে আনন্দ আহ্ হোচ পানা। হিষ্ট 'বিবু' অর্থ ইয়ান নয় যে, অপসংস্কৃতি চর্চা গরিবং বা উৎসাহ দিবং। অথচ দেখা যায় আমা সমাজত বিবু লক্কেন মদ হেই-হায় মানুজ পদ' পাজারাত গচ্ছান। যে নেশা-আন হেয় মানুজ বিবেক বুদ্ধি আরান, সিয়ান হনদিন হন জাদর সংস্কৃতি ওয় ন পারে। হিষ্ট আমা চাকমাগুন এযসং এই অপসংস্কৃতি ফেলে ন পারন, যার ফলে আমা চাকমাগুন এজসং তলে লামদন। এবং কি এয়ান্নে অবস্থা থেলে আমার আর' বেজ চরম অবস্থা অব'। সেক্কে আর হুদু এগত্তর অদং। সেনন্তে এজ' বেগ গাবুচ্ছে গাবুরী, বুড়-বুড়ী আমি আমা জাদত্তুন অপসংস্কৃতি লুঙিমারি দোল সংস্কৃতি বানেয়। এই অপসংস্কৃতি লুঙিমারিণে পার্বত্য চট্টগ্রামত চাকমাগুণ অশান্তির বদলে শান্তি আনি দোল সংস্কৃতিআনিলোই এগত্তরে আগন। মুই আজা গরং বানা পার্বত্য চট্টগ্রামত নয় বেগ চাকমাগুন যাতে এই অপসংস্কৃতি লুঙি মারিণে দোল সংস্কৃতি বানেয় এগত্তর ওয় পারি।

একখান বাংলা হধা আগে-মেলা অর্থ মিলন। ঠিক সেদক্কেন আমা জাদর সংস্কৃতির একান উৎসব বা মেলা অলদে 'বিবু মেলা'। মেলা অর্থ যেহেতু মিলন, ঠিক সেয়ান্নেং বিজু মেলাত-অ আমি বেক্কনে মিলি। বিজু মেলাত আমি একজনে একজনরে হবর পের, জানির এমনকি ন চিল্লে মানুষ-অ আমার হুদুম নিঘিলের। তে এই মিলনান অত্তে আমার বিজু মেলাত অর্থাৎ আমার সংস্কৃতির ধারাত। এই ইঙিরি আমি যদি আমা সংস্কৃতি বা রীদি সুদোম ধরি রাগেদে অয় আমি এগত্তর ওয় পারিবং। হিষ্ট আমা এই রীদি-সুদোমর গুগলং সম্পর্কে একান হধা হদং চাং। সেই হধায়ান অলদে এদক্কেন-আমি অলজে বুদ্ধজাত। আহ্ আমার বুদ্ধ ধর্মর মূল হধা অলদে, 'পরাণ নেযানা অমহদ পাপ্ আহ্ হিংসা ন গরানা অমহদ ধর্ম'। তে ইক্কু আমি যদি আমা রীদি-সুদোম মেলাত গুগলংআন মানিদে অয় সালেন আমি বুদ্ধধর্ম পালেই ন পারি। কারণ আমা রীদি সুদোম গুগলংয়ান মানিদে অয়, আমার গুগর-হুর, হাবা লাগে। তে ইক্কু আমি হি গরিবং? না সত্য বুদ্ধ ধর্ম পালেবং, না আমা রীদি-সুদোম গুগলংয়ান মানিবং? এই প্রশ্ন উত্তরানন্তে মরে মাব গচ্ছো। কারণ ম ইদু এই উত্তরান নেই। এই হধাগান পরিয়োগুন তোমা উত্তরে মুই ছাড়'ত্তর।

তবে মুই ইয়ান হোয় পারিম কারণ মুই ইয়ান শুনুং যে, আমার এই শুগলংঅ রীদি-সুধোম নাহি বিলে পরিবর্তনর ফল। এই যে অঝাবৈদ্যগুনে হুর'-শুগোর হাবিদোন, ইয়ানি ভিলে আমার আগে ন এল'।

এগত্তর অবার মুই যে প্রধান তিনান পধর হধা হয়োঙ সেই তিনান পধর বেগ' শেজ পথান অলদে 'ধর্ম'। ধর্মর মাধ্যমে আমি হিঙিরি এগত্তর অবং সেই টেমমাঙত এজত্তর। পত্তি জাদর একখান একখান ধর্ম আগে। ঠিক সে ধক্কেন আমা চাকমা জাদর-অ একখান ধর্ম আঘে। সেই ধর্মআন অলদে সত্য ধর্ম বুদ্ধ ধর্ম। সেই ধর্মর মাধ্যমে আমি এগত্তর ওয় পারিবং যদি আমি সেই ধর্ময়ান গমে পালেদে অয়। অর্থাৎ আমা বুদ্ধ ধর্মত যে 'পঞ্চশীল' আগে সে পঞ্চশীল যদি আমি গমে পালেদে অয় সালেন আমা জাদর এগত্তর হামাক্কায় অব। এচ্ছে আমি চেয়, আমি এক জনলোয় আর এক জন হিঙে ফারগ, সিয়েনর পিজেদি আগেদে আমার হিংসা, অহংকার, চুর আহ ভালক্কানি। এক হধায় চরিত্রগত দুজ্ আমি দেগির আমা সমাজত। হিংসা দিন দিন বারিয়ার যদিয় আমা সমাজ অনুন্নত। যার ফলে এই হিংসার হামে দিন দিন পারগ ওর। সিয়ান হিঙিরি? আমি চেই, আমি একজন ভালেদ আর একজনে দেগি ন পারি। অর্থাৎ আমি একজনে আর একজনরে হিংসে গরি। তে ইঙিরি আমি যারে হিংসে গরিদে অয়, তে দ আর আমা লগে ন মিজেব' আর। সিয়ান বাদেয়ো আমা জাদত অহংকারান যদ'পদে আগে। যে অহংকারান অলদে আমার সর্বনাঙ্গর মূল কারণ। আমি হক্কে অহংকার গরি? যক্কে আমি একা হয়ে-দেই পারি। গমে হেই দেই পারিলে আমি মনে গরি যে, আমি সমাজ ছাড়া চলি পারিবং। আর এই মনোভাব লোয় আমি সমাজত্বন ফারগ অবার ব্যর্থ চেষ্টা গরি। কারণ আমি হবর ন পেই, 'মানুজ সমাজবদ্ধ জীব'। হিন্ত্র যদিয়ো আমি এই চেষ্টায়ানত্বন ব্যর্থ, তবুও হিন্ত্র আমি এই মনোভাব লনে সমাজত্বন আলাদা থেবার চেই। যার ফলে আমার এই দুর্গদি। তে এয়ান্নেন মনোভাব থেলে আমি হিঙিরি এগত্তর অবং। ইয়ানি বাদেয়ো আমা সমাজত লাগি রোয়ে-চুর, ডাগেত, মদ হানা, মিঝেহধা হনা আর ভালক্কানি। ইয়ানি অলদে আমা জাদর আন্ধার আহ ফারগ অবার পথ। কারণ ইয়ানি যেদক দিন পর্যন্ত আমা জাদত থেব' সেদক দিন পর্যন্ত আমা জাদত সু চরিত্র গঠন ওয় ন পারিব'। যার ফলে আমার এগত্তর অবার হধা দ' দূরোত, বরং আর ফারগ অবঙ্গে।

সালেন ইক্কু আমার এগত্তর অবার পথান হুবোন? সেই পথান অলদে আমার চরিত্রয়ান পাল্টানা। অর্থাৎ আমার সু চরিত্র গঠন গরানা। আর এই সুচরিত্র গঠন গরদে লাগিবদে আমার বুদ্ধ ধর্মর পঞ্চশীল। এই পঞ্চশীললো যদি আমি গমে মনত লোয়দে অয়, সালেন আমি হামাক্কায় এগত্তর ওয় পারিবং। এই ইঙিরি আমি আমা ধর্মর মাধ্যমে এগত্তর ওয় পারিবং।

ইয়ান বাদেয়ো আর' একান হধা, উক্ক জাদরে যেহেতু ধর্ময়ানে এগত্তর রাগায়, যে জাদর দ্বিয়ান ধর্ম সে জাদ হি হন' দিন এগত্তর ওয় পারে? না, ন পারে। ঠিক এয়ান্নেন ঘটনা আমা জাদত-ও ঘদের। আমা জাদর একদল মানুজ আঘন যিঙনে নিজ' ধর্মগান ফেলেই পর' ধর্ম লদন। তে তারা হি আর আমাল্লোই এগত্তর ওয় পারিবাক? হিন্ত্র আমি যদি বেগ চাকমাঙন এগত্তর অবার অলে তারারো নিজ ধর্ময়ান রাগা পরিব।

ইঙিরি তিনান পদর মাধ্যমে আমি হিঙিরি এগত্তর ওয় পারিবং মর জ্ঞানে আলোচনা গরিলুং।

(বিঝুঙলো-৪, ২০০২)

এবিঝুত অরুনাচলর বড় পরঙা চাঙমাউনোত্তেই হিঝু ভাবিই

রেগা

পত্তি বজর বিঝু এজে বিঝু যায়। সুগে দুগে আজি হানি বজর ঘুরে। বজর' মাখাত বিঝুবুয়া ঘুঝি ঘুঝি এলেইয় এ দুনিয়া সংসারর কোও ধক আমা জাদ' সংস্কৃতি বদলী যাতে যার। এ বদলী যানানরে ধুরি রাগেবার নয়। মাতুর এ বদলানার ভেলোং ভেল মিলেই চলি পারানানই কাবিল মানজুর কাম। গেল্পে ২০০৩ সালত হিল চাদিগাঙতুন চাঙমা রাজা দেবশীষ রায় তিবিরে রেজ্যর চাঙমা বিঝু মেলাত যুগ দেনা আ তা যেরে বজর তিবুরাতুন ২৫ জন্যা সাংস্কৃতিক জধা রাঙামাত্যা বেড়ানা আমা ভিদিরে যোগাযোগর এক্কান নুঅ পাদা রজেই দিল। সে কামর নাল আহ্‌দেই গেলাক সিদুয়র এক ঝাক নাচ গান গরিয়া জাদভেই বোন তিবিরে রেজ্যত।

আমি ধারাজ গরির পত্তি বজরর বিঝুবুয়া এক জাগাত, এক ধক্যা গরি ন কাদেই নানান জাগাত ছিদি পজ্যা আমনর জাদভেই বোন' সমারে বিঝুর সুখ ভাগ-যুগ গরানা। এ বজর যা অর অরুনাচলত। তিবিরে রেজ্যতুন এক ঝাক চাঙমা নাচ গান গরিয়েই এবজর বিঝু বেড়ানা ত যুগ দেদন ডায়ুনত। সে যেরে বজর ২০০৭ সালত যা অব' কমলানগর। এঙিরি ভঙি বিঝু মেলাত যুগ দিলে ভজমান কোচপাপি রাগেই পারিবং।

চাঙমা দাগ' কথা আগে 'ন দেগিলে ন লাগে পাপ।' ন দেলে, ন গেলে কেনে চিনাচিনি অবং আমি। মেয়ে দিয়ে বাড়িব কেনে? উজু কথায় আমার বেড়ান-চেরান গরা পড়িব। অরুনাচল, মিজোরাম, তিবিরে আ হিল চাদিগাঙ যে যিধু খেদং সাত আমার বেড়াবেড়ি বাড়েই ন পাল্পে দিন দিন ফারগ অবং। এব সং কধাবাত্তা এক্কা-উক্কো ঠিগ থেলেয় আমি লেগালেগিন্দি ফারক ওই যিয়েয়োই। এ লেগান, আমা এ বিঝুগুলো ম্যাগাজিননো ইরুংক অরুনাচল মিজোরামর কন' পুয়াছাবায় হামাক্কায় মাদেই ন পারিবাক। তারা বাংলা শিগি ন পান। এঙিরি এমন একদিন ঘনাল্পি যেদিন আমি কধাদিইঅ লাগং পা-পি ন অবং চাঙমা চাঙমা ভিদিরে। অরুনাচল' চাঙমাউন অহমীয়া ভাষা, সংস্কৃতি, মিজোরামত মিজো, তিবিরাত বাংলা আ হিল চাদিগাঙত মুজুলমান' সংস্কৃতি ঢেল গাদে-গাদে আমারে গিলি হার। কাজেই কধাঅ আমার বজমান বদলের। সেনধ্যে আমি কোজলী গরির সমাজর মুরুংকী লগরে, এ পইদ্যানে হিঞ্জু চিদা গরি দিবার। অনসুর কোজলী থেল' ছাত্র জধা, গাবুয্যা গাবুরী দাগিরে, যারা সময়র লগে লগে সমাজরে বদলেই দি পারন। চাঙরী গরি, দুগকাম গরি, সংসার গরি, পুয়া ছা লেগাপড়া শিগেই জীংহানি বেগে কাদান। মাতুর সমাজতে জধা ভালেদ' কাম নিয়ালজি গরি কয় জনে গরন? আমি বেগে আমনর সার্থলোই বেচ ভাবি। আমন' পেরাবো কেনে পুরেবং আমিজা সে চিদা। পরতেই,

সমাজ আ জাদতোই চিদা গরিবার সংস্কৃতি এব আমা মন-মানসিকতাত ন আবাড়ায়। নানা কারনে আমি চাঙমাউন চেৰোকিত্যা ছিত্ৰিভংগ' অলং। কাজেই চাঙমাউনর ইক্কুয়া দর'মর' জাদ অবার কন' আড়ি ন উদের। এক জাগাত থিদ' গরি কুদুম গরি শত খানেক বজর চলি ফিরি পান্তং, এধকদিন আমি আর' বেগিদো ভালেদ ওই পারিলঙুন। জাগায় জাগায় আমি খেলা হের, মেবা হের। লোড়েই দেদ'ন অরনাচলত, ধাবেই দিবার চান মিজোরামত, আ হিল চাদিগাঙ' কধাদ' বাদই দিলুং। তিবিরাতও হি এধক সুগে আগন চাঙমাউন ? ইধুয়ো হাক্কে ইন্দি মের হের, হাক্কে উন্দি মের হের। কন' জাগাত চাঙমাউন সুনযুগে থেই ন পের।

দেজকুল' চাঙমাউন' কথা আমিজা শুনা যায়। তারা ধুম' সেড়ে সেড়ে ফুরি উধিবার চাদন - একধা মানা পরিব'। অরনাচল' ভেই বোনুন' হবর আমি লই নি ? মুরত পরি কোনদিন আমি ভাবি চিয়েই নি তারা কথা ? বিজোগর পইদ্যায় পইদ্যায় চাঙমা জাত্তুয়া যে ছিত্ৰিভংগ' অলং সে খবর রাগেই নি আমি ? ১৯৬৪ সালর হিল চাদিগাঙর চাঙমাউনর নেফাৎ বড় পরং অলদে আমনর জাদ বিজোগর একান অহুমা কালা দাগ। এ কালা দাক্কান আমার ঘা ধক্যা বুক বানি আগে জাদ' কিয়েত।

সংসারর নানান দেশ, নানান জাদর সমারে তলবিচ গল্পে আমা চাঙমাউনর বড় পরং অনার ঘটনান একান সীমানেইয়া দুগর বিদি যিয়া কাল। পিখিমির কন' জাদে এত্তমান দুগ ন পান। বড়গাঙত কাণ্ডে গধা দিনেই আমি যে দেশছাড়া অলং সে কথা ইরক্ক কয়জনে নিগুজ গরি ভাবি ? ভাবিলেইঅ বা কয়জন' মনত পীড়া ফুদে ? মাত্তর সে ঘা-য়ানর পীড়াদ' এধক ঝাদি-মাদি থুম অবার নয়। সেক্কে আমলত নেফাত বড় পরগুয়া চাঙমাউনর লুঙ'দেগৈ লাক্যে বজর ছ মাস। আর ইচ্যা চল্লিজ বঝর বিদি গেলগৈ - তারার নাগরিকত্ব ন অল। সিদুঅর আমা ভেই বোনুনে ন পাদন গমে লেগা পড়ি, ন পাদন চাগরী বাগরী, ন পাত্তন চাজবাজ গরি, আড়ি নেই ব্যাবসা বানিজ্য গরি হেবারো। তারা সান্যা দুগর জীংহানি আর আগেনি ? অরনাচল' পুয়া ছাউনর ইচ্যা গদা সংসারান আঙ্কার। ইত্তুক সুযোগর তালাজে ইলে ইলে বিলে বিলে গরি হাক্কনে তিবিরাত, হাক্কনে মিজোরামত, কিয়ে কিয়ে দেজকুলত-য়ো লুঙদন্দই। এ ঘর ও ঘর গরি দিন কাদাদন ইন্দি উন্দি। পরানে কয় তারাত্যে কিজু গরিবার। তারাত্যে কিজু ভাবি দিবার। ইন্দি আমনর কেচ ফড়াবুয়াইঅ যে কনুা বিন্দেই দিব সে হবর নেই।

তুওয়া দ' আমার তারারে ইত্তুক আত্তাক চিৎপুরা পরিব। তারা দুগে দুগী, তারা সুগে সুগী ওই পারা পরিব। সে ধগে তারার হবর লওয়া পরিব। বেড়া যা পরিব তারা ইদু। তারারেয়্য আমা ইদু বেড়েবার বলা পরিব। দি একা পাত্তে বল দিয়া পরিব নানা কিত্যে। কয়দিন তারা ছাদাঙা পুয়া ধক্যা দুগ পেবাক। এই বড় পরগুয়া চাঙমাউনর দুগকালর জীংহানি রিনি চেইয়োই এ বজর। ভাবি দি তারাত্যে কিজু এ বিঝুত। এজেত্তে বজর যা য়েব' কমলানগর।

(বিঝুগলো-৮, ২০০৬)

ধর্ম প্রচারত রানী কালিন্দীর অবদান

ধীমা চাকমা

১৯

৪৭ সালত ভারতান স্বাধীন অনার যেরে বেক দেশ্যানরে ভারত-পাকিস্থান দ্বিভাগে ভাগ গরা ওয়ে। এই ভাগখান বানা মেপ ইজেবে কয়েকান দাগওই ভাগ গরা ন' অয়। দ্বো-দেজর জিংহানি গানিরেও সারখার গরিদ্যে। আমা চাকমা জাত্তোরেও আহ্‌তা আনি দ্যে। বিজগ মাদেলে আমি বুঝি পারি আমা দেশ্যান কুধু এল, আমি কুধু এলং। আমা পূর্ব পুরণ্য কন্বা। কি আমার পরিচয়। আমারও বিজগ আঘে, রিদি-সুদোম আঘে, এলাক আমার রাজা রানী আর একখান দোল রেজ্য। সেলগে এল আমার একখান দোল ধর্ম। যার নাঙ বুদ্ধ ধর্ম। ধনে জনে, রীদি সুধোমে, রাজনীতি, শিক্ষে-দীক্ষ্যে, মানে সম্মানে আমি যদে পদে ধনী এলং। আমা রাজাবো একসময় যুদ্ধ গোছে ইংরেজ ইস্টইন্ডিয়া কোম্পানীর ফিরিঙ্গি সাভউনো লগে। দিন দিন রাজন্য প্রথা ফুরেই গেল, রাজা-রানী আরেলং। কাণ্ডাই গধাত দুবি গেল' আমা রাজবাড়ীয়ান। আগুন বাছেয় বারত যিঙিরি পশু-পক্ষী আরাহ্-আহ্‌রি অন সিঙিরি আমিও আমা দেশ্যান আড়েনেই বেকুন সিদে-সিত্তে অলং। কিয়ই রলাক বাংলাদেজত (পার্বত্য চট্টগ্রামত), আর কিয়ই ত্রিপুরা, আসাম, মিজোরাম আহ্‌ কিয়ই গেলাক নেফা (অরুনাচল)। সিঙিরি আমি বেকুন ভাগ অলং। কিন্তু দেজ ভাঙিলেও আমার মনানি ন' ভাঙে। তুঅ ন আরেই আমার বিজগর কাবিদ্যেও, ন আরেই আমার সংস্কৃতি, রীদি-সুদোম। সে বিজগর পাদা মাদেনেয় খবর পেই আমাহ্ পূর্ব পুরণ্যনেও ডাঙর ডাঙর কাম গরি যেইয়ন। ধর্ম প্রচার গচ্ছান, যুদ্ধ গচ্ছান। মরতুন যুদ্ধ গত্তে মিলেগুনরো কম আত্‌ ন এল'। যেমন রাধামনর বল হলধে ধনপুদি, কুঞ্জধনর এল কুঞ্জবি আর এল আমার পয়নাঙী রাজা বিজয়গিরি, রাজা জানবরু খাঁ সেলগে এল পয়নাঙী কবি শিবচরন। সিঙনর মধ্যে রানী কালিন্দী হধা শুনিলে মনত উধে আমা জাদর মা-বোনুর হধা। রানী কালিন্দীর হধা বানা চাকমা জাদর বিজগত নয়, বুদ্ধ ধর্মর ইতিহাসতও আঘে। বুদ্ধ ধর্মর প্রচার যেধকেন কয়েকো মিলের নাঙ চির স্বরনীয় ওই আগে সিঙনর মধ্যে রানী কালিন্দী অলদে নাঙ গরা। সূত্র পিটকত (সুত্র পিটক) লেঘা আগে থেরী গাথার তেহুতুর জন ভিক্ষুণীর হধা। যেমন সম্রাট অশোকর বি সংঘ মিত্রার হধা বেকুনে হবর পান। তে গাবুর' হালে বুদ্ধ ধর্ম প্রচারতে সমুদ্রর (সাগর) উহলে দেজতও যেয়ে। সে দেশ্যানর নাঙ সিংহল (বর্তমান শ্রীলংকা)। সিধু যেইনেই সংঘমিত্রা বুদ্ধর বানী প্রচার গচ্ছেগেই। যিয়েনি নাকি শ্রীলংকার মানুষ্যনে এজসং পালেই যাদন।

উনিশ শতগত ভারতবর্ষত (চাকমা রেজ্যত) বুদ্ধ ধর্মগানরে নুও জিংহানি দিবান্তেই রানী কালিন্দী নিজে ভূমিকা লোইনেই পিথিমির বুদ্ধিস্টউন' ইদু চির স্বরনীয় ওই আঘে। চাকমা জাদর ইতিহাসত একমাত্র মিলে শাসিকা রানী কালিন্দী এক জন সাধারণ কুরংকুটে গঝার গুজোঙ (গুজোঙ্যা) চাকমার বি। তার বুদ্ধি আ সেদামর খবর পেইনেই রাজা ধরমবরু খাঁ তারে রাজ মহিষী বানেয়ে। ধরমবরু খাঁ

মরানার পর ১৮৪৪-৭৩ ইং সাল পর্যন্ত তে চাকমা রেজ্য শাসন গোচ্ছে। রানী কালিন্দী বুদ্ধ ধর্মগানরে ডাঙর গরিবাত্যেই পার্বত্য চট্টগ্রামত নানান হাম গোচ্ছে। যেমন (১) সারমেধ মহাস্থবিরে বাত্যেয়ে (২) তা রেজ্যত রাজগুরু আন্যে (৩) মহামুনি বুদ্ধ মন্দির বানেয়ে (৪) ভিক্ষু সীমা (ঘ্যেঙ) বানেয়ে (৫) বৌদ্ধ রঞ্জিকা প্রচার গোচ্ছে।

প্রকৃত বৌদ্ধ ধর্ম আ বিকৃত বৌদ্ধ ধর্ম লোইনেই যেক্ষেনে বাংলা দেজর বুদ্ধিস্টউনে ওলোঝোলো ওয়োন, সেক্ষেনে সারমেধ মহাস্থবিরে বাত্যেই আনি তাত্তন বেগ ভেদ ভাঙি লোইনেই বেক্কনরে বৌদ্ধ ধর্ম সম্বন্ধে সজাগ গরয়েে। আর তে ১৮৬৮ সালত শ্রীলংকাত্তন এচ্ছে আচার্য চন্দ্র মোহনর দেশনা শুনি হুজি ওইনেই তারে চট্টগ্রামর রাজবাড়ীর রাজ গুরু বানেয়ে।

রানী কালিন্দী তার রাজগুরুর হধায় ১৮৭০ সালত এক্কান মন্দির বানেয়ে আর তে আচার্য চন্দ্র মোহনর হধায় ভাস্তেগুনর উপসম্পদা দানত্যেই এক্কান নির্দিষ্ট জাগা বানেই দে। সাধারণ মানুয়নে বুদ্ধ ধর্মগানরে হবর পেবাত্যেই মাধব চন্দ্র চাকমার বল লোইনেই আদামে আদামে ধর্ম প্রচার গোচ্ছে। রানী কালিন্দীর বল পেই গদা চাকমা সমাজত ধর্ময়ান নো গরি ফুধি উধিল’। রানীর যদপদে হষ্ট গরানায় বেক চাকমা জাগ্তো পিখিমিত ইক্কু শ্রেষ্ঠ বৌদ্ধ সম্প্রদায় হিসেবে স্বীকৃতি লাভ গোচ্ছে। তে বিভিন্ন ধর্মর প্রতিও শ্রদ্ধাশীল এল’। আমি তারে হনদিন টুরি ন ফেলেবং। বিজগর পাদাত তার হধা চিরস্বরনী থোক। ইয়েনই মুই ভগবান বুদ্ধ ইদু বর মাঘঙ।

(বিবৃণ্ডলো-৩, ২০০১)

চাণ্ডমা শর্ট ফিল্ম ‘উন্ডুচে বৈদ্য’ দারু তালিক আ ‘দলু হুমোরি’ পইদ্যানে কিজু কধা

পংকজ চাণ্ডমা

শর্ট ফিল্ম হোক বা পূর্ণ দৈর্ঘ্য ফিল্ম হোক এ পইদ্যানে আলোচনা গরিবের মত অভিজ্ঞতা মর নেই, তো হাত দিলুং ‘দেড়গাঙ’-র কাবিদ্যাঙ তথা পৈনাঙী লেখক মামু ভবন্ত বিকাশ চাকমার হোজলিয়ে। তবে আলোচনাও খেবদে কুসুম কান্তি চাকমার ইরুংক নিগিল্যে “উন্ডুচে বৈদ্য” আ ও কুলর তরুন চাকমার “দলু হুমোরী” পইদ্যানে।

“উন্ডুচে বৈদ্য” পইদ্যানে পলিম আলোচনা গরা যোক। সাহিত্য পন্ডিত কুসুম কান্তি চাকমা তার এই দারু তালিকর মধ্যেদি কি জা’র গরিবের চেয়ে সিয়েন আলোচনাত সোমেলে দোলে তোলে চেই পারিবং। ফিল্মর পইল্যেদি দেঘা যেয়ে দ্বিজন গাবুচে গাভুরীর পোজপাপি। গাবুচে নাঙান রাঙাচান, গাভুরী নাঙান তুঙোবী। প্রায় মজি পচে পোজপানা দ্বি জনর। লো-লি ওবার কধা আহধা যেয়ে রাঙাচান। কিন্তু পোজপাপি অলে কি সহজে জদন অয়? তার চা পরিব’ জ্ঞাদি-গুট্টি, বংশধর, তারার ভবিষ্যৎ। রাঙাচান বি.এ পাস তো কি অল’, চাগরী নেই। কি খাবেব’। সেনেই দ’ তুঙোবীর চিগোন মামু তুঙোবীরে বৌ-দিবার রাজী নয়। চিগোন মামু অবশ্য রাঙাচানরে জানেইদে - তুই চাগরী পেলে তে আমা ভাগিনেবো বৌ দিবঙে। সিয়েন দ’ স্বাভাবিক। বেকুনে চেবাক ভাগিনেবো বা ঝি-বো দোলে হোক্কাই। অভাব অভিযোগ ন পোক্কাই। কারন ইক্কিনে চাণ্ডরী ছাড়া বাজিবের পথ ভারী নিধুকটুক। ভারী চিন্দেত পড়িল রাঙাচান। তবে মধ্যেদি এক্কান ইন্টারভিউ আগে, সিয়ত দোলে দোলে প্রেপারেশন নিম আয় - রাঙাচানর মুওতুন এমন এক্কান কধা বার অলে তুঙোবী হুত্তোবো রাঙাচানরে এক্কান যুক্তি দিল’ - সালেন এক কাম গর রাঙাচান, তুই উন্ডুচে বৈদ্যেয়ে সিধু যা, তে অলে হামাক্কায় তরে চাগরীয়েন পেইদি পারে স্যা। এক্কানা মন ডাঙর গরি ফিরি এলগৈ রাঙাচানে।

গভীনমুড়’ আশাবাদী প্রেমিক, অথচ বেকার, কাহিনীকার কুসুম কান্তি চাকমা দ’ সেদক্কেন ন এল’। তে জীবনত ভারী বেকারও খাদি ন পায়। প্রেমিকও নয়। তে বরং দেশ, জাদ, সাহিত্য ইয়েনির প্রেমিক। কিন্তু তার মেঘেবান চোঘর তলে যে পরিবর্তনহীন বেকার ভরাসমাজ ব্যবস্থা সেই সমাজত কধক বেকার জাত-ভেই-বোন প্রেমিক-প্রেমিকা বেকার দুজে দুঘী, বিরহ জ্বলায় ভুক্ত তার কন’ ইয়েত্তা নেই। ঠিক সেই সমাজ ব্যবস্থা উজু কুসুম কান্তি আমারে দোলেই গরি আঙুল দেঘেই দে-এ।

সহজ সরল জনমন। নিরিবিলি আদাম, সিধু আঘন গেঙুল্লি- এযান্যে দিন মাদান আমি শুন্যেইদে দেঘা ন পেই। এক হধায় পুরনী আমল। এমনই দিন মাধানত আদাম্মে-পাড়াগ্লেয়র সহজ সরলতার হধাক-তালাক ওহুই জন্মেয়ে ফিল্মর প্রধান চরিত্র উন্ডুচে বৈদ্য। “ম’ নাঙান উন্ডুচে বৈদ্য। ন জানঙ পারা মন্তর নেই, ন চিনোঙ পারা দারু নেই। একবার ইক্কো উন্ডুর

বিগির মারিলে ভুদোর বাপ্পনেয়ো দেজ ছাড়ি যেনেই অন্য দেবত শরনান্তি ওহুই থেই পান্নোই”- ইয়েন উন্দুচ্যে বৈদ্যর জিল’ আগা ডাইলক, হধায়ান্নোই বুঝো যায় বৈদ্যেয়ে হেজান পাঞ্জি অহুব’। কিন্তু বৈদ্য আলি বিধানে লারাজারা হেয়ে চাঙমা সমাজর মানুজ বৈদ্যেয়ের হধাগান (গপ্পান) এক্কোবারে উড়েই দিও ন পারং। কারন, সহজ সরল মানসিকতাত নিত্য বিশ্বেজসানোই কাম গরে। বৈদ্যআলি বিধানত সেধেক্কেন বিধেন নেই এমনো অহলে নয় সেনে আদাম্মে পাড়ায়ে অসুগ অহলে বৈদ্যেয়েওই একমাত্র ভরসা।

লাম্বাশিরে বাব’ ঘর, বৈদ্যেয়েলোই লাম্বাশিরে বাবর আলাব, এন অক্তত বৈদ্যেয়েরে তোগেই তোগেই লুঙিলগি গেঙুল্যে। বৈদ্যেয়ে মুরে মুরে গেঙুল্যেয়ে গেল দেদে দেঘা গেল’, গেঙুল্যেয়েলোই তার যেন রোই রোই ন মিলে। গেঙুল্যের সিয়েন উধিজ নেই পারাপাং। তে বৈদ্যেয়েরে দেনেই উভগীদেদি রোগর লক্ষনান কি কল ন বুঝিলুং। তবে বৈদ্যেয়ে বুচ্যে, তে কন্তে ‘চিলেঙ দেবেদা আব্বর’ আ তালিক ইক্ক দিব ভিলে। বারি দিলো - সিএ এক বেধক্কে ঝারা। সে জেরে বুঝেই দেব তালিকো- এন অক্তত হনহিজেক্কে গরি লুঙিলগি রাঙাচানে। তার যে মুজুগেদি ইন্টারভিউ আঘে। বৈদ্যেয়েত্তন হিচ্ছু নি নাই তার চাঙরীয়ান হামাক্কায় পানা চায়। আ নলেন তার পরানে পরান লাঙনী তুঙোবীরে লোই পেধ’ নয়। এইনেই তার আসয়-বিষয় বেঙ্কানি জানেল বৈদ্যেয়েরে। বৈদ্যেয়ে মনে মনে ভাবিল’ - পো-বো ভদ্দর’ আঘে, টেঙাবলা অহুব পারাপাং, এ জু বাড়া জু নেই। তারে সহজে আরা ন যায়। তে কল’ - তর তাবিত ইক্ক লাগিব’ - একশত টেঙা, সে লগে ম’ বিগিরবো শিগেই দিম- পোজোশ টেঙা, অব দ’? অব’ অব’ কোনেই নাজুক-হাজুক গরি ঘরত গেলগৈ রাঙাচানে। গেঙুল্যে কিন্তু বেঙ্কখানি ঠাহরেল’। তবে জু পায় ভিলিনে বাননোই রাঙাচান’ উত্তরে এত্তমান ডেন’ থুট বোজেই দেনা ঠিক ন অয়। এমনই মনে গরিলো গেঙুল্যে। তে গেই গেল’ - “যে যুগত যে কাল, অরিঙে চুমি যায় বাঘ’ গাল’, বাঘ’ গাল.....।”

কল্পনা নয়, ফিলিম্মো আব্বলে বাস্তবতার অনুগামী। ঘর’ ভেজাল, নেক-মোগর মারামারি, সুঘ-শান্দি নেই-ইয়েনির বিরাট অংশ দায়ী মদ খানায়ান - ফিল্মর এধক্যেনই একখান ঘর সংসার নেইয়ে বাপ-নেইয়ে মার। নিত্তাগে নেক্কুনে মদ খান, মোক্কুনে দুঘ পান - সের’ মধ্যে নেইয়ে মা একজন। মদ খেব’, ভেজাল গরিব’ ধগে ন অলে মের খানা, - এধক্যেন অবস্থাতই নেইয়ে মার ধুন্দুগর এক হত্তা - “যার দুঘ ভিলে সারা জনম্মো দুঘ, আগেধে আয় ম হবালত” ! কাহিনীকার কুসুম কান্তি সেধক্যেন ঘর সংসারত মিলেউনর দুঘ’ হাল পরাক পরাক গরি ফুদেই তুলি দি পাচ্ছে, সন্দেহ নেই।

ইন্টারভিউদিন, আহ্জিয়ো এবে দুঘ’ লাগে। আব্বলে সুঘ-দুঘ, আহ্জানা-কানানা কাহিনীয়েনীই দ’ পোগোন গুল’ থুর ঘাচ্ছে কাহিনী। প্রেপারেশন অন্য হিচ্ছু নয়, তাবিত ইক্কো পিননে আ মুখস্থ বিগিরবোলোই বুকদর’ গরি ইন্টারভিউ দে-এ এল’ রাঙাচান। রঞ্জিতা আ সারথিকার জেরে রাঙাচানে সমিলোগেই ইন্টারভিউ রমোত। ইক্কত্তন ইক্ক ডাঙর গরি তিন বিগির শুন’ গেল’ বাড়ত্তন। এক্ফেনা জেরে শুন’ গেল’ ধুম-ধাম, বুং-বাং, ওমা-খদা। থা-জা মের হেইহায় বেয়াল অবস্থায় হাসপাদালথ ভর্তি অহলগেই রাঙাচানে। ফিলিম্মর আব্বল রোমান্টিক ঘটনান ইয়দই। বানা রোমান্টিক ঘটনা নয় নয়। চাগরী, চাগরীপেলে তুঙোবী, রাঙাচানর এমনই বেগ আবা আওজচানির মরাগেট পড়ে এ ঘটনায়ানত। তবে ইয়দই আবার উচ বজে রাঙাচানর। তা আন্দাজত ধরা পড়ে, উন্দুচ্যে বৈদ্যর ফাগারি বাজি। সে জেরে ধরি ফিলিম্ম ঘুড়িল’ উন্দুচ্যে বৈদ্যর আক্রমেনেদি।

একদিন বৈদ্যেয়ে লাম্বা শিরেবাব' ঘরত ইক্ক ভূদে পেয়ে মিলে ঝাড়া যেয়ে। বুগত ন আটে কেনালৈ রাঙাচানে বৈদ্যেয়েরে তোগে তোগে লুঙিলোগৈ সিধু। তে ফগদাঙ গরি দিল' বৈদ্যেয়ের ফাগারি বাজি বৈদ্যালী। আদাম্যে উনেও রাগে আঙুন। এধক্যেন পরিস্থিতিত লাম্বাশিরে বাব' ঘরত বৈদ্যেয়ে পেল' তা কর্মফলর বিরাট শাস্তি। “দশদিন খায় একদিন পড়ে”। এ ডাগ' কথায়ান বার বার আমারে ঈধোত তুলি, দে ফিলিম্মোর প্রধান চরিত্র উন্দুচে বৈদ্য।

উন্দি “দুলু হুমোরী” চাকমার এক্কান পূরনী পচ্ছন, ইয়েনরে নাট্যরূপ দিনে শর্ট ফিলিম বানেয়ে তরুন চাকমা। ১৯৯২ সনত জুম ইসথেটিক কাউন্সিলর প্রযোজনায় ‘আন্দলত পহুর’ নাঙে পথম চাকমা শর্ট ফিলিম বাহুনা অয়। ভালক বজর জেরে তারই (জাক) প্রযোজনায় নো রঙে বাহুর অল’ ‘দুলু হুমোরী’। শর্ট ফিলিম দুলু হুমোরী পইদ্যানে আলোচনা গত্ত গেলে মর ছয়সাগর ভুল থেই পারে। কারন এই পচ্ছনান মুই চিগোন থাগদে দ্বি এক পল্লা শুনিলেয়ো জেরেদি প্রায় পুরি ফেল্যেঙে। সেনে মূল পচ্ছনান’ লগে ফিলিম্মো খাপ খেল’ না ন খেল’ নলেন হুদুর খাপ খেল’ স্যানি যাচাই গরানা মর পক্ষে সম্ভব নয়। এক্কান পচ্ছনর নাঙ দুলু হুমোরী অলেয়ো সিয়ান আঝলে আদরর ঝি নলেন আদরর বোন এমন মিলেরই এক্কান নাঙ। পচ্ছনানত সাত ভেই, এক বোন। সাত ভেই অলাক্কে রাঙাচান, কালাচান, ধলাচান, পুনংচান, কিরবে চান, কিনে চান আ নিগিরে চান। এই সাত ভেয়র এক বোন, তে-ই দুলু হুমোরী। তারে নাহি সাত ভেয়ে মাদিত থলে পিগিরে খেবাক পারা, মাধাত থলে উগুনে খেবাক পারা গরি আদর গরিদাক।

বাপ-মা নেই, আদরর দুলু হারোছে গাভুর ওহুয়েগি, ডাঙর দাদা রাঙাচানে মোক লোয়ে, ছ-ভেই গাভুর - এমন অবস্থাত্তন ধরি আরাম্ভ অয়ে তরুন চাকমার শর্ট ফিলিম ‘দুলুহুমোরী’।

হান সু.....ঘ বাজনায় বাজের ধুদুক, ডগরের আর’ হাতোল পেখ, দ্বি উভো মুডো ঝাবেয়ে গভীন জাড়, রিপ্ রিপ্ লেজাৎ শিল্লো ছড়া, গগল গগল নাল আদের পহন পানি, সোয়ত শিল ওগোদেই ওগোদেই হাঙারা তোগাদন পুনংচান-কিনে চান দাগি - ফিলিম্মর পইলেদি এধক্যেনই চাকমা আল্যেঙর চিনপচ্ছ দৃশ্য দেলে চাকমার পুরোনী দিন মাধানর এক্কান নির্ভুল আন্দাজ বেক্কনর মনত আবুজি থায়ী। ঝারত শিগেরে যেয়ন-জেৎ বাদল, ফু’ শিগের’ আঙুর, ভেয়ে-বোনে সোকা খারা, আলুলো দুলুলো মেয়েদয়ে চলা চলি, বিগিধি, ইয়েনি বেক্কানি পুরোনী দিন মাধানর চিন, স্যানি দেলে এগেম পরানে হয় চেই খেবার।

ফিলিম্মর পইলেদি রাঙাচান দাদার দুলুরে পোজপানার মেয়ধ পেই ইয়ত, যেক্কে দ্বি-ভেই বোনে সোকা খারা খদন, পিজোরত শিমে আলু ফা-ত্ দিদাই তা ভূজি দুলুরে কোয়ে - দুলু এক্কা পানি হুম্মো আননোইদে, দুলু নোনেই সুর তুলি কোয়ে - হাক্কে আনিম্মোই আয় ভূজি। তা ভূজির যেয়ন এক্কান স্থায়ী পিজুম বা ধুন্দুক র’ মেলি কোয় পেল’ - হাম ওজেলে এহ্ হাক্কে, এহ্ হাক্কে। সিয়দই দুলু ইন্দি বাচে গরি মাদি পেল’ রাঙাচান দাদা, “আহ্ঃ আনিবোগৈ আয় হাক্কে।”

রাঙাচানরে দায়িত্তুবান মানুজ ভিলিনে থাহুরেলুং, কিত্তে কলে, তা তলেদি ছ ভেই এক বোন, বেক্কন গাভুর। তারারে নিনে ঘর সংসার সামেলে রাগানা ইরুক দিন মাধান’ লগে মিলেলে সহজ কধা নয়। দুলু সদর ইক্কো গরি গুরো বোন, নোনেয়ের থুপ, তে এক্কা দুখ পোক বা ইচ্ছে নেই গরি হাম গরোক সিয়েন কন’জনে ন চান। সেনে তা ভূজি ওজেয়ে কাম মনে কলে গইল্য ন গইল্যো - উল্লোফিরি ওহুজা খেবদে আঝা নেই।

এধক্যেন আদরর বোন ফেলে একদিন সাত ভেয়ে হাত্তোনত যেয়োন, ঘরত রলাক চিকচিখে গরি দুলু হুমোরী আ তা ভূজি। সে পিজে ঘদিল' এক্কান দেব হরম ঘদনা। দুলু এগামনে নুকখুরক খারা খ-র্ ঘর' উদোনত। এন অক্তত ঘর' ভিদিরেত্তুন নিগিলিনেই তা ভূজি কলগী - দুলু এক্কা ধান তোলোয়ান আননোইদে। দুলুর কধাসুর নিত্য নোনেয়ে, তে হল' - 'হাক্কে আনিম্মোই ভূজি'। হধ' গেলে অগমানে মু ফিরেই নেযাদে কিঙিরি যেন আগাজ হেত্তে চোগ গেল, দেল' ইক্কো চিল উড়ি উড়ি পাক খার। ঠেঙানিত আঘে একতারা আঙোর মাছ, স্যানি লোভ গরিনে নাহি বিগিধি গরিনে কিজেনি তা ভূজি যাজি দিল' দুলুরে - "চিলে চিলে, ত আঙোর মাছোনি দি যা, আমা দুলু হুমোরীরে নেযা"। এধক্কেন গরি দি-তিন বার ডাগিনেই, কধায় কধায় বু'ক গরি উদোনত আঙোর মাছ্যানি ফেলেইদি গেল চিল্লয়। স্যানি পেদেনিনাই ওলোনচালত পুরেলে তা ভূজি- ঠিক সে পিজে দুলুর হধা-হিজেক- "ও ভূজি, ইবে হি-য়ো, মরে নে-যা-ত্তে-য়ো।" তা ভূজি হিজেকহিছে গরি বাহুড়ে নিগিলি এইনে চাইদে দুলু নেই, ডাগি ডাগি চেরোপালা রিনি চল', নেই, পাত্তা নেই। আগাজ ভাঙি হাল পড়িল' রাঙাচানীর। লগে লগে আদাম্যে পাড়াল্যারে জানেল' - দুলু আহুজি যানার কধা। আজু (বৈদ্যেয়ে) বিগিধি গরে - "না কন' গাভুর মরত্তে খেই গেল?" কিন্তু আদামত্তুন কন' গাভুর মরদ নেই, এধক্কেনয়োদ' শুন' ন যায়। সে বাদে দুলুর কারত্তে আয় পায় আগে সেধক্যেও নয়, আহুমক ওহবার কাত্ত। চিদেই চিদেই ভাত পানি নেই রাঙাচানীর। হাত্তোনেত্তুন ফিল্লেগৈ কি দজা অয় হিজেনি।

তিন-চের দিন বিদি গেল', রাঙাচানদাগি হাত্তোনত্তুন ফিরদননে। আদরর বোন দুলুরে নানাঙ্কান জিনিজ আনি দেদন। কনজনে হাঙারা, হন জনে পত্তিৎ গুলো সেধক্যে। কিন্তু ঘরত লুঙিনেয়ী বেকখুন মু কালা। মু কালা গরি আঙ্কার গুদিত বের্চেগাত আৰুজি বোই আগে রাঙাচানী। আ দুলু ! দুলু হুধু যেয়ে ? জনে জনে (রাঙাচানবাদে) পুজোর, "আ দুলু হুধু যেয়ে ভূজি ?" বিরেট দুষ গরিনে শান্তির পালা। মূক্তি পেবার হোজলী, এধক্কেনই চিগোন মনে ক্ষেমা চাং র' মেলি রাঙাচানীর জোব - "মুই খেয়ে হবর ন পাঙে দুলু হুধু যেয়ে।" ঝিমিদত তাদি উদিল' রাঙাচানে, - "কি, দুলু হুধু যেয়ে তুই হবর ন পাচে ?" (মারিবৈত্তে গঙ তুলে আ তা ভেয়ুনে ধরি রাগান) "ইক্কো গরি গুরো বোন সিবেরে তুই চোঘে চোঘে রাগে ন পারচে। এক্কেনা দুলুরে ন পেই, সালেন চে-চ্ তর কি দজা অয়।" কালাচান পুনং চান দাগি তারা দাদারে হনরগম বুবেবুঝায় বেকখুনে তেম্মাং গরিনে লগে লগে সাঙু লামিলাক দুলুরে তোগা।

দুলুরে থা-জী তোগেতোগায় মু চুধো গরি ফিরি এলাক্কে। রাঙাচানীর ভালা ঈদোত উখিল-আজু -বৈদ্যেয়েত্তুন এক্কা গোনোই চেবাল্লে। গোনোনেয়োই আজু কোইদিল দুলু উত্তর কোনদি আগে, কালিক ভিলে এক্কা বেসুঞ্জুক গরি আগে। লগতালক আর গেলাক উত্তর কোনা মোখে। যাদে যাদে এগে এগে ডাগি চান, - "দুলু.....। দুলুরে.....। ও- দুলু.....।" সেধক্যে গরি ডাগি ডাগি যাদে যাদে আবাদা শুন গেল ইক্কো হানানা র'। একজনে র'-বো উদিজ গরি হুধুর উজেইনে রিনি চলগৈ, সুগ পেলগৈ দুলুরে - "উয়ু উয়ু দাদা উয়ু, দুলুরে সুগ পেয়ং, এজ' এজ'।" হিযেচে গরি যেইনে চাননোইদে বিরেট অজল ইক্কো গাজ' উত্তরে বিরেট ইক্কো খের' বা', সে ভিদিরে দুলু, তারারে দেইনে ডাগি ডাগি হানের দুলু। হিযেচে গরি লাম্বা লাম্বা বাচ হাবিনে অজল এক্কান সাঙু বানেলাক। সে সাঙু আবুজেনে উদিলাক্কে গাচ্ছ উত্তরে। খুব সাবধানে ধরাধচে গরি লামেলাক দুলুরে। রাঙাচান দাদা দুলুত্তুন পুজোর গইল্য আ হিঙিরি এচ্চোজ দুলু ? দুলুর জোব - "দাদা,

ভূজি নি, এক তারা আঙোর মাজ' বদলে মরে চিল'রে যাজি দেদে ।" লগতালক চোখ রাঙা ওহই উদিল, র' গিরগিচে অল' রাঙাচানর । চুপচাবে টুমটুম ঘরমোখে আহ্দা ধল্য রাঙাচানে, পুনে পুনে বেকখুনে এত্তন ঘরত । আক্ল আক্ল এইনে গায় গায় ঘরত লুঙিলগি রাঙাচানে, তা মোক চোতপোত্তো ওহইনে পুজোর গরের - "ইয়ো, দুলুরে পেয়োগোইদে অয়নে?" রাঙাচান (রাগে গিরগিচে), "দুলুরে পেয়োগে দে, দুলু হুধু যেয়ে তুই হবর ন পাচে, একতারা আঙোর মাঝ' বদলে দুলুরে যাজি দোচে"- হদে হদে দি তাঙল্য কয়েক ভূক, ঈল ন অল', আর' ইক্কো মুগোর আনেল্লদে পুনংচান দাগি লুঙ্যাননি । হিজেচে গরি হারি ললাকী তারা ভুজিরে । কালাচান-পুনংচান দাগির আন্দাজ - ইয়েন আঝলে হারর দুজ নয় । ভুজিরও দুজ নয় । ইয়েন 'দেব' হরম' ঘটনা । আনলে ইক্কো চিলে বুঝ' ইক্কো মানুজ তুলি নি পারেদে । বেকখুনে ধরি নিলেক সিয়েন দেব হরম ঘটনা । ইয়োদই ফিলিম্মো থুম ।

ফিল্ম দুনিয়েত অভিনয় এক্কান ডাঙর জিনিষ । অভিনয় যে জানে তারে কনুে শিল্পি, অভিনয় যে গরে তারে হনুে অভিনেতা । যে অভিনয় গরিবো' তার শিল্পিজ্ঞান থানা-ই দরকার । মর এক্কান আন্দাজ অবস্থা বা ভূমিকা বিশ্বেজে যেমন, রাগ, দুঘ, মাত্তল, অহংকার, নিলোজ, পোজপাপি বা লাঙে-লাঙনি, ফাজালামি - এধক্যন অভিনয়ত যে বেশ নিজর মন, কোয় আ ইন্দ্রিয় গঠন গরি পারে বা খাপ খাবে পারে আ ভূমিকা ধগে আচরন গরি পারে তে বেশ শিল্পি । সেনে ফিল্ম দুনিয়েত হুচ বারেদ' গেলে গম অভিজ্ঞ শিল্পিত্বন যঠেষ্ঠ রিয়েরসেল বা ট্রাইল ল'না বা দেনা উচিৎ । কারন হাজার হাজার লাখ লাখ শ্রোতা দর্শক ফিলিমুন চান । সেই শ্রোতা দর্শক'র মন জয় গরি পাল্লদ' হন অভিনেতার অভিনয় সফল অহল, শ্রোতা-দর্শক'র মন জয় গরি ন পাল্ল্যে অভিনয়ও সফল ন অল', পুরো ফিল্মিয়ো দাম কমি যেবগৈ, মাত্র অলে কয়েক্কান কারনে (সিব শর্ট ফিল্ম হোক বা লঙ ফিল্ম হোক, চাঙমা ফিল্ম হোক বা অন্য ফিল্ম) । চাকমা শর্ট ফিল্ম 'দুলু হুমোরী' দেইনেই ম' ধগে সে শিল্পিউন ভাল সফল ওহয়োন । তার মধ্যে রাঙাচান, তা মোক (তুপ্তি), দুলু হুমোরী আ আজুর অভিনয়ানি নাঙ - ঘিনিবার লাক । যেমেনঃ-
রাঙাচান - বেগ ডাঙর ভেই ইজেবে তার গান্ধীর্ষ, দুলুরে আরেইনেই আ পেইনেই তা মোক উঘুরে যে রাগ দেঘেয়ে অবস্থা বিশেষ মো'সিক্কে, কধাসুর বেক্কানি দোল ওহয়ে ভিলি মুই মনে গরঙ ।

রাঙাচান' মোক (তুপ্তি) - দুলুরে আহরেইনেই তার নিরুপায় মানসিক অবস্থা প্রদর্শন, দুলুরে পেইনেই রাঙাচানত্বন মের-হাদে তার হানানা দর্শক'র মন জয় গরি পারে পারা ।

দুলু হুমোরী - সাত ভেইয়োর এক নোনেয়ে গুর' বোন ইজেবে তার হধা ঘাচ্ছারা, আচার-আচরন'র অভিনয় প্রদর্শন মন্দ হবার নয় ।

আজু - আদামর একজন আধ বুচ্ছে আত্তে ইজেবে তার নানান বিগিধি, নিলোজ বাবতে কধা গাচ্ছারায় তারে জদে-পদে সাজসে ভিলিনে মুই মনে গরং ।

ইন্দি 'উন্দুচে বৈদ্য' ফিল্মমো রিনি চেলে দেঘা যায় রোমান্টিক ফিল্ম ইজেবে মন্দ ন অয় । তবে ফিল্মমো সারে পারা গুনার মধ্যে বেজভাগ দায়ী উন্দুচে বৈদ্য । যেমেন- রাঙাচানরে তাবিত পরি দেনা, রোগী ঝারানা - এ হধক্কানি রোমান্টিক দ' আগেয়োই, সেবাদে তার চাল-চলন, কধাবাত্তানি একজন বেচ্ছেক টেঙা লোভী আ ভন্দ বৈদ্যর যা অহবার হধা সেধক্যনই ওহয়ে বিলি মুই মনে গরঙ অন্তত আশি শতাংশ । তে বাদে এমনে আর' কয়েক জনর অভিনয়য়ো মন্দ হবার নয় । যেমেন- নেয়েমা, লাম্বাশিরেবাপ, গেঙুল্যে, বৈদ্যানি- ইগুনার ।

এমনে, চাঙমা ফিল্ম দুনিয়েত (শর্ট ফিল্ম অলেয়ো) এজ' - তে কয়েক হুচ, গিরগিচে ওহবার হধা সাভাবিক । ইক্কনু চাঙমা ফিল্ম দুনিয়েত যে তুবোল দেঘা দ্যে, হুদুর মুজুঙেদিই আমি দোল- দর' মর' ফিল্ম চেই পেভং ভিলিনে আঝা গরং ।

(বিষ্ণুগুণ্ডো-৯, ২০০৭)

ଠିକ୍
ଠିକ୍

ଗଳ୍ପ

ଚାଣ୍ଡା ଅଜିତ କାନ୍ତି ଧାମେଇ, ବିଜୟା ଚାକମା, କୁସୁସିଂ
ଚାକମା, ବାନୁଦେବୀ ଚାକମା, ମନ୍ଦିରା ଚାକମା, ଯୁଧିଷ୍ଠିର ଚାକମା,
ଉଦୟ ଜ୍ୟୋତି ଚାକମା ।

সেদিনে মিলেবো

চাঙমা অজিত কান্তি ধামেই

এ বজর রিপরিপে ক্লাস টুয়েলভ্ পাশ গরি ধর্মনগর কলেজত ফাস্ট ইয়ারত ভর্তি ওয়েগি। ভর্তি অনার লগে লগে তে সমাচ্ছেলোয় পরিচয় অল। পরিচয় অনার পরেতুন ধরি সমাচ্ছে গুনে তারে 'রিপ' হোনে ডাগন। রিপ তেমন গম ছাত্র ন অলেয়ো ফেলর মু তে হন' বজর ন দেগে। স্কুলত যক্কে পড়িদ' সক্কে কম স্কুলত যেদ'। আ যদিও যায়, বেক্কুন' পিজেন্দি বজেগোই। কিন্তু সমাচ্ছেলোই মিলানাত তে পোল্লে নম্বরত। এই সে স্কুল' হাস্যেক্কান তে কলেজত এনেয়ো ফেলেই ন পারে। কলেজত যানা দ দূরো হধা কলেজ নাঙ ঈনিলে তাতুন ঘুম এযে। সনন্তে সমাচ্ছেগুনে কলেজত যাদে তে ঘুম যেই যেই থায়। আ তার সিনিয়র ভেইয়ুনোই এমন মিল অন্য হন' ফাস্ট ইয়ার' পো তা ধক্কেন মিলি ন পারন। অবশ্য তার একখান বড় কারন অল, রিপে হন' দিন তার বড় ভেইয়ুনর হধা অবাধ্য ন গরে। ওক্ তার পক্ষে কঠিন, ওক্ তার পক্ষে উজু কাম। হলে গরিব'ই। সনন্তে সিনিয়র ভেইয়ুনে বেঘে তারে হোজ পান। যেমেন সে দিনর হধায ধরা যোক-

চের-পাজ জন থার্ড ইয়ার আ সেকেন্ড ইয়ার' পো মিলি চুগিত বোয় 'ব্রে' খেল'দন। সে দিনে থার্ড ইয়ারত ফাইনাল এগ্জামিনেশন' ফর্ম দিবার হধা। কিন্তু সেই ফর্ম হনা আঘে আনিযে ? জগরা হুম ইরি দিয়ে হন' জন নেই। ফর্ম আনিবার সময় এল'। তগেই চান দ্বি-একজন ফাস্ট ইয়ার' পোও পা ন গেল'। বেক্কুনে কলেজত যেয়োন। হাক্কন পরে রিপে চোক রাঙা গরি তারা মুজুঙ্গে আহ্জিল। মনে অহর দ্বি-একজন উগুলে পাধেযে। তারে দেঘি দ্বি-একজন দরেয়োন। যেরে অবশ্য সে দরান হাদি গেল', যক্কে তে মাদিল'। হল, "হক্কে ঘুম যেয়োঙ হবর ন পাঙ। তা হধা শুনি সুরজে মাদিলো। তে হল", "ঘুমনে যেয়চ্ছে, মুই দ মনে গচ্ছং দ্বি-একজন.....।" এই হধায়ান হোনে বেক্কুনে আহ্জিলাক। রিপেয়ো আর তা আহ্জিবো চিবেই রাগেই ন পারে।

তেল ফুরেলে যিঙিরি চেরাক মরি যায়, ঠিক সিঙিরি রসর অভাবে তারা আহ্জিগুন মরি গেলাক। আহ্জি থামানার পরে রনকে হল'- "রিপ, তুই কলেজতুন আমা ফর্ময়ানি আনি পারিবেগোইনি ?"

নেপোলিয়ন' ডাইরীবোত যেন্ 'ন পারিম' শব্দবো নেই, ঠিক সেধক্যেন রিপ' ডাইরীবোত-য় সিনিয়র ভেইয়ুন' নাঙে 'ন পারিম' শব্দবো নেই। তে হল' -"পারিম দ'। কি কি লাগিব' সিয়ানি ম আহ্দত তুলিদো।"

হাক্কন খেলা বন্ধ রাগেই যে যার কাগজপত্র তারে গজেই দিলাক। কাগজ পত্রয়ানি গজি লোই তে পূজোর গরিল' - কন সেকশনতুন ফর্ম দিবাক ?

রনকে হল' - স্টাইপেড সেকশনতুন।

এর পর রনক দাগি পুর'দমে 'ব্রে' খেলা শুরু গরিলাক। রিপে-য় আহ্দা শুরু গরিলা'

তা উদিজে। ঘরিবোত মিনিদ' হাদাবো দশ পাক খেল'। রিপে কলেজত লুঙিল'। কলেজত লুঙি তে উজু গরি গেল স্টাইপেড সেকশন'মুজুঙ্গে। যেইনে চায় কেরানীবো নেই। আগে জুদ' একজন। তে হল'-কেরানী বাবু নেই, হাক্কন পরে তে-এ এব'। তা হধা শুনি রিপে পিজ্জিদি মুজোঙ দিল'। দেগে তা ধক্কেন বয়জর দ্বিজন মিলে। বুঝিবার জু নেই তারা হন ইয়ারত। তারা দ্বিজনতুন এক জনে রিপরে উদিজ গরি হল - ফর্ম ন পাচ ?

রিপে হল - না, কেরানীবো নেই।

ছধু যেয়ে ? - পুজোর গরে সেই মিলেবো।

রিপে হয় - হবর ন পাং। আর হয় - তা লগে আঘেদে সিবো হোয়ে যদি এব'গোই, হাক্কন বাচ্ছেই খেলে অব'।

রিপ' হধা শুনি তারা-য় মনানি ঠিক দিলাক। রিপরে হদন-আমিয়ো বাচ্ছেই খেবং।

রিপে হল - খেবং আয়।

তা পরেদি শুরু অল পুজোর' উগুরে পুজোর। পোল্লে সেই মিলেবো পুজোর গরে - ত নাঙান কি ?

রিপে হল - রিপরিপ, তবে সমাচ্ছেগুনে মরে রিপ হোনে ডাগন। এর পর তে-য় পুজোর গরে, তমা নাঙানি কি কি ?

পোল্লে মিলেবো হয় - ম নাঙান কোয়েল। এরপর আর এক জনে হয়, ম নাঙান শীতল। নাঙদি পরিচয় অনার পরে কোয়েলে হয় - খার্ড ইয়ারত অয়নি ?

তা হধা শুনি রিপে মনে মনে হল'- ইতুন পারা জু নেই খার্ড ইয়ার' মিলেলোই গপ দিবার। তারারে মিঝে হধা হং। এর পর তে হল' - হন' সন্দেহ আঘে নাহি ?

কোয়েলে মনে মনে একা লাজেল'। লাজ ঘুরেবান্তে তে হল - শত শত ছাত্র-ছাত্রী, বেক্কনরে চিনিবার জু নেই। সনত্তে.....। তা হধায়ান শেষ গরিবান্তে ন দিল' রিপে। হধার মাধ্যমে তারা বড়ি তারারে খাবেল'। হল - ত হধায়ান সেন্ট পার্সেন্ট ঠিক। সনত্তে পারাপাং আমি একুই ইয়ার অলেয় চিন্ নেই। রিপ' হধা শুনি শীতলে একা মূ চিবে চিবে আহ্জে। তারে আহ্জদে দেগি কোয়েলে' তারে রিনি চেই রিপে ন বুঝে পারা চোগ' ঈজিরেদি হল - ন আহ্জিচ। কিন্তু রিপর বুঝিবার হিচ্ছুই বাদ ন রল'। তে মনে মনে ভাবিল' - পিখিমিত এভ' সং সেধক্কেন মানুজ আঘন যিগুনে নাহি পর' হধাত আহ্জিলে সতিই দুগ পান। মনে মনে ছব হ্জি তে কোয়েল' উগুরে।

চুপ গরি থায় শীতলে। কিন্তু চুপ গরি খেবার মিলে নয় কোয়েলে। পুজোর গরি যায় তে একখানর পর একখান। জোব দে রিপে। অবশ্য মধ্যে মধ্যে রিপে-য় পুজোর গরে জোওব দি যায় কোয়েলে।

কোয়েলে পুজোর গরে - কি অর্নাস নিনে পড়র তুই।

রিপে হয় - History। এর পর তে-য় পুজোর গরে, তর কি অর্নাস ?

কোয়েলে হয় - Pol. Science।

কোয়েল' হধা শুনি রিপে নিজরে তারা মুজুঙ্গে প্রমান গরিবার আর' বেজ জু পেল'।

তে হল - অঃ ! সনত্তে অবদে তমাল্লোই দেগা-দেগি নেইদে।

কোয়েল হল - অই পারে । তারা হধা শুনি শীতলে আগরতলাত বজি গাজ' পাদানি রিনি চেই চেই চুবে চুবে আহ্জে (আগর গাজ' তলে বজি থান হিনেত্তে স্যার থবাল বর্মানে (থ্রফেসর) সেই জাগায়ানর নাঙ দি-এ আগরতলা) ।

কোয়েলে আর' পুজোর গরে - রেজাল্ট দোওন না হি ?

কোয়েল' মুওত্তুন এই পুজোরান শুনি ধরা পরিবার দরে রিপার টিগিনি চুলানি যেন উব'ওই উদিল' । কিন্তু চালাক রিপে, ধরা পরিবার মরদ তে নয়; উপস্থিত বুদ্ধি তার সাংঘাতিক । ইয়ান যেন তার ভগবানর দান । তে হল - রেজাল্ট' হবর দ নপাং । তবে মুই কিন্তু রেজাল্ট ন চাং । কারণ মুই হবর পাং কম নাম্বারলোই অলেও মুই পাশ গরিম । আর হল - তমার রেজাল্ট চেবা নাহি ?

কোয়েলে রিপার পুজোরান থুম অদে ন অদে হল - না না আমিয় ত থক্কেন । কোয়েলে আর হল - পরীক্ষে দ যা দে-এ দে-য়োয় রেজাল্ট চেলেয় হন' বেজ নম্বর ন পেবং ।

পাগানা ফল যিঙিরি য়েদক বেজ চিবা যায় সেধক বেজ রস নিগিলে, ঠিক সেধক্কেন তারার দ্বিজনের যে গব্ সেই গবর রস যেন্ য়েদক বেজ গব্ দেদন সেধক বেজ নিগিলের । কিন্তু এরই মধ্যে একখান অঘটন ঘদিল' । শীতলে ধৈর্য্য আহ্রা অল । তে হল, কোয়েল, যেই । কেরানীবো এচ্ছে নাহি চেয়োই । কোয়েলেয়ো হল, যেই । যেই, রিপ চেয়োই ।

আগরতলাত্তুন উদিনেই তারা তিন জনে কেরানীবো ইধু গেলাক । কেরানীবো বোই আঘে জাগাত । কেরানীবোত্তুন ফর্ম পেবাক নাহি পুঝোর গরিলাক । কেরানীবো হল - পেবা, ফি কার্ড দেগ' । রিপে একে একে বেঙ্কানি নিগিলেল' । কিন্তু কোয়েল দাগি ফি কার্ড ন আনন । তারা ফি কার্ড ন আনন দেগিনে রিপে আবিলেজ খেল' । হল - ইস্ ! এক হামত্যে এস্যে, এক লগে হধা হোর, ইক্কু ম কামান অল' তমা ইয়ানি ন অল' । রিপে ফর্ম লল' । কেরানীবোরে হ্জলী গরি চেলাক কোয়েল দাগি । কিন্তু সফল ন অলাক । এর পর ফারগ অবার পালা । রিপে হল - কি গরিবা ইক্কুনু ?

কোয়েলে হল - কি আর গরিবং, য়েবঙোয় । আ তুই ? পুজোর গরে কোয়েলে । রিপে হয় - মুই-য় য়েম্মোয় ।

কোয়েলে পুজোর গরে - হুধু থাচ্ তুই ? রিপে হয় - হোস্টেলত ।

দ্বি-য় দাগির হধা শেজে চোগ' ঙ্জেরেদি হলক পথ ধরা অল' । ফারগ অলাক তারা । রিপে এযের হোস্টেল' পথ ধরি । মনে মনে খুব হ্জি তে তারা লগে গব দিনে, আহ্ সিত্তুন বেজ হ্জি নিজর চিন লুগেই রাধেই তারারে ঠগেনেই । মনে মনে গর্ব গরে তার এই মহাপুরুষত্বর কামানত্তে । সত্য হধা হধে কি, বেহ্ঠারং য়ে হারে হন্না ঠগেই যায়, ইয়ান যেন ভগবানরও হিঞ্জু বুঝিবার বাগি থায় ।

আজি ধরি রাগেই ন পারের রিপে । সাত মাচ্ছে গুরয় যিঙিরি গায় গায় ভেগৎ ভেগৎ আঝন আ এক্কা রিনি চেলেদ' হধাই নেই । এচ্ছে রিপেও সেই অবস্থা । গায় গায় আঝে তে । আঝি আঝি সমেলগি তে । যেন্ পাগানা ফল যিঙিরি অনসুর ঝুরি পরং পরং । মনে অর আহ্দ ন পাদিলে ইক্কু অ কাজে য়েব' । ইয়ান বুজিবার বাকি ন রল' রনক দাগির । Clubs -অর ২ নম্বর পাদানত 'ব্রে' পাড় গরি দিই সুরজে হল - আ কি আজর ?

পানি বান ঈরি দিলে সেই পানিয়ানরে যেন্ আর বানি রাগেবার নয়, বোয় যায় পানিয়ান, ঠিক সেধকেন্ রিপের মুওতুন যেই একবার আজিবো নিগিল্লে আর রাগেবার নয় তারে। ভালকন পরে হন'মতে আজিবো বন্ধ অল'। রিপে হল - দ্বিজন থার্ড ইয়ার' মিলেলোয় মুই থার্ড ইয়ার নাঙ দি গব দোওঙে। তারা বুবিয় ন পারন। তা হধা শুনি বেক্কনে আজি উদিলাক। দ্বি-এক জনে পুজোর' গরিলাক - হিঙিরি ? রিপে আগর হধানি হোয় যায়।

সে দিন্ গেলগেই। রিপে আর কয়েকদিন ঘুম যেই যেই হাদেল'। সে দিন্লে সোমবার। কলেজ' নোটিশ বোর্ড'ত্ 70% Attendance Percentage টাঙে দোওন। রিপে সমাচ্ছে মুওতুন শুনি' তা রোল নম্বরবো -য়ো আঘে। বিশ্বেজ গরি ন পারের তে, কিন্তু মনে মনে হুজি। অবশ্য তার বিশ্বেজ গরি ন পারানার কারন অল, তে সারা বজরবো ঘুম যেই যেই হাদেয়ে। কলেজত যেয়ে হলে, মনত রাগে-এ পারে পারা কয়েকবার মাত্র। আর সেই পো'বো নাহি কলেজত Attendance 70%। অবিশ্বাস্য। তবে অবিশ্বাস্য অলেও হধায়ান ঠিক। আবল হধা অলদে - এই বার' Principal Madam- এ খুব গম। তার উদ্যোগে মনে অয় Profes-sor Sir দাগি Attendance দি দোওন। বেক্কনে চাদন্লোয় যে যার Attendance। তারারে দেগি রিপের-অ মনে হল একা কলেজত যেবার, নিজর Percentage চেবার।

সে দিন্লে রিপে গায় গায় আধা ধরিল' Attendance Percentage চেবার উদিজে। আস্তে আস্তে চাদ' আধা দি লুঙিলগোয় নোটিশ বোর্ড' হয়। সিয়ত লুঙিলে চোখ তার হবালত উদিলাক। দেগিল' কোয়েলে মন দি নোটিশ বোর্ড রিনি চাআর। একখান হধা আঘে যার মনত হালি তার মনত ছালি। কোয়েলরে দেগি তে আর সে মোক্কেন হুজ ন বাড়েল'। আর এক হিত্তেদি গেল' তে। অবশ্য কোয়েলে যে তারে ন দেগে সিয়ান নয়। তে-য় রিপরে দেখে। তারে দেগি তে পোল্লে তদ'বদ' অল। তবে খুব বাদি নিজরে সামাল দি সিয়তুন দুরোত অন্য কিত্যেদি সরি যেইয়ে।

ঘটনাক্রমে দ্বি জনে আর' লাগত পা-পি অলাক। এইবার রিপে মনত হন' দর ন আনি থার্ড ইয়ার' ভান ধরি কোয়েলতুন পুজোর গরিল'-আ হিত্তেই এস্যোচ ?

কোয়েলে বুক ফুলেই হল - ম গুড়' বোন্নর Attendance Percentage চেবাতে এচ্যোংগে। জোওব' শেজে কোয়েলে-য় পুজোর গরিল, আ তুই ?

দমিবার পো নয় রিপে। কোয়েলতুন দ্বি গুন বুক ফুলেই হয় - একা অফিস কামত এস্যোঙে।

তা হধা শুনি কোয়েলে -য় আর হিচ্ছু ন হল।

হাক্কন অলর গরি খান দ্বি-য় জনে। এর পর শুরু অয় ইক্ক যুদো প্রসঙ্গ। যে প্রসঙ্গবো লেধা-পড়াতুন রেইত-দিন দুরোত। পোল্লে কোয়েলে মাদিল' - তমা আদামত বিলে এবারত বিঝু মেলা অব' অনি, মরে নেযেবে ?

কোয়েল' হধাত সঞ্জক ন পেল' রিপে। এন ধরা পরিবার দর সিত্তন' কোয়েলর বেধক পুজোর। তারে আর' বেজ ভাবেই তুল্লে। মনে ন হোয়ে গরি হল - তুই যদি ঘিচ্ছেক ম লগে যেবার চাচ সালেন যেই পারিবে। মর হন' অসুবিধে নেই।

তা হধা শুনি কোয়েলে হুজি হুজি ভাব দেগেল'। সে লগে একখান নুও প্রসঙ্গ তুলিল'।

হল - এযেত্তে ১৭-১৯ তারিখ সৎ কলেজত Annual Sports অব' পার্টিসিপেত ন গরিবে ?
কোয়েল' হধা শুনি রিপে আর বেজ সঞ্জুগ নেইয়ে ওহই উধে । তে মনে ন হোয়ে গরি
হল - খারা-টারা দ মুই কম খেলৎ, তো চাৎ । জোওব দেনার পরে তে কোয়েলতুন পুজোর গরে
- আ তুই ন খেলেবে ? রিপার মুওদি পুজোর, কিন্তু মনে মনে ফারগ অবার চায় । ভাবে, যদি তা
ইদু ধরা পরে ।

এরই মধ্যে কোয়েলের একখান জোওব রিপার মনানরে বেক্কান বদলী দিল' । রিপার
পুজোর গরানায় কোয়েলে হোয়ে মুই যদি খারাত পার্টিসিপেত গরঙে অয় তরে পিজেন্দি হন্বা
সমর্থন গরিব' ?

আমক অল' রিপে । ভাবের যে মিলেবতুন মুই দুরোত য়েবার চাঙ, সেই মিলেবো
হিঙে বার বার ম হায় এযে । ইবে কি মিলে না মাহুর ? মনত পুজোর জাগে রিপার । আর' মনত
পুজোর জাগে না কি মর নকল পরিচয়-য়ান সত্য মনে গরি ম হায় এযে ? মনত যক্কে এই
পুজোরান জাগে সকে রিপতুন সত্য হদায়ানি ভাঙি হবার মনে হয় । কিন্তু হোয় ন পারে । কারন
তে হবর পায় মিলে ইদু একবার চিগোন অলে সিভুন বেজ দুনো দুনো চিগোন দেগন মিলেঙনে ।
রিপে মনে মনে হয় - যদি সত্যয়ান ভাঙি হৎ তা ইদু হন'দিন আর মুই দাম ন পেম । সনত্তে
যিয়ান চলের সিয়ানই চলোক । এক্বা ফারগ গরি খেলে অল' ।

ভাবনাত মনে মনে এই হদায়ানি হোয় যায় রিপে । ঠিক সেই অক্তত তারা মুজুঙে
আজিল অলগি শীতলে । তে হল - ভিদিরে যেই কোয়েল । কোয়েলের যদিও মনে ন হল কিন্তু
যা পড়িল । য়েবার আগে কোয়েলে রিপারে হল - আর' দেঘা অব' ।

তারা যানার পরেদি রিপে লাম্বা নিজোচ ফেলেল' । এর পর তে-য় Attendance
Percentage ন চেই উজু গরি হোস্টেল মোক্কে আধা ধরিল' । এত্তে এত্তে মনে মনে ভাবে -
যেদক দরায় সেধক লরায় । আর ন দরেম আর মন' হলে সত্য ঘটনাগানই তে হবর পোক ।
ইয়ানি ভাবদে ভাবদে রিপে তা জাগাত লুঙিলগি ।

লুঙিনেই কোয়েল' হধা শুরু গরিল । তে হল - সে দিনে মিলেবোলোয় আর' লাগত
পা-পি ওয়েই । এচ্যেয়ো ভালক্কন গব দোওৎ ।

তা হধা শুনি সুরজে বিগিদি গরি হল - তে আরেলে নাহি রিপ ?

রিপে হল - নয় দো । তে আগে আগে গব দে তে মুইয়ো জু পাং তাতুন বেজ গব
দিবার । ইঙিরি রিপার হধায় বেক্কুন' মুওত একখান হধা ছড়ি পরিল - 'রিপ' মিলেবো' । ইক্কু
হোস্টেলত বেগে 'রিপ' মিলেবো' হলে বুঝি পারন সে দিনে মিলেবো ।

আগর ধগে রিপে আর' দ্বি-তিন দিন হাদেল । এনে এনে খারার দিন এ্যই গেল' ।
বেগে যার যার পছন্দমত খেলাত নাঙ দোওন । কিন্তু হন' খেলাত রিপার নাঙ নেই । সমাচ্ছেগুনে
খুব গরি নাঙ দিবাতে হলাক আহ্ সে লগে মনত উখিল' কোয়েল' হধা । তে হোয়ে-মুই তরে
বাইরেতুন সমর্থন গরিম । সমাচ্ছেগুনের হধায় আহ্ কোয়েলের হধার টানে তে য়েরে ৮০০ মিটার
ধাবা দেনাত নাঙ দিবার ঠিক গরিল' । তে সমাচ্ছেগুনের হল-মুই দ ন যেইম তুমি মরে ৮০০
মিটারত নাঙ দি দোগোই । সমাচ্ছেতুন চন্দনে হল-অদে ।

১৭ তারিখ এ্যই গেল' । এচ্যে Annual Sports-অর পোল্লে দিন । রিপে তা

সমাচ্ছে লগে খারা চাহ্ গেল’। কোয়েল-য় রিপভুন আগে এস্যে। তবে তে এস্যেদে রিপরে বাচ্ছেই থেবার নাঙে। মাঠদ্ ইন্দি যাদন রিপ দাগি। দুরোভুন চেই আঘে কোয়েলে। কিন্তু রিপর হায় যেবার তার সাহস ন অল। জু তগেই তগেই আঘে, গায় পেলে হধা হবার আঝায়। হাঙ্কন পরে রিপর সমাচ্ছেগুনে আর’ এক হিঙেদি খারা চাহ্ গেলাক। সেই জাগানত গায় গায় রই গেল’ রিপে। সিয়ান দেগিনে কোয়েলে যদি যদি তা ইদু গেল’। তে পুজোর গরে, তর হক্কে খারা ?

রিপে হয় - তুই হিঙিরি হবর পাচ্ মুই খারাত নাঙ দোওং না ন দোওং।

কোয়েলে হয় - মর বিশ্বেজর উগুরে। কারন মর বিশ্বেজ আঘে তুই মর বিশ্বেজসান মাদিত ফেলেই ন দিবে।

কোয়েল’ হধায়ান প্রত্যক্ষভাবে অস্বীকার গরি ন পারিল’ রিপে। পরোক্ষভাবে অস্বীকার গরি হল - তর বিশ্বেজ অবিশ্বেজ সিয়ান দ মুই হবর ন পাং, তবে একখান হধা হবর পাং, মর ইচ্ছে গচ্ছে মুই নাঙ দোওং।

কোয়েলে পুজোর গরে - হমলে তর খারা আঘে ?

রিপে হল - হেল্লে, ৮০০ মিটার ধাবা দেনাত।

তারা দ্বি জনে হধা হধে হধে রিপ’ সমাচ্ছেগুনে তারা হায় লুঙদন্নি। তারারে দেগি কোয়েলে হল - এচ্যে যেম্মায় অবল। হেল্লে তে এ্যইম। Good Luck for tomorrow.

তারার ফারক অনার ২৪ ঘন্টার পর - থুব’ থুব’ অয়ন দর্শক রিপ দাগির ৮০০ মিটার ধাবা চেবাতে। সেই থুব’ থুব’ দর্শকর মধ্যে কোয়েলে এক জন। মাষ্টার্চে হুইসেল লোয় রেডি, রিপ দাগিয় রেডি ধাবা দিবাতে। সেই ফাগে রিপে কোয়েলরে একবার চেল’। কোয়েলে বুচ্ছে আঙুল দেগেই হল - Good Luck.

বেক্কুনে রেডি ধাবা দিবাতে। মাষ্টার্চে হুইসেল বাজানার লগে লগে শুর অল রিপ দাগির ৮০০ মিটার ধাবা জিদেজিত্তে। মাঠত্ পাক দেদে থান তারা। পত্তি পাকে যে যার সমর্থক তা নাঙান ধরি উৎসাহ দে। কোয়েলে-য় রিপ’ নাঙান ধরি হয়, রি-প-প আর’ যা-দি। ইঙিরি মাঠত্ চের পাক দি ৮০০ মিটার জিদেজিত্তে থুম অল। জিদেজিত্তেত্ রিপে পথম অল’।

জিদেজিত্তে শেজে যে যার সমর্থকরে পানি খাবে দেদন। পিজে ন থেল’ কোয়েলে-য়। তে তা ব্যাগকভুন ইক্ক কোক্ নিগিলে রিপ’ আদত্ গজিই দি হল - Congretulations for your performance. রিপে হল - Thank you.

Thanks মরে নয়, Thanks মুই জানেম্মে তরে, কারন তুই মর আঝায়ান স্বার্থক গচ্ছেচ - হল কোয়েলে।

রিপে হল - তুই মত্তে এদক্কানি গচ্ছেচ, এচ্যে তুই ন অদে মুই পথম ওহুই ন পারিলুঙুন। সনত্তে Thanks মুই-ই তরে জানাঙুর।

তা হধা শুনি কোয়েলে হল - আপনাকে লিয়ে ইয়ে তো কুছভি নেহি হ্যায়।

আমক অল’ রিপে। তারে এই অবস্থা দেগি কোয়েলে হদায়ান ঘুরেল’। হল-একখান কলেজত পরি, এক লগে হধা হোয়, এক লগে বেড়়েয়, ইভুন পারা আপনাপন আর কি ওই পারে। এই হধায়ান হোনে তে সিভুন গেলগোই।

কোয়েলে কি হবার চল' রিপার বুঝাবার বাকি ন রল'। মনে মনে হর - কোয়েলে হি স্বার্থ দেখে
তে যে মরে এই হধানি হর। মানিয়' নেবেলুং মুই থার্ড ইয়ার, এবারত বি. এ পাশ গরিম। কিন্তু
তার স্বার্থ কি, তে দ এবার গেচ্যেক গরি বি.এ পাশ গরিব'। মনে মনে হয় - যে দিনে পরিচয়
ওয়ে সেদিনে মুই যদি ফাস্ট ইয়ার হোনে পরিচয় দিদুং মরে তে হয়ত নয়ো মাদেলুন। থার্ড
ইয়ার হোয়ং হিনেত্তে মরে নিনে তার এই হধা। বিশ্বেজ ন গরের রিপে।

মরদ মানুজর মিলের প্রতি ইয়ান একখান বিরেট ভুল। মরতুনে any time মনে
গরন যে, মিলেগুন যেন স্বার্থ ছাড়া হিচ্ছু ন চান। কিন্তু মিলেগুনে যে স্বার্থ ছাড়া-য় হোজ পেইয়ে
মানুষ্যরে পেবাতে যে হধক মূরত্ পরি ভগবান' ইদু তবনা গরন সিয়ান হন মরত্তোয় ইজেব
রাগায়? তবে রিপার সন্দেহ-য়ান সবাই নয়দে নয়, কিন্তু সিয়ান মরদর বেলায়-য় অয়।

হাঙ্কন বল ভরেই ঠিয়েই উখিল' রিপে। লগে আঘন তা সমাচ্ছে দ্বি-তিন জন। টিগেনেই
কোয়েল' হধা মনত তুলিল' - হুধু গেল' কোয়েলে, তারে দ হিচ্ছু ন হয়। তাল্লোয় পরিচয়
অয়ান ধরি ন হোয়ে বাদে হন দিন ফারগ ন অয় তে। কিন্তু এচে হিচ্ছু ন হোয়ে বাদে হুধু
গেল'।

পদ ধরিল' রিপে। যাদে যাদে হনুা জানি পিজেত্তুন দাগিল', রিনি চল' পিজেন্দি।
দেগে শীতলে তা হায় এযের। রিপে পুজোর গরে - হিত্তে ডাগিলে?

শীতলে হন' হধা ন হোয় তা ব্যাগ্‌কত্তুন একখান চিদি নিগিলে তা আদত্ দিল। বানা
হল' - কোয়েল। এর পর হল' - যাঙল্লোয়। রিপে হিচ্ছু ন হল। জুরো গরি চিদিয়ান লোয়
হোস্টেলত এনেই খুলি চল'। লেঘা আঘে-
রিপ,

তুই মরে মাপ গরিচ। ত লগে মুই একখান মহা মিজে হধা হয়োং। এই চিদিয়ান
পেলে মরে মাপ গরিচ। মুই তরে থার্ড ইয়ার হোনে চিন দোওং। কিন্তু মুই থার্ড ইয়ার নয়, ফাস্ট
ইয়ার। সে দিনে আমি শীতল্লোয় বেবেই দাগি ফর্ম-য়ানি আনিবাতে য়েয়েই। সকে তরে দেগিনে
মর ত লগে ভারি গরি হধা হবার মনে হোয়ে। কিন্তু তুই থার্ড ইয়ার হিনেত্তে আমিয়ো তরে থার্ড
ইয়ার চিন দিয়েই। সিয়ত শীতলর হন' দুজ নেই। সিয়ত যা ওয়ে বেক্কানি মর প্লেন মাফিক।
এর পর মুই তরে সত্য হধা হবার চেয়োং, কিন্তু হোয় ন পারং। দরেয়ং তুই মত্তুন দুরোত
যাচ্ছেই বিলিনে। এচে তরে বেক্কানি ভাঙি হলুং, ভাবি চেইচ্ হিত্তে? এত্তে তরে হোয় ন এযং
সনত্তে বিলিনে মাপ গরিচ।

শেজে, মত্তেই যদি তর ইক্ক হুত্ পারা হোজ পানা থায়দে অয় সালেন হেল্লো ৯ টায়
যিয়ত্ পথম তল্লোই হধা হোয়েই সিয়ত এইয।

ধূজিত-
কোয়েল

(বিঝাগুলো-৬, ২০০৪)

স্ববনর সমারী

বিজয়া চাকমা

ফা

গুন মাচ্ পূর্ণিমা আর পাচ্ দিন বাগি । জুনো পোচ্ছে রেরত । বয়স একষট্টি অব' । চান্নোলী দাবা বুঅ মুওত আগে । আ মুম দিএ বাজিবুঅ আদত্ । পজিম মোক্কে গরি, ইজোরোত বজিন্যায় ভাবেৰ । দাবা বুঅ চুজিবাব পুরিফেল্লে । দাবা বুঅ থোইন্যায় বাজিবুঅ বেবার ইধোত নেই । ভাবেত্তে ! হি ভাবেৰ ।

তার বয়স সেক্কে সত্তরঅ নলে আদরঅ । তার সমাচ্ছে বিমিত । তারা ঘর ভরন্দি আদাম । ভরন্দি আদাম তে পত্তম বেরা গেল, সমাচ্ছে বিমিত্তে লগে । বিমিত দাগি ঘরত লোবিয়োট পেইন্যায় আ হদাবাত্তা, চলন ফিরোন দোল পেইন্যায় ভাবিল হয়েক দিন থেই যেইম । আর হমলে এজং তার ঠিক নেই! বিমিত দাঘিরে দেইন্যায় সে ভরন্দি আদামান বেক্কান বেরেই চেবার আওজ গরের । সিয়েনে বিমিদে তারে আদাম্মে-পারাল্লে গুন্দই পরিচয় গরিদে পারা আদামান লৈ বেরার । আদামান ভারি গম লাগিল । ঘরত ফিরিলাক । বেল্পে হানাদানা সেচ্ গরিন্যায় ঘুমোত পলাক । বেল্পে পহ্ৰ অলে আর বেরেবাক্কাই ।

দেখেত্তে, বেরাদে বেরাদে অহরান অলাক । এক্কান দঘিন দোরী ঘরত উদিলাক্কাই । ঘরান শনসেনি, মাত্তোত্তোদোম । ঘরানর মুজ্জুঙে দোল দোল ফুল গাছ আগন । সিগুনত নানা ধোক্কোন ফুল ফুত্তোন । পিজিরেদী আম, হাত্তোল গাজঅ ছাবাত্ বজিন্যায় ইক্কা হার হোচ্চে গাবুর মিলেই বেন বুনের । তারারে দেইন্যায় সে গাবুরী বেনত্তুন উদি তারারে পানি হত্তি নিগিলেই দিলোগী । বিমিদে হলদে, ইয়েন তার মৈল্পে ঘর । সিয়েনে বুঝি নিল, ইভে তার মৈল্পে বি বোন । এক্কা চোঘত বাজেল । সিয়েনে তে, চোঘঅ লেজদি এক্কা এক্কা গরি মনদি চার । চুল বুদোবুঅ নেইগরানত্ গুচ্চেয়ে গরি মত্তো আগে । পূর্ণিমা চানঅ ধক মুঅন জলং জলং পোতপোত্ত । উত্তোনী রাঙা চিক্ চিক্ । দাত্তুন রাঙা হাদিত ধুপ সামুলেজ বুন্নেদে ধক্ । নাক্কোয়ো সুচ্চেত্ত । গত্তনা বুঅত্ ঘিলেক্ তাক পিনেই দিলে অমহদ' সাজিবো । আদেদে ধক্কান এদো-ছ' আদেত্তে ধক জুচ্ গরি হুচ্ বাড়াই । হধা হলে রঅবু অয় নোনেয়ে । বারানি অব্বার গরি হমরবো চিপ্পে । গাবুরীরে পিজোর গত্তো তার নাগ্গান হি ? হিষ্ট্র মনে মনে তে এক্কান নাগ্গ দিএ, নাগ্গান 'দোলবি' । হলঅ মর নাগ্গান 'সমারী' । আর হল', বিমিত দাদারে চিনং আ- তরেদ..... । মরে ন চিনিবে । মুই সিক্কো আদামত্তুন বেড়া এচ্চয়ং মর নাগ্গ 'তারুন্ম' । বিমিত দাগি ঘরত বেড়া এইন্যায় গম লাগিল । সিয়েনে গদা আদামান বেড়ে যাওর । হধা হধে হধে বিমিদে যানি হুধু গেল! সিয়েনে তারুন্মে এক্কা সুযোগ পেইন্যায় হল, তমা আদামান মত্তুন অমহদ' গম লাগিল । সে লগে সাগর জিনিষ, নানান মানুষ মনদ পল' হোজ পেলুং । সমারী বুঝিল, হল ঠাট্টা ন-গরিচ । হল, যদি ভুল অয় পাল্পে মাপ গরিচ । আমারে পুরি ন ফেলেচ, আর বেরেচ্ছি । তারুন্মে হল, ঠাট্টা ন গরওর । সিয়েনি মর গম ন লাগে । গিচ্চেচক গরি হত্তে । এ আদামত রাঙা হাদি ধবার ঘাত পেলে মামারে দি পাদেম্মোই । সিয়েন হবার লগে লগে বিমিত দাগি রাদাবোই ডাক হারিল' । তারুন্মর স্ববনান ভারি গম লাগিল । চোক্কোন মেলিন্যায় সেই সমারীর

হধা ভাবি চার । মনে মনে হল, আ ভগবান ! স্ববনান গেচ্ছেক পথমে অহ্দ' ।

তারুমে ববর বাগেনে ফাগোন মাজ এলে এহধা ভাবে । কারন, তে ঝিমিত দাগি ঘরত ফাগোন মাজ য়েয়েদে । এই স্ববনানে তারে জনম্মো ভাবান্তে । তার হধক আঝা । একদিন তে সমারীর লাগত পেব' । সেদিন্যে ঘুমন্তুন উধি ঘরর চের'পালা রিনি চেয়ে, হন সে দঘিন দোরী ঘরান দেঘেনি । সেক্কেত্তুন ধরি তারুমে বদলি য়েয়ে । আগে এ অক্ত এলে সমার দাগিন্যায় সমার বদেই ঝারত তোন তগা য়েদাক ঝাক ঠিগে । সেক্কেত্তুন ধরি তারুমে হারর সমারও ন অল আ সমারও ন দাগিল' । বানা ভাবে আর ভাবে । হি ভাবে ? হিয়োজনে হবর ন পান এযসং । বিঝুদিনত ঝাক বদিনেই বেড়েদাক । ফুল বিঝুত ফুল পারিনেই গাঙত ফুল ভাজেদাক হলাপেল ফুল পাদালৈ । নাক্র ফুল পারিনেই ঘর সাজেদাক । মূল বিঝুত বেণ্যে পন্তে মন্দিরত বুদ্ধ বন্দনা গরি এই, ঘরে ঘরে হুর' আদার দিদাক । বেল আললে ঘরে ঘরে বেড়েই বেড়েই বুড়-বুড়িত্তুন আর্শীবাদ লদাক । বেল আলেবার আক্কে বুড়-বুড়ি গাদেধাক । ঝাগে-ঝাক সমার, এক সমারে মিলেমন্তে মিধে জগরা হেদাক । গচ্ছে-পচ্ছে দিনত যার ঘরত তে গরবা-গরবি লোবিয়োট গরিদাক । নুঅ বজরত বুড়-বুড়ি ফাং গরিদাক । সিয়েনি তার হিচ্ছু মনদ ন উধে । তার জীবনর নিজেনি ওই রলদে স্ববনর সমারী । বয়স শেচ অর এজ দেঘা ন পায়, ন পেব' আর ! তার স্ববনর সমারী স্ববনত রল । তারুমর একবুগ আহ্‌বিলেজ ।

(বিঝুগুলো-৩, ২০০১)

এক দিন এভ' পারা পাং

পিজি কুসুসিং চাঙমা

৪৫

বছর ১১মাস ১০ ঘন্টা বয়োজত্ সিজি বিবু দোল হেনত্ আবাদা গরি আনান রিনি চেলুং। এ আনান মর এরি ন পাচ্ছে বালাব্বর সুখ-দুখর সমার। বিদি যেয়ে জীংহানিত হধক হান্যং, হধক আচ্ছ্যং বেগ সুগ-দুঘর লগে নিরিবিদি গরি এ আনান মর জীংহানির নিজেনি ওই আঘে। মান্ডর এচ্ছে য়েঙ্কে মুই তরাতাঙ'স্যে গরি আনান রিনি চেলুং, এক ঝালগা বয়েরর চিদে মরে গেচ্ছেক জীংহানির আলামত্ভন বিজিদি নেয়ার সেই ভালোকভালোক দিন আগর জীংহানিত। ভাবনার তুবোলত থাক্কে থাক্কে.....।

বিগিদির ইক্কু বেসুনযুক তিরোচ র' ম'হানত্ ভিদি, ইগুর উগুর ওই ফুরি গেল। বিগিদি মর মোক্ক' নাঙান। নাঙান তার 'বিগিদি' অলেও মান্ডর তে বিগিদি নগরে। যিয়ান হব' সিয়ান চান-বেল-বয়ের' ধক্কেন গেচ্ছেক গরি হব'। মুঅন বেঙা গরি চোক্ষুন পাদারি গরি হল'—“হেল্লে পরশু অলে চবাশাল' ভিদেত চেঙি শাক উদি যেব, আ এদক হিয়া সে বান্নর' দক্কেন সলঙান রিনি চানা। বুড়া অয়ে, লাজ হয়দে তিন পয়জের নেই।” তিন পয়জের লাজ হত্তমান অব' আন্দাজ গরি ন পাল্লুঙ। জোল গরি গরি নিগিলি যাদে এক্কা পিজে ফিরি রিনি চে'নে বানা দেড় বিবথ্যে শুঙনো পুনন দেলুং। হবালপরা অনতিতে হবালর মোক ! সক্কেন বেজ গরি বাজি থেবার আওজ গরিবো, তে গরেন্ডে মরিবার তবনা। ইদিক্কেন অব' হবর পেদুং এক্কেরে ন ললুঙুন। গাবুর' অক্তত লীনারে লবার হধক আওজ এল'। ধেই যেবার পচ্ছেন তেমাং গচ্ছেই, এ হবাল পুরনী বিগিদি মরে সে আওজছান পুরেবার জু ন দিল'। উঃ ইক্কিনে নয়, সে ভালোকদিন আগর হধা, সেক্কেনেযক্কে, ইস্কুলর পইদ্যে থুম গরি লীনা দূরোত পড়িবার নাঙে আদাম ছাড়ি লর দিল, -মুইও চাঙরীত আজিল দিবাতেই তাক্কে আদামত গেলুং। সেক্কেনে ১৯৭৯ হি ১৯৮০ সালর হধা। পাচ্ছে হারবাচ্ছে ঘরত এক্কান ঘর উদোর লোনেই থেবার অক্তত এ লুগোনী বিগিদি লগে মর চিনপচ্য অয়ে। হারবারী বি, লেগাপড়া ন পারিলেও (ন শিগে হিনেই ন পারে) এক্কাউক্কো দরেদুং। মান্ডর বিগিদির মিদিঙে বাজর দাবা হাদে হাদে ইক্কিনে জীংহানিয়ান এক্কেরে পুরি যেয়ে ধুন্য চবা সান ওই যার। মনত আঘে একবার পুজোর গচ্ছং -“আ বিগিদি তুই এদক দাবা বাজে বাজে হাবাচ, বেতন পেলে তরে হি আনি দিম, হোই চাদে।” হমরবোত্তন আহ্ধতান মুওত নিনেই হল'—“মরে দে লোই পেবেদে। ওমা, তুই হি মনে গরচ মুই তরে মাগানা দাবা বাজেই হাবাং ? হন্ দুঘে মুই তরে দাবা বাজেই হাবেম ?.....আ, হি ঠিক গচ্ছে আগন্ নাহি- এক্কেরে মু-চুধো অলে। বিগিদি গরিগুণ্ডে সিয়া মাস্টরদা ন দরেচ।” হদানি হনেই হেদেক হেদেক আজি উধি গলি গলি পরে। জীংহানিত এই সিয়ান এক্কান বিগিদি গরিলো, এব সং নগরে, আ ইয়ান্নোঅই মরি যেব' পারা পাং।

আ হি গরিবো, হবাল' বারা বিলে গরি ন পারে, পেদ' বারা হেই ন পারে। মানুজর মনর আওজ হনোদিন ভরন ন অয়। যিয়ান চেই সিয়ান ন পেই, যিয়ান ন ভাবিই ন চেই সিয়ান উজি

ধরি ধরি এয়ে। বেগ সম্পর্কর একান আয়ু থায়, আয়ু ফুরেলে সম্পর্ক ভাঙি যায়। স্ববন মিবে অয়, জীংহানি ওই উদে শুণুনো হরোলী। ম' হধা ভাবি চ'না - লীনালোই চিগোন থাকে একান মালা ভাঙালোই হেরা হোয়েই, ইক্কো ফিরিঙ ভাগ গরি হেয়েই, ইক্কো পাগানা গয়েম্মোই চিমপুক পাতেই, ডাঙর অনেই এক খালত ভাত হেয়েই। হধক হোচপাপি, হধক সদর ভাবাভাবি! সেক্কেনে মনে গরিদং আমি পা-পি নঅলে নবাজিবং, মরিযেবং.....।

লীনা যেক্কে ধেই যেবার হধায়ান হোয়ে মুই পথমে তিগুত্ গরিলেও পরে ভাবিচেলুং, মুইদ' বানা নুঅ চাণুরী পেলুং এব সং আজিল পচ্ছান ন অঙ। বরং হয়েক বজর বিদি যোক, লীনা বি. এ. পাশ গরোক - সে পরেদি অব' আয়। এ সিঙিরি পরেদি অব' আজায় লীনা ম' জীংহানির ফিয়েবোতুন হানা চেরেদি পরি গেল'। এর পরেদি চাণুরী গরিবার এক বজরর মাধাত বিগিদিরে লোলুং- হিত্যে লোলুং - হিঙিরি লোলুং - সিয়ানি ভালোকানি হধা। মধ্যেদি মুই মোক লয়োং হবর পেনেই লীনা মরে হবর ধরা এচ্ছে। সেক্কে মুই ঘরত ন এলুং। বিগিদি লগে লীনার হি হধা অয়ে হবর ন পাং। এ সিঙিরি লীনা লগে আর দেগা নঅল'। বি.এ. পাশ গরিনেই তেও মনে হনেই নেক লল'। বিগিদি আহুধত্ পরি জীংহানিয়ান মর গেচ্ছেক অল'। আরম্ভ অল' মর অনতিত্যে দিনুনর দুঘর হেন। চিগোন থাকে মা-বাব আরেয়োং, বিরবিচ্ছে অক্তত লীনারে আরেলুং, আ ইক্কিনে বুড়োভাগত পড়িনেই অক্ হধার জুওব দিবার সাহচ্ছান আরেলুং। আরও হি আরেম হবর নপাং। ঘর বানিলুং-পো'-ঝি পেলুং। যা হেবার হেলুং, যা চেবার চেলুং। ম' পো' পেরাগে কলেজত চান গ্রহত্ হি একান পিখিমি বানেবার নুঅ কোর্সত পড়ের আ ঝিবো রানজুনি দ্বি-বজর আগেন্দি আমেরিকাত ভাঙি য়েয়ে ১১০ তলা ওয়ার্ল্ড ট্রেড সেন্টারান আ হিঙিরি নুঅ গরি তুলা যায় সে পইদ্যানে বিদেশত যেনেই পড়ের। মক্কো ঘরত ডি.এম' চাণুরী গরের। মুই এব' সং বলপচ্ছে হিয়েলোই স্কুলত হিজেক ছাড়ি-ছাড়ি হধা বিজি বুদ্ধি হরচ গরি টেঙা হামেইয়াঙর। তুমি অলে আমক অয়ো পারাপাং, আজলে ম' পো'-ঝি এ দ্বিবে অমহত্য মাধাবলা হিনেই সরকারে উদোর নেযেনেই মাগানা শিঘার। মাষ্টার অনেই ম' সেদামে সিঙিরি পরেদুং! আজলে ম' পো'-ঝি দ্বিবে তাম্মা ইন্দি মানে বিগিদি ইন্দি ঘাচ্ছান। এ সিয়েনতোই মোটামুটি রিলাক্কু থেই পারং।

মান্তর গেল্ল্যে হেল্ল্যে সুনীল গঙ্গোপাধ্যায়র 'অর্ধেক জীবন' পত্তে পত্তে আবাদা গরি একান চিধি মরে এধক্কানি ভাবিবার আরি গরি দিএ। চিদিয়ান লীনার। অমহত্য দোল, পরাক পরাক লেঘা। এ লেগানিলোই মর ভালোকদিনর পরিচয়। গাবুর' অক্তত চিগোন হধাত ঝিমিত গরি হিয়ের লো গরম ওই যেদ', মান্তর হেল্ল্যে এ বয়সত থেনেই চিদিয়ান পচ্ছোং মত্তন আঘেদে লোগান হক্কেনে ঠাভা ওই য়েয়ে টের ন পাং। চিদিয়ান এ দক্কেন :

“আজেরদা,

আঝা গরঙ ঘরত বেগে গাওলি গম আগ'। ভালোক বজর পরে চিদি লেঘঙর, মাপ গরিচ। তুইদ' মোক্ লনেই এক্ক্যরে বেগ আজের, ইক্কো মিলেরে আঝা দি-দাই পাঝা মারি গেলে। আমা দ্বি-জনর যে উধোর হেয়ে উধোর লয়ে মিলে নপাচ্ছে বোঙা ইজেব বাগি আঘে, সিয়ানি উজু গরা পুরিব'। বিঝু হেবার লগে আ ম' ঝি তিনেঙীরে

একেনা সেপবত্তা দি-যেবার আঝায় মুর দিনোত গাই গাই এবাত্যেই অমহত্য চিৎদিঘোল গরি মুই তরে ধারাচ গরঙর । পুরি নফেলেচ- হষ্ট গরি হামাক্কায় এইচ । মুই বাচ্ছে আগং । বিঝু পাততুরুতুরুং ।

ধুজিত

লীনা,
ডাংডাঙে রোড,
আধানগর,
তাং ১৪/০৪/২০০৩ ইং ।”

চিধিয়ান পড়িনেই আমক অলুং, মান্ডর হিচ্ছু নবুঝিলুং । উদিজ গরি নপারঙর ম’ লগে লীনার হি হধা ঠেই পারে । হষ্টমষ্ট গরি রেত্য হাদেই মুর বিঝু দিনত রাদা ডাগত গাধিগুদায় শিরেবো আজুরিবাতেই যেনেই এ দুর্গতি । নিজরে নিজে নচিন’ঙর । রম্মালাল্লোই আনান পুজিনেই গমে দালেই রিনি চেলুং । অয়, মিঝে নয়, মাধাবোত ভালোক্কানি পাগানা চুল । ধরি চেনেই বুঝি পারিলুং চিঝিলে গালচাবানি ভজমান সমেগোই, হাত্তোং অয় । দাতুন লারে চেলুং । পাগানা ভুয়োত পেগ রাগেবার অক্তত যে গারেংছ’ বানান, যিঙিরি তাগ’ দগিয়ান টানিলে গদা গারেঙয়ান লরে, ঠিক সেদক্কেন, ইক্কো দাত লারে চেলে দ্বিবে-তিন্য লরন । আদু গিলেঙন হোক্কে চেলুং, এনে এব’ দরমর আঘন । ঠিয়েই ছাত্র/ছাত্রী পড়াং হিনেই পারাপাং দরমর’-আঘন । মান্ডর ‘Every Demand’ ফিল্টার সিগারেট টানোদে টের পেলেং-একহালে মুই হুধু এলুং, ইক্কিনে হুধু আগং আ পরেদি বা হুধু যেম্ । ইক্কো সিগারেট টানোদে ভালোক্কন লাগে, হিয়েত বলপেয়ে নলাগে, উচ্ছ্য ন’উদে, আ গাবুর’ অক্তত দ’ ইক্কো সিগারেট তিন টান নথরে । আঙুল’ পাবপুন চিদে চিদে অয়োন । মুওত্ হয়েক্কান নকভাচ গচ্ছে দাড়ি টুর নিগিল্লো ধানো শিজ়ে দক্কেন চিগোন ডাঙর আই লাম্বা-বাদি গরি বাজি আঘে । ঝুঙলুক ঝাগালাক পাদল্ ধুব পেন্নো উগুরেদি উলু হুন্ন ধরি চেলুং, বুড়ো অনেই আন্দাজে দেড় ইঞ্চি চিধে অয়োন, আ গাবুর’ অক্তত দ’ এক্কোরে পেন্নো ভিদিরে নআদন । আঃ হি গরিবো, দুনিয়ের রীদি সুদোম ইয়ানি, বুড়ো অলে লাগং পায় । বুড়ো অনেই বেগ হমি যেয়ে । ইধোত রাগানা সেদাম হমি যেয়ে, হমি যেয়ে হানা-ঘুমযানা, ঠিনেং বেড়ানা.....আ ভালক্কানি । মনে হলে ইক্কিনে আর আঘ’ ধক্কেন রাদা ডাগোত উধি হাজুর’ পানি চুর গরি হেই নপারং, র’ শুনিলেও ভগা ব্যাঙ মারা যেই নপারং । এক্কান জাগাত অলর গরি আর বোই থেই ন পারং । ক্রিকেট হেরাও আর গম ন লাগে । আমি যেক্কে কলেজত পড়িদং সেক্কে ঝাগবুদি কপিল, গাভাসকার দাগির হেরা চেদং আ হোষ্টেলত এনেই সৎ-মুওমি বজিনেই হা-মনে হি-হয় হোহি গরিদং । ইক্কিনে হুধু সে শচীন, শ্রীনাথ দাগি, ইক্কিনে ইগুন ন পারন ব্যাট গরি না পারন বোল গরি, চাদে আলসী গরে । আজলে বেগ সময়, চাঙমা হধায় হেন্ । সময়ে বেগ সলঙ বদলি যায় । সদর পর ওই যান, পর আপন ওই যান । বয়োজ বাড়িনেই বেগ হমি গেল । মান্ডর মিজে গাল ন মাদিম, এক্কান জিনিচ দিন দিন বাড়ি যেয়ে, সিয়ান অল’ নেইবু’ হুরে পেদ’ চামান, চাঙমা হধায় যারে হন ‘পেদেলা’ । তলেধি চেলে নেইবো দেগা ন’যায় । ম’

বিগিদি বুড়ির ইয়ান দ্বি নম্বর গুনের ফল, তার দ্বি-আহু' পুচ্ছনি হিরবেত সহ্য গরি নপারি পেদেলা ওই পেলুং । আ হি গরিম দিনপত্তি অগ'ধা গুনোনা, আরও অয়ে হত্যাল মিলে, এই জমে খদে খদে পেটা বর অলদে আয় । জীংহানিত ইয়ান এক্কান দাঙুর পানা । পুরোনি হধা ভাব'দে ভাব'দে গাবুর' অক্তত, কলেজত পড়িবার সময় বরছড়া পারর ছুরোলী চরত, ক্রসলী, জ্যাকিচ্যানর আরও ভালোকজন নায়কর মারামারি গরিবার গেসিং-গাসাং ইয়াই -ইয়ানি মনত উধিলো । হক্কেনে ইয়াই গরিনেই মুজুঙে এলদে আনানত বুক্কয়োং হবর নপাং । স্ববনর আনান হত্তা হত্তা অই ভাঙি গেল, ফেলেই গেল । অভিশাপ লামি এযানার পর লেডি অফ শ্যালটর আনান যিঙিরি ভাঙে, ম' আনান সিভুন বেচ চিতপুরে পারা গরি ভাঙি গেল' । ডেনেদি আহু' আঙুলোত্তুন ধারা-দিগোলি গরি লো পরের । হিয়েঘান গিরগিরার । ধাবা ধাবা ম' বুড়ি এনেই জোগার পারি পারি হর-“মরার বুচ্ছে তিনঘন্টা অয়ে আনান' মুজুঙে ঠিয়েই আগচ্ছে । আ হি ধংগা অজরের । না হি চবাশালত্তুন তোম্মা দাগেল্লি, এনে এনে আজের অদে, সারিদুং । আ হয়দিন.....” হধে হধে এক্কান হাজর হানি ফাদালোই নাগানাক্যে গরি আঙুলুন বানি দিল' । জু পেনেই ছলুং- “মরার বুড়ি, এদক্কন নবেরবেরেই ইঙিরি বানি দিদেগী দ' শান্তি পেলুঙুন । আ যদি মাধি মামা ইধু যেই পাত্তুং । হুত্তরি রুরি, হিচ্ছু নবুবোছ, সারা জিংহানি হামে যাঙুর, বোধে বোধে হর । মর বিলে উঙুরে উঙুরে বঃযার, তর হলগ' মাদিয়ে থান নপার ।” আ হাক্কন ভাবিনেই এক্কেনা র' বুদিলি ছলুং-“আ লীনা হিতেই হোই পাদেল' ! পাজোন তোন দিলে হিঙিরি হেম্ । ও, ও বিগিদি, তা বিবো দ' গাবুর অয়ে ন'নেই ? আমা পেরাগতোই বৌ আনি দিবং-এ । হেনযান বুঝোছ ?” বদা পারা দ্বিবে চোগ হবালত তুলি বুড়ি হল'- “আ বিলে হিচ্ছু নবুবোছ । লীনা হধা হলেতে আঙুনত দি-এ ছুরি মাজ' দক্কেন আড়ি পাক হেনেই নরম অয়দে । আ যেই চানা, আজা গরি দুরি দুরি হাবেই দিব' চে, পাজনতোন, এক্কা অলে এ তাম্মা নাঙান.....”(ভালক্কন অগধা হোনেই) জোগার পারি পারি যিঙিরি এচ্ছে' সিঙিরি গেলগোই, লগে শূনে গেল' পাগানা রাগর ঠেং আজারানি ।

তুমি এক্কা ভাবিচ' ভেইলগ, বিবু দিনোমায় মোক্ক যনি ইঙিরি হয়, ইঙিরি রিজায় আ পিরে জাগাত মলম লাগেই দিবার বদলে আরও উল্ল্য ফিরি পিরে ফুদেই দে, তোমার হেনযান লাগিবু ? অমহত্য আহুজর ও, মাস্তর তুমিও তৈয়ের থাগ ম দবাত পড়িবা । আয় থাক্কে ভাবি চ' । আবা গরং ইদিক্কেন হেন্ একদিন তোমারো এব' পারাপাং ।

(বিবুগুতো-৫, ২০০৩)

সোনা রেগা

ঝানুদেবী চাকমা

না

শুনিলে গম লাগে, চিৎ জুড়ায়, পরান একবানি গরে! হস্তমান দোল অব ? সেতুন দ্বি-চোখে দেলে বা হস্তমান গম লাগিব হুনা হবর পায় । ন দেখে জিনিষ দেগানা, ন চিনে চিনেনা, মানেই জীংহানির বেগিদো ধারাজে মনানে নিমোন গরি নিলোজ গরে । মান্য নাঙে এলাফেলা অলেও ম নাঙে দ' ইঝু সোনাদোলা ওহনেই নো রঙে নো ধগে ভরি আগে সে নাঙান ।

নাগরী মানুজঅ আভালে এজানার সমারে 'সোনা রেগা' নাঙান নিত্য তা হানত আভর হেদ', নাগরী নিরিবিলি বজিনে এগামনে ভাবি চায়, সে সোনারেগাবো হুনা বানেয়ে ? আর হদুর দুরত অহুব' হিজেনী! হুদুর অজল ? হামাক্ষায় দোল ঝিমিট ঝামাত্ রঙে আগুলেই বজি আগে পারাপাং । নলেন 'সোনারেগা' নাঙান মানুজ মুঅত্ সেদক সদরে সিদি ন বেড়েলুন । এক বার চেই পেদুং মানেই জীংহানিত এক্ষান আঝা নাগরীর পুরেলুন হামাক্ষায় ।

এজান গরি সোনারেগা হধা ভাবদে ভাবদে আবাদা গরি নাগরীর মনানত ভাজি উদিল তার আওজর হোজ পেয়ে সমারী চুচেং নাগীর হদা । নাগরী টায়ঠিক গরিল, এচে সালেন, চুচেং নাগীলোই হামাক্ষায় সোনারেগা রেনি চেবাকোই । দুমুরি যেইনেই ডাগি আনিলগোই তার সে হোজ পেয়ে সমারী চুচেং নাগীরে ।

নানান নাগচে হধা সেরে সেরে আবাদা নাগরী হোই উদিল, যদিও হধাগান হবার এগেম ধারাজে বেআল্ । আচ্ছা চুচেং, মুই একান হধা হদুং মানিবেনি ? চুচেং নাগী হল, হি হধা ? আ মানিলোই পারে পারা অলে হিত্যেই ন মানিদুং । চুচেং নাগী নাগরী মুওত্ চেই চেই উত্তর দিল । নাগরী নোনেই সুরে হোই উদিল, যেই চুচেং, সোনা রেগাবো তোগেই আনিয়োই । নাগরী হধাগান শুনিনেই চুচেং নাগী আহুজিবো হনমদে লুগেই রাগেল, তে নাগরীরে আজা গরি ধরি দরাং দরাং সুরে হল, তুই হবর পাচ্ নে নাগর, ইরক পধে পধে সয় সাগর মিজিলিক, পাগল হুগুর নিগিল্যন । মামা মরে হোয়েদে দুরোত বিলে ন যেদং । বানা চিগোন গুর' পেলে বিলে মিজিলীকুনে পত্তমে পিদে দেগেই ডাগন, তে সে পিদেগানি হজা গেলে, আগুলেই ধরি বত্তা ভিদিরে ভরেনেই নেযান্নি । আমারেয়' সিঙিরি নিলে হি গরিবে পারাপাস্ ? এচে ন যেবং নাগর । দাঙর অলে হামাক্ষায় সোনারেগাবো তল্লোই চেবংগোই আর পারিলে বুগি আনিবং । চুচেং নাগী হধাগান শুনিনেই নাগরীর একা উমুচ্ছে উমুচ্ছে গরি উদিল । মনে মনে নাগরী হল আমি ডাঙর অদে অদে সে রেগাবো হলে ভাঙি-চুরি মাজারায়' খেদগোই নয় । চুচেং নাগীরে মু হুলি হিচ্ছু ন হোনেই মনান মরা মরা গোরি হনরগম সিরেবো তিগুত্ তিগুত্ গরি, আচ্ছা হল । আর চুচেং নাগীতুন বিদেই লোনেই ঘর মোক্কে লারে লারে আহুধা দোল্যো । সেক্কেনে সাজন্যে লামি এই ঘরে ঘরে চেরাক জ্বালেবার হোজলী গরের ।

সেদিন্যে নিঝি রেদোত নাগরী হানত ইক্কো হিজগ' রঅ বারে বারে আবর হা-ধোল্যগী । নাগরীর রবো চিনং চিনং লাগিল, হামাক্ষায় চুচেং নাগী হিজগ' রঅ অহুব' পারাপাং ।

ডিঙি শাক তোগাদে তোগাদে ঠেঙানত জুগে ধরিনেই যিঙিরি হিজেক হাচ্ছে ঠিক সে হিজেকো নাগরী শনের । হাক্কন থেইনেই নাগরী অনুমানান ঠিগোই নিগিলিল । অয় চুচ্যেং নাগী হিজেক হারের । হিজেকগ' সেরে সেরে 'হিউক্ হাক্ হাক্' আহ্জিয় নাগরী হানত ভাজি এজের । নাগরী বিচ্ছনত, মনানত হি উধের হি পরের হোয় ন পারের তে । ভাবিয়োদ' নপারের তে হি স্ববনে দেগের না গিচ্ছেক গরি শনের ! আবাধা নাগরীয়ো হিজেক ছাড়ি তা মারে জাগেইনেই হল' একা রবো চিবে চিবে গরি, মা- শনি থাক্কে হন্না হানের, হিজেক হারেত্তে ! নাগরী মা হিজেক হিচ্ছে গরি উধি হান পাদি শনি রল' । চাইদে নাগরী হধায়ান মিঝে নয় । তারার সেই হধা-বার্তা শনিনেই নাগরী বাব'রো ঘুম ভাঙিল । এবার বেক্কনর মনে অল', র'বো হারর নয়, চুচ্যেং নাগীর বাদে । নাগরী তা বাবরে হোজলী গরা ধল্লো, চুচ্যেং নাগী দাগি সিধু য়েবাভেই । তা আওজোর সমারীর হি অল' হি ন অল' নাগরীর মনান থেইনেই ওই উধিল' ।

নাগরী বাবে তার সে হিরবের বিবোর হোজলী খরি ন পারি, নিঝি রেদোত ঘুম' পুদুং-পাদাং উধি লর দিল' চুচ্যেং নাগী দাগি ঘর' মোক্কে । নাগরী বাবে থেইনেই চায়দে, চুচ্যেং নাগীর নাহি ভূদে পেয়ে । তা বাবে ফুনি, রেজি দেঘায়, সেনি দরে চুচ্যেং নাগী হিজেক হারে আহ্ তাম্মা হাক্ হাক্ গরি আহ্জি ফেলেইদে । রেদে বেলি গরিবার হিচ্ছু নেই । বৈদ্যয়ো হুধু তগেবগোই । বেন্নো পহর অলে যা অহ্বার লাক্ অব' । নাগরী বাবে ফিরি এইনেই হলগি তারার সেই হারবারানি । নাগরী চুচ্যেং নাগী সিধু য়েদ' চেইনেই, নাগরী মা বুঝেই হল', বেন্নো পহর অলে চেবংগোই । ইক্ক ঘুম যা নাগর । নাগরী ভূদে পেয়ে শনিনেই একা একা দরেল' । আর' তার মার হোজলীত মজিনেই নাগরী লারে লারে দ্বি চোগ' পাদা এক গরিল । তুও তার দ্বিয়ান হান সজাক রাঘেল । হক্কে পহর অব' সে ধারাজে হনরগম এগুর-উগুর, দিঘোল ব' নিজেস্ ইরি দি-দি রেত্য গঙেই দিল' । বেন্নো পত্তো উধি নাগরী দুমুরি থেইনেই চাইদে চুচ্যেং নাগী নুঅ-জামেই সাজনী সাজেই বিচ্ছনত উগুরে সুনজুগত য়েন্ এগেম মনে পড়ি আঘে । চুচ্যেং নাগীরে আজা গরি ধরি তা-মার চোগ পানিলোই বুগ ভাজি যার । ইন্দি উদোন' আম গাচ্ছত হবোয় কুক্-কুর'লোয় শিরেবো তিগুত তিগুত গরের । আবাধা নাগরীয়ো হিজেক ছাড়ি হল', চুচ্যেং, থেই সোনারেগাবো চেয়োই, থেই । কিচ্ছ চুচ্যেং নাগী লক্ষী গরি বিচ্ছনত পড়ি রল' । নাগরী হবর পেয়ে, তার সে সোনা রেগা চেবারল্লোই সমাচ্ছেবো জীবন' হালে আহ্রেয়ে । তা লগে আর হনদিন থেই পান্ত নয় । নাগরী এক গুখেল মনদুগ আ আহ্বিলেজে ঘরত ফিরি এল' ।

নাগরী সোনা রেগা নাঙান তাম্মা দাগি মুওত্তুন শন্যে । কিচ্ছ শন্যেদে, দেঘিবার সেদামে এজ' হুলেই বুঝেই ন এঝে । যারে লোইনেই চেবারলোই হধা এল, তেও এ সংসারত্তুন এগোবারে অদেগা অল' । এবারত নাগরীর তাম্মা বাদে উবই নেই । সোনা রেগাবো হন্না বানেয়ন ? হিঙেই বানেয়ন ? এজান ভাবনা নাগরীর মনত নিত্য ফুর মারি মারি উদে । আর এক হিত্যে সোনা রেগাবো তাম্মা দাগি বানেয়ন নাহি সিয়েন হিয়েজ গরে । হিঙেই বিলে, তার সে বিদি য়েয়ে হধানী এজ রিব্ রিব্ গরি সদক ফুদি আগে । তার ডাঙর দাদান্তে বো আনি দেনার জেরে, তার সোর-শোরী তারা ঘরত বেড়া এইনে নানান লোবিয়োদি গরানার সেরে সেরে নাগরীর তাম্মা হধানী এজ হানত্ ভাঝে । আর বেরেয়গী বেনী, আবাদা গরি বেড়া এলা সুদ' মুদ' ভাত হেই পেলাগী । বেজার ন ওহ্য়োগোই । এবারত সোনা রেগা যগন বানিলং আর' বেড়েয়োগী ।

নাগরীর সে হধাগান্নে মেইত অয়দে, তাম্মাদাগি সোনা রেগাবো বানেয়োন। তদাতাঙরি ভুজির মাবোই হোয় উধে, তুমিও বেজার ন ওয়ো বেনী, হন্ত্য হাবেলংগি। সেনি মনত ন রাগেয়ো। মর উক্কো গরি হিরবের ঝি ত আহ্‌দত গজেলুং যগন ইক্কু বেগ তর দয়ে-ধর্ম। এ সে ধোঙ্কেন হধা হধে তার দ্বিবে চোখ রাঙা ওই উদিলাক। ইন্দি দুমুরি এইনেই চা-ইদে তা ভুজি বিচ্ছনত মূর গুজি ফেঁচু ফেঁচু গরের। সেক্কে নাগরী চিগোন অলেয়ো তারার সে বিগিদি হিরিমিরিয়ানি পরাক পরাক গরি ইদোত আগে।

পিথিমিগান নিত্য তার রঙ বদলে, ধক বদলে। মানেয়ো জীংহানিয়ো সেজান। সময়র লগে লগে মন বদলে, ধক বদলে। বেক নুঅ-আহ্‌বালে আহ্‌বাল ফিরে। ইক্কু নাগরীরো মনর আয়োজ বদল্লো, ধক বদল্লো, রঙ বদল্লো। গজেন' হিরবেত নাগরীর ইক্কু হয়েক্কু লেবাঙ' ফোর গেয়ন। মানে, বা' হাজাত উধিলে উড়ি পারে পারা ওয়ে। এবারত তার সে সোনা রেগা হধাগানে বেজ পেজাল ন হাবায়। সোনা রেগা হি এবারত বুঝি পারে পারা সেদাম যুণ্ডলেয়ে। চুচেং নাগী থেদ' তারে বুঝেই দি পারিলুন। সোনা রেগা আজলে বিয়েই-বেনী জুরিলে বৌ দিলে-বৌ আনিলে সিয়েনরে হলে। বিয়েই-বালা হুদুম ভিলে পেরেত্তে হুদুম। আলুল'-দুলুল' গরি বেরেই থানা, হানা সিয়েনোই সোনা রেগা। ইরুঙ্ক নাগরী তাম্মাত্তন শুনিনেই বেক্কানি হবর পায়।

ইক্কু নাগরীর ঘর' উদোনত নানান জাদর ফুল লাগানা, পাতা বাহার লাগানা সিয়েন এক্কান আক্কেং হাম ওই উত্তে। সে দিন্নে নাগরী ফুল বাগানান সুলি দের নিআলসি গরি। বেল্লো মাধান জুর' জুর' এক্কা বয়ের বায়, বেলানে তার নিমোন সদক বিলেই দিএ। সে সেরে সেরে কুহুক কুহুক হুত্তন ভাজি এঝে ? নাগরী চায়দে হরহুলি পার' জারুল গাছ্যত পরি হুগিলেবোই কুহু কুহু গরি ডগরের। বজরর পলিম হুগিলে র' শুন্নেদে নাগরী। বজিনে নাগরী এক মন্নে অল'। তার মনত ভাজি উদিল সে জারুল গাছ তলে তারা চুচেং নাগীলোই হদ' হারা হয়োন, হরোলির ধুল্লোচরত হধক ধুমুলুক হেলেয়োন। সে চুচেং নাগী ইক্কু হুধু হিজেনি ? ইক্কু থেদ'য়ে অলে নাগরীত্তন ডাঙর অলোন। নাগরী ইক্কে তাম্মা দাগিরে সোনা রেগা বানি দিলে দি পারে পারা ওয়ে। সিয়ে ভাবদে ভাবদে আবাদা এক ঝলগা ফাগোন' বয়েরে নাগরীর মেইত ফিরিল। আর তার মুওত ননেই গুল্লো আহ্‌জি পেলাং বেই গেল'।

(বিরাগুলো-৩, ২০০১)

মিস্ বিবু-২০০৬

মন্দিরা চাকমা

না

স্বতলী আদাম। আজি (৮০) গিরিখীর সবুল চাকমা আদাম। আদামর পত্তি লাঙেলে নাস্ত্রগাছ। সুর বান্যে গরি আদামর পধর দ্বি-ধাগেদি নিরাল নিমোন গরি নাগর চোগে চেই চেই থান। বজর পত্তি চাঙমাউন ইদু বিবু এজে - নাস্ত্রতলী আদামতও এজে। বিবুর আগে ফাগোনর আহ্ভায় মজি পরন নাস্ত্রগাজর কজমা টেলাঙন। যোন কজমা গাবুরী তার গলিপছে আহ্ভান দে। নাস্ত্রফুল ফুদন। ফাগোনর আহ্ভায় ছিদি যায় নাস্ত্র ফুলর তুম্বাচ আদামর পত্তি কনায় কনায়। সেলগে কোকিল পেগোর মিধে র' আদামর পত্তি মানৈয়োর চিৎ গলিপ গরিদে। বিবু পেইখ্য বেক আদাম্যেউনরে জানেই দে বিবু এজের গরি। হ্জির বাত্তা ছিদি যায় আদামর পত্তি গাভুছে-গাভুরীর উভোল্ফাল চিদত। রংধঙর তুবোল খেলে আদামর এ-মাধা উ-মাধা। আদামর বেকভাগ গিরিখীউন ঠাঙয়ে ন অহ্লেয়ু গভীন ধারাজে বিবুর যায়যুক্কোল নেযান। গুরো-বুড়ো বেক্কুনর মনত উচ্যর পেলাঙ বেই যায়।

সে আদামর গেংখুল্যে তলকাবর মানুষ। আল'ক দ্যে ঘর। মুড়ো তুঙনত ঈজোর বাড়েয়ে অজল ঘর। ঠাঙয়ে জিংহানি কারে কয় ন চিনে। গেংখুলি গীত গা-না ছাড়া আর কন কাম ন গরে। দ্বি-এক পজেয়ো হামায় এই গেংখুলী গীতুন গেইনেই। পুরনী গেংখুলী গীতুন গাদে ভজমান গম পায় তে। হ্জি অয় চাঙমাউনে এ গীতুন শুনন হিনেই। তার গভীন ধারাজ আঘে - পুরনী এই গেংখুলী গীতুন চাঙমাউনে গভীন ধারাজে একদিন তগেবাক। মনযোগ দিনেই শুনিবাক - হ্জি অহ্বাক। আর এই গীতুন লারজার গরি রাঘেই চাঙমা জাতোরে তে সম্বোরী খোই দি য়েব'। যদিও তার পয়নাঙ ঘরে-বাড়ে ছিদিযেয়ে, তবুও অক্কে অক্কে অগমান তুলে এ গীতুন চাঙমাউনে ন শিঘন হিনেই।

গেংখুল্যের ইক্ক মা-মরা নোনেই ঝি আগে, তা নাঙান বিবুবী। নাদংসারা গিরিখি অলেয়ো গেংখুল্যে তা ঝিবোরে লেঘা শিগার। বিবুবী ইরুক XI ক্লাস পড়ের। ফর্সা রং। গুল মু। চিপ্পে-নাপ্পে কেয়ে। তারে মুরল্যে দোলবি হলেও গাত্ ন পরে। চিগোনতুন ধরি নোনেয়ে গেংখুল্যের এ ঝিবো। বিবুবী যক্কে VIII ক্লাশ পড়ের সেক্কে তা মামা বেক মেয়ে ছাড়ি পিখিমিতুন লুকদি য়েয়েগোই। কজমা অক্কে নোনেয়ে চিদত ভহ্জমান খেবরক খানা। য়েরে এক সময় বেককিছু কাদেই উদি-উদায় পড়াশুনাত মনদ্যে। অক্কে অক্কে ঈধোত উধে তা মামারে। পরাণ কানে। য়েরে একসময় গারে-গায় আহ্ভিয়ায় তা মা কজমা চিদর গভীন মুরোত। ইরুক আর বেজ ঈধোত ন উধে। কজমা চিৎ লাড়ে লাড়ে গাভুরর সদক ধুজীত হ্জি বাড়ায়। ঝাবা পরে এক্কান পর এক্কান গুরো অক্কে যদি য়েইয়ে ঘটনানি।

স্কুলত পড়দে সময় বিবুবী সমারর লগে খুব কমই মিবোগোই। ক্লাসত সোমেলে লুজুরক গরি বোই থায় নিরিবিলি। কিন্তু গাভুরর আঙলেঙত তারে আর গায় গায় খেবার যু ন দে। আন্তে আন্তে মিবোগোই স্কুলর সমাররনর লগে। হোজপানা আহ্ভ বাড়ায় বেউদিজত। কজমা চিৎ-মন তোলাবোল্যে আ সোতপোতে ওই উধে অজানা সিরসিরানিত। দিন দিন ফুধিউধে নানান স্ববন - মনত গভীন ধারাজ। লেঘাপড়ার ফাগে ফাগে হোজপেভার আ নোনেয়ে জীংহানির ধারাজে তা মনান নিত্য ভুল ওই যায়। চিগোনতুন ধরি ছবি আগানা, কবিতা লেঘানা, নাজানার শক আগে বিবুবীর। স্যেনে মনে-মন্যক্কা ছবি আগায় সাক্কোন গাজর হ্জি ধিক্কোনোই। সিবিদি-ওলোদে মিজেই যুগলেদ' কমলা রঙ। ফাঙনর আহ্ভাত পেইক্কন ভাহ্জি বেড়াদে দেলে খুজি অহয় বিবুবী। তক্কানত কবিতা লেঘে পাদার পর পাদা। লেঘে কবিতা হোজপানার। কিন্তু কারউধিজে এই কবিতা লেঘানা - তে নিজেই খবর ন পায়। নাজানাও শিগে গায় গায়। উই চিগোন

থাক্কে একবার বিঝুমেলাত যেইনে দেই এচ্ছে নাচানি ঈধোত তুলি তুলি শিঘে। দোর-জানালা বানি নাজে। নাজদে নাজদে ঘেরে একসময় বলও পরে। সেবেদেন তা গুধিবোত জানালাবো খুলিদিনে সৃষ্টির রঙ তামাঝা চেই চেই বল ভরায়। ধারাজ জাগে এবঝর যিদু বিঝুমেলা পড়িব' সিধু য়েব', বেড়েবগোই - বিঝু মেলাত, ভবচক্রত, আহ্ভা ঘরত। আর' এক্কান নিধুকতুক আঝা - যিয়ান ন চিন্যে পরান দা-লোই চিনপয্য অহ্ভার আঝায়। বিঝু পইদ্যানে নানান স্ববন বে-থারত ভাহ্জি উধে।

আবাদা ফাগোন' বোয়েরানে একঝলগা এই কজমা কেয়োত নোনেই গরি যায়। ফাগুনের নোনেয়ে আহ্ভাত এক সময় ঘুম এজে বিঝুবীর। ঘুমও যায়। আবাদা ঘুমত স্ববনে দেখে তারা আদামত ভিলে এবঝর বিঝুমেলা পচ্ছে। সে বিঝু মেলাত আহ্জিল থেই পত্তি গাভুচে গাবুরী দাগি বেক বাবন্তে নাচ-গানত যোগ দিবাত্যে আদামর এ মাধা উ মাধা ডাগনী দ্যে ওইয়ে। সিয়ত তারা আদামান বাদেও আগেরের তিনান চাঙমা আদামর মানুষ আহ্ রেঙ্গ্যে-বাঙালও যোগদি পারিবাক গরি ঘোষণা গরা অহ্য়। এই বিঝুমেলাত বেক বাবন্তে জিদেজিত্যেত লড়িবোগোই গরি বিঝুবী স্ববনে স্ববনে ঠিক গোচ্ছে।

ঘুমর স্ববন আন্দাজিগতুন অক্তে অক্তে গেচ্ছেক ওই যায়। বিঝুবীর স্ববনানও গেচ্ছেক অহ্ল। আবাদা ফাগোন মাঝর শেষ তারিগত ব্লকর বি.ডি.ও. সাহেবে জানেই দিল যে, নাক্সতলী আদামত রেজ্যভিত্তিক বিঝুমেলা অহ্ব'। বিঝুমেলা তাগিনেই আদামত উর'তুল পড়িগেল। বেক্কনে যুকবদি যায়যুক্কোল গরিলাক ভবচক্র, আহ্ভাঘর, আলক ঘর, জিরেনী খলা, খারা জিদেজিত্যে গরিবার খলা, নাচ-গীদর জাগা, গরবা লোবিয়োদীর জাগা - এককধায় বেক বাবন্তে যায় যুক্কোল গরিলাক সাঙা ভিদিরেই। দুরতুন মান্য গরবা এবাক - তারারে লোবিয়োদী গরিবার্যে বিঝুবীর মিল্যা দল্লোর উগুরে দায়িত্ব দ্যে অহ্ল'।

অক্ত মজিম ফুল বিঝু দিনর বেলে মাধানত আদামর কার্বাচে বাত্তি জালেই 'সিজি বিঝু ২০০৬' ফগদাং গচ্ছে। এই ফগদাঙী অনুষ্ঠানত বেগিদো মায়-মুরুকবি থুবো এলাক। সেলগে অগন্দি বিঝু ধারাজী মানুষ আহ্জিল এলাক। মূলবিঝু দিনত নাচ-গীদর জিদেজিত্যে অহ্য়। বিঝুবী এই পথমবার গীদত জিদেজিত্যে গরে। যেরে নাচও গরে। গায়-নাচ (single)। যুদো নাজিয়ে-গেয়ের লগে বিঝুবী অতাল বাগেনি কুরেয়ে অগন্দি মানুজতুন। নুও বঝরত রঙচঙে অনুষ্ঠানর মধ্যদি জিদিয়েউনরে পুরস্কার দ্যে অহ্ব'। নুও বঝরর দিবুচে মাধানত খারাত জিদেজিত্যে গরা অহ্য়। বেগ' যেরে পুন তুলোতুলির মধ্যদি 'মিস বিঝু' আ 'মিস্টার বিঝু'-র নাঙে বেগতুন ডাঙর পুরস্কার দিবার ঘোষণা গরা অহ্য়। বিঝুবী পত্তি খারাত জিদি যেইয়ে। তার কাবিল নেতৃত্ত সাগছে জিদেজিত্যে গরিয়ের মধ্য বিঝুবী আ তার দল্লোই জিদি যেই আদামর মুঅন পহ্র গোচ্ছে।

বেলে মাধানত (নুও বঝরত) বিরাট অনুষ্ঠান যুক্কাল গরা অহ্য়। সিয়ত আদামর কার্বাচে, ব্লকর বি.ডি.ও. বেগিদো মান্য গরবা থুভো ওইয়োন। সেলগে বিঝু হ্জিত পেলাং বেয়ে মানুজর ভীর। যেরে বেগিদো জিদেজিত্যেত জিদিয়ে মান্যর সমারে বেক জিদেজিত্যেত- গায় জিদিয়ে মরদতুন রনকাপ্যে নাঙান আ মিলেতুন বিঝুবীর নাঙান ফগদাং গরা অহ্য়। আহ্ তারারে পুরস্কার দ্যে অহ্য়। নাঙ ঘোষণার লগে লগে পেলাং বেয়ে মানুঝ' জয়ধ্বনি দ্যে ধরিলাক বিঝুবী দাগির নাঙে। বেগ'জেরে পুনতুলোতুলি জিদেজিত্যে, দ্বি জনর মধ্য। কন্যা বিঝুসেরা অহ্ব'। ভালক্কন লাড়েয়োর যেরে বিঝুবী রনকাপ্যের অজংসং মস্ত্য পুন আলক গরি দিনে 'মিস বিঝু' নাঙে বিঝুর বেগতুন ডাঙর সম্মানান জিদি লল'। বিঝুবী বানা নাঙ মাত্র ন থেইনেই গেচ্ছেক বিঝুবী (মিস বিঝু ২০০৬) ওই বেগিদো মান্যর বাগেনী আ অতাল হোচপানা কুরেই লল'।

(বিঝুগলো-৮, ২০০৬)

ধর্মেশ আর ইক্কো অগলগ

যুধিষ্ঠির চাকমা

ধর্মেশ ইক্ক ভন্ড ঘুরি বেয়েয়ে মানুজ । হিজু লেগা পড়া পারে । সারা দিন্য ঘুরি বেড়ায় সমাজর হাম্ গড়ে হিজু হিজু । জিদু পায় সিদু হায়, যোত পায় ঘুম যায় । কিন্তু আধা পাগল'চান সন্দ-বন্ধ । তার এক মহৎ গুন অলঅ তে আবেদীরাজ । (অবলা জীবর ভাষা) বুঝে ।

একদিন ভাদ'মাজর রোদোত সারাদিন্য ঘুরি বেয়েইনে দুগে ওরান অইনে ধর্মেশে এক্কান সরকারী ঘরঅ বারান্দাত ঘুম যেবাতে পলঅ । তার হানত ইক্কো অগলগর রঅ এইনে তার ঘুম ভাঙ্গি দিলো । অগলকে ডগরের, “মোগ-পো হন সরত, মোগ-পো হন সরত..... ।” তার নিধুর দগরানা শুনি ধর্মেশে পিজোর গরিল অগলক্কোতুন, তার মোগ-পো আরেয়ে নাহি ?

তার পিজোর শুনি অগোলক্কো আজিনে হতে, ও মানব ভেই, মর মোগ পো হুদু আর যেদাক । বেক্কন আগন । ধর্মেশে পিজোর গরিল, হিতে সিঙিরি ডগরের সালে । অগলকে আজিনে হর, ও ভেই, মুই অলুং তোমার বিজোক বোয়ে ইক্কো চিনেজানা পেক । বর্তমান হজমা যুগর তোমার বিজগর পাদাত মর জাগা নেই । জাগা নেই তোমার লেগা, ভাষা, সংস্কৃতিত । সেই আরিজেয়ে প্রতিনিধি ইজেবে তোমাসিদু মর এই তোগানা, নিধুর ডগরানা । আমি আরেই জেল্ল্যই, কারন তোমার সহানুভুতি আমা সিধু ন এজে । অগলকে ধর্মেশরে ডাগিনে হতে - ও চাকমা জাদর মনি । তোমা চাকমা জাত্তো অলাদে বেরাছে জাত । নিজর দেশ নেই ভবিষ্যত নেই, চিন্তা নেই, তুমি অলাদে আরেয়ে জাত । স্বাধীন চাকমা রেজ্য 'চম্পকনগর' তুমি আরেয়ো । তোমার রাজা নেই । অগলকের হধানি শুনি ধর্মেশর মনে মনে ভারি গরি রাগ উদিল' । রাগরে থামেইনেই মন-হান পাদি আর' শনের । আর' শুনিনে ভাবিনে তার গমও লাগের । অগলক্কো তা হধানি হেই যার ।

হত্তে - তুমি চাকমা, তোমা বিজগত নানান জিনিষ আগে । রেজ্য এল, স্যেন তুমি আরেয়ো । তোমার জাদর বিজক আগে, মাস্তর তুমি তুলি ধরিবার চেষ্টা ন গরর । তোমাতুন সংস্কৃতিগত ঐতিহ্য পোশাক আগে স্যেনি পিনিবার লাজ' । একজনে পিজোর গরিলে তুমি হি জাত ? বরমু গরি পরিচয় দো' আমি 'চাকমা', অথচ চাকমা লেঘা শিগিবার লাজ' । একা শহর বন্দরত গেলে পিনোন-হাদি পিনি চাকমা হধা হবার লাজ' । যিগুন একা বর বর চাগরি গরন তারা চাকমা দেই ন পারন, সমাজ তারা সিদু অর্থহীন । হজমা যুগর শিক্ষা নেজ' কিন্তু নিজর জাত্যরে তুমি হিতে পুরি ফেলেবা ? এক শ্রেণীর বাবুগিরি চাকমা আগন, তারা কয়েকদিন টাউনত থেলে চাকমা হধানি পুরি ফেলান্নোই । চাকমা হধা হবার লাজান । তারা হি ন বুঝন জাতির ভাষা এক্কান গর্ব ?

ও মানেই মনি, তুমি অলাদে হিংসুক চাকমা জাত । হিংসা তোমার নীতি । তুমি বৌদ্ধধর্মী । অথচ তোমাসিদু বুদ্ধর অহিংসাবানী অর্থহীন । ধনীগুনে গরীবরে গম চোগে ন দেগন । একদিনও চিদে ন গরন তারা হি এলাক । ধনী অলে মনে গরন তারাই রাজা । হন' অফিসার অলে মনে

গরন রাস্তাপতি। তোমা জাদর সেই ধনীগুন অলাক্কে দৌ গেয়ে উইপুক। দৌ উদিলে উইপুক্কনে মনে গরন এবার আগাছান হেই পারিবাঙ্কোই। কিন্তু হুদুর উড়ি উঠঠে উঠঠে পেগে হেবার আর পেগো আদতুন বাজি গেলে দৌ সিনি দুম গরি মাদিত পরি পিগিরে আদার অবাক এই অল তারার জিংহানি।

ধর্মেশে হুব মন-হান দিনে অগলক্কে হধানি গুনের। অগলক্কে তার হধা হোই যার। ও মানেই হুদুম, তোমা সমাজত এক শ্রেণীর ঘটক ব্যঙ-মানেই জন্মোয়োন। ব্যঙ দগরানা ধোঙ্কে বিরাট বিরাট সমাজর জধা অহ্বাক, মূলে চেলে হিচ্ছু নেই। সমাজর হধা গল্প দিনে মান্যতুন হিজু পেলে সিগুন নিজর পেত্যত্ দিবাক। সমাজর কামত হরিবোল। সিগুন হন্যে ভন্ড, স্বার্থবাদী। আর সিগুনর পাল্লাত পড়িনেই শোষণ অদন সাধারন জুম গরি, হাম গরি হেয়ে চাকমাগুন। সিগুনর মুওত্ দশমন চিনি, হধায় বার আদ জিল। সিগুন অলাক্কে সমাজর মহাকাল। তুমি অলাদে নির্মম, ভবিষ্যৎহীন জাত। মিজোরাম' চাকমাগুনে 'চাকমা ডিস্ট্রিক্ট কাউন্সিল'-লোরে নিনেই চিগোন গুরো হারা হদন। কাউন্সিল-র উন্নতিতে সরকারে টেঙা দিলে সিগুন সি.ই.এম. আহ্ ই.এম দাগি মাছ ভাগে ভাগ গরন। উন্নতির নাঙ-বাজ নেই। হুদুমে থান পেলে ভাল আ ন পেলে এক্কেরে দুনিয়ে জিংহানি পুরো হালা। যে ধনী অয় শহর বন্ধরত ঘর বানার, যার নেই জুরি থুমে ন হুলোর। মিজোরামর চাকমা কাউন্সিলর পথ-ঘাদর হধা, বান্দর বেড়লে বারি পরিবাক। চের'হিত্যে হুগি, পদ' ভিদিরেদি তারা যেবার পদ নেই। তারা অলাক দুলো ভিদিরে ব্যাঙ।

অরুনাচলর চাকমাগুন জাদন ঘুম। জন জাগরন মহাজাগরন বারা নেই। তারা রক্তহীন মানব। বি.এ, এম. এ. পাশ গরি এক্কান চাগরির আঝায় এরেজ্যতুন উরেজ্যত ঘুরি বেরাদন। একদিনো চিদে ন গরন তারা হয় বজর ধরি বসবাস গরার পরও তারার হন' নাগরিকতা নেই। ভারতীয় সংবিধান অনুযায়ী হন' একজন স্থায়ী এককান জাগাত পাচবজর খেলে তে নাগরিকতা পায়। কিন্তু দীর্ঘ ত্রিশ-চল্লিশ বজর বসবাস গরার পরেও তারার নাগরিকতা নেই। তারা চোখ খাগদে হান, মু খাগদে বুব। তারা হি হবর ন পান বর্তমান গণতান্ত্রিক যুগত সংগ্রাম ছাড়া ভাত হেই ন পায়দে সিয়েন? উত্তরপূর্ব অঞ্চলর নানা উপজাতিয়ে স্ব-শাসন থানা সত্তেও স্বাধীন রেজ্যন্তে সংগ্রাম গরি যাদন। অথচ তারা চুপ-চাপ নিজর সার্থে এক্কান রেজ্যত যেইনে চুরচারি গরি এক্কান চাগরি পেলে চুপ। অরুনাচলর হাজার হাজার বি.এ, এম.এ. চাকমা সংগ্রাম গরিলে গদা অরুনাচলান তারা আদত। কিন্তু তারার সংগ্রামী রক্ত নেই।

ত্রিপুরার আধুনিক শিক্ষিত চাকমাগুন এক্কান ঘর, এক্কান গাড়ী অলে শান্তি, সমাজর হধা দুরে। অথচ দেগদন ১৯ তপঃ উপজাতির মধ্যে চাকমাগুনও ত্রিপুরীর সমান। আগরতলা আকাশবানী, দুরদর্শনত ককবরক ভাষার খবর সম্প্রসার অয় কিন্তু চাকমা ভাষার হিত্যে প্রচার ন অয়? চাকমা সাহিত্য সভার প্রচারান অতি সামান্য। তোমার লেগা ভাষা হিঙিরি প্রচার পেব' ও মানেই জাগি উধনা।

চাকমা জাত্য অলদে হিংসুক, হিত্যে হলুং? বাংলা দেজর পার্বত্য চট্টগ্রামর শান্তিচুক্তি অনার পরও মান্যে-ন মান্যে দি পদনী। চাকমায় চাকমায় লড়ালড়ি মারামারি। তোমার চাকমাগুনর চের' হিত্যে আঙ্কার।

ধর্মেশ্বর ঘুম এজের, অগলক্কে জাগেইনে হতে, ও মানব ভেই, তুই ইক্কো সমাজ
শ্রেমী মানুষ। ত ধোক্কে সমাজ শ্রেমী আর' হিজু আঘন তারা দিন গনদন হমলে তারার শুভদিন
এব'। সিগুনরে তগেবার চেষ্ঠা গরিবে। ধর্মেশে পেক্কোরে আবা দিল', মর যেদক সম্ভব সেই
সমাজ শ্রেমীগুন তগে বা'র গরিম আর তর হধা সমাজ' সিদু তুলি ধরিম। এবার মরে ঘুম
যেবাতে দে। অগলক্কে বিদেয় নিল। বেন্যে অইনে জাগি উদিনে ধর্মেশে পেক্কার হধা চাকমা
সমাজত তুলি ধরিবাতেই ইক্কো কবিতা জড়েল। কবিতাবো এদেক্কেন-

জোগ্য জোগ্য হজমা যুগর মা-বোন বাপ-ভেই,
নানান জাদর তালে তালিম দিবোং -
এজ' বেগে উজেই যেই।
তুলি ধরিবং সংস্কৃতি, ভাষা, জাদর বিজক,
পিঝে পরি ন থেবং এযোক জড়-বয়ের, বরব'-
এযোক যদ' বিবোদ।
জাগি উধিবং বেগে, জাগি তুলিবং বেগরে,
ফিরে আনিবং একদিন আরেয়ে সেই
চাকমা দোল দেজ'রে।

(বিষ্ণুগুলা-৩, ২০০১)

শেরমুন টিলাত হাক্কন

উদয় জ্যোতি চাকমা

নুয়া জাগা চানা, নুয়া জাগাত বেরানা মান্ন মনর এক্কান পুরনী আওজ। পুরনী আমলভুন ধরিনে মান্নে ন চিন্লে ন দেক্কে জাগাত যেবাতে উরন সন্ধি অন্ন। দোল জাগা আহ্ দোল মানুচ চেবার আওচ নিনে মান্নে দেশভুন দেশত ঘুরি বেড়ান। পুরনী গ্রীস রাজা ইউলিসিসে তা জীংহানির থুম সং বেড়েয়ে, নুঅ জাগার নোও মানুজ নোও ভাষা লগে মুওমি অবাতে।

শেরমুন টিলা গুরি এক্কান জাগা আঘে পেজাত্তল বামত। এ জাগাগান শুনৎয়ে- জাগাগান বিলে অমহদ' দোল। সিয়োত নেনা পিখিমির দোলানি হধা হয়দে। ম মনত আয়োজ জাগি উত্তেদে এ শেরমুন জাগাগান চা যেবার। ম হুত্তো বিদ্যেরত্তন আহ্ সমাচে হালাবোরে উজেলেঙয়ে শেরমুনটিলা জাগাগান চা যেবার। তারা ম হধাগান মানি লোয়নে যেবাতে জুক্কোললাক।

পেজাত্তল-কাঞ্চনপুর পদর ধাকহুরে গরি এক্কান হাজা মাদি পদ সম্মেগোইদে শান্তি পুর আদামর বুক চিরিনে। এ পত্তানর দ্বি-হুরে অইল ধান হেধ, যে ধান হেধর অইল রংয়ানি ম মনানরে এক্কান স্ববন দেজত ভাজে নেযার। আমি তিন জনে যক্কে রওনা দে, সক্কে বেইনে আট্টোবো বাজের। শেরমুন যেবার পদ হুরেদি গরি এক্কান চিগোন ছড়া বোয় যার যিয়েনর নাংয়ান যগরি ছড়া। বেলেয়ে মাধান এ ছড়া পানিয়ান এত্তমান পহ্ন যে তলেদি হি আঘে হি নেই দেঘা যার। ছড়ানর দ্বি-পারত ডিংয়ি শাক আহ্ হুজুপাদা দেঘা যার। বেলে বেলঅ সদগত অমহদ চাদে দোল লাগের। পদঅ হুরে নানা গাজত বোচ্ছে পেগে মিধে মিধে র'লোয় গীত গাদন। গীদ' র'গুন শুনিনে ম মনান পাগল ওই উধিল।

চেরো হিত্যে ঝাড়র দোল রত্তানি চেই যাদে যাদে এক্কান জাগা মুওত্ পড়িল। জাগাগান' নাঙান হবর ন পাং। পদ' দ্বি হুরে হ'-এক্কান শন'-শিনী ঘর দেঘা যার। পদ' পাজারাত এক্কান মাদি হুরি পেলেবার বুলডোজার ঠিগেই আঘে। হালাবো উদিলোগেই ফাল মারি সে বুলডোজারানর উত্তরে। আমি বিদ্যেরত্তন হাক্কালোই সিয়েন দেনে হেদেক-হেদেক গরি আজি উধিলং। পদ' হুরে হয়েকজন মিলেরে ছড়া হুরে বোয়নে থাল পিলে হেজদন দেঘা যায়। আহ্ পুনহানা ধুরুং সিলুম পিন্লে হয়েক্কো চিগোন গুর' চলা-চলি গরদন। তারা আমারে দেইনে আমক গরি চেই রয়োন।

হালাবো এ সময়দ হোয় উধিল' চাধেই চোপড়া ঐয়ো শেরমুন টিলাবো দেঘা যার। এক্কনু পদ হুরে হুরে লাম্বা লাম্বা শাল গাছ, গামিরি গাছ দেঘা যাদন। সেই গাচ্ছনত ন চিন্লে ঝারবো পেগে হিজিক-হাজাক গরদন। সেক্কে আমি পদ বেনে উধনা আরাস্ত গোচ্ছে। মুড়োমুড়ি উদি উদি আক্কেং নেই হিনেই এক্কা বে সধুক্ক অর। বেসধুক্ক লাগিলেয়ো আমার উদোদে গম লাগের। আহ্ এক্কানা গরি জাগা উধিনে মুই পদঅ হুরেত্তন এক্কো শিল তুলিনে তলে মেলা দিলুং। সে শিললো হন্ গাজত লাগিনে যানি টং গরি উধিল সিয়েন মুই উধিজ ন পেলেং। উদোদে-উদোদে মর মনে অর এ শেরমুন টিলাবো এদুগোর অজল নয় হন'। উত্তে উত্তে ঠেং

শুলোর হিনেই পিবেদি ফিরি চাংঙে বিদ্যেরতন হাঙ্কা আহ্ হালাবো বল পড়িনেই হে হে গরদন । তিনজনে হাঙ্কন আমি সিয়োত বল ভরেলং । সিয়েনভুন রিপ-রিপ গরি মান্নো ঘর আহ্ ছড়া এক্কান দেঘা যার । আন্দাজ গরিলুং সে ছড়াগান আমা দেড়গাঙান । হিঙিরি বুঝেই হেয়ান্নে গম লাগের, তলেদি জাগানি চাদে । মনে অর অন্য জগদত্ লুঙিলোঙঙ্গি । আবাধা গরি মনত্ উখিল', হিঙিই মুই ফটো তুলিবার ক্যামেরান ন আনঙ ।

দ্বি-তিন জিরান দেনার পর তে আমি শেরমুন টিলাবোত উধি পারিলং । উধিনেই আমক ওয়োংগে সং জাগা দেইনে । সং জাগাত যেদক্কেন হের থায় সেধক্কেন হের দেলুং এ শেরমুন টিলাবোর উগুরে । তলে সং আ উগুরে সং দ্বিয়েনর হন' ফারক ন দেগং । ইয়েনি এক্কান মর জিংহানির ডাঙর অভিজ্ঞতা । শেরমুনটিলাগান যেদক ডাঙর ভাবিদুং সেধক ডাঙর ন দেলুং । পজিম হিঙেদি পেজাত্তলর এস. টি. ডি. -র থম্মো দেঘা যার । পুগ' ডাগত এক্কান গির্জা ঘর চোগোত পড়িল । বুঝি পারিলুং, ইয়ান হুগিগুনর গির্জা ঘরান । দঘিন ডাঘদি ইক্ক চিগোন-চাগোন মাঠ দেঘা যার । মাঠতোর পুগ-পজিম-দঘিন ডাঘদি হুগিগুনর ঘরানি দেঘা যার । উত্তর ডাঘত তিন্ন বড় বড় গাছ তলাত বজি জেনে এক্করে আরাম পেলং । ফাগোনর জুর জুর আহ্বাগানি বুক জুরেই দেব । মভুন হুব গম লাগের । হয়েকজন হুগি-ছ' আমারে সিয়ত দেইনে আম্মক গরি চেই আঘন । বাংলা-ইংরেজী হধাদি তারারে মাধেই চেনে বুঝিলুং হন' হধাই তারা ন বুঝিলাক । দেলুং, ভুল ধক্কেন গরি চোগ পেল-পেলে গরি চেই আঘন ।

বেড়াদে বেড়াদে থম্মো পিবেদিভুন ম দ্বিবে চোগকোয় কুমারঘাটান আবিষ্কার গরিলুং । আবাদা গরি বাঙেদি চেইনে ডাঙর ডাঙর শিল' হুর দেলুং । হানজাবাহুরে যেইনে বুঝি পারিলুং হুগিগুনর চবাশাল । হায়হুরে যেইনে আনাচ বাগান এক্কান চোগত পড়িল । পল্লে দেঘিনেই এ জাগাগান হোচ পেলুং ।

বেড়াদে-বেড়াদে হক্কে দ্বি-ঘন্টা হাদিল, আবাধা গরি ঘরিবো হিঙে দ্বি-চোক্কো যেনে বুঝিলুং । হাঙ্কা বিদ্যেরতনে হোয় উখিল' য়েবংগোইদে ননে এবেল । মনে ন হোয়ে গরি তারা হনে হনে ফিরি পেলুং । এয সং মনানে উজুলোয় মরে আ শেরমুনটিলাত বেড়ে এবাল্লোয় ।

(বিষ্ণুগলো-৬, ২০০৪)

ঐশ্ব
কুণ্ড
নাটক

কুসুম কান্তি চাকমা ।

উন্দুচ্যা বৈদ্য - ২

কুসুম কান্তি চাকমা

।। পথম খেলা, পথম পইদ্যা ।।

(বেন্যে মাধান । উন্দুচ্যা বৈদ্যর বৈদ্যয়ালী স্কুল । উন্দুচ্যা বৈদ্য দাবা আহদত, বারি ইক্কো তিদি ক তিদি ক, চেয়ারত ববি আষে । তা মুজুঙে তিন জন ছাত্র - পেজাল্যা, নেইহানা আ আহুঙারা ।)

উন্দুচ্যা বৈদ্য ঃ তুই হি শিঘিদে নেইহানা ?

নেই হানা ঃ মুই, ইয়ে চালানদেনা অনার্স ।

উন্দুচ্যা বৈদ্য ঃ তে তুই, আহুঙারা ?

আহুঙারা ঃ মুই গনেইদেনা অনার্স স্যার ।

উন্দুচ্যা বৈদ্য ঃ (পেজাল্যা হিতে চেই) আ তুই ? (পেজাল্যা হি হধ' চায়, হোই ন পারে । বৈদ্যেয়ে হিতে চোষ ফেলে ফেলে গরি চেই থায় ।)

নেইহানা ঃ বৈদ্যেয়ে নানু, তে ভিলে এগত্তর গরনী-ফারক গরনী অনার্স । (হোনেই নেইহানা আ আহুঙারা মু লুগেই আহুজিবাক । পেজাল্যে তারারে চোগ পিজি রিনি চল ।)

উন্দুচ্যা বৈদ্য ঃ হুই... । (বাজি দিল') আছা, জে জে শিঘিদো সাদ, তোমার বৈদ্যয়ালীত মাধ্যমিক পাস ওহুবাঙেই পানি পরা, নুন পরা, জাগা মারানা, চিগোন-চাগোন ভূদ ধাবেই দেনা, পেত ধরনী, তাককেত চানা, নারি চানা, ইয়েনি ভেঙ্কনোর শিঘে পরিবো । তে হেললে সিগেয়োঙগে ইয়েনি শিগি এচচোদে ?

তিনো জনে ঃ অহুদে বৈদ্যেয়ে নানু ।

উন্দুচ্যা বৈদ্য ঃ দে হধে চাঙ আহুঙারা, দোত পরাবো হধে ।

আহুঙারা ঃ দোদ দোদ হি দোদ ?

এহুদো হুগো দোদ,

মোজো হুগো দোদ,

শুগুরো হুগো দোদ ।

এই দোদ ঝারি দিলুঙ,

ব্রম্মা -বিসনুর নাঙে ।

উঙ চাবা ফোঃ ।।

উন্দুচ্যা বৈদ্য ঃ হুই, দে হধে নেই হানা, তুই দাত উধোনী মন্তরবো ।

নেই হানা ঃ ইয়ে, আইসো দাদ বৈসো ঘরে,

দাদে বঝে সুরে সুরে ।

কার জ্ঞান সিদ্ধি ?

শ্রী রাম' জ্ঞান ।
উঙ চাবা ফোঃ ।।

(মনাবাবে সমেলগি)

মনাবাব ঃ বৈদ্যেয়ে নানু, মনামা অসুকখানদেবো বাছেদে ।

বৈদ্যেয়ে ঃ ও মনাবাব নে ? এককেনা বজ । আচ্ছা তুমি জ' এভেল । তোমা ভুজিরে
এক্কেনা.....বুবিলা ?

তিনজনে ঃ আচ্ছা । জেললোই সালে । (গেলাক)

বৈদ্যেয়ে ঃ তে হি হত্তে মনাবাব ?

মনাবাব ঃ মনামা অসুকখান বাছেদে ।

বৈদ্যেয়ে ঃ আ গেললে বার' তেঙাঙনোদ' রয়োন । সিগুন কি ওলাক ?

মনাবাব ঃ দিম দিম বৈদ্যেয়ে নানু, তরে ফাগি দিবার সাহজ হার আঘে এ আদামত ? হিন্ত্র মনামা
অসুকখাননোই মুই হামদো জেই ন পারঙর । ভাবঙর, এজেত্তে বাজারত সুগোরবো বেজিমমোই ।

বৈদ্যেয়ে ঃ তুই সুগোর বেচচোই আর ছুঙর বেচচোই, মুই হবর পেধুঙ নয় । ম তেঙাঘুন আগে
দেঘি, তে মুই ত ঘরত খুচ দিমমোইদে ।

মনাবাব ঃ (বৈদ্যেয়ে থেঙত সালাম গরি পরিনেই) তুই মর বাপ বৈদ্যেয়ে, তুই মর মা । মরে
বাজা বৈদ্যেয়ে নানু । বেললে হামাকখায় মুই জিঙরি পারঙ তেঙাঘুন জুঘুলেই দিম ।

বৈদ্যেয়ে ঃ দিবোধ' ?

মনাবাব ঃ দিম ।

বৈদ্যেয়ে ঃ আচ্ছা যা । বিপদত পলে তে বাপ মা ।

।। দি পইদ্যা ।।

(চেয়ারম্যানের ঘর । চেয়ারম্যান্নে এহ্লানদি বঝি দাবা খার । তা হুরে সোনারামে
থিয়েই আঘে ।)

চেয়ারম্যান ঃ সোনারাম, আ তোমা ঘুমমেদাঘিরে হি মিছিলত ন দেলুঙ ?

সোনারাম ঃ আ হি ন দেদ' যেয়োনদ' পারাপাঙ ।

চেয়ারম্যান ঃ হি পারাপাঙ । গেলে মুই ন দেঘত্তে ?

সোনারাম ঃ আ ন তাঙরন অহবল আয় ।

চেয়ারম্যান ঃ উজু আঙুলে ঘি নউধে । ঘরান হি মুই তারারে মাগানা মাগানা দ্যৎগে ।

সোনারাম ঃ আ বাবুরামদাঘি ঘরবোয়দ' হনজন ন দেঘঙ ।

চেয়ারম্যান ঃ উজু আঙুলে ঘি ন উধে । সিগুনে মরিবার তগাদন । মিছিল-মিতিঙো নাঙে উহলে
আহত ধগোই । আর' পরানে মাগে চাঙুরী । (হিজে হিজচে গরি মনাবাবে সমেলগি)

মনাবাব ঃ ও চেয়ারম্যান নানু মরে বাজা । তুই ছাড়া মরে উদধোর গরিয়ে নেই । (চেয়ারম্যান্নে
ঠেঙত সালাম গরি পরিলগোই)

চেয়ারম্যান ঃ ও হি ওহয়ে ? উদ উদ, বজ বজ । হ, হি ওহইয়ে ।

মনাবাব ঃ ম মনামার অসুখ জিধু, ভালোকভুলোন ধরি । গেললে বারত টেঙা দি ন পারঙ হিনেই বোদ্যেয়ে তারে চেবান্তেই যেদ' ন চায় । মুই তারে হধা দ্যঙ জিঙিরি পারঙ বেললের মধ্যে টেঙাঘুন জুঙলেই দিম ।

চেয়ারম্যান ঃ হধক ?

মনাবাব ঃ দি শত টেঙা ।

চেয়ারম্যান ঃ আ ত রেশন কার্ডতান বন্ধক দিলেদ' আয়সায় গরি পেভে দিশত টেঙা ।

মনাবাব ঃ এককুই অসুখে অসুখে গরু ছরমাবোয়ো বেজি পেলুঙ, ফিজারিবো দিলুঙ বন্ধগত, রেশন কার্ডতানো যদি যায় সালে এককেরে উভোজ থেম ।

চেয়ারম্যান ঃ আ জিয়ে সিয়েন নয়, যেদক বাদি টেঙাঘুন সুজিবেগি সেধক বাদি জিনিজচান ফেরত পেবে । তে টেঙাঙনো বদলাবদল সবাই হিচ্ছু ন পেলে মুই হি হেই বাজি থেম । তোমা হামে দুমুরো দুমুরি গন্তে গন্তে মর জিংহানি পাদারি অহল' ।

মনাবাব ঃ আ অহব আয় জিধু সালে ।

চেয়ারম্যান ঃ সোনারাম । (সোনারামে ভিদিরে জেনেই হাগোচ একখান আ স্ট্যাম্প প্যাড ইক্কো আনি দিলোগোই) ইঁ, ইয়োত তিপ দে । (মনাবাবে তিপ দি ফুরেলে চেয়ারম্যান্নে দি শত তেঙা জেবতুন নিহগিলেই দিলো ।)

মনাবাব ঃ তুই মরে বাজেলে জিধু । জাঙ সালে মুই ।

চেয়ারম্যান ঃ আচ্ছা । (জাদে জাদে মনাবাবরে আর' দাগিল') ইয়ে, ইন্নি শুন মনাবাব । হেল্পে এক্কেনা সময় গরিনেই এইজ । তল্লোই তেম্মাঙ আঘে ।

।। তিন পইদ্যা ।।

ববিতা দাঘির ঘর । ববিতাবাপ অনন্ত বাবু চেয়ারত এহলানদি বোই আঘে । ববিতা তারে বিজোন বিজি দেব । হুরে সুমিতা, বাবুরাম, সমীরন, সজাগ বজিনেই হধা হদন ।

বাবুরাম ঃ হি গরিবঙ হধে জিধু ? আদামানদ' এব্ভেরে সুম গেল' । ওন্তেই গরীব, সিভুন মদ খানা, তীর খারা, তাস খারা, ডায়েস খারা - হিচ্ছু বাগি নেই । মুরুবিউন' বানা চান্নে তারার বল হিঙিরি বাড়িব', আদামান হিঙিরি এক্কেনা দোল অহব সিয়েন সবাই ন চান ।

সমীরন ঃ মনাবাব হাক্কারেও হাক্কির আসুক্কানতেই এধক হাসপাদালত দি পাদেলঙগে ন গেল । তে যিয়েদে উন্দুচ্যা বৈদ্য ইধু । আ তেও জু পেনেই দিশত টেঙা ন পেলে ন যায় । পধ ন পেই মনাবাব হাক্কা শেজমেজ গেল চেয়ারম্যান্নে ইধু । চেয়ারম্যান্নে তা রেশন কার্ডতান বন্ধক রাগেইনেই ধুপ হাগোজত তা টিপ-সই রাগেইনেই দ্যে দিশত টেঙা । পরেদি তে ভিলে তা হাগোচান দেঘেনেই রকতুন পাজশত টেঙা আনোগোই ।

সজাগ ঃ “বুঝেছ বিপিন -

ম্যান্ডেজ খাওয়া প্রধান ছেলের নাম রেখেছে লেলিন ।”

অনন্তবাবু ঃ চিদে ন গচ্ছা পুতলক, বেগ থিগ অহব' একদিন । বানা তুমি আদামর পো ছাবাঙন জাতে গমে লেঘা-পরা সিগোন সে হিত্যা চোঘ রাগেয়ো । তে তোমার চাঙমা লেঘা শিঘানা

হৃদুর অহল ?

সজাগ : সে ব্যাপারেয়ো একখান দিয়েন হধা নয় । আমি ভিলে চাঙমা লেঘানি সুম মারের ।
চাঙমা লেঘা শিঘি শিঘি ভিলে আমি আর ওবা-বৈদ্য ন মানির ।

ববিতা : ভেঙ্কনে চাঙমা লেঘা জানিলেদ' উন্দুচ্যা বৈদ্যেয়ে আর মানুজ থগেই থগেই হেই ন
পারিব' । সেনভেই সে হধানি হয় আয় ।

বাবুরাম : তবে আমিয়ো ছারিদং নয় । ইগুনো আহ্‌দতুন আদামান মুক্ত গরা পরিবোই পরিবো ।

সমীরন : মুই অলে উজু উজু মানুজ । আদাম্মেগুন জদেই বৈদ্যেয়েরে আর চেয়ারম্যান্নেরে
আদামতুন ধাবেই দিলে অহুয়, আহ্‌ নলে দেনা হবাল পুরেই ।

অনন্তবাবু : নানা, সিঙিরি নয় । তুমি চেয়ারম্যান্নে লঘে বলে-হলে হনক্কানে বুরেই এধা নয় ।
লাড়ে লাড়ে হাহ্‌জেই দি দি ন অলেহু হন বর গাছ সাধেই ফেলেই ন পারে, বুঝ' পুত লক ।

সজাগ : আদাম্মেগুন' হি গরিবাক । লেঘা-পড়া ন জানন, অফিসার দেলে থদ'মদ' ওইনেই,
অজেঅজ হধানিয়ো তারা মুওত ন এজে । ইন্দি আমি গেলেও অফিসারোনতুন হন' মাত ন
পেয়োই, পার্টি মানুজ গেলে তে দাদা-মামা ।

সুমিতা : তারাও পানধ' একভাগ ।

বাবুরাম : জাদর ভবিষ্যদর চিদে নেই, তারার বানা নিজর ভুধি সামালানা । হধা হধে গালত ন
আদে, এধক বঝর জাদর হন অধিকারান আনি পাল্লাক ? তিরিজ-চল্লিজ বজরে ন পারিলাক
একজন বাদে দিজন এম এল এ বানেই, ন পারিলাক নিজর জাদর ভাষাগানরে থিদাবরী গরি ।
পাচছোন বানা চাঙমা ভোতথুন দেঘেনেই নিজর ওজন বাড়েই আর নিজর হৃদুমভেই বেজাদি
নেতাঘুনো পিঝে পিঝে দুলো ধরি ঘুরি । তবে একদিন পরিবাক ধরা । চুরোর সাতদিন ভিলে
গিরিতথোর একদিন ।

।। দি খেলা, পথম পইদ্যা ।।

বৈদ্যেয়ের ঘর । নেইহানা পিলে হেজের, আহ্‌ঙারা উধোন চুরের । তারা নিজর নিজর
হাম গরদে গরদে মন্তরন মুখস্থ হোভার চেষ্ঠা গরদন ।

আহ্‌ঙারা : দে নেইহানা, পারচনি, পান খিলিগত হাবাননে এগত্তর গরনী মন্তরবো ।

নেইহানা : আ সিবে হি ন পান্ত :

অজল গাবা' সুবুরি,

নিজ' বর পান ।

ধর ধর ফলনি ম আহ্‌দ' পান ।

দেঘিলে তরে/ ন দেঘিলে তরে,

সাত গাঙ সাজুরি,

ফলনি ম চরনত এই পরে ।

উঙ চাবা ফোঃ ।। দে তুই হ' এবার তিন নম্বর মন ধরনি মন্তরবো ।

আহুঙারা ঃ এয়েদ' - থং মালা গাদি সরস্‌সতী,
মন পবোনে ন লরে ।
যদি লরে, সাত সমুদ্র তের নদী লরে ।
মহাদেব' জদা ছিনি পরে ।
থোক থোক মনত থোক ।
উঙ চাবা ফোঃ । ।

নেইহানা ঃ সিঙিরি বুঝো, ইঙিরি এনা -
থং মালা গাদি সরস্‌সতী,
মর পরানে ন লরে-

আহুঙারা ঃ বর মর পরানে ন লরে স্যা । মন পবোনে হলে মর পরানে ।

নেইহানা ঃ ইঁ, তুই বেজ হবর পাজ ।

আহুঙারা ঃ আ বুঝো তুই বেজ হবর পাজছে ।

নেইহানা ঃ সিঙিরি আর লধ' মাঘেদে সুমিতারে ।

আহুঙারা ঃ তুই লধে মাঘজ ববিতারে ।

নেইহানা ঃ ফাগারাদাদা, তুই বেজ বাছেজ ।

আহুঙারা ঃ লিবেজেয়ে হানা, বরবেজ ন মাদিজো ।

নেইহানা ঃ হি হলেধে ? দিমমে ধেয়ে গালচাবা ধোরগরি ।

আহুঙারা ঃ আ দেনা সেদাম থেলে ।

(দিজনর ধরাদ্দর' । দ্যা-দি গতথে গতথে আজাআচ্যা গরি মাদিত পরিলাক । এমন সময় পেজাল্যা পানি পিলে মাধাত গরি সমেলগি)

পেজাল্যা ঃ ইঙনে আর' বাজেয়োন । ইস্‌, বিদ্যে সিঘিবাক না বানা হোছে বাজেভাক ? (নেই হানারে বলে বলে তানি তুলিনেই, আহুঙারায়ো উধিলো । সে পরেধি আর' ধরাদ্ধ'র ।) বেহুপ্পে অলর গরি থাক । (নেইহানারে সরেই দিনেই) ও সুগচছে, মারামারি ন গত্তা । (আহুঙারারে খেলি দিলো । এবার দিঞ্নে মিলিনেই পেজাল্যারে ধরিলাক আ মারা ধরিলাক । মাদিত ফেলেনেই লাতেধন, এমন সময় বারি ইকখো তিদি ক তিদি ক গরি উন্দুচ্যা বৈদ্য সমেলগি)

বৈদ্যেয়ে ঃ তোমার হি ওহুইয়ে, হি ? (তিনোজনে ফুজুত-ফাজাত অলর ওহ্লাক) আ হি ওহুইয়ে, আ হিন্তেই মারর পেজাল্যেয়ে ?

নেইহানা ঃ তে না মরে বেহুব হোয়ে ।

বৈদ্যেয়ে ঃ অহুয়নি ? (পেজাল্যে তিগুত তিগুত গরে, বৈদ্যেয়ে একবারি দে)

আহুঙারা ঃ তে সে মরে সুগোজছে হোয়েধে ।

বৈদ্যেয়ে ঃ অহুনি ? (পেজাল্যার তিগুত তিগুত আ বৈদ্যেয়ের বারি)

(বৈদ্যেয়েরে দাগি দাগি সোনারামে সমেলগি)

সোনারাম ঃ বৈদ্যেয়ে, চেয়ারম্যানের একখান হাম পারিবে নেনা ভিলে ?

বৈদ্যেয়ে ঃ ম নাঙান উন্দুচ্যা বৈদ্য । ন জানঙ পারা মন্তর নেই, ন চিনঙ পারা দারুয়ো নেই । একবার ইকখো উন্দুর বিগিরি মারিলে..... ।

সোনারাম ঃ সালে যেই । চেয়ারম্যান্নে যেবাঙেই হোয়েধে ।

বৈদ্যেয়ে ঃ আচ্ছা যেই । এই, তুমি ভেজাল ন গরিবা । পেজাল্যা সাবধান । গমেদালে ঘর' হাম গোজছে ।

।। দি পইদ্যা ।।

চেয়ারম্যান্নের ঘর । চেয়ারম্যান্নে সোতপত্যা গরি ইনধি-উন্দি আহুদা-উদো গরের ।
বৈদ্যেয়ে আ সোনারাম সোমেলোককি ।

চেয়ারম্যান ঃ সুননোজনি, বৈদ্যেয়ে সুননোজনি ? ম নাঙে ভিলে ডিএম' ইধু কমপ্লেন দোননোইধে ।
তারা মরে এভ' ন চিনোন ।

বৈদ্যেয়ে ঃ হনুা চেয়ারম্যান নানু ?

চেয়ারম্যান ঃ আ হনুা, বাবুরাম দাঘিধে । বাঘ এভ' ন চিনোন । চেম মুই তারারে, আদামত
হিঙিরি থান । ইয়েনততেই হননে, গরীবরে বেজ দয়ে গরিলে মাধা উগুরে উধি থান । আর উজু
আঙুলে ঘি উধিদো নয় ।

বৈদ্যেয়ে ঃ তে হি গরা পরিবো চেয়ারম্যান নানু ?

চেয়ারম্যান ঃ যে হন' একখান গর বৈদ্যেয়ে, যে হন একখান । যাতে গুথি সুমুত্তো ভিদে উধোন ।
চালান দে, চালান । ভূত চালান, প্রেত চালান, দিও চালান - যে হন' চালান ।

বৈদ্যেয়ে ঃ সিয়েন ম উগুরে ছারি দে চেয়ারম্যান নানু । ম নাঙান উন্দুচ্যা বৈদ্য, ন জানঙ পারা
মন্তর নেই, ন চিনোঙ পারা দারু নেই । একবার ইকখো উন্দুর বিগির মারিলে ভুদোর বাপপুনো
দেজ ছাড়ি বিদেজত জেনেই শরনান্তি ওহুই থেই পাননোই ।

চেয়ারম্যান ঃ এবার সেদাম থেলে সালে এমন বিগির মার যাতে বাবুরামর বাপপোয়ো বিদেঝত
জেনেই শরনান্তি ওহুই থেই পায়োই ।

বৈদ্যেয়ে ঃ অহু' অহু' । তে চেয়ারম্যান নানু, ইয়ে, থেলে হিঝু.....

চেয়ারম্যান ঃ সোনারাম । (সোনারামে ঘর ভিদিরে সমেলগোই আ দিয়েন একশত টেক্কে আনিনেই
বৈদ্যেয়েরে দিলঘি ।) হামান হামাকথায় অহুয় পারা স্যা বৈদ্যেয়ে ।

বৈদ্যেয়ে ঃ তুই একদম নিশ্চিন্তে থাক ।

।। তিন পইদ্যা ।।

(ঝার ভিদিরে । ইকখো গাঝত পেজাল্যারে বানি থোয়োন । দিহিত্যাধি দিজন নেইহানা
আ আহুগুরা থিয়েয়ে । তারে নানা বাবদর তুজছে হাবাদন)

নেইহানা ঃ হ, রাজি আঘজনা নেই ।

আহুগুরা ঃ আ সে এক্কা গরি হাম গরি দেদে হি ভিলে হিয়ে পিরে গরেখে ?

নেইহানা ঃ আ সে এগত্তর গরনীঘানি হাততেই সিগোর ? সমাচ্যেয়ে এককায়ো সাহায্য ন
গরিলে ।

আহুঙারা ঃ না তুই লধে মাঘজ ।

(পেজাল্যারে আর দিজনে নানাকখান তুজছে হাবান)

নেইহানা ঃ আমা হধা ন মানিলে ইয়োট বানি ফেলেই জেবংগোই । ইয়োট পজি পজি মরিজ ।

আহুঙারা ঃ এভ' রাজি অহয়ো । নলে তর দঝা আঘে ।

পেজাল্যা ঃ মরে আর ন মারিবানি হ' ।

নেইহানা ঃ আচ্ছা ন মারিবোঙ ।

পেজাল্যা ঃ ইরিদো সালে মরে ।

আহুঙারা ঃ ধেই ন জেবেনি হ ।

পেজাল্যা ঃ ধেই ন জেম । (পেজাল্যারে ইরিদিলাক । তিনোজন গেলাককোই)

।। চের পইদ্যা ।।

(এক হিত্যাধি বাবুরাম আ ববিতা আ এক হিত্যেধি সমীরন আ সুমিতা সমেলাঙ্কি ।)

সমীরন ঃ ইহ, আ ইঘুনে হুধু জাদন ।

বাবুরাম ঃ আ তুমি হুধু জর ।

ববিতা ঃ এ লুগেনীরে হোয়োংগে ঘরত থাক, তে লামমেদে বেরা ।

সুমিতা ঃ ভা, তুই বেরেদে আ মুই থেদুং ঘর চুগি ?

বাবুরাম ঃ ওয়ে হোচ্ছে বাঝা পত্ত নয় । জেই উভোত বজিয়োই । (বজিলাককোই) দে সুমি গীত ইকখো শুনো । ভালক ভিলোন অহ্ল' ত গীত শুনি ন পাঙত্তে ।

সুমিতা ঃ ও মুই হি গীত, ফীত জানঙনি । সিততুনো মুই গেলে তত্থুন মনদো পরিদো নয় । এয়ে বেভেইচে জানেধে ।

ববিতা ঃ এ হবাল পুরনি আর দের মরে বাবেই । ত গীত গম পেয়েরো এ দুনিয়েত হিবু রাদনেই বুঝোচ । গেলে গাত ন পরিবদে স্যা ।

সমীরন ঃ ওয়ে ওয়ে, বুঝোজাত্তে তোমার হারর গীদর দর হারতথুন সবায় হম নয় । সেনতেয়, মর মতে তোমার দো জনর এক লঘে গীত গা ধরানা উচিত ।

সুমিতা ঃ আ দাধোদাঘি হি অলর গরি বানা চোগ ফেলে ফেলে গরি দামি গায়িকাগুনো দামি মুঙনি হিততে চেই থেবাক ।

বাবুরাম ঃ সালে মহারানির হি উহুঙম অহয় ?

সুমিতা ঃ লকখীগুরো সানদে উললোহ্ ন গরিনেই চেরেত চেরেত আমা লঘে তুমিয়ো গা ধরিবাদে ।

বাবুরাম ঃ যথা আজ্জা মহারানী ।

সুমিতা ঃ দে গা বেই ।

আগে ববিতা গীত গা ধরিলো । সুমিতায়ো তার লগ ধরিলো । হাককন পরে বাবুরাম আ সমীরনেয়ো তারা লঘে গীত গা ধরিলাক ।

সাতরঙ সাজুরি পরানানে পরান তোগায়

দুও মেলি মোন-মুরোয় সমারী সমার তোগায়

হোগিলর মিখ্যা সুরে
নাঙ্গ ফুলর হজমা তুমবাজে
পরান্যা পরানীরে সাবাক পথ দেঘায় ।

লাঙেল ভরন সদরক ফুলর তারমত
অবার হলগর পতপত্যা জুন' প'রত
ছাবা ছাবা তা মুওন দাগি জায়
পরানত পরানর পোচপানা বানি জায়
সাতরঙ সাজুরি পরানানে পরান তোগায় ।

বাবুরাম : ভালককন বজিলোঙ, জেবঙ্গে পারাপাঙ এভেল অ সমীর ?

সমীরন : আহি, বেললে অহুললি ।

সুমিতা : আঃ, বঝনা, জেবা আয় ।

ববিতা : ছুটি দিয়া জেব, একখান সরতে, হেললে বেললে ঝাদি-মাদি আঝিরে দ্যা পরিবোগোই
সোজা আমা ঘরত ।

সুমিতা : আ ন অহলে বেভের চোগপানির পুলিজচোই পিতদেনা ওয়্যারেন্ট জারি ।

ববিতা : এ লুগোনীর অহলে বানা সিয়েনি ।

বাবুরাম : এছে জেললোই । হেললে বেললে এভং । জিধুলোই একা হধায়ো আঘে ।

(বাবুরাম আ সমীরনে গেলাককোই । লুগেই লুগেই নেইহানা, আহুঙারা আ পেজাল্যা
সমেলাক্কি)

সুমিতা : দে বেই ম চুলান একা গমে বানি দে ।

(ববিতা সুমিতা চুলোন বানি দেব । পিঝেননিতথুন পেজাল্যে হিজিক একখান ধরি
জুজ জুজ গরি এঝে । ববিতা চুলোন ধরিনেই হাবিবার জুঙলোই । এমন সময় বিজিদি জেনেই
আঝার হেইনেই ববিতা চুলোন তানা যায় । ববিতা হিজেক হারি উখে ।)

ববিতা : ওমাও । ও ইভে হোন্নায়ো । ও মাধু ।

(হিজেক শ্বিনেই বাবুরাম আ সমীরনে ফিরি এলাককোই । তারারে দেনেই নেইহানা
আ আহুঙারা খেলাক । মাততর পেজাল্যা খেই জেবার চেলেয়ো খেই জেই ন পারিলো ।)

বাবুরাম : আ তুই হি গরর হি ? (এক খাবারা দিলো ।)

পেজাল্যা : ইয়েহাবিবাভেইইয়ে লোভাভেই....ইয়ে মুই নয়.....

সমীরন : হি তুই নয় হি ? (দিজনে মিলিনেই পিদি পিদি তারে পাখেই দিলাক । এবার ববিতারে
আর সুমিতারে দিজনে বারেই দিলাকোই ।

।। তিন খেলা, পথম পইদ্যা ।।

(বৈদ্যেয়ের ঘর ।)

বৈদ্যেয়ে : নেইহানা, আহুঙারা, পেজাল্যা, হোই হুধু গেলা ?

(নেইহানা হুরোল আহুদত, আহুঙারা চুরোনদরা আহুদত আ পেজাল্যা ইক্কো হালি

পিলে আহুদত গরি সমেলাককি ।)

বৈদ্যেয়ে ঃ ইনধি ঞন । (তিনজনরে দাগিনেই হানে হানে হি হল ।) বুঝিলা ? (ভেককুনে ইঁ পুরেলাক) পারিবাধ ?

ভেকুনে ঃ পারিবোঙ । (গেলাককোই)

বৈদ্যেয়ে ঃ ম নাঙ উন্দুচ্যা বৈদ্য । ন জানঙ পারা মন্তর নেই ন চিনোঙ পারা দারুণ্যো নেই । একবার ইককো উন্দুর বিগির মারিলে ভুদোর বাপপুনো দেজছাড়ি জেনেই শরনাথি ওহুই থেই পাননোই । (গেলগোই)

।। ২ য পইদ্যা ।।

রেত আনধার । মুওত মুখোশ পিনিনেই নেইহানা, আহুঙারা আ পেজাল্যা লুধিক ইককোদরে লোনেই হাহুপিদি বাচছেই আঘন । পেজাল্যা ফাক ফাক গরি মঝা মারের ।

পেজাল্যা ঃ উঃ । নাঙ-সেদাম লুগেয়ে মঝাঙন । মানুঝ অহুদা এককেনা চালান দিদুঙ ।

আহুঙারা ঃ চুপ, চুপ । বাবুরামে এবোর বারাপাঙ ।

নেইহানা ঃ হবাল পরারে এজচে ছাড়াছাড়ি অহুদ নয় । তাততেই মুই ন পাঙততে ববিতারে ।

পেজাল্যা ঃ অহুনি বাবুরামরে মারি পাললে ভিলে চেয়ারম্যান্নে আমারে চাঙরি দিবদে ? (অনন্ত বাবু লারে লারে সমেলগি)

আহুঙারা ঃ অলরগরি থেদা, উয়ো এচ্ছেদে বাবুরামে । (অনন্তবাবু হয় এজানার লগে লগে তিন জনে তা উঙুরে ঝাবেই পরিলাক । তিন হিথ্যাতথুন ঘিরিনেই লুধিগো মুগোরো উঙুরে লুধিগো মুগোর । অনন্তবাবু সরল গরি পরি গেলে নেইহানা, আহুঙারা আ পেজাল্যা তারে চিনিলাক ।)

পেজাল্যা ঃ ও হবাল পুরেন, ইভে জিধু দেয়ে ?

নেইহানা ঃ হি, হননা ?

পেজাল্যা ঃ আ, অনন্ত জিধু দে ।

আহুঙারা ঃ হবাল পুজছে আমার । ও আমি হারে মারদে হারে মারিলোঙ । এককেরে গম মানুজছো ।

নেইহানা ঃ চেয়ারম্যান্নে আ বৈদ্যেয়ে ঞনিলে আমারে ফাঙ বানেয়োন । হাজা হজরা হুরুরেই চাবেই হেভাককেয়ে ।

পেজাল্যা ঃ ভেইলক, তুমি হনে হি বুঝিলা হিজেনি । মুই অহুলে ন থেম আর এ আদামত । ভারি ধারাজ এল গমে বৈদ্যয়ালী শিগিনেই দেঝে-গাঙে নাঙ হামেম, গরীব গরীব জাত ভেয়োর উপকার গরিম । আর ন অহুল' আর ।

নেইহানা ঃ তে তুই হি বুঝোর আহুঙারা ভেই । মুয়োদে দরাঙভে । চেয়ারম্যান্নেলোই বৈদ্যেয়ে জেমন হবাল পরা, সেমেন বাবুরাম আ সমীরনেয়ো অদঙ হম নয় ।

আহুঙারা ঃ তে হুধু জেদঙ ।

নেইহানা ঃ জেবংঙে আয় জিননি চোঘে পর দেঘিই ।

আহুঙারা ঃ জেই জেই পেজাল্যা ।

পেজাল্যা ঃ না ভেই লক, তোমালঘে আর মুই বুঝেই ন এম । ইককু মর জুদো পধ ধরা পরিবো ।

নেইহানা ঃ জেই জেই জেই আমি । সে বেহুপপেলোই অহুদ' নয় । হাককে মানুঝ লুহুঙিলেগি

আমি বেহুজ্জেত পরিবোঙ ।

(নেইহানা আ আহুঙারা এক হিত্যাদি আ এক হিত্যাদি পেজাল্যা গেলগোই ।)

।। চের খেলা, পথম পইদ্যা ।।

মনাবাবে বাজার গরি বাজারতথুন ফিরের । ফিরদে একজন আদাম্যারে লাগত পেল ।

মনাবাব ঃ আ অহনি বৈদ্যেয়ে ভিলে অনন্তবাবুরে মানুজ বাবেই দিনেই মাচ্ছেদে ?

আদাম্যা ঃ আহি । উয়োদ, লগতালগ হাসপাতালত ভত্তি ।

মনাবাব ঃ হোত্তোমান হি ওহইয়ে হিবোনি অ ?

আদাম্যা ঃ এনেদ' সারিবো পারাপাঙ । মাগানা মাগানা গম মানুজচোরে । আ তে হি দুজ গরিলো ।

মনাবাব ঃ তে বৈদ্যেয়ে আ চেয়ারম্যান্নে ধক চিৎকুলজ্যা নেই ন এল নি, তে এল আমা সান্যা গরীব মানুবর সংসমার ।

আদাম্যা ঃ এ পাবর ফল তারা পেভাকদ' ।

।। দি পইদ্যা ।।

চেয়ারম্যান্নের ঘর । চেয়ারম্যান্নে উন্দুচ্যা বৈদ্যরে জোল গরের । এককানা দুরোত থিয়েই আঘে সোনারামে ।

চেয়ারম্যান ঃ হলে একখান, গরজ আ একখান । তরে হোননা হোয়ে অনন্তবাবুরে চালান দিবাঙেই । ন বারিবে, আগে ধরি হখে ওহুলন ।

বৈদ্যেয়ে ঃ ইয়ে.....চেয়ারম্যান নানুম নাঙান উন্দুর.....ইয়ে উন্দুচছ্যা.....

চেয়ারম্যান ঃ চুপ, বেয়াদপ । এমন সময় বাবুরাম, সমীরন, সজাগ, মনাবাব, পেজাল্যা আ হয়েকজন মানুজ লুধিক তুধিক লোনেই সোমেলাক্কি । তারারে দেনেই চেয়ারম্যান্নে সোনারাম' পিঝেদি লুগেলগোই । বৈদ্যেয়ে লুগেলগোই তারা পিঝেদি । বাবুরাম দাঘি সোমেনেই তারারে গবি গবি মারা ধললাক । হাককন মারানার পরে তিনজনরে একলখে বানিলাক । এমন সময় দারককে চেরজন পুলিজ লোনেই সোমেলগি ।

দারককে ঃ ওহয়ে ওহয়ে । এবার তারারে ম আহুদত তুলিদো । এয়েদ' বৈদ্যেয়েয়ো আঘে । বাবুরাম, গম ওহয়ে, ইগুনোরে বানি থোনেই তুমি ম হামান বাধি গরি দিলা । (জেবতথুন একখান হাগোচ নিহুগিলেই চেয়ারম্যান্নেরে দেখেনেই) চেয়ারম্যান নানু, তোমা তিনো জনরে মুই মানুঝ বাবেই দিনেই অনন্তবাবুরে খুন গরিভার চেষ্টা গরিভার দুঝে থেগুগর গরঙর । জেই থানাত জেই ।

সজাগ ঃ গম ওহইয়ে হবালপরা চেয়ারম্যান্নে । এবার পেলে উচিত ফল । চুরোর সাতদিন ভিলে গিরিতথোর একদিন ।

সমীরন ঃ হেজান পাজ মরনর উন্দুচ্যা বৈদ্যেয়ে ।

দারককে ঃ (লুদিককোই একবারি দিনেই) এহই আহুদ' ভেকুনে ।

বৈদ্যেয়ে ঃ (তে জেদ' ন চায়) ইয়ো দারুকে, ম নাঙান ইয়ে য়ে.....

দারুকে ঃ চুপ, সিধু গেলে তে মাদিছেই। (তারারে দারুকে খেলি খেলি নিলোগোই।)

।। তিন পইদ্যা ।।

অনন্তবাবুর ঘর। অনন্তবাবুর মাধাত ব্যাভেজ। ববিতা তারে বিজোন বিজি দেব।

চেরোপালা সুমিতা, বাবুরাম, সমীরন, সজাগ আ পেজাল্যা বোই আঘন।

সমীরন ঃ এককরে ইহুল ওহুইয়ে, জামি চেই চেই দোংগে দি জনরে দিভে।

বাবুরাম ঃ এবার তে জদি আদামান এককানা অলর অহয়।

অনন্তবাবু ঃ নয় পুতলক, এবতে অহুবদে আবল ভেজালান। ইয়েন তোমার জিঙিরি ওহুক সামালা পরিবো। যে কোন জন্তু-জানুয়াররবো পরান ছিনিবার ছলাত বেঘতথুন বেজ বলহিবি লরাচরা গরননে, সেয়াননে ইগুনো ইককিনে তোমারে মরন হামর দিবাক। তোমার এবার হমর দর' গরি লারেয়োত লামিবার সময় এছে পুতলক।

সজাগ ঃ

আগাচ গোঙেই বৈয়ার এব
আঘাত্যা ছুট্যা বৈয়ার,
ঘরত বানি জাঙাল্যা ফিবাক -
থাক' বেগে তৈয়ার।
জনম ভরি পিছাগেলং
এবার শিল-তারেঙত পিঠ
পিঝেদি আর যেবার নেয়
এবার মুজুঙ্যা হাদিচ।

।। থুম ।।

আহুওজে ইধোত ঃ মরদেবাকুল - মর চিৎকত্তা, নিরঞ্জন চাকমা।

(বিবুঙুলো-৮, ২০০৬)

['উন্দুচ্যা বৈদ্য' চিগোন নাটকো 'রেগা'র আরকানিত আ তপন ভৌমিকর কাবিদ্যাঙিত ফিল্ম গরিলে বেঘে আহুওজে গবি লোয়োন। সে পরে বেঘর ধারাজে এ 'উন্দুচ্যা বৈদ্য-২' নাটকো জরানি ওয়ে। সে পরে ইভেয়ো হিবু এহুত-জেপ গরিনেই ফিল্ম বানানি ওয়ে।]

CHAKMA STUDENTS

ADMITTED IN
DHARMANAGAR GOVT.
DEGREE COLLEGE FROM
THE YEAR 1999 TO 2010
1999

1. Chandan Kusum Chakma
2. Nirmal Chakma
3. Chanchala Chakma
4. Sanchita Chakma
5. Pankaj Chakma
6. Priti Talukder
7. Amiliya Chakma

2000

1. Ranjit Chakma (PLSH)
2. Satya Ranjan Chakma (HISH)
3. Sumangal Chakma (PLSH)
4. Laxmi Mani Chakma (PLSH)
5. Debal Chakma (HISH)
6. Pradip Chakma (BNGH)
7. Nilakanti Chakma (PLST)
8. Ripan Chakma (Pass)
9. Janapriya Chakma (PLSH)
10. Tanmoy Chakma (PLSH)
11. Arun Bikash Chakma (HISH)
12. Sadhan Mitra Chakma (PLST)
13. Subodh Chakma (HISH)
14. Manoj Chakma (HISH)
15. Hillol Talukder (HISH)
16. Dhima Chakma (HISH)
17. Sumita Chakma (PLSH)
18. Shantana Chakma (PLSH)
19. Kalo Bikash Chakma (PLST)
20. Tulu Chakma (B.Sc)
21. Ashish Chakma (B. Com)
22. Amrit Chakma (B.Sc)

2001

1. Mati lal Chakma (HISH)
2. Samar Kn. Chakma (PLSH)
3. Ajit Kn. Chakma (PLSH)
4. Pyarilal Chakma (B. Com)
5. Rajib Chakma (B.Com)
6. Uday Jyoti Chakma (HISH)
7. Pritam Chakma (HISH)
8. Rupan Chakma (HISH)
9. Igarin Chakma (HISH)
10. Kusum Kanti Chakma (BNGH)
11. Sanjib Chakma (PLSH)

2002

1. Pritimoy Chakma (PLSH)
2. Mangaldhan Chakma (HISH)
3. Kususing Chakma (PLSH)
4. Ramen Chakma (HISH)
5. Biswajit Chakma (PLSH)
6. Kusum Chakma (HISH)
7. Chinmoy Chakma (PLSH)
8. Debamitra Chakma (HISH)
9. Jabanika Chakma (PLSH)
10. Bijaya Chakma (HISH)
11. Suma Chakma (PLSH)
12. Manibala Chakma (HISH)
13. Jewel Chakma (BNGH)
14. Sumita Chakma (BNGH)
15. Ratanpati Chakma (Pass)
16. Babita Chakma (Zoology)

2003

1. Buddhiman Chakma (PLSH)
2. Mani Shankar Chakma (PLSH)
3. Sanjoy Chakma (PLSH)
4. Bijoya Chakma (PLSH)
5. Anamika Chakma (PLSH)
6. Rahul Kanti Chakma (HISH)
7. Hitlar Dewan (HISH)

- | | |
|----------------------------------|-------------------------------|
| 8. Animesh Chakma (HISH) | 3. Bharat Chakma (PLSH) |
| 9. Ramesh Chakma (HISH) | 4. Prantosh Chakma (PLSH) |
| 10. Umesh Kanti Chakma (HISH) | 5. Bimal Chakma (PLSH) |
| 11. Shanti Kumsr Chakma (HISH) | 6. Suman Chakma (B.Com,Hons) |
| 12. Prashanta Chakma (HISH) | 7. Bhairabananda Chakma(ENGH) |
| 13. Ajit Baran Chakma (HISH) | 8. Uma Chakma (Pass) |
| 14. Mrinmayee Chakma (BNGH) | 9. Suma Chakma (PLSH) |
| 15. Swapan Chakma (ENGH) | 10. Minati Chakma (Pass) |
| 16. Bachchan Chakma (B.Com,Hons) | 11. Dipannita Chakma (Pass) |
| 17. Daya Ranjan Chakma (B.Com) | 12. Tamasha Chakma (Pass) |

2004

- | | |
|-------------------------------|----------------------------|
| 1. Uday Kanti Chakma (HISH) | 15. Sagarika Chakma (PLSH) |
| 2. Tajim Dewan (HISH) | 16. Bijayeta Chakma (PLSH) |
| 3. Surajit Chakma (HISH) | 17. Pradip Chakma (Pass) |
| 4. Jiten Chakma (HISH) | 18. Binay Chakma (Pass) |
| 5. Kaberi Chakma (HISH) | |
| 6. Nirbaphi Chakma (HISH) | |
| 7. Portia Chakma(HISH) | |
| 8. Charansing Chakma(PLSH) | |
| 9. Willson Chakma (PLSH) | |
| 10. Sadhan Chakma (PLSH) | |
| 11. Udayan Chakma (PLSH) | |
| 12. Anupam Chakma (PLSH) | |
| 13. Anabika Chakma (PLSH) | |
| 14. Sadhan Mani Chakma (BNGH) | |
| 15. Abhijit Chakma (BNGH) | |
| 16. Anamika Chakma (BNGH) | |
| 17. Mridula Chakma (BNGH) | |
| 18. Ayesha Chakma(BNGH) | |
| 19. Tanushree Dewan(BNGH) | |
| 20. Jiban Chakma (ENGH) | |
| 21. Bimal Chakma (BOTANY) | |
| 22. Subhas Chakma(B.Sc) | |

2006

- | | |
|--|-------------------------------|
| | 1. Ananda Chakma (B.Sc) |
| | 2. Chandan Chakma (B.Com, H) |
| | 3. Rina Chakma (BOTH) |
| | 4. Tunika Chakma (B.Sc) |
| | 5. Tunika Chakma (BOTH) |
| | 6. Nirmala Chakma (B.Sc) |
| | 7. Juwel Chakma (BOTH) |
| | 8. Animesh Chakma (B.Sc) |
| | 9. Hitler Chakma (B.Com, H) |
| | 10. Jesmin Chakma (B.Com) |
| | 11. Priyangbada Chakma (PLSH) |
| | 12. Anusua Chakma (PLSH) |
| | 13. Manika Chakma (PLSH) |
| | 14. Anupam Chakma (PLSH) |
| | 15. Deepak Chakma (HISH) |
| | 16. Bahaki Chakma (HISH) |
| | 17. Babay Chakma (HISH) |
| | 18. Samir Chakma (HISH) |
| | 19. Samir Chakma (PHIH) |
| | 20. Samiran Chakma (EDCH) |

2005

- | |
|---------------------------|
| 1. Mahanta Chakma (Pass) |
| 2. Dhaniram Chakma (PLSH) |

21. Ishwar Chakma (EDCH)
22. Subrata Chakma (EDCH)
23. Tapan Chakma (EDCH)
24. Pintu Mani Chakma (PHIH)
25. Sunil Kn. Chakma (B.A.)
26. Milam Kn. Chakma (BNGH)
27. Biplab Jyoti Chakma (B.Sc.)

2007

1. Nila Chakma (BNGH)
2. Laxmi Chakma (BNGH)
3. Memory Chakma (BNGH)
4. Anukampa Chakma (BNGH)
5. Amir Chakma (BNGH)
6. Pulak Chakma (BNGH)
7. Biplab Chakma (BNGH)
8. Ratindra Chakma (BNGH)
9. Mrinal Talukder (ENGH)
10. Santosh Chakma (ENGH)
11. Rinki Chakma (EDCH)
12. Shantana Chakma (EDCH)
13. Lipika Chakma (EDCH)
14. Anita Chakma (EDCH)
15. Dharmashok Chakma (EDCH)
16. Jiban Chakma (EDCH)
17. Hema Chakma (PLSH)
18. Tazim Chakma (PLSH)
19. Bimal Chakma (PLSH)
20. Subash Chakma (PLSH)
21. Sujit Chakma (PLSH)
22. Jayanta Chakma (PLSH)
23. Adal Chakma (PLSH)
24. Sangita Chakma (PLSH)
25. Gouri Chakma (HISH)
26. Ranjita Chakma (HISH)
27. Pritam Chakma (HISH)
28. Deba Kumar Chakma (HISH)
29. Daniel Chakma (HISH)

30. Alak Bikash Chakma (HISH)
31. Ratin Chakma (HISH)
32. Namata Dewan (Pass)
33. Kapil Chakma (Pass)
34. Prameshwar Chakma (B.Com)
35. Amit Chakma (B.Com)

2008

1. Swagatam Chakma (ENGH)
2. Baisista Mani Chakma (ENGH)
3. Udayan Chakma (ENGH)
4. Padmini Chakma (ENGH)
5. Subhata Laxmi Chakma (ENGH)
6. Pujan Chakma (ENGH)
7. Gyana Ranjan Chakma (ENGH)
8. Kanak Baran Chakma (ENGH)
9. Subal Chakma (ENGH)
10. Mani Chakma (BNGH)
11. Rupashi Chakma (BNGH)
12. Nibedita Chakma (BNGH)
13. Bijoy Chakma (BNGH)
14. Arpita Chakma (BNGH)
15. Dhanita Chakma (BNGH)
16. Mrinal Chakma (BNGH)
17. Bimalendu Chakma (BNGH)
18. Krishna Chakma (BNGH)
19. Tamasha Chakma (BNGH)
20. Priya Ranjan Chakma (BNGH)
21. Satya Brata Chakma (BNGH)
22. Ranjit Chakma (BNGH)
23. Dhanurdhar Chakma (HISH)
24. Prabin Chakma (HISH)
25. Dayamoy Chakma (HISH)
26. Rupam Chakma (HISH)
27. Kajal Chakma (HISH)
28. Kushal Kanti Chakma (HISH)
29. Dibakar Chakma (HISH)
30. Mithun Chakma (HISH)

31. Sujata Chakma (PLSH)	2009
32. Kanika Chakma (PLSH)	1. Sumit Chakma (BOTH)
33. Bashanti Chakma (PLSH)	2. John Chakma (BOTH)
34. Sanjita Chakma (PLSH)	3. Kakila Chakma (BOTH)
35. Gupa Chakma (PLSH)	4. Ajit Baran Chakma (BOTH)
36. Juthika Chakma (PLSH)	5. Kulandra Chakma (ZOOH)
37. Puspa Rani Chakma (PLSH)	6. Amarendra Chakma (PHSLH)
38. Suman Chakma (PLSH)	7. Santu Chakma (B.Com,Hon's)
39. Tuhin Chakma (PLSH)	8. Nirupam Chakma (B.A)
40. Amitabha Chakma (PLSH)	9. Nirmal Kanti Chakma ()
41. Sanat Chakma (PLSH)	10.Surna Chakma (ACTH)
42. Arun Chakma (PLSH)	11. Ealoni Chakma (ACTH)
43. Shuban Chakma (PLSH)	12. Prakash Chakma (ACTH)
44. Amitendu Chakma (PLSH)	13. Simpson Chakma (ACTH)
45. Mintu Chakma (PLSH)	14. Tushi Chakma (SANSH)
46. Kala Chakma (PLSH)	15. Betab Chakma (ENGH)
47. Shubam Lal Chakma (PLSH)	16. Bakul Chakma (ENGH)
48. Jeri Chakma (EDCH)	17. Bharati Chakma (ENGH)
49. Alisha Chakma (EDCH)	18. Prasenjit Chakma (ENGH)
50. Udayan Chakma (EDCH)	19. Tanuj Kumar Chakma (ENGH)
51. Goutam Chakma (EDCH)	20. Rita Chakma (BNGH)
52. Tamal Chakma (EDCH)	21. Chittra Chakma (BNGH)
53. Bikramjit Chakma (EDCH)	22. Jadu Chakma (BNGH)
54. Priyadarshi Chakma (EDCH)	23. Hasina Chakma (BNGH)
55. Kallol Chakma (EDCH)	24. Purna Tara Chakma (BNGH)
56. Pranab Chakma (EDCH)	25. Reshmi Chakma (BNGH)
57. Anita Chakma (EDCH)	26. Jhulan Bikash Chakma (BNGH)
58. Ratna Chakma (EDCH)	27. Maya Devi Chakma (HISH)
59. Manika Chakma (EDCH)	28. Sujit Chakma (HISH)
60. Anurupa Chakma (EDCH)	29. Dipannita Chakma (HISH)
61. Supriya Chakma (EDCH)	30. Tanim Chakma (PHILH)
62. Koushik Chakma (B.Com,H)	31. Madhumay Chakma (PHILH)
63. Samiran Chakma (B.Com, H)	32. Amit Chakma (PHILH)
64. Hemaprabha Chakma (B.Com, H)	33. Rintu Chakma (PHILH)
65. Manju Chakma (B.Com, H)	34. Hilarity Chakma (PHILH)
66. Suma Dewan (B.Com, H)	35. Pinki Chakma (PHILH)
67.Sandip Chakma (B.Com)	36. Uttam Chakma (PLSH)
68. Shashanka Chakma (B.Com)	37.Manidipa Chakma (PLSH)

38. Kuwel Chakma (PLSH)	3.Sanchita Chakma (HISH)
39. Shathi Chakma (PLSH)	4.Suparna Khisa(Pass)
40. Champa Chakma (PLSH)	5.Emili Chakma (Pass)
41. Joysumati Chakma (PLSH)	
42. Sanjita Chakma (EDCH)	1998
43. Mayadhan Chakma (EDCH)	1.Sadhan Chakma
44.Victor Chakma (EDCH)	
45.Dharani Ranjan Chakma (EDCH)	2000
46.Niral Chakma (EDCH)	1. Chandan Kusum Chakma
47.Sebika Chakma (EDCH)	2. Nirmal Chakma
	3.Chanchala Chakma
DEGREE COMPLETED FROM	4. Sanjita Chakma
DHARMANAGAR G. D.	5 Pankaj Chakma
COLLEGE FROM THE YEAR	6.Priti Kishor Talulder
1993 TO 2010	7. Amelia Chakma
1993	2001
1 Shanti Bikash Chakma (Pass)	1. Utpal Chakma (HISH)
2.Laxmi Dhan Chakma (Pass)	2. Gaja Kumar Chakma (PLSH)
1994	3. Chandra Kishore Chakma (PLSH)
1.Barun Chakma (Pass)	4. Jadu Mani Chakma (PLSH)
2.Maha Ranjan Chakma (Pass)	
3.Bharat Bhushan Chakma (HISH)	2002
	1.Mangal Chakma (HISH)
1995	2. Jnananta Chakma (HISH)
1.Nutan Kumar Chakma (PLSH)	3. Sukra Kumar Chakma (PLSH)
2.Pallab Chakma (Pass)	
3.Kamalendu Chakma Pass)	2003
4.Amalendu Dewan (B. Com)	1. Arun Bikash Chakma (HISH)
	2. Kalo Bikash Chakma (PLSH)
1996	3. Tanmoy Chakma (PLSH)
1.Mukul Dewan (Pass)	4. Dhima Chakma (HISH)
2.Parnib Chakma (PLSH)	5. Nila Kanti Chakma (PLSH)
	6. Debal Chakma (HISH)
1997	7. Aninda Chakma (HISH)
1.Shandhya Rani Chakma (PLSH)	8. Manoj Chakma (HISH)
2.Chanchala Chakma (PLSH)	9. Asish Chakma (B.Com)

2004

1. Samar Kanti Chakma (PLSH)
2. Ajit Kanti Chakma (PLSH)
3. Kusum Kanti Chakma (BNGH)
4. Matilal Chakma (HISH)
5. Nibedita Chakma (PLSH)
6. Shantana Chakma (PLSH)
7. Subodh Chakma (HISH)
8. Satya Ranjan Chakma (HISH)
9. Rupan Chakma (Pass)

2005

1. Kususing Chakma (PLSH)
2. Pritimoy Chakma (PLSH)
3. Chinmoy Chakma (Pass)
4. Sadhan Mitra Chakma (PLSH)
5. Jabanika Chakma (PLSH)
6. Sumita Chakma (PLSH)
7. Kusum Chakma (HISH)
8. Mangaldhan Chakma (Pass)
9. Udai Jyoti Chakma (HISH)
10. Pritam Chakma (HISH)
11. Manibala Chakma (HISH)
12. Pradip Chakma (BNGH)
13. Jewel Chakma (BNGH)
14. Bijoya Chakma (Pass)
15. Rajib Chakma (B.Com,Pass)

2007

1. Hitlar Dewan (HISH)
2. Rahul Kanti Chakma (HISH)
3. Ajit Baran Chakma (HISH)
4. Animesh Chakma (Pass)
5. Shanti Kumar Chakma (Pass)
6. Anamika Chakma (Pass)
7. Deba Mitra Chakma (HISH)
8. Mani Shankar Chakma (PLSH)
9. Buddhiman Chakma (PLSH)
10. Sanjoy Chakma (PLSH)
11. Bachchan Chakma (ACNTH)

2008

1. Ramesh Chakma (HISH)
2. Umesh Chakma (Pass)
3. Tajim Dewan (HISH)
4. Sadhan Kumar Chakma (PLSH)
5. Willson Chakma (Pass)
6. Charan Sing Chakma (Pass)
7. Mrinmayee Chakma (BNGH)
8. Anabika Chakma (PLSH)
9. Suma Chakma (PLSH)
10. Udayan Chakma (PLSH)
11. Jiban Chakma (Pass)
12. Jiten Chakma (HISH)
13. Ayesha Chakma (Pass)
14. Babita Chakma (BOTH)
15. Abhijit Chakma (Pass)

2009

1. Subhash Chakma (B.Sc.)
2. Ananda Chakma (B.Sc.)
3. Samiran Chakma (EDCH)
4. Tapan Chakma (Pass)
5. Baboy Chakma (PLSH)
6. Anupam Chakma (PLSH)
7. Anusuya Chakma (PLSH)
8. Priyambada Chakma (Pass)
9. Manika Chakma (PLSH)
10. Sagarika Chakma (Pass)
11. Pradip Chakma (Pass)

2010

1. Nirmala Chakma (B.Sc.)
2. Tuni Chakma (B.Sc.)
3. Animesh Chakma (B.Sc.)
4. Hitlar Chakma (ACNTH)
5. Chandan Chakma (B.Com)
6. Jesmine Chakma (B.Com)
7. Bohaki Chakma (HISH)
8. Amir Chakma (BNGH)
9. Pulak Chakma (BNGH)
10. Dharmashok Chakma (EDCH)
11. Jiban Chakma (EDCH)
12. Subrata Chakma (EDCH)
13. Shantana Chakma (Pass)

CHAKMA STUDENTS STUDY-
ING IN THE DHARMANAGAR
GOVT. DEGREE COLEEGE
2010-11

First year

1. Kusum Kanti Chakma (EDCH)
2. Sumanta Chakma (EDCH)
3. Nirmal Chakma (EDCH)
4. Uddipan Chakma (EDCH)
5. Tapan Chakma (EDCH)
6. Dipantar Chakma (EDCH)
7. Amit Chakma (EDCH)
8. Prishathi Chakma (EDCH)
9. Achena Chakma (EDCH)
10. Bhupati Ranjan Chakma (ENGH)
11. Swagatam Chakma (ENGH)
12. Juwel Chakma (ENGH)
13. Gyaneshwer Dewan (ENGH)
14. Rimi Chakma (ENGH)
15. Purnima Chakma (PHILSH)
16. Porsia Chakma (PHILSH)
17. Dismish Chakma (BNGH)
18. Ananda Kumar Chakma (BNGH)
19. Sambaran Chakma (BNGH)
20. Sulakhmi Chakma (BNGH)
21. Juni Chakma (BNGH)
22. Sabinoy Chakma (PLSH)
23. Pandab Chakma (PLSH)
24. Pratima Chakma (PLSH)
25. Tushi Chakma (PLSH)
26. Tapati Chakma (PLSH)
27. Rabina Chakma (PLSH)
28. Aruna Chakma (PLSH)
29. Prabhakar Chakma (HISH)
30. Krishna Lal Chakma (HISH)
31. Sunanda Chakma (HISH)
32. Hitana Chakma (HISH)

33. Rupayan Chakma (HISH)
34. Nijhum Chakma (ACNTH)
35. Nayan Mani Chakma (ACNTH)
36. Binoydeep Chakma (ACNTH)
37. Shanti Kamal Chakma (ACNTH)
38. Baby Chakma (ACNTH)
39. Amit Chakma (B.A.)
40. Kajal Chakma (B.A.)
41. Jeri Chakma (B.A.)

2nd Year

1. Bharati Chakma (ENGH)
2. Chitra Chakma (BNGH)
3. Rupashi Chakma (BNGH)
4. Anukampa Chakma (BNGH)
5. Kallol Chakma (EDCH)
6. Victor Chakma (EDCH)
7. Mayadhan Chakma (EDCH)
8. Anurupa Chakma (EDCH)
9. Manika Chakma (EDCH)
10. Supriya Chakma (EDCH)
11. Alisha Chakma (EDCH)
12. Anita Chakma (EDCH)
13. Kuwel Chakma (PLSH)
14. Sanjita Chakma (PLSH)
15. Adal Chakma (PLSH)
16. Bimal Chakma (PLSH)
17. Ranjita Chakma (HISH)
18. Pritam Chakma (PLSH)
19. Rathin Chakma (PLSH)
20. Pinki Chakma (PHILSH)
21. Madhumoy Chakma (PHILSH)
22. Tushi Chakma (SANH)
23. Manju Chakma (B.Com)
24. Surna Chakma (B.Com)
25. Nirupam Chakma (B.Com)
26. Prakash Chakma (B.Com)
27. Amarendra Chakma (B.Sc)

- 28.Kokila Chakma (B.Sc)
 - 29.Rita Chakma (B.A.)
 - 30.Hasina Chakma (B.A.)
 - 31.Reshmi Chakma (B.A.)
 - 32.Purnatara Chakma (B.A.)
 - 33.Bijoy Chakma (B.A.)
 - 34.Nibedita Chakma (B.A.)
 - 35.Tamasha Chakma (B.A.)
 - 36.Dhanurdhar Chakma (B.A.)
 - 37.Kanika Chakma (B.A.)
 - 38.Arun Bikash Chakma (B.A.)
 - 39.Hilarity Chakma (B.A.)
 - 40.Dipannita Chakma (B.A.)
 - 41.Uttam Chakma (B.A.)
 - 42.Manidipa Chakma (B.A.)
 - 43.Anita Chakma (B.A.)
 - 44.Sebika Chakma (B.A.)
 - 45.Dharani Rn.Chakma (B.A.)
 - 46.Nirai Chakma (B.A.)
 - 47.Shati Chakma (B.A.)
 - 48.Sanjita Chakma (B.A.)
 - 49.Rinki Chakma (HISH)
 50. Daniel Chakma (HISH)
 - 51.Datta Chakma (HISH)
 52. Mrinal Kn. Chakma (ENGH)
10. Ratna Chakma (EDCH)
 11. Hema Chakma (PLSH)
 12. Bikram Chakma (EDCH)
 13. Kapil Chakma (B.A.)
 - 14.Memory Chakma (B.A.)
 15. Subham Chakma (B.A.)
 16. Mani Chakma (B.A.)
 17. Sanjita Chakma (B.A.)
 18. Dibakar Chakma (B.A.)
 19. Gayana Rn. Chakma (B.A.)
 20. Dhanita Chakma (B.A.)

3rd Year

1. Biplab jyoti Chakma (B.Sc.)
2. Sumit Chakma (B.Sc.)
3. Soma Dewan (ACTNH)
4. Sandip Chakma (B.Com)
5. Hemaprabha Chakma (B.Com)
6. Samiran Chakma (B.Com)
7. Laxmirani Chakma (BNGH)
8. Lipika Chakma (EDCH)
9. Paddhini Chakma (ENGH)

CHAKMA EMPLOYEES SERVING IN VARIOUS
DEPARTMENTS IN DHARMANAGAR

1. Trishita Dewan	Asst. Professor
2. Kali Charan Chakma	Headmaster
3. Dr.Rupak Chakma	MO
4. Er. Punyadhan Chakma	Asstt. Engineer, PWD
5. Subha Rekha Chakma	C D P O
6. Jiban Chakma	LDC, Court
7. Er. Ratan Chakma	Executive Engeneer, DWS
8. Sunil Chakma	Development Officer, LIC
9. Udayan Chakma	Head Clerk, Court
10. Rama Chakma	Postal Asst.
11. Er.Siddhartha Chakma	Junior Engineer, Agriculture
12. Rasamoy Chakma	Forest
13. Hiralal Chakma	IOC
14. Debal Chakma	PGT
15. Matilal Chakma	PGT
16. Bishal Chakma	GT
17. Hemachandra Chakma	PGT
18. Subha Padma Chakma	PGT
19. Arun Bikash Chakma	GT
20. Ashapura Chakma	GT
21. Kusum Chakma	PGT
22. Anju Chakma	PGT
23. Cham Cham Dewan	PGT
24. Buddhiman Chakma	PGT
25. Sudurika Chakma	PGT
26. Bana Debi Chakma	GT
27. Gopal Chakma	UDC, I.T.I
28. Santosh Chakma	Thashildar
29. Prabin Chakma	Thashildar
30. Parimal Chakma	Lab. Assistant, DNV
31. Indrajit Chakma	P.I.
32. Srijani Chakma	Nurse
33. Tarun Kumar Chakma	Water Supply
34. Nishana Dewan	Nurse, Health
35. Manoj Kanti Chakma	LDC, S.D.M Office
36. Joydatta Chakma	LDC, Court
37. Ashim Chakma	LDC, SDM Office
38. Ashok Chakma	Rubber Board

39. Amitabh Chakma	Inspector of Taxes
40. Dr. Mantu Chakma	MO
41. Amit Chakma	Health
42. Oli Chakma	Transports
43. Sanjit Chakma	Fire Service
44. Pradip Chakma	Warden, Jail
45. Soumitra Chakma	STO, Dharmanagar
46. Shishu Baran Chakma	LIC



পেচারতল ব্লকে ৭৮৪৮ টি পরিবারের (জব কার্ড) ৫৭৬১৬৬ শ্রম দিবসের কাজ দেওয়া হয়েছে। এতে মোট কাজ হয়েছে ৪৪৯ টি।

ক) নতুন পাকা রাস্তা নির্মাণ করা হয়েছে	-	৭৮ টি
খ) ব্রিক সলিং রাস্তা নির্মাণ করা হয়েছে	-	১৯ টি
গ) পুকুর/জলাশয়/সেক ড্যাম নির্মাণ করা হয়েছে-	-	৪৫ টি
ঘ) বিভিন্ন ধরনের ফলের বাগান (আনারস/কলা)-	-	৪০ হেক্টর
ঙ) রাবার বাগান	-	৬০ হেক্টর
চ) বক্স কালভার্ট নির্মাণের কাজ চলছে	-	৩ টি
ছ) স্ল্যাব কালভার্ট নির্মাণের কাজ চলছে	-	১ টি
জ) স্টীল ফুট ব্রীজ নির্মাণের কাজ চলছে	-	২ টি

এতে খরচ হয়েছে মোট ১০ কোটি ৪৭ লক্ষ ২৩ হাজার টাকা। আমাদের লক্ষ্য গ্রামীণ মানুষের শ্রম দিবসের কাজের মাধ্যমে স্থায়ী সম্পদ সৃষ্টি করা। অর্থনৈতিকভাবে স্বনির্ভর করে গড়ে তোলা।

সৌজন্যে

পেচারতল আর. ডি. ব্লক

পেচারতল, উত্তর ত্রিপুরা।